


M. JUNIANI JUSTINI
HISTORIARUM

EX

TROGO POMPEIO.

Libri 44.

MSS. Cod. collatione recogniti,
& secundo Editi.



E THEATRO SHELDONIANO.
M. DC. LXXXIV.



CANDIDO LECTORI
P R Æ F A T I O.

ILLA diu in sententia fui, scriptores veteres, si quid a temporis hominumve injuria passi fuerint, non pro re nata conjecturis, aut dictatoria licentia, sed fori lege, & consignatis tabulis in integrum restituendos; nec aliter illorum jura, quam suis ipsorum arbitriis honeste decidi posse. Cum itaque de iisdem ad MSS. fid. m. exigendis consilia inter amicos miscerem: & experimento aliquo opus esse animadverterem, quo constaret operam in exemplarium collatione positam, in irritum minime cessuram: statui Authorem aliquem deligere, qui in omnium manibus versaretur, idemque sæpissime editus, & plurimorum curis recognitus fuisset. Quibus nominibus, nemo Justino magis opportunus mihi videbatur; in quo recensendo, tota fere criticorum natio; quique unus plurimorum ad instar fuerit, Eruditissimus Vossius, diligentissime se exercuere: id pro certo colligens, si post vindemiam adeo acriter habitam, racemationi etiamnum sit locus; intactæ, leuiterve delibatæ messis, lautiora multo fore præmia. Accincto igitur op. ri ex Bibliothecis Bodleiana, Westmonasteriensi, Collegii Novi, & Corporis Christi, Codicum MSS. copia mihi facta est; quibus mantissæ loco accesserant variantes lectiones, ex Cantabrigiensi MS. ab Eruditissimo viro, D^r Tho. Gale humaniter communicatæ. Quis indaginis nostræ succes-

P R Æ F A T I O

successus fuerit, penes lectorem iudicium esto. Certe
 Editorum qui præire, conjecturas sæpe exinde con-
 firmatas, errores aliquando detectos, quin & Au-
 thoris ipsius salebras, & deplorata teſqua non raro
 expedita habere viſus ſum; quæ omnia legentium
 oculis candide ſubjicio. Si qua ratione id aſſecu-
 tus fuerim, ut caſtior prodeat author noſter, id
 mihi totum in lucro reponendum; quippe in
 ſcopum longe alium, & ad rem literariam, niſi me
 fallit conjectura, magis utilem collineareram. In-
 terim boni conſulant ſtudioſi lectores; nec vitio ver-
 tant, quod utramque paginae faciem, commentariis
 onuſtam minime viderint: neque enim ingentia
 Grammaticorum adverſaria, ſed modicam Fuſtini
 Epitomen typis demandare meditabar; id potiſſi-
 mum ſpectans, ut de genuina Authoris lectione ver-
 bis quam pauciſſimis conſtaret: dein ut pari brevitae
 reſ geſtas ſtriſſim hic enarratas (citatis ubique
 ſcriptoribus, tam Græcis quam Latinis, qui illas fu-
 ſius pertractarunt) ſacili pariter & ſideli commen-
 tario illuſtratas exhiberem. Porro id liceat ſubjicere,
 ſi modo conatus noſtros in hac arena Philologica ſu-
 pervacuos non fuiſſe conſtiterit; ad alia, quatenus per
 otium licet, exequenda addetur animus. Rectiora iſtiſi
 ſi quis ſuggerat; diligenter ſurſum, ut moneri nec
 pretium operæ, nec indicii gratiæ periſſe videantur.

Sciat porro Lector, in hac ſecunda editione, tem-
 porum intervalla ad marginem notata; ab æri
 Chriſtiana (quæ merito apud nos celebratiſſima ha-
 betur) numerari; & ad Uſſerianos calculos plerum-
 que conſtitui: Porro prologos Trogi Pompeii hi
 eſſe additos, qui in priore Editione deſiderabantur.

PROLOGI
HISTORIARUM
Philippicarum Pompeii Trogi.

PROLOGUS LIB. I.

PRimo volumine continentur hæc. Imperium Assyriorum a Nino rege, usque ad Sardanapalum. Post quem translatum est per Arbacem ad Medos, usque ad ultimum regem Astyagen. Is a nepote suo Cyro pulsus regno: & Persæ regno potiti. Ut Cræso Lydiæ regi bellum intulit Cyrus, victumque cepit. Hic in excessu dicti Æolicarum & Ionicarum urbium situs; originesque Lydorum, & in Italia Tulcorum. Post Cyrum, filius Cambyzes Ægyptum domuit. Repetitæ Ægypti origines urbium. Extincto Cambyse, Darius occisis Magis regnum Persicum accepit; captaque Babylone, bella Scythica molitus est.

PROLOGUS LIB. II.

Secundo volumine continentur hæc: Scythiæ & Ponti situs; originesque Scythiæ, usque ad bellum quo est inde pulsus Darius: qui post hanc fugam Græciæ bellum intulit, per Datin & Tisafernem; quod soli Athenienses tenuere. Hic origines Athenarum repetitæ, & reges usque ad Pisistrati tyrannidem qua extincta Marathone vice Persas. Ut mortuo Dario filius ejus Xerxes bellum Græciæ intulit: ac repetitæ origines Thessaliæ: expulsoque Græcia Xerxe, bellum ab Atheniensibus translatum in Asiam, usque ad Xerxis interitum.

PROLOGUS LIB. III.

Tertio volumine continentur hæc. Ut mortuo Xerxe filius Artaxerxes, pulso interfecto-

re patris Artabano, bellum cum defectore Ægypti habuit: primoque dux ejus Achæmenes victus est; iterum per Megabazum Ægypto recepta. Ut Græcis cum rege pacificatis, bella inter ipsos orta sunt. Inde repetitæ Peloponnesium origines: ut ab Herculis posteris Dorico populo sit occupata. Deinde bella Argolica & Messeniaca: coalitique Sicyoniæ & Corinthi tyranni Bellum Crisseum: & quod Athenienses primo cum Bœotis, dein cum Peloponnesiis gesserunt.

PROLOGUS LIB. IV.

Quarto volumine continentur res Siculæ ab ultima origine, usque ad deletam Syracusis Atheniensium classem.

PROLOGUS LIB. V.

Quinto volumine continentur hæc. Bellum inter Athenienses & Lacedæmonios, quod Deceleicum vocatur, usque ad captas Athenas. Ut expulsi sunt Athenis triginta tyranni. Bellum quod Lacedæmonii in Asia cum Artaxerxe gesserunt, propter Cyrum initum. Hinc repetitum in excessu Cyri cum fratre bellum; & Græcorum qui sub eo militaverunt.

PROLOGUS LIB. VI.

Sexto volumine continentur hæc. Bellum Lacedæmoniorum gestum in Asia cum Persicis præfectis, ducibus belli Hercyllide & Agefilao, usque ad prælium navale factum Cnido: quo victis illis, Athenienses repetiere imperium. Dein bellum Corinthiacum, & bellum Bœotium, quo Leuctris & Mantinææ victi Spartani, amisere imperium. In Thessalia deinde Jasonis & post illum Alexandri Epirei coalitum atque extinctum imperium. Tum sociale bellum gestum adversus Athenienses Achæis, & Rhodiis, &

1. Bong. 3. Bern. 4. Bong. 5. Bong. 6. Bong.

Byzan.

Byzantiis. Transitus hinc ad res Macedonicas.

PROLOGUS LIB. VII.

SEPTIMO volumine continentur origines Macedonicæ, regesque a conditore gentis Carano, usque ad magnum Philippum: ipsius Philippi res gestæ usque ad captam urbem Mothonem. Additæ in excessu Illyriorum & Pæonum origines.

PROLOGUS LIB. VIII.

OCTAVO volumine continentur res gestæ Philippi magni, post captam urbem Mothonem a principio belli Phocensis, quod sacrum vocant, usque ad finem ejus: interjectumque huic bellum quod Philippus cum Chalcidicis urbibus gessit, quarum clarissimam delevit Olynthon. Ut Illyrici reges ab eo victi sunt; & Thracia atque Thessalia ab eo subacta: & re Epiro datus Alexander ejecto Aryba: & frustra Perinthus oppugnata.

PROLOGUS LIB. IX.

NONO volumine continentur hæc. Ut Philippus a Perincho summotus. Bizanti origines, a cujus obsidione summotus. Philippus, Scythiæ bellum intulit. Repetitæ inde Scythicæ res, ab his temporibus, in quibus illa prius finierant, usque ad Philippi bellum, quod cum Athea, Scythiæ rege, gessit. Unde reversus, Græciæ bellum intulit: victusque Cheroneæ, cum bella Persica moliretur, præmissa classe cum ducibus, a Pausania occupatis angustiis, die nuptiarum filiæ occisus est, priusquam bella Persica inchoaret. Repetitæ res inde Persicæ a Dario notho, cui successit filius Artaxerxes cognomine Mnemon: qui post fratrem C rum victum, pulsaque Gnida per Conona classe Lacedæmoniorum, bellum cum Evago-

ra rege Cyprio gessit : originelque Cypri repetitæ.

PROLOGUS LIB. X.

Decimo volumine continentur Persicæ res, ut Artaxerxes Mnemon pacificatus cum Evagora rege Cyprio, bellum Ægyptium in urbe Ace compararit : ipse in Cadusiis victor : " defectores in Asia purpuratos suos persequutus, primum " Datamen præfectum " Paphlagonum : eorum origo repetita : Dein præfectum Helle-sponti Ariobarzanem : deinde in Syria præfectum Armeniæ Orontem, in omnibusque victus decesserit, filio successore Ocho. Is deinde occisis optimatibus " Sidona cepit : Ægypto bellum ter intulit. Ut post mortem Ochi regnarit Arsen. " Dein Darius, qui cum Alexandro Macedonum rege bello confligit.

PROLOGUS LIB. XI.

Undecimo volumine continentur res gestæ Alexandri Magni, usque ad interitum regis Persarum Darii. Dictæque in excessu origines & reges Cariz.

PROLOGUS LIB. XII.

Dodecimo volumine continentur Alexandri Magni bella Bactriana & Indica, usque ad interitum ejus. Dictæque in excessu res a præfecto ejus Antipatro in Græcia gestæ, & ab Archidamo rege Lacedæmoniorum, Molossoque Alexandro in Italia, quorum ibi est uterque cum exercitu deletus. Additæ his origines Italicæ Apulorum, Samnitum, [Lucanorum] Sabinorum ; & ut Zopyrion in Ponto cum exercitu periit.

PROLOGUS LIB. XIII.

Tertiodecimo volumine continentur hæc. Ut mortuo Alexandro, optimates castorum ejus, provinciarum imperia sint partiti : ut vete-

rani qui ab eodem lecti erant in colonias, moliti, relictis illis in Græciam redire, a Pithone sint delati. Bellum Lamiacum, quod Antipater in Græcia gessit. Bellum quo Perdicas regem Ariaratem occidit, & occisus est. Bellum quo Eumenes Neoptolemum & Craterum occidit. Additæ in excessu origines regesque Cyrenarum.

PROLOGUS LIB. XIV.

Quartodecimo volumine continentur hæc: Bellum inter Antigonum & Eumenem gestum: Quem ut Cappadocia expulit Antigonus, sic Phrygia¹ minore² Aridæum. Ut Clitus victus in Hellesponto navali bello. Repetitur rursus bellum ab Eumene per Argyraspidas, quo victus ab Antigono, interiit. Ut in Macedonia Cassander victo³ Polyperchonte, receptaque a defectore Munychia matrem Alexandri Olympiada Pydnæ obsessam interfecit.

PROLOGUS LIB. XV.

Quindécimo volumine continentur hæc: Ut Demetrius Antiochi filius Gazæ victus est a Ptolemæo. Ut Cassander in Macedonia filium Alexandri regis interfecit: ac alterum Polyperchontes. Ut Ptolemæum vicit classe Demetrius: idemque ab obsidione Rhodi summotus est. Repetita in excessu origo Rhodiorum: unde digressus Demetrius liberavit a Cassandro Græciam. Dein pater ejus Antigonus bellum cum Lyfimacho & Seleuco habuit. Repetitæ Seleuci res, & regis Indiæ Sandrogetti. Ut victus bello Antigonus interiit; reliquæque imperii sunt a filio collectæ. Cleonymi deinde Spartani res gestæ Orcyræ & Illyrico, & in Italia: cui ablata Corcyra, rex Cassander interiit.

PROLOGUS LIB. XVI.

SExtodecimo volumine continentur hæc. Ut mortuo Cassandro, ortisque inter filios ejus certaminibus, Demetrius adjutor alteri adhibitus, occiso eo, Macedonia regnum tenuit: quo mox evictus a Pyrrho Epiri rege, translatis in Asiam bellis; captus a Seleuco decessit. Ptolemæus nuncupato successore filio Philadelpho decessit. Ut Lysimachus in Ponto captus ac missus ab Dromichæte, rursus in Asia civitates quæ sub Demetrio fuerant, & in Ponto Heracleam occupavit. Repetitæ inde Bithyniæ Heracleoticæ origines, tyrannique Heracleæ Clearchus & Satyrus & Dionysius, quorum filiis interfectis Lysimachus occupavit urbem.

PROLOGUS LIB. XVII.

SEptimodecimo volumine continentur hæc. Ut Lysimachus occiso filio Agathocle, per novercam Arsinoen; bellum cum rege Seleuco habuit, quo victus interiit: ultimumque certamen commilitonum Alexandri fuit. Seleucus amissis in Cappadocia cum Diodoro copiis, interfectus est ab Ptolemæo fratre Arsinoes uxoris Lysimachi; in cujus vicem Ptolemæus cognomine Ceraunus, creatus ab exercitu rex, Macedoniam occupavit: Bella cum Antiocho & Pyrrho composuit, datis Pyrrho auxiliis, quibus iret contra Romanos, defensum Tarentum. Inde repetitæ origines regum Epiroticorum, usque ad Pyrrhum: ipsiusque Pyrrhi res gestæ, priusquam in Italiam trajecit.

PROLOGUS LIB. XVIII.

Octodecimo volumine continentur res a Pyrrho Epirota in Italia gestæ contra Romanos: Postque id bellum, transitus ejus in Sicili-

PROLOGI.

7

am adversus Carthaginienſes. Inde origines Phœnicum, & Sidonis, & Velix; 10 Carthaginiensiumque res gestæ in excessu dictæ.

PROLOGUS LIB. XIX.

UNde vicesimo volumine continentur res Carthaginensium in Africam per 11 Asdrubalem, Amulcarem, & Annonem gestæ: & in Siciliam, cum Selinum 12 & Agrigentum, & Camerinam & Gelam ceperunt: quo bello Dionysius Syracusanus, Siciliæ regnum occupavit. Bellum quod cum eo Pœni per Himilconem gesserunt; 13 quoad obsidione Syracusarum exercitum & classem amisit.

PROLOGUS LIB. XX.

Vicesimo volumine continentur res gestæ Dionysii Siculi patris. Ut pulsus Pœnis Italica bella sit molitus. Inde repetitæ origines Venetorum, & Græcorum, & Gallorum, qui Italiam incolunt. Deductisque Dionysii rebus ad interitum ejus, dictæ quas Anno magnus in Africa gessit.

PROLOGUS LIB. XXI.

UNo & vicesimo volumine continentur hæc. Ut in Sicilia Dionysius filius patre amisso tractarit imperium: Per 14 Dionem ejectus bellum cum Siculis gessit: donec amissis liberis & fratre ibat Corinthum. Ut a Timoleonte Carthaginensium bello sit liberata Sicilia: mortuoque 15 Pisarcho iterum facta seditione arcessiti 16 ad bellum Carthaginenses obsederunt Syracusas: quo bello Agathocles nactus imperium est.

PROLOGUS LIB. XXII.

Secundo & vicesimo volumine continentur hæc. Res gestæ Agathoclis: ut a Pœnis nactus imperium, bellum cum ipsis gessit, primum

10. Bong. 11. Bong. on MS. Pichet, 12. Bong. 13. MSS. Medii. 14. Bong.
15. 9. Died. Sic. l. 19. an Seditio 16. 15. Bong.

in Sicilia, dehinc victus, trajecit in Africam, ubi possessa provincia Ophellam regem Cyrenarum interfecit. Ut rursus in Siciliam reversus, occupata totius insulæ dominatione, cum revertisset in Africam, amissis copiis solus inde profugit in Siciliam: belloque ibi repetitus, & cum Pœnis pacem composuit, & dissidentes a se Siculos subjecit.

PROLOGUS LIB. XXIII.

Tertio & vicesimo volumine continentur hæc. Ut Agathocles domita Sicilia, bellum in Italia Bruttis intulerit. Repetitæ inde Bruttiorum origines: omnibus subactis, rex, seditione filii exheredati ac nepotis oppressus, interiit. Inter peregrinos deinde milites ejus & Siculos bellum motum: quæ causa Pyrrhum regem Epiri in Siciliam adduxit: bella quæ Pyrrhus cum Pœnis & Mamertinis ibi gessit: Ut a Sicilia reversus in Italiam, victus prælio a Romanis revertit in Epirum.

PROLOGUS LIB. XXIV.

Quarto & vicesimo volumine continentur, Bellum quod inter Antigonum Gonatam, & Antiochum Seleuci filium in Asia gestum est. Bellum quod Ptolemæus Ceraunus in Macedonia cum Monio Illyrio & Ptolemæo Lyfimachi filio habuit: utque Arsinoen sororem suam imperio Macedonicarum urbium exiit. Ipse, cum Belgio Gallorum duce congressus, interiit. Repetitæ inde Gallorum origines, qui Illyricum occupant; atque ut ingressi Græciam, Brenno duce, Delphis victi deletique sunt.

PROLOGUS LIB. XXV.

Quinto & vicesimo volumine continentur hæc. Ut Antigonus Gallos delevit; deinde

cum Apollodoro Cassandreae tyranno bellum habuit. Ut Galli transierint in Asiam, bellumque cum rege Antigono & Bithynis gesserunt: quas regiones Tileni occuparunt. Ut Pyrrhus ex Italia reversus, regno Macedoniae Antigonum exuerit; 19 Lacedaemonem obsederit; Argis interierit: filiusque ejus Alexander Illyrium cum Mytilo bellum habuerit.

PROLOGUS LIB. XXVI.

Sexto & vicesimo volumine continentur haec. Quibus in urbibus Graeciae dominationem Antigonus Gonatas constituerit; Ut defectores Gallos Megaris deleuit: regemque Lacedaemoniorum Arca Corinthi interfecit. Dehinc cum fratre sui Crateri filio Alexandro bellum habuerit. Ut princeps Aethiae Aratus Sicionem & Corinthum & Megara occuparit. Ut in Syria rex Antiochus, cognomine Soter, altero filio occiso, altero rege nuncupato Antiocho, decesserit. Ut in Asia filius Ptolemæi regis socio Timarcho desciverit a patre. Ut frater Antigoni Demetrius occupato Cyrenis regno interit. Ut mortuo rege Antiocho, filius ejus Seleucus Callinicus regnum acceperit.

PROLOGUS LIB. XXVII

Septimo & vicesimo volumine continentur haec. Seleuci bellum in Syria adversus Ptolemæum. Item in Asia adversus fratrem suum Hieracem: quo bello Ancyrae victus est a Gallis. Utque Galli Pergamo victi 20 ab Attalo Zeilam Bithunum occiderint. Ut Ptolemæus cum denuo captum interfecerit; & Antigonum androprælio navali prona vicerit. 21 Ut a Callinico fusus in Mesopotamia Antiochus, insidiantem sibi effugit Ariamenem. Dein postea custode Stryponio, quo

29. Medii edit. 30. de quo vid. Memnonem Photii. 31. Bera.

a Gallis occiso Seleucus quoque frater ejus decesserit, majoremque filiorum ejus¹² Apaturius occiderit.

PROLOGUS LIB. XXVIII.

O Cravo & vicesimo volumine continentur hæc. Ut mortuo rege Epiri Alexandro Laudamiam Epirotæ occiderint. Dictique in excessu Bastarnici motus. Ut¹¹ Rex Macedoniæ Demeetrius sit a Dardanis fusus¹⁴ quo mortuo tuitionem, filii ejus Philippi suscepit Antigonus, qui Thessaliæ maximam partem subjecit: Ut adjunctis Achæis contra regem Spartanum Cleomenem, cepit Lacedæmona: amissoque regno Cleomenes Spartanus confugit Alexandriam, atque ibi interiit. Dictum in excessu bellum Illyricum, quod Romani gessere cum Teuta.

PROLOGUS LIB. XXIX.

U Ndetricesimo volumine continentur hæc: res gestæ Philippi regis adversus Dardanos, & Ætolos. Repetitæque inde Creticæ origines: Post cujus insule societatem, Philippus cum Illyriis, & rursus Ætolis bello congressus est, adjuvantibus Ætolos Romanis: Quo finito intulit Ætolis bellum.

PROLOGUS LIB. XXX.

T Ricesimo volumine continentur hæc. Ut mortuo Ptolemæo Utrusphonæ, filius ejus Philopator Antiochum regem vicit. turpique postea amore Agathocleæ, corruptus decessit, relicto filio pupillo: in quem cum Philippo rege Macedonum consensit Antiochus. Philippi deinde gesta in Asia, cum movisset Ætola bella. Aquibus reversus bellum habuit cum ducibus Romanis Sulpicio & Flaminio, quibus victus, pax. Transitus deinde ad Ares ntiochi, qui post regnum accep-

tum persequutus defectores in Media Molonem, in Asia¹⁶ Achæum quem obsedit Sardibus; pacata superiore Asia Bactris tenus, in Romana bella descendit.

PROLOGUS LIB. XXXI.

UNo & tricesimo volumine continetur bellum, quod cum Lacedæmonio Navide Titus Flamininus & Philopœmen dux¹⁷ Achæorum gessit. Item bellum quod cum Antiocho in Achaia per Acilium consulem, & in Asia per Scipionem gestum est. Denique Annibalis ad regem ab Carthagine fuga. Bellum cum¹⁸ Ætolis gestum per eundem Acilium, qui Antiochum Græcia expulerat.

PROLOGUS LIB. XXXII.

Secundo & tricesimo volumine continentur hæc. Defectio ab Achæis Lacedæmoniorum & Messeniorum, qua Philopœmen interiit. Romanorum in Asia¹⁹ duce Manlio adversum Gallos bellum. Regis Philippi propter ablatas sibi civitates, alienatus in Romanos animus; & ob hoc alter filiorum Demetrius occisus: Concitratique ab eo Basternæ, transire conati in Italiam. Inde in excessu dictæ res Illyricæ, ut Galli qui occupant Illyricum rursus redierunt in Galliam, originisque Pannoniorum, & incrementa Daciorum, per Rubobosten regem. In Asia bellum a rege Eumene gestum adversus Gallum Ortiagonem, Pharnacem Ponticum, & Prusiam, adjuvante Prusiam Annibale Pœno. Res gestæ Annibalis post victum Antiochum, 4^o et mors. mortuo Seleuco filio magni Antiochi successit regno frater Antiochus.

16. Bern. 17. Bong. 18. Bong. 19. Bong. 40. Modii edit.

PROLOGUS LIB. XXXIII.

Tertio & tricesimo volumine continentur hæc. Ut cum Perse Philippi filio, rege Macedonum, Romani bellum gesserint, quo capto deleta est Epiros: Achaicæ civitates ab unitate corporis deductæ, inter Achæos & Lacedæmonios certamine orto: Bellum rursus in Macedonia gestum a Romanis cum Pseudophilippo.

PROLOGUS LIB. XXXIV.

Quarto & tricesimo volumine continentur hæc. Bellum Achaicum quod Romani per Metellum, & Mummius gessere, quod diruta est Corinthus. Bellum regis Eumenis cum Gallogræcis, & in Pisidia cum Selgenibus. Res quas gessit Syriæ rex Antiochus, & rex Ægypti Ptolemæus Epiphanes. Ut, mortuo Ptolemæo, relictis ab eo filii duo Filometor & Evergetes, primum cum Antiocho habuere bellum, quod per Romanos finitum est. deinde inter se, quo maior est expulsi; restitutoque, Romani inter fratres regna diviserunt. Ut mortuo rege Syriæ Antiocho, Demetrius cognomine Soter, qui Romæ fuerat obses, clam fugit; occupataque Syria bellum cum Timarcho Medorum rege habuit, Ariarathe rege Cappadocum. Repetitæ inde originis regum Cappadocum. Ut habita inter Ariarathen & Orophernem regni certamina. Ut mortuo rege Asiæ Eumene, suffectus Attalus bellum cum Selgenibus habuit, & cum rege Prussia.

PROLOGUS LIB. XXXV.

Quinto & tricesimo volumine continentur hæc. Bellum Piraticum inter Cretas & Rhodios: seditio Cnidiorum adversum Ceri-

41. Bong. 42. Bong. 43. Voss. 44. Bong. 45. Bong. 46. hic. refert. Voss. 47. Bong.

nenses. Ut adversus Demetrium Sotera subornatus est Alexander, tanquam genitus Epiphanē Antiochō: quo bello victus Demetrius invisum stultitia Alexandrum bello vicit, adjuvante Ptolemæo Filometore, qui eo bellō interiit. Ut deinde orta Demetrio bella sint cum Diodoto Tryphone; expulsusque a Tryphone regno Syriæ Demetrius. Repetit inde superioris Asiæ motus, factos per Areteum & Arsacem Parthum.

PROLOGUS LIB. XXXVI.

Sexto & tricesimo volumine continentur hæc. Ut Trypho, pulso Syria Demetrio, captoque a Parthis, bellum gessit cum fratre ejus Antiocho cognomine Sedete. Ut Antiochus interfecto Hyrcano, Judæos subegit. Repetita inde in excessu origo Juæorum. Ut rex Asiæ Attalus Thynos Thracas subegit: successoremque imperii Attalum Philometora reliquit. Mortuo denique Philometore Aristonicus regno Asiæ occupato, bellum cum Romanis gessit, quo captus est.

PROLOGUS LIB. XXXVII.

Septimo & tricesimo volumine continentur hæc. Repetitis regum Ponticorum originibus, ut ultimo in Mithridatem Eupatora series imperii deducta sit: Atque ut ingressus ille regnum, subegit Pontum & Paphlagoniam, priusquam in bella Romana descendit. Dictæque in excessu regum Bosporanorum & Colchorum origines & res gestæ.

PROLOGUS LIB. XXXVIII.

Octavo & tricesimo volumine continentur hæc. Ut Mithridates Eupator occiso Ariarathe Cappadociam occupavit; victoque Nicomede & Malthino Bythiniam. Ut mortuo Ptolemæo Philometore, frater ejus Physcon, accep-

to regno Ægypti seditione populi, deinde bellum cum uxore sua Cleopatra & cum rege Syriæ Demetrio habuit. Inde repetitum ut Demetrius captus sit a Parthis, [bellumque¹² iis Antiochus] intulerit, qui cum exercitu suo deletus est.

PROLOGUS LIB. XXXIX

Nono & tricesimo volumine continentur hæc. Ut extincto a Parthis Antiocho Sedete, frater ejus Demetrius dimissus regnum Syriæ recepit: subornatoque in bellum adversus eum Alexandro Zabbineo interiit filiusque Antiochus Grypos, victo Zabbineo regnum occupavit. Dehinc cum fratre suo Antiocho Cyziceno bellum in Syria Ciliciaque gessit. Ut Alexandri, mortuo rege Ptolemæo Physcone, filius ejus Ptolemæus Lathyros, accepto regno expulsus est a matre Cyprum; & in Syria bello petitus ab eadem, suffecto in locum ejus Alexandro; donec occisa per Alexandrum matre recepit Ægypti regnum. Ut post Lathyrum filius Alexandri regnarit, expulsoque eo suffectus sit Ptolemæus Nöthus. Ut Syriam Judæi & Arabes perretribus latrociniis infestarent. Mari Cilices piraticum bellum moverunt, quod in Cilicia Romani per Antigonum gesserunt. Ut in Syria Heracleo post mortem regis occupavit imperium.

PROLOGUS LIB. XL.

Quadragesimo volumine continentur hæc. Ut mortuo Grypo rege, Cizycenus cum filiis ejus bello congressus, interiit. Hii deinde a filio Cizyceni Eusebe [occisi:] extinctaque regali¹³ Antiochorum domo, Tigranes Armenius Syriam occupavit. Quo mox victo, Romani abstrulere eam. Ut Alexandræ post interitum Pto-

lemæi & Lathyri substituti sint ejus filii, alteri data Cyprus, cui post Claudii rogationem Romani abstulerunt eam: alter, seditione flagitatus Alexandræ Romam profugit: belloque per Gabinium gesto recepit imperium: quo mortuo successit filius, qui cum sorore Cleopatra certamine infumpto & Pompeium Magnum interfecit, & bellum cum Cæsare Alexandriæ gessit. Ut successit ejus soror regno Cleopatra, quæ inligato in amorem suum M. Antonio, belli Actiaci fine extinxit regnum Ptolemæorum.

PROLOGUS LIB. XLI

UNO & quadragesimo volumine continenter res Parthicæ & Bactrianæ. In Parthis, ut est constitutum imperium, per Arsacem regem. Successores deinde ejus Artabanus & Tigranes cognomine Deus: a quo subacta est Media & Mesopotamia. Dictusque in excessu Arabiæ situs. In Bactrianis autem rebus, ut a Theodoto rege constitutum est: deinde quo repugante Scythicæ gentes Saranæ & Asiani Bactra occupavere Sogdianos. Indicæ quoque res additæ, gestæ per Apollodorum & M. nandrum reges eorum.

PROLOGUS LIB. XLII.

SECUNDO & quadragesimo volumine continetur Parthicæ res. Ut præfectus Parthis Apræteus inter Tigridis alveos bellum intulit in Babylonios & Seleucienses: victusque Phyratis successit rex Mithridates cognomine Magnus, qui Armenis bellum intulit. Inde repetitæ origines Armeniorum, & situs. Ut varia complurium regum in Parthis successione, imperium accepit Orodes, qui Crassum delevit, & Syriam per filium Pacorum occupavit. Illi successit Phrahates, qui

& cum Antonio bellum habuit, & cum Tirdate. Additæ res Scythicæ: Reges ¹⁷ Thoclarorum Afiani, interitusque Sarducarum.

PROLOGUS LIB. XLIII.

Tertio & quadagesimo volumine continentur origines (Priscorum) Latinorum, situs urbis Romæ, & res usque ad Priscum Tarquinium. Origines (deinde) Liguriæ, & Massiliensium res gestæ.

PROLOGUS LIB. XLIV.

Quarto & quadagesimo volumine continentur res Hispaniæ & Punicæ.

¹⁸ Thogariorum. Bong.

9 DE 63

FINIS.

P R Æ F A T I O

J V S T I N I.

QUAM multi ex ¹ Romanis, etiam Consularis dignitatis viri, res Romanas Græco peregrinoque sermone in historiâ contulissent: sive æmulatione gloriæ, sive varietatē & novitate operis delectatus, vir prisca eloquentiæ, ² Trogus Pompeius Græcos, & totius orbis historias Latino sermone composuit: ut, cum nostra Græce, Græca quoque nostra lingua legi possent; prorsus ³ rem magni & animi, & operis aggressus. Nam cum plerisque auctoribus, singulorum Regum vel populorum res gestas scribentibus, opus suum ardui labori videatur: ⁴ non minus nobis Pompeius, Herculeæ audaciæ orbem terrarum aggressus, ⁵ videtur: cujus libris omnium seculorum, Regum, nationum, populorumque res gestæ continentur. Et quæ historici Græcorum, prout commodum cuique fuit, inter ⁶ egregatim occupaverunt, ommissis quæ sine fructu erant, ea omnia Pompeius divisâ temporibus, & serie rerum digesta, composuit. Horum igitur quatuor & quadraginta voluminum (nam

¹ Q. Uides A. Albius, C. Julius Senator, Cn. Aufidius, L. Lucullus, M. Tull. Cicero, Pompeius.
² In sub. Augusti seculo vixit, avus ³ o mnis, Gallia Nubonenſis populo, Sertorianæ bello civitate à C. Pompeio donatus; à quo & nomen accepit videtur: pater ejus sub J. Cæsare militabat. De his vide inf. l. 1. c. 1. ⁴ Scripsit etiam de animalibus; quo nomine lapsus à Plinio, & Chalcidius traditur. Eius etiam meminere Terentius, D. Eusebius, Augustinus, O-

rosius, Priscianus, alique.

⁵ Nempe res magni ingenii, & laboris. Ut in Cod. Vetus. N. Coll. legitur. Quod conjectura sola sit, ut respondendum duxit Grogovius. Alii legunt, ingenii & corporis.

⁶ Sic N. In aliis habetur, nonne nobis.

⁷ Sic N. Vulgata lectio erat, vide-ri debet.

⁸ Sic N. quæsi diceretur, sicut ordine posuerunt. Vulgata lectio fuit, inter se segregari.

(nam totidem edidit) per otium, quo in urbe⁷ versabar, cognitione quaque dignissima excerpti: & amissis his, quæ nec cognoscendi voluptate jucunda, nec exemplo erant necessaria, breve veluti florum corpusculum feci: ut haberent, & qui Græce⁸ didicissent, quo admonerentur; & qui non didicissent, quo instruerentur. Quod ad te⁹, non tam cognoscendi, quam emendandi causa transmissi: simul ut & otii mei, cujus & Cato reddendam¹⁰ rationem putat, apud te ratio constaret. Sufficit enim mihi in¹¹ hoc tempore iudicium tuum; apud posteros, cum obtrectationis invidia decesserit, industria testimonium habituro.

7. Sic N. Alii passim legunt, versabamur.

8. Sic N. Alii MSS. legunt, Græce.

9. Impressi non pauci legunt, Quod ad te, Imperator Antonino; unde plurimi Autorem nostrum, pro S. Patre Justino Martyre habere: sed temere id quidem, cum is Ethnicus in hoc scripto ubique compareat. Inter ea tamen non minus temere agunt ii, qui lectionem illam eo nomine rejiciunt. Certe Justinus, qui in aliquibus exemplaribus Justinus (Frontinus, in nonnullis M. Ju-

nianus Justinus dicitur, scriptor est satis antiquus; si, ut dem de eo D. Hieron. D. Augustinus, Orosius, alique per ea tempora, meminerunt.

10. Ita veteres & imp. Alii legunt, operam.

11. Sic N. In reliquis deest vox, hoc sensus hic esse videtur, præsentis tempore patrocinio eget autor; utique apud posteros, æquiores rerum animatores, cum invidia decesserit, industria testimonium certissime sit habiturus.

JUSTINI HISTORIARUM*,

EX TROGO POMPEIO

LIBER I.

BREVIARUM CAPITULUM.

1. *Assyriorum prima Monarchia sub Nino.*
2. *Semiramidis à filio tandem interfecta imperium.*
3. *Postremus Assyriorum rex Sardanapalus.*
4. *Medorum Monarchia sub Astyage Cyri avo.*
5. *Cyri pueritia, adolescentia; & Harpagi ad Cyrum admonitio, &c.*
6. *Sybarem bellicomittem Cyrus nobili pramio donat, & Astyagem regno spoliatur.*
7. *Cræsum vincit, & Lydos debellat, ac sub jugo astute retinet. Candaulis tragædia.*
8. *Bellum Scythicum, in quo initia Cyro felicia, finis autem luctuosissimus.*
9. *Cambyses Cyro succedit, & suomet gladio conficitur. Legitimo hærede Mergide sublato, Magi*

* MS. C. Colli & aliqui impressi legunt. Istoriarum Philippi-
carum, & totius mundi originum, &
terra situs ex Trogo Pompeio, lib. &c.
Quem Titulum ex imitatione Theo-
pompi Cnii posuisse videtur: nec im-
merito, cum historia Macedonica sit
primarium totius operis argumentum,
& ex 44. libris, lere 38. exhausta.
Sex priores libri, ille videtur ques-
mundi Origines appellabat Autor:
Quæ de Terra situs, sive Geographicæ

subinde habuit, Justinus omnino in-
recta reliquerat: rei hujus evanida qua-
dam vestigia ex librorum Trogi pro-
logis qui etiamnum supersunt com-
pareat. Verustiss. cod. x N. Colli. non
Justinum, sed ipsum Trogum bis via-
li hujus autorem, gravi errore, per-
petuo proficitur: quem etiam ut mu-
niat ubi, quæcumque in Prefatione
superius posita in tertia persona esse-
runtur, ubique in prima concipit:
Ego Trogius Pompeius, &c.

Magi rerum potiuntur. Ostanes, aliorum principum opera adjutus, Magos de medio tollit.
 10. *Da ius ex equi hinnitu servuli industria, si tertius Persarum Rex, &c.*

CAP. I.

PRINCIPIO rerum, gentium nationumque imperium penes reges erat: quos ad fastigium¹ tantæ² majestatis non ambitio popularis, sed spectata inter bonos moderatio provehēbat. Populus nullis legibus tenebatur: arbitria principum pro legibus erant. Fines imperii tueri magis, quam proferre, mos erat: intra suam cuique patriam regna finiebantur.
 A.C. 1267. primus omnium³ Ninus, rex Assyriorum, veterem & quasi avitum gentibus morem nova imperii cupiditate mutavit. Hic primus intulit bella finitimis, & rudes adhuc ad resistendum populos, terminos usque Libyæ perdomuit. Fuere quidem temporibus⁴ antiquis, & Vexoris Ægypti, & Scythiæ rex⁵ Tanaus; quorum alter in Pontum, alter usque Ægyptum excessit. Sed longinqua, non finitima bella gerebant: nec imperium sibi, sed populis suis gloriam quærebant; contentique victoria, imperio abstinebant. Ninus magnitudinem quæsitæ dominationis continua possessione firmavit. Domitis igitur proximis, cum accessione virium fortior ad alios transfiret, & proximā quæque victoria instrumentum sequentis

1. Sic MS. N. Col. Alii legunt, tantæ. W. legit, ingratia.

2. Vid. Diod. Sic. l. 2.

3. Sic N. & W. Alii passim legunt, antiquiores.

4. Vexosis dicitur in MS. B. Vexosis in MS. N. Sed Turnebus Sefosis placet, quemadmodum ab Herodoto, & Val.

Flacco scribitur. Diod. Sicul. Sefosis appellat, quod vercor, ut Chron. Reges admittit.

5. MS. Bod. Tanaum legit, nomine cum fluvio communicato, quod non raro factum: idem la videtur cum Targino Herodoti.

ris esset, totius Orientis populos subegit. Postremum illi bellum cum 7 Zoroastre, rege Bactrianorum, fuit, qui primus dicitur artes magicas invenisse, & mundi principia, siderumque motus diligentissime spectasse. Hoc A. C. occiso, & ipse decessit, relicto impubere adhuc 1219, filio 8 Ninya, & uxore Semiramide.

CAP. II. Hæc nec immaturo 9 ausa tradere imperium, nec ipsa palam tractare, tot ac tantis gentibus 10 vix parentibus viro, nedum feminæ parituris, simulat se pro uxore Nini, filium; pro femina, puerum. Nam & statura utrique mediocris & vox pariter gracilis, & lineamentorum qualitas matri ac filio similis. Igitur brachia ac crura velamentis, caput tiara tegit: & ne novo habitu aliquid occultare videretur, eodem ornatu & populum vestiri jubet: quem morem vestis exinde gens universa tenet. Sic primis initiis sexum mentita, puer esse credita est. Magnas deinde res gessit. Quarum amplitudine ubi invidiam superatam putat, quæ sit, fatetur, quemve simulasset. Nec hoc illi dignitatem regni ademit, sed admirationem auxit; quod mulier non feminas modo virtute, sed etiam viros anteiret. 11 Hæc Babyloniam condidit, murumque urbi coctolateri circumdedit, arenæ vice, bitumine interstrato: quæ materia in illis locis passim è terra

7. Vid. *Æliar.* l. 7 c. 1. *Plin.* l. 30. *Diod.* l. 2. qui & *Oxyartem* appellat.

8. *Ninum* plerique MSS. legunt. *Conon* l. 9. apud *Phorium* cod. 129. historiam hanc longe aliter narrat.

9. Addunt MSS. plurimi, pectore.

10. Ex MS. B. Reliqui, ut & impressi legunt, vix patienter uni viro.

11. Murum Babylonis instructum fuisse laterculis coctilis bitumine inter-

strato, ut S. *Herms* non cremus, constantur *Q. Curtius* l. 5. *Josephus*, *Dio*, *Theocritus*, alique: male ergo legunt MS. C. *Coll.* & alii nonnulli, arena, pice, bitumine, interstratæque materia. In illis locis passim erectæ statuæ. Vid. *Diod.* l. 2. *Herodot.* l. 2. *Strabon.* l. 7. & 16 *Sohn.* c. 56. Porro notetur *Abydenum*, *Dorotheum Sydonium*, *Curium*, cum quibusdam aliis Bolum urbis conditam statueret.

A. 3.

* *Hercule*.

terra exæstuat. Multa & alia præclara hujus reginæ fuere. Siquidem non contenta acquisitos viro regni terminos tueri, Æthiopiam quoque imperio adjecit. Sed & Indiæ bellum intulit; quo præter illam & Alexandrum Magnum *

A. C. 1173. nemo intravit. Ad postremum, cum concubitum filii petisset, ab eodem interfecta est, duos & ¹² quadraginta annos post Ninum regno potita. Filius ejus Ninya, contentus elaborato ¹³ à parentibus imperio, belli studia deposuit, & veluti sexum cum matre mutasset, raro à viris visis, in feminarum turba consenuit. Posteriores quoque ejus, id exemplum sequuti, responsa gentibus per internuntios dabant. Imperium Assyrii, qui postea Syri dicti sunt, mille trecentis annis tenuere.

C A P. III. Postremus apud eos regnavit A. C. 767. ¹⁴ Sardapalus, vir muliere corruptior. Ad hunc videndum (quod nemini ante eum permissum fuerat) præfectus ipsius, Medis præpositus, nomine ¹⁵ Arbactus, cum admitti magna ambitione ægre obtinuisset; invenit eum inter scortorum greges purpuram colentem, & muliebri habitu, cum mollitia corporis, & oculorum lascivia, omnes feminas anteiret, pensa inter virgines partientem. Quibus visis, indignatus tali feminæ tantum viro- rum subjectum, tractantique lanam, ferrum & arma ¹⁶ habentes parere; progressus ad socios, quid viderit refert: negat se ei parere posse, qui se feminam malit esse, quam virum. Fit igitur

* Hercules & Bacchi victoriæ pro fabulis habende.

¹². MS. C. C. Coll. & W. legunt; viginti duo.

¹³. MS. W. omittit, A. Vid. Diod. Sic. l. 1. Athen. l. 12. Cusis Persi, apud Phot. l. 2. cap. 1. Herod. l. 1.

¹⁴. Vid. Herodot. l. 1. Cic. Tusc. 7. 5.

Diodor. l. 2. Athen. l. 12. Herodotus Assyriorum imperio 520 annos assignat.

¹⁵. Alii Arbarus, sic Bod. Arbarus. Orofius, sed Diodorus, Athen. Agath. Arbaces, ut & Prolog. Trog.

¹⁶. Sic N. C. W. Impressi secunda portantes.

¹⁷. Sic

igitur conjuratio, bellum Sardanapalo infer-
tur: quo ille audito, non ut vir regnum defen-
surus, sed ut metu mortis mulieres solent, pri-
mo latebras circumspicit: mox deinde cum
paucis & incompositis, in bellum progreditur.
Victus, in regiam se recipit; ¹⁷ ubi extructa
incensaue pyra, & se & divitias suas in incen-
dium mittit: hoc solo imitatus virum. Post
hunc rex constituitur interfector ejus Arbä-
ctus, qui præfectus Medorum fuerat. Is im-
perium ab Assyriis ad Medos transfert.

A. C.

750.

A. C.

748.

C A P. IV. Post multos deinde reges, per or-
dinem successionis, regnum ad Astyagen de-
scendit. Hic per somnum vidit ex ¹⁸ naturali-
bus ¹⁹ filiæ, quam unicam habebat, vitem ena-
tam, cujus palmitē omnis Asia obumbraretur.
Consulti harioli, ex eadem filia nepotem ei fu-
turum, cujus magnitudo prænuntiatur, regni-
que ei amissionem portendi, responderunt.
Hoc responso exterritus, neque claro viro, ne-
que civi filiam, ne paterna maternaque nobili-
tas nepoti animos extolleret; sed ex gente, ob-
scura tunc temporis, Persarum, Cambyssi, me-
diocri viro, in matrimonium ²⁰ tradit. Ac ne
sic quidem somni metu deposito, gravidam ad
se filiam arcessit, ut sub avi potissimum ²¹ con-
spectu foetus necaretur. Natus infans datur
occidendus Harpago, regis arcanorum parti-
cipi. Is veritus, si ad filiam mortuo rege venis-
set imperium, quia nullum Astyages virilis
sexus genuerat, ne illa necati infantis ultio-
nem quam à patre non potuisset, à ministro exi-
geret;

A. C.

595.

A. C.

599.

17. Sic N. W. & CC. Vulgati le-
guor, &c.

C. 42.

18. N. addit, pubo.

20. Sic. N. Alii legunt, tradidit.

19. Filia Astyagi apud Herodot.

21. Oculis parvus, alii legunt. Vid.

I. 1. & Val. Max. I. 1. c. 7. Mandane Herodot. I. 1. c. 24.

geret; pastori regii pecoris puerum exponendum tradit. Forte eodem tempore & ipsi pastori filius natus erat. Ejus igitur uxor, audit²² regii infantis expositione, summis precibus rogat, sibi afferri ostendique puerum: cujus precibus fatigatus pastor, reversus in silvam, invenit juxta infantem canem feminam, parvulo ubera præbentem, & à feris alitibusque defendentem. Motus & ipse misericordia, qua motam etiam canem viderat, puerum deferat ad stabula, eadem cane anxie prosequente. Quem ubi in manus mulier accepit, veluti ad notam²³ allusit: tantusque in illo vigor, & dulcis quidam blandientis infantis risus apparuit, ut pastorem uxor²⁴ multum rogaret, [quo suum partum pro illo exponeret] permetteret [que] sibi, sive fortunæ ipsius, sive spei suæ puerum nutrire. Atque ita permutata sorte parvulorum, hic pro filio pastoris educatur; ille pro nepote regis exponitur. Nutrici²⁵ Spacos postea nomen fuit, quia canem Persæ sic vocant.

CAP. V. Puer deinde, cum inter pastores²⁶ esset, Cyri nomen accepit. Mox rex inter ludentes sorte defectus, cum per lasciviam contumaces flagellis cecidisset, à parentibus puerorum querela est regi delata, indignantibus à servo regi, ingenuos homines servilibus

ver-

22. Sic 4. MSS. nostri Impressi interponunt, puer.

23. Sic W. Alii legunt, ultro.

24. Alii omittunt hæc verba, quod suum partum pro illo exponeret. Herodotus autor est infantem pastoris mortuum fuisse natum; unde in orbis solatium permutatio ista vivi pueri loco defuncti non temere expectabatur.

25. Spargos legunt 4. MSS. Sed ab Herodoto vulgata lectio defenditur, qui

etiam pastoris nomen Mithridatem fuisse docet.

26. Addit M. Bod. imperio usus, at C. imperiosus. Cyri nomen, solum apud Persas significare testatur Plutarch. in Artax. Ptolemaeus in expof. Zor. Cæsius in Persic. Nunc ergo, non vero à Græcia fontibus vocis Ecyman peti debet; quod perperam Suidas fecit.

verberibus affectos. Ille arcessito puero & interrogato, cum, nihil mutato vultu, fecisse se ut regem respondisset; admiratus constantiam, in memoriam somnii responsique revocatur. Atque ita cum & vultus similitudo, & expositionis tempora, & pastoris confessio convenirent, nepotem agnovit. Et quoniam defunctus sibi somnio videretur, agitato inter pastores regno; animum minacem duntaxat in illo fregit. Cæterum ²⁷ Harpago amico suo infestus, in ultionem servati nepotis, filium ejus interfecit, epulandumque patri tradidit. Sed Harpagus ad præens tempus dissimulato dolore, odium regis in vindictæ occasionem distulit. Interjecto deinde tempore, cum adlevisset Cyrus, dolore orbitatis admonitus, scribit ei, ut ablegatus in Persas ab avo fuerit: ut occidi eum parvulum avus jusserit: ut beneficio suo servatus sit: ut regem offenderit: ut filium amiserit. Hortatur, exercitum paret, & pronam ad regnum viam ingrediatur, Medorum transitionem pollicitus. Epistola, quia palam ferri nequibat, regis custodibus omnes aditus obsidentibus, exenterato lepori inferitur, lepusque in Persas Cyro ferendus, fido servo traditur: addita retia, ut sub specie venatoris dolus lateret.

C A P. VI. Lectis ille epistolis, eadem somnio aggredi jussus est: sed præmonitus, ut quem primum postera die obvium habuisset, socium cœptis assumeret. Igitur antelucano tempore ruri iter ingressus, obvium habuit servum de ergastulo cujusdam Medi, nomine Sy-

²⁷. Vid. Herodot. l. 1 c. 23. Senec. de ira l. 3. c. 15.

Sybarem. Hujus requisita origine, ut in Persis genitum audivit, demtis compedibus, asfumptoque comite, Persepolim regreditur. Ibi convocato populo, jubet omnes præsto cum securibus²⁸ esse, & silvam viæ circumdatam excidere. Quod cum strenue fecissent, eosdem postera die apparatus epulis invitat: deinde cum alacriores ipso convivio factos videret, rogat, si conditio proponatur, utrius vitæ fortem legant, hesterni laboris, an præsentium epularum: præsentium, ut acclamavere omnes; ait, Hesterni similem labori omnem vitam acturos, quoad Medis pareant: se secutos, hodiernis epulis. Lætis omnibus, Medis bellum infert. Astyages meriti sui in Harpago²⁹ oblitus, summam belli eidem committit: qui exercitum acceptum statim Cyro per deditionem tradidit, regisque crudelitatem perfidia defectionis ulciscitur. Quod ubi Astyages audivit, contractis undique auxiliis, ipse in Persas proficiscitur: & repetito alacrius certamine, pugnantis suis, partem exercitus à tergo ponit; & tergiversantes ferro agi in hostes jubet: ac denuntiat suis, ni vincerent, non minus fortes etiam post terga inventuros, quam à frontibus, viros: proinde videant, fugientibus hæc, an illa pugnantis acies rumpenda sit. Ingens post necessitatem pugnandi, animus exercitui ejus accessit. Pulsa itaque cum Persarum acies paulatim cederet; ³⁰ matres & uxores eorum obviam occurrunt: orant in prælium revertantur: cunctantibus, sublata veste, obscæna corporis ostendunt, rogantes num

^{28.} Sic MSS. N. Coll. & C. Alii legunt. Sed altera locutio auri no-
legunt, adesse. Vid. Herod. l. 1. Polyan.
l. 7. Frontin. 1, 11; 16. sro usq. p. l. o r,

²⁹ Sic 4. MSS. Imprecii Harpagum

^{30.} Vid. Plut. de Virg. mulier

num in uteros matrum vel uxorū velint re-
fugere. Hac repressi castigatione, in prælium
redeunt: & facta impressione, quos fugie-
bant, fugere compellunt. In eo prælio 31 Asty-
ages capitur: cui Cyrus nihil aliud quam reg-
num abstulit: nepotemque in illo magis, quam
victorem egit: eumque maximæ genti Hyr-
canorum præposuit. Nam in Medos reverti
ipse noluit. Hic finis Medorum imperii fuit.
Regnaverunt annos CCCL.

C A P. VII. Initio regni Cyrus Sybarem
cæptorum socium, quem juxta nocturnum
visum ergastulo liberaverat, comitemque in
omnibus rebus habuerat, Persis præposuit, so-
roremque suam ei in matrimonium dedit. Sed
civitates quæ Medorum tributariæ fuerant mu-
tato imperio, etiam conditionem suam mu-
tatam arbitantes, à Cyro defecerunt: quæ res
multorum bellorum Cyro causa & origo fuit.
Domitis demum plerisque, cum adversus Ba-
bylonios bellum gereret, Babylonii rex Ly-
dorum Cræsus, cujus opes & divitiæ insignes
et tempestate erant, in auxilium venit; vi- A. C.
ctusque 32 ac de se sollicitus, in regnum refugit. 556.
33 Cyrus quoque post victoriam, compositis in
Babylonia rebus, bellum transfert in Lydiam.
Ibi fortuna prioris prælii perculsum jam Cræsi A. C.
exercitum, nullo negotio fundit; Cræsus ipse 548.
capitur. Sed quanto bellum minoris periculi,
tanto & mitior victoria fuit. Cræso & vita, &
patri-

31. Vid. Herod. l. 1. Cræsum apud
Phot. cod. 71.

32. Sic C. Alii legunt, jam.

33. Vid. Xenoph. Cyropæd. l. 7.

Herodot. l. 1. Plur. in Solone, Polyæn.
l. 7. Solin. l. 1. Diod. Sicul. in Ex-
cerpt. Valens p. 141. Cræsum apud
Phot. cod. 72, & alios passim.

patrimonii partes, & urbs ³⁴ Barce concessa sunt: in qua etsi non regiam vitam, proximam tamen majestati regiae degeret. Hæc clementia non minus victori quam victo utilis fuit. Quippe ex universa Græcia, cognito quod illatum Cræso bellum esset, auxilia velut ad commune extinguendum incendium confluebant. Tanta Cræsi amor apud omnes urbes erat: ut ³⁵ passurus grave bellum ejus gratia fuerit, si quid in Cræsum crudelius consulisset. Interjecto deinde tempore, occupato in aliis bellis Cyro, Lydi rebellare: quibus iterum victis, arma & equi ademti, jussique cauponas, & ludicras artes, & lenocinia exercere. Et sic gens industria quondam potens, & manu strenua, effeminata molliæ luxuriaque, virtutem pristinam perdidit; & quos ante Cyrum invictos bella præstiterant, in luxuriam lapsos otium ac desidiosa superavit. Fuere Lydis multi ante Cræsum reges, variis casibus memorabiles, nullus tamen fortuna ³⁶ Candauli comparandus. Hic uxorem, quam propter formæ pulcritudinem deperibat, prædicare omnibus solebat, non contentus voluptatum suarum tacita conscientia, nisi etiam matrimonii reticenda publicaret: prorsus quasi silentium damnum pulcritudinis esset. Ad postremum ut affirmationi suæ fidem faceret, nudam sodali suo Gygi ostendit. Quo facto, & amicum in adulterium uxoris ³⁷ sollicitatum, hostem sibi fecit: & uxorem, veluti tradito alii amore à se alienavit.

Namque

34. B. legit Barzan. Sreptanus de Urbibus, uras cujusdam Buene, dictæ meminit, in Media sitæ, certe Barce in regione Cyrenalica fuit.

35. Sic N. C. Alii legant, passu-

ruseque grave bellum Græcis fuit, & quid in Cræsum. &c.

36. Vid. Herodot. l. 1. Plutarch. quæst. Græc. 45.

37. N. legit, illectum,

38. Sic

Namque brevi post tempore cædes Candaulis, nuptiarum præmium fuit, & uxor mariti sanguine dotata, regnum viri & se pariter adultero tradidit.

A. C. 718.

C A P. VIII. Cyrus, subacta Asia, & universo Oriente in potestatem redacto, Scythis bellum infert. Erat eo tempore Scytharum regina Tomyris, quæ non muliebriter adventu hostium territa, cum prohibere eos transitu Araxis fluminis posset, transire permisit, & sibi faciliorem pugnam intra regni sui terminos rata, & hostibus objectu fluminis fugam difficiliorem. Itaque Cyrus trajectis copiis, cum aliquantisper in Scythiam processisset, castrametatus est. Dein postera die, simulato metu, quasi refugiens castra deseruisset, 38 vini affatim, & ea quæ epulis erant necessaria, reliquit. Quod cum nuntiatum reginæ esset, adolescentulum filium, ad insequendum eum cum tertia parte copiarum mittit. Cum ventum ad Cyri castra esset, ignarus rei militaris adolescens, veluti ad epulas, non ad prælium venisset, omissis hostibus, insuetos barbaros vino se onerare patitur: priusque Scythæ ebrietate, quam bello vincuntur. Nam cognitis his, Cyrus reversus per noctem, saucios opprimat, omnesq; Scythas cum Reginæ filio interficit. Amisso tanto exercitu, & quod gravius 39 dolet, unico filio, Tomyris orbitatis dolorem non in lacrimas effudit, sed in ultionis solatia intendit: hostesque recenti victoria exultantes, pari insidiarum fraude circumvenit. Quippe simulata diffidentia propter vulnus acceptum, refugiens, Cyrum ad usque angu-

A. C. 538.

38. Sic N. In aliis additur, ita.
39. Sic W. Alii legunt, dolendum.
Vid. Herodot. I. 1. Valer. Max. I. 5.

c. 10. Frontin. I. 2. c. 4. Filii Tomyridos nomen Spargapiles fuisse dicitur.

stias⁴⁰ perduxit. Ibi compositis in montibus infidiis, ducenta millia Persarum cum ipso rege trucidavit. In qua victoria etiam illud memorabile fuit, quod ne nuntius quidem tantæ cladis superfuit. Caput⁴¹ Cyri amputatum, in utrem humano sanguine repletum

A. C. 529. conjici Regina jubet, cum hac exprobratione crudelitatis, Satia te, inquit, sanguine, quem sitisti, cujusque insatiabilis semper fuisti. Cyrus regnavit annos xxx. non in initio tantum regni, sed continuo totius temporis successu, admirabiliter insignis.

C A P. IX. Huic successit filius Cambyfes, A. C. 525. qui imperio patris Ægyptum adjecit: sed offensus superstitionibus Ægyptiorum, Apis, cæterorumque deorum ædes dirui jubet. Ad Ammonis quoque nobilissimum templum expugnandum, exercitum mittit; qui tempestatibus 524. & arenarum molibus oppressus interiit. Post hæc per quietem vidit fratrem suum⁴² Mergim regnaturum. Quo somnio exterritus, non dubitavit post sacrilegia etiam parricidium facere. Erat enim difficile ut parceret suis, qui, cum contemtu religionis, grassatus etiam adversus deos fuerat. Ad hoc tam crudele ministerium, Magum quendam ex amicis delegit, nomine Cometen. Interim ipse gladio suo sponte 522. evaginato, in femore graviter vulneratus, occubuit; pœnasque luit, seu imperati parricidii, seu sacrilegii perpetrati. Quo nuntio accepto, Magus ante famam amissi regis occupat facinus; prostratoque Mergide, cui regnum debebatur,

40. Sic N. Alii legunt, angustias usque produxit.

41. Vid. Ctesiam apud Phot. cod. 72. Herodot. l. 1 & 3. Diod. in Excerpt. Valesii p. 246. Plin. in Alex. Val. Max. l. 9. c. 10.

42. Is Herodoto & Aristoteli Smerdis. Vid. Ammian. Marcell. l. 23. Val. Max. l. 6. c. 2. & l. 3. c. 8. Herodot. l. 3. Ctesiam l. 12. apud Phot. cod. 72.

43. MSS.

bebatur, fratrem suum subjecit Oropasten. Erat enim & oris, & corporis lineamentis persimilis; ac nemine subesse dolum arbitrante, pro Mergide rex Oropasta constituitur. Quæ res eo occultior fuit, quod apud Persas persona regis sub specie majestatis occultitur. Igitur Magi, ad favorem populi conciliandum, tributis & militiæ vacationem in triennium 43 permittunt, ut regnum, quod fraude quiescerant, indulgentia & largitionibus confirmarent. Quæ res suspecta primo Ostani viro nobili, & in conjecturis sagacissimo, fuit. Itaque per internuntios quærit de filia, quæ inter regias pellices erat, an Cyri regis filius rex esset. Illa nec se ipsam scire ait, nec ex alia posse cognoscere; quia singulæ separatim recludebantur. Tum pertrectare dormienti caput jubet; nam Mago Cambyfes aures utraq; præciderat. Factus deinde per filiam certior, sine auribus esse regem, optimatibus Persarum rem indicat; & in cædem falsi regis impulsos. sacramenti religione obstringit. Septem tantum conscii fuere hujus conjurationis, qui ex continenti, ne dato in pœnitentiam spatio, res per quendam narraretur, occultato sub veste ferro, ad regiam pergunt. Ibi obviis interfecit, ad Magos perveniunt; quibus ne ipsis quidem animus in auxilium sui defuit; siquidem stricto ferro duos de conjuratis interficiunt. Ipsitamen corripiuntur pluribus; quorum alterum 44 Gobryas medium amplexus, cunctantibus sociis, ne ipsum pro Mago transfoderent, quia res obscuro loco gerebatur, vel per suum corpus adigi Mago ferrum jussit: fortuna tamen

A. C.
521.

43 MSS. N. & W. legunt, remittunt.

44. Plutarch. in Apophth. Herod.
l. 3. Val. Max. l. 3. c. 2. Agath. l. 2.
B 1 Nomina

tamen ita regente, illo incolumi interficitur.

A. C.

§ 21.

C A P. X. Occisis Magis, magna quidem gloria recepti regni Principum fuit: sed rualto major in eo, quod cum de regno ambigerent, concordare potuerunt. Erant enim virtute & nobilitate ita pares, ut difficilem ex his populo electionem æqualitas faceret. Ipsi igitur viam invenerunt, qua de se iudicium religioni & fortunæ committerent. Pactique inter se sunt, ut die statuta omnes equos ante regiam primo mane perducerent: & cuius equus inter Solis ortum hinnitum primus edidisset, is rex esset. Nam & Solem Persæ unum Deum esse credunt: & equos eidem Deo sacratos ferunt. Erat inter conjuratos Darius, Hytaspis filius, cui de regno sollicito * equi custos ait, si ea res victoriam moraretur, nihil negotii superesse. Per noctem deinde equum pridie constitutam diem ad eundem locum ducit, ibique equæ admittit, ratus ex voluptate Veneris futurum quod evenit. Postera die itaque, cum ad statutam horam omnes convenissent, Darii equus, cognito loco, ex desiderio feminæ hinnitum statim edidit; & segnis aliis, felix auspiciu domino primus emisit. Tanta moderatio cæteris fuit, audito auspicio, ut confestim equis desilierint, & Darium regem salutaverint. Populus quoque universus, secutus iudicium Principum, eundem Regem constituit. Sic regnum Persarum, septem nobilissimorum virorum virtute quæ situm, tam levi momento in unum collatum est. Incredibile prorsus tanta patientia cessisse eo, quod ut eriperent Magis, mori non recusaverint. Quanquam præter formam, virtutemque

* Nomine Oebares. Vid. Herodot. . 45. N. C. W. Alii legunt. eos.

Polyn. l. 7. Val. Max. l. 7.

* Forte

tutemque hoc imperio dignam, etiam cognatio Dario juncta cum prietinis regibus fuit. A. C. 521.
 Principio igitur regni, Cyri regis* filiam in matrimonium recepit, regalibus nuptiis regnum firmaturus: ut non tam in extraneum translatus; quam in familiam Cyri reversum videretur. Interjecto deinde tempore, cum Assyrii descivissent, & Babyloniam occupassent; difficilisque urbis expugnatio esset; æstuante rege, unus de interfectoribus Magorum, 46 Zopyrus domi se verberibus lacerari toto corpore jubet: nasum, aures, & labia sibi præcidi: atque ita regi inopinanti se offert. Attonitum, & quærentem Darium causas, auctoremque tam fœdæ lacerationis, tacitus quo proposito fecerit, edocet; formatoque in futura consilio, transfugæ titulo Babyloniam proficiscitur. Ibi ostendit populo laniatum corpus: queritur crudelitatem regis, à quo in regni petitione, non virtute, sed auspicio; non judicio hominum, sed hinnitu equi superatus sit. Jubet illos ex amicis exemplum capere quid hostibus cavendum sit; Hortatur, non mœnibus magis quam armis confidant, patianturque se commune bellum recentiore ira gerere. Nota nobilitas viri pariter & virtus omnibus erat; nec de fide timebant, cujus veluti pignora, vulnera corporis, & injuri notas habebant. Constituitur ergo dux omnium suffragio: & accepta parva manu, semel atque iterum cedentibus consulto Persis, secunda prælia facit; 47 Ad postremum universum sibi creditum exercitum Dario prodit, urbemque ipsam in potestatem ejus redigit. Post hæc Da- A. C. 515.

* Forte filius.

46. Herodot. l. 3. Plutarch. A. popath. c. 3 Polyæn. l. 7.

47. Sic N. Quod Fabro ex conjectura placet. Alii, at postrema.

rius bellum Scythis, infert, quod sequenti volumine referetur.

L I B E R II.

B R E V I A R I U M C A P I T U M.

1. *Scytharum origo & antiquitas, de qua cum Ægyptiis contendunt.*
2. *Descriptio Scythiæ, & morum gentis, quæ in plaustris vigens iustitiam colit & continentiam.*
3. *Scytharum fortitudo bellica. Ægyptios fugant, Asiamque reddunt tributariam.*
4. *Amazonum à Scythis origo, reginæ, res gestæ.*
5. *Bellum Scytharum adversus servos, quos lepido strataz emate reprimunt. Darius Scythis, deinde Ionibus & Atheniensibus arma infert.*
6. *Atheniensium origo, gloriatio, industria, artes, reges.*
7. *Respublica Atheniensis Solonis legibus & politico stratagemate firmata.*
8. *Pisistratus post fortiter gesta in Megareses tyrannidem per 33. annos occupat.*
9. *Eiusdem filius Hippias patria pulsus Persarum exercitum in Græciam adduxit. Inde nobilis illa Marathonica pugna, in qua victi Persæ. Athenienses victores duce Miltiade.*
10. *Dissidium fraternum de regno inter Darii filios. Xerxes bellum adversus Græcos instaurat validissimo exercitu.*
11. *Fortitudine Spartanorum, quorum rex Leonidas, Persæ ad Thermopylas maxima clade efficiuntur.*
12. *Themistoclis industria Persarum classis ad*

ad Sa'aminium fretum navali pralio victa, post multam stragem fuga sibi consulit.

13. Mardonio terrestris exercitus commissus. Xerxes agre evadit piscatoria scapha, ejusdem pedestris exercitus fam: obruitur: unde nova clades.

14. Mardonius in Bæotia ad Plataeas, cum Persis à Græcorum copiis victus, cum paucis profugit. Eodem fere momento adversus Per/as in Asia feliciter dimicatum est.

15. Athenienses, Spartanis delusis, urbem ex integro restaurant. Spartani Persorum fines depopulantur. P usanias defectionis reus damnatur. Aristides proditoris consilia discutit. Xerxes iterum arma movet infelicitèr. à Cimone navali terrestrique pralio superatus.

CAP. I.

IN relatione rerum ab Scythis gestarum, quæ satis amplæ magnificæque fuerunt: principium ab origine repetendum est. Non enim minus illustria initia, quam imperium habuere: nec virorum imperio magis, quam feminarum virtutibus claruere. Quippe cum ipsi Parthos Bactrianosque, femine autem eorum Amazonum regna condiderint: prorsus ut res gestas virorum mulierumque considerantibus incertum sit, uter apud eos sexus illustrior fuerit. Scytharum gens antiquissima semper habita: quanquam inter Scythas & Ægyptios diu contentio de gentis vetustate 2 fuit: Ægyptiis prædicantibus

1. Vid. Herodot. l. 4. Diod. l. 1. 1.
Asian. 4. Niceph. Gregoram l. 3.

2. Σιὸν ἢ Ἀλὶ, fuerit.

tibus, initio rerum, cum aliæ terræ nimio fervore solis arderent, aliæ rigerent frigoris immanitate, ita ut non modo primæ generare homines, sed ne advenas quidem recipere aut tueri possent, priusquam adversus calorem vel frigus velamenta corporis invenirentur, vel locorum vitia quæsitis arte remediis mollirentur: Ægyptum ita temperatam semper fuisse, ut neque hiberna frigora, nec æstivi solis ardores incolæ ejus premerent; solum ita fecundum, ut alimentorum in usum hominum nulla terra feracior fuerit. Jure igitur ibi primum homines natos videri debere, ubi educari possent. Contra, Scythæ cœli temperamentum, nullum esse vetustatis argumentum putabant: quippe naturam, cum primum incrementa caloris ac frigoris, regionibus distinxit, statim ad locorum patientiam, animalia & quæque generasse: sed & arborum atque frugum pro regionum conditione, apte generari variata. Et quanto Scythis sit cœlum asperius quam Ægyptiis, tanto & corpora & ingenia esse duriora. Cæterum si mundi, quæ nunc partes sunt, aliquando unitas fuit; sive illuvies aquarum principio rerum terras obrutas tenuit: sive ignis, qui & mundum genuit, cuncta possedit: utriusque primordii Scythas origine præstare. Nam si ignis prima possessio rerum fuit, qui paulatim extinctus, sedem terris dedit; nullam prius quam septentrionalem partem, hiemis rigore ab igne secretam; adeo ut nunc quoque nulla magis rigeat frigoribus. Ægyptum vero, & totum Orientem,

3. Sic N. Alii addunt, facillime.

4. Sic N. Alii legunt, quoque.

5. N. nullam septentrionali parte

prius ab igne creatam. W. legit, nullum pliusquam septentrionalem partem, &c.

6. Tachem,

tem, tardissime temperatum: quippe qui etiam nunc torrenti calore solis exæstuet. Quod si omnes quondam terræ submersæ profundo fuerunt; profecto editissimam quamque partem decurrentibus aquis primum detectam; humillimo autem solo eandem aquam diutissime immorata: & quanto prior quæque parsterrarum siccata sit, tanto prius animalia generare cœpisse. Porro Scythiam adeo editiorem omnibus terris esse, ut cuncta flumina ibi nata, in Mæotin: tum deinde in Ponticum & Ægyptium mare decurrant. Ægyptum autem, quæ tot regum, tot seculorum cura impensaque munita sit, & adversum vim incurrentium aquarum tantis structa molibus, tot fossis conscissa, ut, cum his arceantur, illis recipiantur aquæ, nihilominus coli, nisi excluso Nilo, non potuerit, non posse videre hominum vetustate ultimam, quæ sive ex aggerationibus regum, sive Nili 6 trahentis limum, terrarum recentissima videatur. His igitur argumentis superatis Ægyptiis, antiquiores semper Scythæ visi.

CAP. II. Scythia 7 in Orientem porrecta, includitur ab uno latere Ponto; & ab altero montibus Riphæis: à tergo Asia & Phasi flumine. Multum in longitudinem & latitudinem patet. Hominibus inter se nulli fines; neque enim agrum exercent: nec domus illis ulla, aut tectum, aut sedes est, armenta & pecora semper pascentibus, & per incultas solitudines errare solitis. Uxores liberosque secum in plaustis vehunt. quibus, coriis, imbrum hiemisque

6. Trahens, C.

7. Sic N. & W. Alii addant, autem.

Vid. Diod. I. 2. Herodot. I. 4. Strabon. I. 11. Marc. I. 2. 27

8. Sic

hiemisque causa tectis, pro domibus utuntur. Justitia gentis ingeniis culta, non legibus. Nullum scelus apud eos furto gravius: quippe sine ⁸ tecto munimentoque pecora & armenta habentibus, quid saluum inter silvas ⁹ superesset, si furari liceret? Aurum & argentum perinde ¹⁰ aspernantur, ac reliqui mortales appetunt. Lacte & melle vescuntur. Lanæ iis usus ¹¹ ad vestitum ignotus: & quanquam continuis frigoribus urantur, pellibus ¹² tantum ferinis aut murinis utuntur. Hæc continentia illis morum quoque justitiam ¹³ addidit, nihil alienum concupiscentibus. Quippe ibidem divitiarum cupido est, ubi & usus. Atque utinam reliquis mortalibus similis moderatio, ¹⁴ abstinenciaque alieni foret: profecto non tantum bellorum per omnia secula terris omnibus continuaretur; neque plus hominum ferrum & arma, quam naturalis fatorum conditio raperet. Prorsus ut admirabile videatur, hoc illis naturam dare, quod Græci longa sapientium doctrina, præceptisque philosophorum consequi nequeunt; cultosque mores incultæ ¹⁵ barbariei collatione superari. Tanto plus in illis ¹⁶ profecit vitiorum ignorantio, quam in his cognitio virtutis.

A. C.
305.

CA P. III. Imperium Asiæ ter quæsiwere; ipsi perpetuo ab alieno imperio aut intacti, aut invicti mansere. Darium regem Persarum, turpi

8. Sic N. W. & B. Alii legunt, tecti munimento.

9. Sic MSS. W. B. & C. Alii legunt, quid saluum esset.

10. Sic N. C. & W. Alii legunt, aurum & argentum non perinde ac reliqui mortales appetunt.

11. Sic N. Alii legunt, ac vestitum.

12. Sic N. C. quod Bongarsio ex conjectura placuit. Alii legunt, tamen.

13. Sic N. & B. Alii legunt, edidit.

14. Sic N. & B. Alii legunt, & abstinencia.

15. Sic N. Alii legunt, barbaria.

16. Sic N. & B. Alii legunt, proficiit.

turpi ab Scythia summoeyerunt fuga: 17 Cy-
 rum cum omni exercitu trucidaverunt: Ale- A. C.
 xandri Magni ducem Zopyriona pari ratio- 529.
 ne cum copiis universis delēverunt: Ro- A. C.
 manorum audivere, non sensere arma. Par- 327.
 thicum & Bactrianum imperium ipsi con-
 diderunt. Gens laboribus & bellis aspera:
 vires corporum immensæ: nihil ¹⁸ parare
 quod amittere timeant; nihil victores præ-
 ter gloriam concupiscunt. Primus Scythiæ
 bellum ¹⁹ intulit Vexoris, rex Ægyptius,
 missis primo ²⁰ legatis, qui hostibus paren-
 di legem dicerent. Sed Scythæ jam ante de
 adventu regis à finitimis certiores facti, le-
 gatis respondent: tam opulenti populi ducem
 titolide adversus inopes occupasse bellum,
 quod magis domi fuerit illi timendum: quod
 belli certamen anceps, præmia victoriæ nulla,
 damna manifesta sint. Igitur non expectaturos
 Scythas dum ad se veniatur, cum tanto sibi
 plura in hoste concupiscenda sint; utroque
 prædæ ituros obviam. Nec dicta, res morata:
 quos cum tanta celeritate venire rex addidi-
 cisset, in fugam vertitur, exercituque cum
 omni apparatu belli relicto, in regnum ²¹ tre-
 pidus se recepit. Scythas ab Ægypto paludes
 prohibuere: inde rever., Asiam perdomitam
 vectigalem fecere, modico tributo, magis in
 titulum imperii, quam in victoriæ præmium
 imposito. Quindecim annis pacandæ Asiæ
 immorati, uxorum flagitatione revocantur,
 per legatos denuntiantibus, ni redeant, sobo-
 lem.

17. Vid. Diodor. l. 2. Herodot. l. 1. &

Ctesiam l. 12. Quintum Curt. l. 10.

18. N. C. W. legunt, paravere.

19. Sic B. l. 1, indixit.

20. Sic N. P. W. Alii, lenonibus;

& quidem ovum non est vocis no-

nestas aliorum trahi; sed tot exem-
 plarium autoritate fredi, lectionem ma-
 gis etiam retinendam duximus; quæ
 auctore statim agnoscitur.

21. Sic N. W. B. Alii cum tunc vo-
 cem, trepidus.

lem se ex finitimis quæsituras, nec passuras ut in posteritatem, Scytharum genus per feminas intercidat. His igitur Asia per mille quingentos annos vectigalis fuit. Pendendi tributum finem Ninus Rex Assyriorum imposuit.

C A P. IV. Sed apud Scythas medio tempore duo regii juvenes, Hylinos & Scolopitos, per factionem optimatum, domo pulsî, ingentem juventutem secum traxere; & in Cappadociæ ora, juxta amnem Thermodonta confederunt, subjectosque Themiscyreos campos occupare. Ibi per multos annos spoliare finitimos assueti, conspiratione populorum per insidias trucidantur. Horum uxores, cum viderent exilio additam orbitatem, arma sumunt: finesque suos, summoventes primo, mox etiam inferentes bella, defendunt. Nubendi quoque finitimis animum omisere; servitutem, non matrimonium appellantes. Singulare omnium seculorum exemplum ausæ, auxere rempublicam sine viris: jam etiam cum contentu virorum se tuentur. Et ne feliciores aliæ aliis videntur; viros qui domi remanserant, interficiunt. Ultionem quoque cæcorum conjugum, excidio finitimorum consequuntur. Tum pace armis quæsitâ, ne²² gens interiret, ²³ concubitus finitimorum ineunt. Si qui mares nascerentur, interficiebant. Virgines in eundem ipsis morem, non otio, neque lanificio; sed armis, equis, venationibus exercebant, inultis infantum dexterioribus mammis, ne sagittarum jactus impediretur: unde Amazones dictæ sunt. ²⁴ Duces iis fuere,

* Marpesia

²². Sic N. Alii legunt. genus. Vid. Herod. l. 4. Acrian l. 7. Strab. l. 11. Diod. Sic. l. 3. Appian. in Bell. Mithrid. Platon de Leg.

²³. Sic N. & B. Alii legunt, concubum.

²⁴. Sic N. Alii legunt, dum his regibus.

* Alii,

*Marpesia & Lampedo, quæ in duas partes agmine diviso inclytæ jam opibus, vicibus, gerebant bella, 25 soli terminos alternis defendentes: & ne successibus deesset auctoritas, genitas se Marte prædicabant. Itaque majore parte Europæ subacta, Asiæ quoque nonnullas civitates occupavere. Ibi Epheso, multisque aliis urbibus conditis, partem exercitus cum ingenti præda domum dimittunt. Reliquæ, quæ ad tuendum Asiæ imperium remanserant, concursu barbarorum cum Marpesia regina interficiuntur. In hujus locum filia ejus 29 Orithya regno succedit: cui præter singularem belli scientiam, eximia servatæ in omne ævum virginittatis admiratio fuit. Hujus virtute tantum additum gloriæ & famæ Amazonum est, A. C. ut Herculi Rex, cui XII stipendia debebat, 1230. quasi impossibile imperaverit, ut arma reginæ Amazonum sibi afferret. Eo igitur profectus longis novem navibus, comitante principum Græciæ juventute, inopinantes aggreditur. Duæ tum sorores Amazonum regna tractabant, Antiopæ & Orithya: sed Orithya foris bellum gerebat, igitur cum Hercules ad littus Amazonum applicuit; infrequens multitudo cum Antiopæ regina, nihil hostile metuente, erat: Qua re effectum est, ut paucæ repentino tumultu excitæ, arma sumerent, facilemque victoriam hostibus darent. Multæ itaque cæsæ, captæque. In his duæ Antiopæ sorores captæ sunt, Menalippe ab Hercule, Hippolyte à Theseo. Sed Theseus obtenta in præmium captiva, eandem in matrimonium assumpsit,

25. Alii, Mithesia & Lampeso.

26. Sic N. & W. Alii legunt, Iola.

27. Retinemus vulgarem lectionem; quamquam laudatissimus codex N. O. e-

triam, ubi rectius Otteram cum Græcis posuisset. Vid. Diod. Sic. l. 2. Flor. in Theseo. Pausan. in Attic. Q. Curt. l. 6.

sumsit, & ex ea genuit Hippolytum. Hercules post victoriam, Menalippen captivam forori reddidit, & pretium arma reginæ accepit. Atq; ita functus imperio, ad regem revertitur. Sed Orithya ubi comperit bellum fororibus illatum, & raptorem esse Atheniensium principem; hortatur comites ²⁷ in ultionem: frustra que & Ponti sinum, & Asiam edomitam esse dicit, si Græcorum non tam bellis, quam rapinis pateant. Auxilium deinde à Sagillo, rege Scythiæ, petit: Genus se Scytharum esse: cladem virorum, necessitatem armorum, belli causas ostendit; asscutasque ²⁸ per virtutem, ne segniores viris feminas habere Scythæ viderentur. Motus ille domestica gloria, mittit cum ingenti equitatu filium Panasagorum in auxilium. Sed ante prælium dissensione orta, ab auxiliis desertæ, bello ab Atheniensibus vincuntur: receptaculum tamen habuere castra sociorum, quorum auxilio intactæ ab aliis gentibus, in regnum revertuntur. Post Orithyam, * Penthesilea regno potita est, cujus Trojano bello inter fortissimos viros, cum auxilium adversus Græcos ferret, magna virtutis documenta extitere. Interfecta ²⁹ deinde Penthesilea, exercituque ejus absumto; paucæ, quæ in regno remanserant, ægre se adversus finitimos defendentes, usque ³⁰ ad tempora Alexandri Magni duraverunt. A. C. ³²⁷. * Harum Minithya, sive Thalestris regina, concubitu Alexandri per dies XIII. ad sobolem ex eo generandam obtento, reversa in regnum,

²⁷. Sic N. W. C. Alii voces illas omittunt.

²⁸. Sic N. & magis accedit ad Sallustianum loquendi modum, cujus studiofissimum semper exhibet Justinus. Alii legunt, virtute.

* Vid. Diod. Sic. l. 2

²⁹. Sic N. W. C. E. Impressi, deum, habent.

³⁰. Sic N. W. B. In impressis deest

* Vid. infra, l. 2. 3.

regnum, brevi ³¹ tempore cum omni Amazonum nomine intercidit.

CAP. V. Scythæ autem tertia expeditione A.C. 634.
 Afiana, cum annis ³² octo à conjugibus & liberis A.C. 605.
 absuissent, fervili bello domi excipiuntur. Quippe conjuges eorum longa expectatione virorum fessæ, nec jam teneri bello, sed deletos ratæ, servis ad custodiam pecorum relictis nubunt: qui reversos cum victoriæ dominos, velut advenas, armati finibus prohibent. Quibus cum varia victoriâ fuisset, admonentur Scythæ mutare genus pugnæ, memores non cum hostibus, sed cum servis præliandum; nec armorum, sed dominorum jure vincendos: verbera in aciem, non arma, adferenda; omissoque ferro virgas ac flagella, ceteraque servilis metus paranda instrumenta. Probato omnes consilio, instructi sicut præceptum erat, postquam ad hostem accessere, inopinantibus verbera intentant: adeoque illos perculerunt, ut quos ferro non poterant, metu verberum vincerent; fugamque non ut hostes victi, sed ut fugitivi servi, capesserent. Quicumque capi potuerunt, supplicia crucibus luerunt. Mulieres quoque male sibi consciæ, partim ferro, partim suspendio vitam finierunt. Post hæc pax apud Scythas fuit, usque tempora ³³ Janthyri regis. Huic A.C. 506.
 Darius rex Persarum, sicut supra dictum est, cum filiæ ejus nuptias non obtinuisset, bellum intulit: & armatis septingentis millibus hominum Scythiam ingressus, non facientibus hostibus pugnæ potestatem, metuens, ne interrupto

³¹ Sic N. In aliis ominitur, tempore.

³² Herodorus dicit, per viginti & octo annos absuissæ. I. 4. Vid. Ctes. Chid. I. 12.

³³ Sic N. B. C. Alii Janthyl. Sed

nostra lectio propius Herodoto & Arriano accedit, qui Indathyrum appellant. I. 4. Straboni etiam & Plut. qui Indathyrum, vocant.

terrupto ponte Istrî, reditus sibi intercluderetur, amissis octoginta millibus hominum trepidus refugit: quæ jactura, abundante multitudine, inter damna numerata non est. Inde Asiam & Macedoniam domuit: Ionas

A. C. 497. quoque navali prælio superat. Deinde cognito quod Athenienses Ioniis auxilium contra se tulissent, omnem impetum belli in eos convertit.

A. C. 501. A. C. 493. C A P. VI. Nunc, quoniam ad bella Atheniensium ventum est, quæ non modo ultra spem gerendi, verum etiam ultra gesti fidem patrata sunt; operaque Atheniensium effectu majora quam voto fuere: paucis urbis origo repetenda est; quia non, ut ceteræ gentes, à sordidis initiis ad summa crevere. Soli enim, præterquam incremento, etiam origine gloriantur. Quippe non advenæ, neque passim collecta populi colluvies originem urbi dedit: sed eodem innati solo, quod incolunt; & quæ illis sedes, eadem origo est. Primi lanificii, & olei, & vini usum docuere. Arare quoque, & serere frumenta, 34 glandem vescientibus monstrarunt. Literæ certe ac facundia, & hic civilis ordo disciplinæ, veluti templum Athenas habent. Ante Deucalionis tempora regem habuere Cecropem: quem, ut omnis antiquitas fabulosa est, bisformem tradidere, qui primus marem feminæ matrimonio junxit. Huic successit Cranaus, cujus filia Athis regioni nomen dedit. Post hunc A. C. Amphictyon regnavit, qui primus Miner-
væ

34. Nihil mirum, cum eadem constructio apud Plinium habeatur: licet C. & B. legant, glande. De Atheniensium primordiis, æque inventis Vid. Ælian. var. hist. 3. Pausan. M. Att.

Strab. 19. Cic. pro Flacco. Herodot. 18. Thucyd. l. 1. Vellei. Patere. Diod. Sic. l. 1. Euseb. in Chron. & alius passim.

væ urbem sacrauit, & nomen civitati Athenas dedit. Hujus temporibus, aquarum illuvies majorem partem populorum Græciæ absumpsit. Superfuerunt quos refugia montium receperunt, aut ad regem Thessaliæ Deucalionem ratibus eVecti sunt; à quo propterea genus hominum conditum dicitur. Per ordinem deinde successionis regnum ad Erechtheum descendit, sub quo frumenti satio apud Eleusin à Triptolemo reperta est, in cuius muneris honorem noctes initiorum sacratæ. Tenuit & Ægeus, Thesei pater, Athenis regnum, à quo per divortium decedens Medea, propter adultam privigni ætatem, Colchos, cum Medio filio ex Ægeo suscepto, concessit. Post Ægeum Theseus, ac deinceps Thesei filius Demophoon, qui auxilium Græcis adversus Trojanos tulit, regnum possedit. Erant inter Athenienses & Dorienles simultatum veteres offensæ, quas vindicaturi bello Dorienses, de eventu prælii oracula consuluerunt. Responsum, Superiores fore, ni regem Atheniensium occidissent. Cum ventum esset in bellum, militibus ante omnia, custodia regis præcipitur. Atheniensibus eo tempore rex Codrus erat; qui & responso Dei, & præceptis hostium cognitis, permutato regis habitu, pannosus, farmenta collo gerens, castra hostium ingreditur; ibi in turba obsistentium, à milite, quem sæpe convulneraverat, interficitur. Cognito regis corpore, Dorienses sine prælio discedunt. Atque ita Athenienses virtute ducis, pro salute patriæ morti se offerentis, bello liberantur.

A. C.
1395.

A. C.
1289.

A. C.
1232.

A. C.
1202.

A. C.
1068.

C A P. VII.

19. Sic N. In vulgatis additur, astu. Cic. Tusc. quest. 1. Polyæn. Strat. Vid. Valer. Max. 1. 1. c. 6. Pausan. 1. 1. Ammian. 22. Oros. 1. Strab. 9. in Achaic, Herod. 1. 5. Patere. 1. 1.

CAP. VII. ³⁶ Post Codrum nemo Athenis regnavit; quod memoriae nominis ejus tributum est. Administratio reipublicae ³⁷ annuis magistratibus permessa. Sed civitati ³⁸ nullae tunc leges erant: quia libido regum pro legibus habebatur. Legitur itaque Solon, vir justitiae insignis, qui velut novam civitatem legibus conderet; qui tanto temperamento inter plebem senatumque egit, (cum, si quid pro altero ordine tulisset, alteri displiciturum videretur) ut ab utrisque parem gratiam traheret. Hujus viri inter multa egregia, ³⁹ illud memorabile fuit. Inter Athenienses & Megarenses de proprietate Salaminae insulae, prope usque interitum armis dimicatum fuerat. Post clades multas ⁴⁰ capital esse apud Athenienses coepit, si quis legem de vindicanda insula tulisset. Sollicitus igitur A. C. 593. Solon, ne aut tacendo, parum reipublicae consuleret; aut censendo, sibi: subitam demerentiam simulat, cujus venia non dicturus modo prohibita, sed & facturus erat. Deformis habitu, more vecordium in publicum evolat; factoque concursu hominum, quo magis consilium dissimularet, insolitis sibi versibus suadere populo coepit, quod verabatur: omniumque animos ita cepit, ut exemplo bellum adversus Megarenses decerneretur, insulaque, devictis hostibus, Atheniensium fieret.

CAP. VIII.

36. Imo vero, si Pausanio in Achaicis fides, Medon Codri filius patri in regno successit.

37. Paterculus, & Euseb. in Chron. dicunt: Archontas perenni imperio, quod morte sola terminabatur, Codro successisse.

38. Satis novum Draconis leges prius obtinuisse. Vid. Plut. in Solon. A.

Gell. l. 11.

39. N. & B. Interponunt, &.

40. Lectionem retinemus, quia satis constat vocem ita olim fuisse scriptam; interim monere par erit N. W. B. C. capitali, addito e, scripisse. Vid. Cic. l. 1. Offic. Diog. Laert. in Solon. Plut. in Solon. Pausan. in Attic. Aelian. l. 7. Frontin. l. 4. Strabo. l. 9.

41. Sic

CAP. VIII. Interea Magarenſes, memores A. C. 561.
 illati Athenienſibus belli, & 41 veriti ne fru-
 ſtra arma moviſſe viderentur, matronas Athe-
 nienſium in Eleuſiniſ ſacris noctu oppreſſuri,
 naves conſcendunt. Qua re cognita, dux Athe-
 nienſium 42 Piſiſtratus juventutem in inſidiis
 locat, juiſſis matronis ſolito clamore ac ſtrepitu
 etiam in acceſſu hoſtium, ne intellectos ſe-
 ſentiant, ſacra celebrare; egreſſoſque navitus
 Megarenſes inopinantes aggreſſus, delevit:
 ac protinus claſſe captiva intermixtis mulieribus,
 ut ſpeciem captarum matronarum præberent,
 Megara contendit. Illi cum & navium formam,
 & petitam prædam cognoscerent, obvii ad
 portum procedunt: quibus cæſis, Piſiſtratus
 paulum à capienda urbe abſuit. Ita Megarenſes
 ſuis dolis hoſti victoriam dedere. Sed 43 Piſiſtratus,
 quaſi ſibi, non patriæ viciffet, tyrannidem per
 dolum occupat: quippe voluntariis verberibus
 domi affectus, laceratoque corpore, in publicum
 progreditur: advocata concione, vulnera populo
 oſtendit: de crudelitate principum, à quibus
 hæc ſe paſſum ſimulabat, queritur: adduntur
 vocibus lacrymæ, & invidioſa oratione mul-
 tudo credula accenditur: amore plebis in-
 viſum ſe ſenatui affirmat: obtinet ad cuſtodiam
 corporis ſui ſatellitum auxilium; per quos oc-
 cupata tyrannide, per annos XXXIII. regnavit. A. C. 560.

CAP. IX. Poſt ejus mortem 44 Diocles, A. C. 527.
 alter ex filiis, per vim ſtuprata virgine, à fra-
 tre

41. Sic W. Alii legunt, deſerti, minus appoſite. Vid. Æneam in Polior. Frontin. l. 4.

42. Polyænus Soloni hoc ſtragema tribuit; Plutarchus in Solone utriſque adſcribit, Vid. Ælian. l. 7. Æne. in Polior. c. 4.

43. Herodot. l. 1. Diop. Laert. in Solon. Plut. in Solone Ælian. l. 8. Diod. l. 11. Val. Max. l. 1. Pausan. in Laron. Ariſt. Polit. l. 5.

44. Alii Hipparchum vocant. Vid. Thucyd. l. 6. Herod. l. 2. Ariſt. Polit. l. 3. Pausan. in Aric. Ælian. l. 11.

tre puellæ interficitur. Alter, Hippias nomine, cum imperium paternum teneret, interfectorem fratris comprehendi jubet: qui
 A.C. 513. cum per tormenta confcios cædis nominare cogeretur, omnes amicos tyranni nominavit: quibus interfectis, quærenti tyranno, an adhuc aliqui conscii essent; neminem ait superesse, quem amplius mori gestiat, quam ipsum tyrannum. qua 45 voce ejusdem se tyranni victimam, post vindictam pudicitiae sororis ostendit. Hujus virtute cum admonita civitas libertatis esset, tandem Hippias regno pulsus, in exilium agitur: qui profectus in Persas ducem se Dario, inferenti Atheniensibus bellum, sicuti * supra significatum est, adversus patriam suam offert. Igitur 46 Athenienses, audito Darii adventu, auxilium à Lacedæmonis, socia tum civitate, petiverunt. Quos ubi viderunt quatriviri teneri religione, non expectato auxilio, instructis decem millibus civium, & Platænsibus auxiliaribus mille, adversus sexcenta millia hostium, in campos Marathonios in prælium egrediuntur. Miltiades & dux belli erat, & auctor non expectandi auxilii: quem tanta fiducia ceperat, ut plus præsidii in celeritate, quam in sociis duceret. Magna igitur in pugnam euntibus alacritas animorum fuit, adeo ut cum mille passus inter duas acies essent, citato cursu ante jactum sagittarum ad hostem venerint: nec
 A.C. 490. audaciæ 47 eventus defuit. Pugnatum est enim tanta virtute, ut hinc viros, inde pecudes putares. Victi Persæ in naves confugerunt; ex quibus

45. Vindicatam pudicitiam, N.

* Vid. c. 5.

46. Plut. in Aristid. Corn. Nep. in Miltiad. Herodot. I. 2. Ctesias I.

12. Plut. de leg. I. 1. Strab. I. 9. Isocrat. Orat. 9. A. Gell. O. of. I. 11.

47. Sic N. omittit vocula, ejus, quam alii apponunt.

48. Sic

quibus multæ ⁴⁸ submersæ, multæ captæ sunt. In eo prælio tanta virtus singulorum fuit, ut cujus laus prima esset, difficile judicium videretur. Inter cæteros tamen ⁴⁹ Themistoclis adolescentis gloria emicuit, in quo jam tunc indoles futuræ imperatoriæ dignitatis apparuit. ⁵⁰ Cynægiri quoque militis Atheniensis gloria, magnis scriptorum laudibus celebrata est; qui post prælii innumeras cædes, cum fugientes hostes ad naves egisset, onustam navem dextra manu tenuit, nec prius dimisit, quam manum amitteret: tum quoque amputata dextra, navem sinistra comprehendit; quam & ipsam cum amisisset, ad postremum morsu navem detinuit; Tantam in eo virtutem fuisse, ut non tot cædibus fatigatus; non duabus manibus amissis victus; truncus ad postremum, & veluti rabida fera, dentibus dimicaverit. Ducenta millia Persæ eo prælio, sive naufragio, amisere. Cecidit & Hippias, tyrannus Atheniensis, auctor & concitor ejus belli, diis patriæ ultoribus poenas repentibus.

C A P. X. Interea & Darius, cum bellum ⁵¹ instauraret, in ipso apparatu decedit, relictis multis filiis, & in regno & ante regnum susceptis. Ex his ⁵² Artemenes maximus natu, ætatis privilegio, regnum sibi vindicabat; quod jus, & ordo nascendi, & natura ipsa gentibus dedit. Porro Xerxes controversiam non de ordine, sed de nascendi felicitate referebat. Namque Artemenem primum quidem

A. C.
485.

⁴⁸. Sic B. C. W. Alii legunt, suppressæ.

⁴⁹. Vid. Plut. Corn. Nepot. de a-
liis passim.

⁵⁰. Vid. Herodot. l. 6. Val. Max.

⁵¹. l. 1. 2. Ammian. 24. Callimach.
Suidam.

⁵². Sic N. Alii legunt, restauraret.

⁵³. Herodot. l. 7. Plut. in Apo-
phthi, in Artaxerxe, & l. de frat. amorib.
⁵³. Sic

dem Dario, sed privato provenisse: se regi primum natum. Fratres itaque suos, qui ante geniti essent, privatum patrimonium, quod eo tempore Darius habuisset, non regnum sibi vindicare posse: se esse quem primum in regno jam rex pater sustulerit. Huc accedere, quod Artemenes non patre tantum, sed & matre privatæ adhuc fortunæ, avo quoque materno privato, procreatus sit; se vero & matre regina natum; & patrem non nisi regem vidisse; avum quoque maternum Cyrum se regem habuisse, non heredem, sed conditorem tanti regni; ⁵³ itaque si in æquo jure utrumque fratrem pater reliquisset, materno tamen se jure & avito vincere. Hoc certamen concordi animo ad patrum suum Artaphernen, veluti ad domesticum judicem, deferunt; qui domi cognita causa, Xerxem præposuit: adeoque fraterna contentio fuit, ut nec victor insultaverit, nec victus doluerit; ipsoque litis tempore invicem munera miserint; jucunda quoque inter se non solum, sed ⁵⁴ crebra convivia habuerint; judicium quoque ipsum sine arbitris, sine convictio fuerit. Tanto moderatius tum fratres inter se regna maxima dividebant, quam nunc exigua patrimonia partiuntur. Igitur Xerxes bellum a patre coeptum adversus Græciam, ⁵⁵ per quinquennium instruxit. Quod ubi primum didicit Demaratus, rex Lacedæmoniorum, qui apud Xerxem exulabat, amicior patriæ post fugam, quam regi post beneficia; ne inopinato bello opprimerentur, omnia in tabellis

lignis

⁵³. Sic N. Alii legunt. &c.

⁵⁴. Sic B. Quod Freinf. ex conjectura videbatur; Alii legunt, cre-

⁵⁵. Sic N. W. B. Vulgati omittunt, per. Vid. Ctes. apud Phot. cod. 72. Plut. in Themist. & Aristid. Herodot. l. 7.

⁵⁶. Sic

ligneis 56 magistratibus 57 scribit, easdemque
cera superinducta delict: ne aut scriptura sine
tegmine indicium daret, aut recens cera do-
lum proderet: fido deinde servo perferendas
tradit, jussu, magistratui Spartānorum tradere.
Quibus perlatis, Lacedæmone quæstioni res
diu fuit, quod neque scriptum aliquid vide-
rent, nec frustra missos suspicarentur, tanto-
que rem majorem, quanto sit occultior, puta-
bant. Hærentibus in conjectura viris, soror
regis Leonidæ consilium scribentis invenit,
Erasa igitur cera, belli consilia deteguntur.
Jam 58 Xerxes septingenta millia de regno
armaverat, & trecenta millia de auxiliis:
ut non immerito proditum sit, flumina ab
exercitu ejus siccata, Græciamque omnem A. C.
vix capere exercitum ejus potuisse. Naves 480.
quoque mille ducentas numero habuisse dici-
tur. Huic tanto agmini dux defuit. Ceterum
si regem spectes; divitias, non ducem laudes:
quarum tanta copia in regno ejus fuit, ut cum
flumina multitudine consumerentur, opes
tamen regiæ superessent. Ipse autem primus
in fuga, postremus in prælio semper visus est;
in periculis timidus; sicubi metus abesset,
inflatus; denique ante experimentum belli,
fiducia virium veluti naturæ ipsius dominus,
& montes in planum 59 deducebat, & con-
vexa vallium æquabat; 60 quædam maria
pontibus sternebat, quædam ad navigationis
commodum per compendium ducebat.

CAP. XI.

56. Sic N. B. W. Alii legunt, ma-
gistratui. Vid. Herodot. l. 7. Senec.
de Benef. 6. Jul. African. c. 5.

57. Sic N. Alii, perscribit.

58. Vid. Herodot. l. 7. Diad. Sic.

59. Alian. var. Hist. l. 3. Plut. in

Parill. Corn. Nep. in Them. Voleg.
Milt. l. 3. Ctesias l. 11. apud Phor.
Flin. l. 12. Hæcat. in Panath. Ores.

60. Sic N. B. W. C. Alii legunt,
ducebat.

61. Sic N. Alii interponunt, &.

61. Sic

C A P. XI. Cujus introitus in Græciam quam terribilis, tam turpis ac tædus discessus fuit. Nam, cum Leonida rex Spartanorum cum quatuor millibus militum angustias Thermopylarum occupasset, Xerxes, contemtu paucitatis, eos pugnam capeffere jubet, quorum cognati Marathonia pugna interfecti fuerant; qui, dum ulcisci suos quærent, principium cladis fuere: succedente deinde inutili turba, major cædes editur. Triduo ibi cum dolore & indignatione Persarum dimicatum: quarta die, quum nuntiatum esset Leonidæ, à xx. millibus hostium summum cacumen teneri, tunc hortatur socios, recedant, & se ad meliora patriæ tempora reservent: sibi cum Spartanis fortunam experiendam; plura se patriæ quam vitæ debere: ceteros ad præsidia Græciæ servandos. Audito regis imperio discessere ceteri, soli Lacedæmonii remanserunt. Initio hujus belli sciscitantibus Delphis oracula, ⁶¹ responsum regi Spartanorum fuerat; aut urbi, aut regi cladem imminere. Et idcirco rex Leonida, cum in bellum proficisceretur, ita suos firmaverat, ut ire se parato ad moriendum animo scirent. Angustias propterea occupaverat. ut cum paucis aut majore gloria vinceret, aut minore damno reipublicæ caderet. Dimissis igitur sociis, hortatur Spartanos, Meminerint, qualitercunque præliantibus, cadendum esse: caverent, ne fortius mansisse, quam dimicasse videantur; nec expectandum ut ab hoste circumvenirentur, sed dum nox occasionem daret, securis & læpis superveniendum; nusquam victores honestius, quam

^{61.} Sic N. Alii legunt, responsum fuerat, aut regi Spartanorum, aut urbi cadendum.

quam in castris hostium perituros. Nihil erat difficile persuadere persuasis mori: ⁶² raptim arma capiunt; & sexcenti viri, castra quingentorum millium irrumpunt; statimque regis prætorium petunt, aut cum illo, aut si ipsi oppressi essent, in ipsius potissimum sede morituri. Tumultus totis castris oritur. Spartani, posteaquam regem non inveniunt, per omnia castra victores vagantur; cædunt, sternuntque omnia: ut qui sciant se pugnare non spe victoriæ, sed in mortis ultionem. Prælium à principio noctis in maiorem partem diei tractum. Ad postremum non victi, sed vincendo fatigati, inter ingentes stratorum hostium acervos occiderunt. Xerxes duobus vulneribus terrestri prælio acceptis, experiri maris fortunam statuit.

CAP. XII. Sed Atheniensium dux ⁶³ Themistocles, cum animadvertisset Ionas, propter quos bellum Persarum susceperant, in auxilium regis classe venisse; sollicitare eos in partes suas statuit. Et, cum colloquendi copiam non haberet, quo applicituri erant, symbolos proponi, & ⁶⁴ in saxis præscribi curat: Quæ vos, Iones, dementia tenet? quod facinus agitaris? bellum inferre olim conditoribus vestris, nuper etiam vindicibus cogitaris? An ideo mœnia vestra condidimus, ut essent qui nostra delerent? Quid si non hæc & Dario prius, & nunc Xerxi, belli causa nobiscum foret, quod vos rebellantes non destituimus? Quin vos in hæc nostra castra ex ista obsidione transitis? Aut si hoc parum tutum ⁶⁵ est, vos commisso

A. C.
480.

⁶². Sic N. Alii legunt, statim.

scribi.

⁶³. Plut. in Themist. Herodot. l. 7.

⁶⁴. Sic N. & B. Quod Gronovio & Fabio ex conjectura placuit. Alii. ext. c.

⁶⁵. Sic N. Alii legunt, saxa pro-

13

⁶⁶. Diod.

commisso praelio ite cessim, inhibete remis,
& a bello discedite. Ante navalis praelii
congressionem miserat Xerxes quatuor millia
armatorum. ⁶⁴ Delphos, ad templum Apollini-
nis, diripiendum: prorsus, quasi non cum
Græcistantum, sed & cum diis immortalibus
bellum gereret: quæ manus tota imbris
deleta est, ut intelligeret, quam nullæ
essent hominum adversus deos vires. Post
hæc Thespias, & Platæas, & Athenas vacuas
hominibus incendit: & quoniam ferro in
homines non poterat, in ædificia igne graf-
satur. Namque Athenienses post pugnam
Marathoniam, præmonente Themistocle,
victoriam illam de Persis non finem, sed cau-
sam majoris belli fore, & naves fabricave-
rant. Adventante igitur Xerxe, consulenti-
bus ⁶⁵ Delphis oraculum, responsum fuerat,
Salutem muris ligneis tuerentur. ⁶⁶ Themis-
tocles navium præsidium demonstratum
ratus, persuadet omnibus, Patriam municip-
es esse, non moenia; civitatemque non in
ædificiis, sed in civibus positam. Melius ita-
que salutem navibus, quam urbi commissuros.
Hujus sententiæ etiam Deum auctorem esse.
Probatum consilio, conjuges liberosque, cum
pretiosissimis rebus, additis insulis, relicta
urbe, demandant: ipsi naves armati conscen-
dunt. Exemplum Atheniensium & aliæ ur-
bes imitatur. Itaque cum adunata omnis so-
ciorum

⁶⁴ Diod. Sic. l. 11. Herod. coll. 1.
Ctes. l. 12. Plut. in Themist. & Ari-
stide. Corn. Nep. Orof. l. 1.
⁶⁵ Corn. Nep. in Them. Herod.
l. 7. Plut. in Them. Polyan. 1. Stra-
teg. Arist. 1. Rhetor. Tullius l. 10.
8. Agric. & 3. Offic. Valer. l. 6. Fro-
n. l. 1.

⁶⁶ N. Periodum hæc aliter legitur,
cum Themistocles interpretatus esset,
Deum muris ligneis disscisse naves; e-
jus probato consilio, conjuges liberos-
que Salaminis demandant: ipsi naves
armari conscendunt. idem & alii civi-
tatis Græciæ faciunt.

ciorum classis, & intenta in bellum navale esset; angustiasque Salaminii freti, ne circumveniri à multitudine posset, occupassent; dissensio inter civitatum principes oritur: qui cum deserto bello ad sua tuenda delabi vellent, 69 timens Themistocles, ne discessu sociorum vires minuerentur, per servum fidum Xerxi nuntiat, uno in loco cum contractam Græciam capere facillime posse. Quod si civitates, quæ jam abire vellent, dissipentur; majore labore ei singulas consecandas. Hoc dolo impellit regem signum pugnae dare. Græci quoque adventu hostium occupati, prælium collatis viribus capeffunt. Interea rex, velut spectator pugnae, cum parte navium in litore remanet. 70 Artemisia autem regina Halicarnassi, quæ in auxilium Xerxi venerat, inter primos duces bellum acerrime ciebat: Quippe ut in viro muliebre timorem, ita in muliere virilem audaciam cerne- res. Cum anceps prælium esset, Iones juxta præceptum Themistoclis, pugnae se paulatim subtrahere cœperunt, quorum defectio animos ceterorum fregit. Itaque circumspicientes fugam pelluntur Persæ, & mox prælio victi, in fugam vertuntur. In qua trepidatione multæ captæ naves, multæ 71 submersæ; plures tamen non minus sævitiam regis, quam hostem timentes, domum dilabuntur.

CAP. XIII. Hac clade perculsum, & du- A. C.
bium consilii Xerxem Mardonius aggreditur. 480.
Hortatur in regnum abeat, ne quid seditionis
mo-

69. N. Verius, Vid. Plutar. h. in 70. Vid. Herod. l. 7. Paus. in La-
Them. & Aristid. Herod. l. 8. Corn. con. Orofius Artemidoram vocat.
Nep. in Them. Polyæn. l. 1. Frontia. quemadmodum N.
2. 11. 71. Sic N. Allii, moris.

moveat fama adversi belli, in majus, sicuti mos est, omnia extollens: sibi ccc. millia armatorum lecta ex omnibus copiis relinquit, qua manu aut cum gloria ejus perdomiturum se Græciam: aut, si aliter eventus ferat, sine ejusdem infamia hostibus cessurum. Probato consilio, Mardonio exercitus traditur: reliquas copias rex ipse reducere in regnum parat. Sed Græci audita regis fuga, consilium ineunt pontis interrumpendi, quem ille Abydo veluti victor maris fecerat; ut intercluso reditu, aut cum exercitu deleteretur; aut, desperatione rerum, pacem victus petere cogeretur. Sed Themistocles, timens ne interclusi hostes desperationem in virtutem verterent, & iter quod aliter non pateret, ferro patefacerent; satis multos hostes in Græcia remanere dictitans, nec augeri numerum retinendo oportere; cum vincere consilio ceteros non posset, eundem servum ad Xerxem mittit, certioreque consilii facit; & occupare transitum maturata fuga jubet. Ille percussus nuntio, tradit ducibus milites perducendos, ipse cum paucis Abydon contendit. Ubi cum solutum pontem hibernis tempestatibus offendisset, piscatoria scapha trepidus trajecit. Erat res spectaculo digna, & æstimatione sortis humanæ, rerum varietate miranda, in exiguo latentem videre navigio, quem paulo ante vix æquor omne capiebat; carentem etiam omni servorum ministerio, cujus exercitus propter multitudinem, terris graves erant. Nec pedestribus copiis, quas ducibus assignaverat, felicius iter fuit: siquidem quotidiano labôri (neque enim ulla est metuentibus quies) etiam fames accesserat. Multorum

Multorum deinde dierum inopia contraxerat & pestem: tantaque foeditas morientium fuit, ut viæ cadaveribus implerentur, alitellæ & bestię, escæ 73 illecebris sollicitatæ, exercitum sequerentur.

CAP. XIV. Interim 73 Mardonius in Græcia Olynthum expugnat. Athenienses quoque in spem pacis, amicitiamque regis sollicitat spondens incensæ eorum urbis etiam in majus restitutionem. Posteaquam nullo pretio libertatem videt his venalem, incensus quæ ædificare cœperant, copias in Bœotiam transfert. Eo & Græcorum exercitus, qui centum millium fuit, sequutus est: ibique prælium commissum. Sed Fortuna regis cum duce mutata non est. Nam victus 74 Mardonius, veluti ex naufragio cum paucis profugit. Castra referta regalis opulentię capta. Unde primum Græcos, diviso inter se auro Persico, divitiarum luxuria cepit. Eodem forte die, quo Mardonii copię deletæ sunt, etiam navali prælio in Asia sub monte * Mycale, adversus Persas dimicatum est. Ibi ante congressionem, cum classes ex adverso starent, fama ad utrumque exercitum venit, vicisse Græcos, & Mardonii copias occidione occidisse. Tantam famæ velocitatem fuisse, ut cum matutino tempore prælium in Bœotia commissum sit, meridianis horis in Asiam, per tot maria, & tantum spatii, tam brevi horarum momento, de victoriâ nuntiatum sit. Confecto bello, cum de præmiis civitatum

A. C.
4. 9.

73. Sic N. W. B. Alii omittunt, escæ.

73. Vid. Plut. in Arist. Diod. Sic.

74. 11. Herodot. l. 8. Corn. Nep. l.

in Pausan.

Aristot. Corn. Nep. in Aristot. &

Paus. Ctes. l. 11. Diod. l. 11. Strab. 5.

& Pausan. in Lacen. & Bœot.

* Vid. Polyan. l. 1. Frontin. l. 1.

74. Vid. Herod. l. 9. Plutarch. in Diod.

civitatum ageretur, omnium iudicio, Atheniensium virtus ceteris prælata. Inter duces quoque Themistocles princeps civitatum testimonio iudicatus, gloriam patriæ suæ auxit.

A.C. 478. CAP. XV. Igitur 75 Athenienses aucti, & præmiis belli, & gloria, urbem ex integro condere moliantur. Cum mœnia majora complexi fuissent, suspecti esse Lacedæmoniis cœpere, recte reputantibus, quibus ruina urbis tantum incrementi dedisset, quantum sit datura munita civitas. Mittunt ergo legatos, qui monerent, ne munimenta hostibus & receptacula futuri belli exstruant. Themistocles, ut vidit spei urbis invideri, non existimans abrupte agendum, respondit legatis; ituros Lacedæmonem, qui de ea re pariter cum illis consulant. Sic dimissis Spartanis, hortatur suos, opus maturent. Dein ipse interjecto tempore in legationem proficiscitur; & nunc in itinere infirmitate simulata, nunc tarditatem collegarum accusans, sine quibus agi jure nihil possit, diem de die proferendo, spatium consummando operi quærebat; cum interim nuntiatur Spartanis, opus Athenis maturari; propter quod denuo legatos mittunt ad 76 rem inspiciendam. Tum Themistocles per servum magistratibus Atheniensium scribit, legatos vinciant, pignusque teneant, ne in se gravius consulatur. Adit deinde concionem Lacedæmoniorum: indicat permunitas Athenas esse, & posse jam illatum bellum non armis tantum, sed etiam muris

75. Vid. Diod. l. 11. Thucyd. l. 1. Corn. Nep. in Themist. Polyæn. l. 1. Xenon. l. 1. Pausan. l. 1. Plut. & 76. Sic N. Alii voces transponunt.

77. Vid.

muris sustinere. Siquid ob eam rem de se crudelius statuerent, legatos eorum in hoc pignus Athenis retentos. Graviter deinde castigat eos, quod non virtute, sed imbecillitate sociorum, potentiam quærent. Sic dimissus, veluti triumphatis Spartanis, à civibus excipitur. Post hæc Spartani, ne vires otio corrumperent, & ut bis illatum à Persis Græciæ bellum ulciscerentur, ultio fines eorum depopulantur. Ducem suo, sociorumque exercitui deligunt 77 Pausaniam, qui pro ducatu, regnum Græciæ affectans, proditi-
onis præmium cum Xerxe, nuptias filiæ ejus paciscitur, redditis captivis, ut fides regis aliquo beneficio obstringeretur. Scribit præterea Xerxi, quoscunque ad se nuntios misisset, interficeret: ne res loquacitate hominum proderetur. Sed dux Atheniensium Aristides, belli socius 78 electus, collegæ conatibus obviam eundo, simul & in rem sapienter consulendo, proditi-
onis consilia discussit. Nec multo post accusatus Pausanias, A. C. 475. damnatur. Igitur Xerxes, cum proditi-
dolum publicatum videret, ex integro bellum instituit. Græci quoque ducem constituunt
* Cimonem Atheniensem, filium Miltiadis, quo duce apud Marathonem pugnatum est, juvenem, cujus magnitudinem futuram pietatis documenta prodiderunt. Quippe patrem ob crimen peculatus in carcerem con-
jectum, ibique defunctum, translatis in se vin-
culis,

77. Plutarch. in Themist. Arist. & Cimonem, Thucyd. l. 1. Herod. l. 9. Diod. Sic. l. 11. Cornel. Nep. in Them. Arist. & Paus. Alian. l. 4. Polyæn. l. 8. Xenoph. Hist. Græc. 2. Valer. Max. 2.

78. Sic N. & W. Ab aliis omittitur, electus.

* Vid. Diod. l. 11. Herod. l. 6. Thucyd. l. 1. Plutarch. & Cornel. Nep. in Cim. Val. Max. 5. Plin. in Men. Polyæn. 4. Frontin. 1.

* Vid.

culis, ad sepulturam redemit. Nèc in bello
judicium deligentium fefellit: siquidem non
inferior virtutibus patris, exsem terrestri
navalique bello superatum, trepidum recipere
se in regnum coegit.

LIBER III.

BREVIARIUM CAPITUM.

1. *Xerxis & Artabani praefecti perfidi tragi-
cus interitus.*
2. *Bellorum inter Lacedaemonios & Atheni-
enses origo. Sparta Respublica, & Legisla-
tor.*
3. *Leges à Lycurgo Spartanis latae, quomodo
rata fiant & habeantur.*
4. *Bellum Messeniis illatum ob stupratas vir-
gines: & spuriorum Spartanorum in Ita-
liam migratio.*
5. *Messenii scelerum suorum luunt penas; &
bellum instaurant, ac tandem superantur.*
6. *Tertium bellum Messenium, Peloponnesia-
cum item, in quo multae eventuum variorum
facies.*
7. *Pacis fœdus ruptum. Spartani premuntur
Periclis virtute, cujus egregia in rempubli-
cam merita describuntur. Iterum pax sanc-
cita & violata: unde bellum Siculum.*

CAP. I.

A. C. 474. **X**ERXES rex Persarum, terror antea genti-
um, bello in Græciam infelicitè gesto
etiam suis contemptui esse coepit. Quippe* Ar-
tabanus

* Vid. Diod. l. 118. Ctes. in Pers. Aristot. Polit. l. 5.

tabanus præfectus ejus, deficiente quotidie regis majestate, in spem regni adductus, cum septem robustissimis filiis regiam vesperi ingreditur, (nam amicitiae jurè semper illi patebat) trucidatoque rege, voto suo obfisteres filios ejus, dolo aggreditur. Securior de Artaxerxe, puerò admodum, fingit regem à Dario qui erat adolescens, quo maturius regno potiretur, occisum; impellit Artaxerxem parricidium parricidio vindicare. Cum ventum ad domum Darii esset, dormiens inventus, quasi somnum fingeret, interficitur. Dein cum unum ex regis filiis scelere suo superesse Artabanus videret, metueretque de regno certamina principum, assumit in societatem consilii Bacabasum; qui præsentì statu contentus, rem prodit Artaxerxi, ut pater ejus occisus; ut frater falsa parricidii suspitione oppressus; ut denique ipsi pararentur insidiæ. His cognitis Artaxerxes, verens Artabani numerum filiorum, in posterum diem paratum esse armatum exercitum jubet, recogniturus & numerum militum, & in armis industriam singulorum. Itaque cum inter ceteros & ipse Artabanus armatus assisteret, rex simulat, se breviorè loricam habere: jubet Artabanum secum commutare: exuentem se, ac nudatum, gladio trajicit: tum & filios ejus corripit jubet. Atque ita egregius adolescens, & cædem patris, & necem fratris, & se ab insidiis Artabani vindicavit.

A. C.
473.

C A P. II. Dum hæc in Persis geruntur, interea Græcia omnis, ducibus Lacedæmoniis & Atheniensibus, in duas divisa partes, ab externis

1. Sic N. B. W. Alii omittunt, & necem fratris. Vid. Diød. Sic. Ctesiam.

2. Vid.

externis bellis, velut in viscera sua, arma convertit. Fiunt igitur de uno populo duo corpora: & eorundem castrorum homines, in duos hostiles exercitus dividuntur. Hinc Lacedæmonii communia quondam civitatum auxilia, ad vires suas trahebant: inde Athenienses, & vetustate gentis, & gestis rebus illustres, propriis viribus confidebant. Atque ita duo potentissimi Græciæ populi, institutis Solonis, & Lycurgi legibus pares ex æmulatione virium in bellum ruebant. Namque ² Lycurgus cum fratri suo Polydectæ Spartanorum regi successisset, regnumque sibi vindicare potuisset, Charilaos, filio ejus, qui natus postumus fuerat, cum ad ætatem adultam pervenisset, regnum summa fide restituit: ut intelligerent omnes, quanto plus apud bonos pietatis jura, quam opes valerent. Medio igitur tempore dum infans convalescit, tutelamque ejus administrat, non habentibus Spartanis leges instituit, non inventione earum magis, quam exemplo clarior: siquidem nihil lege ulla in alios sanxit, cujus non ipse primus in se documenta daret. Populum in obsequia principum, principes ad justitiam imperiorum formavit. Parcimoniam omnibus suavit, existimans laborem militiæ, assidua frugalitatis consuetudine faciliorem fore. Emi singula non pecunia, sed compensatione mercium jussit. Auri argentique usum, velut omnium scelerum materiam sustulit.

CAP. III.

². Vid. Plut. in ejus vita. Herodot. l. 1. Strabon. l. 10. Xenoph. de rep. Laced. Pol. l. 6. Val. Max. l. 1. Pausan. in Lacyn.

³. Sic N. Alii hic reperiunt, omnes, prius in hac periodo positum. Cujus vice Faber, Nomines, ponepudum suadet.

⁴. Sic

CAP. III. Administrationem reipublicæ A. C.
 per ordines divisit: Regibus potestatem bel- 893.
 lorum, magistratibus judicia per annuas suc-
 cessiones, senatui custodiam legum, populo
 sublegendi senatum, vel creandi quos vellet
 magistratus, potestatem permisit. Fundos
 omnium æqualiter inter omnes divisit, ut æ-
 quata patrimonia neminem potentio-
 rem altero redderet. Convivari omnes publice
 iussit, ne cuius divitiæ vel luxuria in occulto
 essent. Juvenibus non amplius una veste uti
 toto anno permisit, nec quenquam cultius
 quam alterum progredi, nec epulari opulen-
 tius, ne imitatio in luxuriam verteretur. Pue-
 ros puberes non in forum, sed in agrum de-
 duci præcepit, ut primos annos non in luxuria,
 sed inopia & laboribus agerent. Nihil eos
 somni causa substernere, & vitam sine pul-
 mento degere, neque prius in urbem redire,
 quam viri facti essent, statuit. Virgines sine
 dote nubere iussit, ut uxores eligerentur, non
 pecuniæ; severiusque matrimonia sua viri co-
 ercerent, cum nullis dotis frænis tenerentur.
 Maximum honorem non divitum & potentium,
 sed pro gradu ætatis senum esse voluit.
 Nec sane usquam terrarum locum honorati-
 orem senectus habet. Hæc quoniam primo,
 solutis antea moribus, dura videbat esse, au-
 ctorem eorum s. Apollinem Delphicum fin-
 git, & inde se ea ex præcepto numinis detu-
 lisse, ut consuescendi tedium metus religionis
 vincat. Dein ut æternitatem legibus suis da-
 ret, iurejurando obligat civitatem, nihil eos A. C.
 de 876.

* Sic N. Alii legunt, in opere.

l. 1. Plur. in Lycurg. Strab. l. 10. Cic.

3. Vid. Herodot. l. 1. Valer. Max.

l. 1. Divia. Polyæn. l. 1.

6. Vid.

de ejus legibus mutaturos priusquam revertetur: & simulat, se ad oraculum Delphicum proficisci, consulturum, quid addendum mutandumque legibus videretur. Proficiscitur autem Cretam, ibique perpetuum exilium egit, abjicique in mare ossa sua moriens jussit, ne relatis Lacedæmonem, solutos se Spartani religionis jurisjurandi in dissolvendis legibus arbitrarentur.

A. C. 742. CAP. IV. His igitur moribus ita brevi civitas convaluit, ut, cum ⁶ Messeniis propter stupratas virgines suas in solenni Messeniorum sacrificio, bellum intulissent, gravissima se execratione obstrinxerint, non prius quam ⁷ Messeniam expugnassent, reversuros, tantum sibi vel de viribus suis, vel de fortuna spondentes. Quæ res initium dissensionis Græciæ, & intestini belli causa & origo fuit. Itaque, cum contra præsumptionem suam annis decem in obsidione urbis tenerentur, & querelis uxorum post tam longam viduitatem revocarentur: veriti, ne hac perseverantia belli, gravius sibi quam Messeniis nocerent: quippe illis quantum juventutis bello intercedat, mulierum fecunditate suppleri; sibi & belli damna assidua; & fecunditatem uxorum, absentibus viris, nullam esse: itaque legunt juvenes ex eo genere militum, qui post jusjurandum in supplementum venerant, quibus Spartam remissis promiscuos omnium feminarum concubitus permiscere: maturiorem futuram conceptionem rati, si eam singulis per plures viros experirentur. Ex his nati,

ob

6. Vid. Strab. l. 6. & 8. Pausan. in Mess. Orof. l. 1.

7. Legi debet Messeniam vel Mess-

nem; de urbe enim, non remissio agitur.

ob notam materni pudoris, & Parthenias vocati: qui cum ad annos xxx. pervenissent, metu inopiæ (nulli enim pater existerat, cuius in patrimonium successio speraretur) ducem Phalanthum assumunt, filium Araci, qui auctor Spartanis fuerat, juventutis ad generandam sobolem domum remittendæ: ut sicuti dudum patrem ejus nascendi auctorem habuissent, sic ipsum spei ac dignitatis suæ haberent. Itaque nec salutatis matribus, è quarum adulterio infamiam collegisse videbantur, ad sedes inquirendas proficiscuntur; diuque & per varios casus jactati, tandem in Italiam deferuntur, & occupata arce Tarentinorum, expugnatis veteribus incolis, sedes sibi constituunt. Sed post annos plurimos dux eorum Phalanthus, per seditionem in exilium proturbatus, Brundisium se contulit, quo expulsi sedibus suis veteres Tarentini concesserant. Hic moriens persuadet ut ossa sua postremaeque reliquias conterant, & tacite spargi in foro Tarentinorum curent: Hoc enim modo recuperare illos patriam suam posse, Apollinem Delphis cecinisse, Illi arbitrantes eum in ultionem sui, civium fata prodidisse, præceptis parvere: sed oraculi diversa sententia fuerat. Perpetuitatem enim urbis, non amissionem hoc facto promiserat Deus. Ita ducis exulis consilio, & hostium ministerio, possesso Tarentina Partheniis in æternum fundata: ob cujus beneficii memoriam Phalantho divinos honores decrevere.

CAP. V.

8. Vel etiam Partheniis Vill. Scrob.
19. Arist. Pol. l. 5. Paulin. in Phoc.

9. Sic B. Alii legunt, ibi.
10. Sic N. Alii omittunt, Deus.

722. **CAP. V.** Inter ea Messenii, cum virtute non possent, per insidias expugnantur. Dein, cum per annos LXXX. gravia servitutis, verbera plerumque & vincula, ceteraque captivitatis mala perpessi essent, post longam poenarum patientiam, bellum instaurant.

683. **A. C.** Lacedæmonii quoque eo conspiratus ad arma concurrunt, quo adversus servos dimicaturi videbantur. Itaque cum hinc injuria, inde indignitas animos acueret: Lacedæmonii de belli eventu oraculo Delphis consulto, jubentur ducem belli ab Atheniensibus petere. Porro Athenienses, cum responsum cognovissent, in contemptum Spartanorum,

682. **A. C.** Tyræum, poetam, claudum pede, misere: qui tribus præliis fusos, eo usque desperationis Spartanos adduxit, ut ad supplementum exercitus, servos suos manumitterent, hisque interfectorum matrimonia pollicerentur; ut non numero tantum amissorum civium, sed & dignitati succederent. Sed reges Lacedæmoniorum, ne contra fortunam pugnando, majora detrimenta civitati infligerent, reducere exercitum voluerunt; ni intervenisset Tyræus, qui composita carmina exercitui pro concione recitavit; in quibus hortamenta virtutis, damnorum solatia, belli consilia conscripserat. Itaque tantum ardorem militibus iniecit, ut non de salute, sed de sepultura solliciti, tesseras, insculptis suis & patrum nominibus, dextro brachio deligarent, ut, si omnes adversum prælium commisisset, & temporis

Fr. Sic N. Alii legant, restaurant. Vid. Strab. l. 6. Pausan. in Messen. Max. Tyr. dissert. 2. Thucyd. l. 1. Horat. in Art. Platon. de Leg. l. 1. & passim. Polyan. Strat. l. 1. Plut. l. 11. Plin. l. 30. Gellium. l. 17. pro in Lycurg. Quint. l. 10. Stob. in Eclog. Lycurg. Rhet. orat. cont. Leoc. Plut. in Peric. in Nic. & Alcibi. Diog. l. 11. Plin. l. 30. Gellium. l. 17. pro So. alii supponunt 40.

poris spatio confusa corporum lineamenta essent, ex indicio titulorum tradi sepulturae possent. Cum sic animatum reges exercitum viderent, curant rem hostibus nuntiari. Messeniis autem non timorem res, sed æmulationem mutuam dedit. Itaque tantis animis concursus est, ut raro unquam cruentius prælium fuerit. Ad postremum tamen victoria Lacedæmoniorum fuit.

A. C.
666.

CAP. VI. Interjecto tempore, tertium quoque bellum Messenii reparavere: in cuius auxilium Lacedæmonii, inter reliquos socios, etiam Athenienses adhibuere: quorum fidem cum suspectam haberent, supervacaneos simulantes, à bello eosdem dimiserunt. Hanc rem Athenienses graviter ferentes, pecuniam, quæ erat in stipendium Persici belli ab universa Græcia collata, à Delo Athenas transferunt, ne deficientibus à fide societatis Lacedæmoniis, prædæ ac rapinæ esset. Sed nec Lacedæmonii quievire: qui cum Messeniorum bello occupati essent, Peloponnesenses immisere, qui bellum Atheniensibus facerent. Parvæ tunc temporis, classe in Ægyptum missa, vires Atheniensibus erant: Itaque navali prælio dimicantes, facile superantur. Interjecto deinde tempore, post reditum suorum aucti & classis & militum robore, prælium reparavere. Jam & Lacedæmonii, omisiss Messeniis, adversus Athenienses arma verterant. Diu varia victoria fuit: ad postremum æquo Marte utrinque discessum. Inde revocati Lacedæmonii ad Messeniorum bellum, ne medium tempus otiosum Atheniensibus relinquerent, cum Thebanis paciscuntur, ut Boeotiorum imperium his restituerent,

A. C.
467.

A. C.
465.

A. C.
460.

A. C.
455.

rent, quod temporibus Perfici belli amiserant, ut illi Atheniensium bella susciperent. Tanta furor Spartanorum erat, ut duobus bellis impliciti, suscipere tertium non recusarent, dummodo inimicis suis hostes acquirerent. Igitur Athenienses, adversus tantam tempestatem belli, duos duces deligunt, Periclem spectatae virtutis virum, & Sophoclem scriptorem tragoediarum: qui diviso exercitu, & Spartanorum agros vastaverunt, & multas Acaiae civitates Atheniensium imperio adiecerunt.

A. C.
453.

A. C.
445.

A. C.
431.

CAP. VII. His malis fracti Lacedaemonii, in annos xxx. pepigerunt pacem: sed tam longum otium inimicitiae non tulerunt. Ira quintodecimo anno, rupto foedere, cum contentu deorum hominumque, fines Atticos populantur: & ne praedam potius, quam pugnam expetisse viderentur, hostes ad praedium provocant. Sed Athenienses, consilio Periclis ducis, populationis injuriam differunt in tempus ultionis, supervacuam pugnam existimantes, cum ulcisci hostem sine periculo possent. Deinde interjectis diebus, laeves conscendunt, & nihil sentientibus Lacedaemoniis, totam Spartam depraedantur multoque plura auferunt, quam amiserant. Proxus ut in comparatione damnorum, longe pluris fuerit ultio, quam injuria. Clara quidem haec Periclis expeditio habita: sed multo clarior privati patrimonii contemptus fuit. Hujus agros in populatione cererorum, intactos, hostes reliquerant, sperante acquirere se illi posse, aut periculum ex invidia, aut ex suspitione proditionis infamiam. Quod ante prospiciens Pericles, & futurum populo praedixerat,

prædixerat, & ad invidiæ impetum declinan-
 dum, agros ipsos dono reipublicæ dederat:
 arque ita, unde periculum quæsitum fuerat,
 ibi maximam gloriam invenit. Post hæc
 interjectis diebus, navasi prælio dimicatum A. C.
428.
 est: victi Lacedæmonii fugerunt. Nec ces-
 satum deinceps est, quin aut terra, aut mari,
 varia præliorum fortuna invicem se truci-
 darent. Denique fessi tot malis, pacem in A. C.
429.
 annos quinquaginta fecere, quam non nisi
 sex annis servaverunt. Nam inducias, quas
 proprio nomine condixerant, ex sociorum
 persona rumpebant: quippe quasi minus per-
 jurii contraherent, si ferentes sociis auxilia,
 potius quam si ¹² ipsi aperto prælio dimicas-
 sent. Hinc bellum in Siciliam translatum: A. C.
415.
 quod priusquam expono, de Sicilia situ pau-
 ca dicenda sunt.

¹² Sic N. Alii omittunt, ipsi.

LIBER IV.

BREVIARIUM CAPITUM.

1. *Sicilia insula situs, soli natura, Etna item
 montis ac Scyllæ & Charibdis miraculum.*
2. *Nomina, incolæ veteres, tyranni Siciliae,
 cui Carthaginienses inbiant.*
3. *Rheginenses ab Himeranis oppressi, Athe-
 nienses imperium Sicilia ambiunt, & præ-
 pers agunt initio.*
4. *In incepto pergentes, Syracusani Lace-
 dæmonios accersunt. Græcorum concursus
 fit, & bellum in Siciliam transfertur.*
5. *Athenienses à Gylippo, Lacedæmoniorum
 duce, terra marique franguntur: ducibus
 Demosthene & Nicia indecoro fato subla is.*

1. **S**iciliam ferunt angustis quondam faucibus Italix adhæsisse; direptamque velut à corpore, majore impetu superi maris, quod toto undarum onere illuc vehitur. Est autem ipsa terra tenuis ac fragilis; & cavernis quibusdam fistulisque ita penetrabilis, ut ventorum tota ferme flatibus pateat; nec non & ignibus generandis nutriendisque soli ignis naturalis materia: quippe intrinsecus stratum sulphure & bitumine traditur: quæ res facit, ut spiritu cum igne inter interiora luctante, frequenter & compluribus locis nunc flammæ, nunc vaporem, nunc fumum eructet. Inde denique Ætnæ montis per tot secula durat incendium. Et ubi acrior per spiramenta cavernarum ventus incubuit, arenarum moles egeruntur. Proximum Italix promontorium, Rhegium dicitur, ideo quia Græce abrupta hoc nomine pronuntiantur. Nec mirum si fabulosa est loci hujus antiquitas, in quem res tot coiere miræ. Primum quod nusquam alias tam torrens fretum, nec solum citato impetu, verum etiam sævo; neque experientibus modo terribile, verum etiam procul videntibus. Undarum porro in se concurrentium tanta pugna est, ut alias veluti terga dantes in imum desidere, alias quasi victrices in sublime ferri videas: nunc hic fremitum ferventis æstus, nunc illic gemitum in voraginem desidentis exaudias. Accedunt vicini, & perpetui Ætnæ montis ignes, & insularum

larum Æolidum, veluti ipsis undis alatur incendium. Neque enim in tam angustis terminis aliter durare tot seculis tantus ignis potuisset, nisi & humoris nutrimentis aleretur. Hinc igitur fabulæ Scyllam & Charyb-
din peperere: hinc latratus auditus, hinc monitri credita simulacra, dum navigantes magnis vorticibus pelagi desidentis exterriti, latrare putant undas, quas sorbentis æstus vorago cōludit. Eadem causa etiam Ætnæ montis perpetuos ignes facit. Nam aquarum ille concursus, raptum secum spiritum in imum fundum trahit, atque ibi suffocatum tamdiu tenet, donec per spiramenta terræ diffusus, nutrimenta ignis incendat. Jam ipsa Italiæ Siciliæque vicinitas, jam promontiorum altitudo ipsa ita similis est ut quantum nunc admirationis, tantum antiquis terroris dederit; credentibus, coeuntibus in se promontoriis, ac rursus discedentibus, solida intercipi absumique navigia. Neque hoc ab antiquis in dulcedinem fabulæ compositum, sed metu & admiratione transeuntium. Ea est enim procul insipientibus natura loci, ut sinum maris, non transitum putes: quo cum accesseris, discedere ac se jungi promontoria, quæ antea juncta fuerant, arbitrere.

CAP. II. 3 Sicilia primo Trinacriæ nomen fuit; postea Sicania cognominata est. Hæc à principio patria Cyclo-
pum fuit: qui-
bus extinctis, Cocalus regnum insulæ occupa-
vit: post quem singulæ civitates in tyrannorum imperium concesserunt, quorum nul-

Ia

2. Sic N. B. W. Alii emittunt, &c. cyd. l. 6. Diod. l. 4. Strab. l. 6.
3. Vid. Dionys. Halic. l. 1. Thuc. Euseb. in Chron.

4. Huac

A. C.
662.

la terra feracior fuit. Horum ex numero Anaxilaus iustitia cum ceterorum crudelitate certabat; cujus moderationis haud mediocrem fructum tulit: quippe decedens cum filios parvulos reliquisset, tutelamque eorum 4 Micalo, spectatae fidei servo, commississet: tantus amor memoriae ejus apud omnes fuit, ut parere servo, quam deserere regis filios mal-
lent; principesque civitatis obliti dignitatis suae, regni maiestatem administrari per ser-
vum paterentur. * Imperium Siciliae etiam Carthaginenses tentavere; diuque varia victoria cum tyrannis dimicatum. Ad pos-
tremum amisso Hamilcare imperatore cum exercitu, aliquantisper quievit victi.

A. C.
480.

C A P. III. Medio tempore cum 5 Rhegini discordia laborarent, civitasque per dissensio-
nem divisa in duas partes esset; veterani ex altera parte ab Himera in auxilium vocati, pulsae civitate, contra quos implorati fuerant; & mox caesis, quibus tulerant auxilium, ur-
bem cum conjugibus & liberis sociorum oc-
cupavere; ausi facinus nulli tyranno compa-
randum: quippe ut Rheginis melius tuerit vinci, quam vicisse. Nam siue victoribus captivitatis iure servissent, siue amissa patria exulare necesse habuissent, non tamen, inter aras & patrios lares trucidati, crudelissimis ty-
rannis patriam cum conjugibus ac liberis praedam reliquissent. Catanienses quoque cum Syracusanos graves paterentur, diffusi viribus suis, auxilium ab Atheniensibus petivere: qui seu studio majoris imperii, quo Asiam Graeciamque

4. Hunc Herod. & Macrob. Mi-
eyr um vocant.

* Vid. Diod. 11. Herod. 7.

5. Vid. Plin. l. 11. Strab. l. 6. Sil.
Ital. l. 4. Thuryd. l. 3. Diod. Sic. l. 11.

6. Vid.

ciamque penitus occuparent, seu metu factæ
 pridem à Syracusanis classis, ne Lacedæmo-
 niis illæ vires accederent; Lamponium du-
 cem cum classe in Siciliam misere, ut sub spe-
 cie ferendi Catiniensibus auxilii, tentarent
 Siciliæ imperium. Et quoniam prima initia,
 frequenter cæsis hostibus prospera fuerant;
 majore denuo classe, & robustiore exercitu,
 Lachete & Cariade ducibus, Siciliam peti-
 vere: sed Catinienses, sive metu Athenien-
 sium, sive tædio belli, pacem cum Syracusa-
 nis, remissis Atheniensium auxiliis, fecerunt.

A. C.
 433.

CAP. IV. 6 Interjecto deinde tempore,
 cum fides pacis à Syracusanis non servaretur,
 denuo legatos Athenas mittunt, qui sordida
 veste, capillo barbaque promissis, & omni
 squaloris habitu ad misericordiam commo-
 vendam acquisito, concionem deformes ad-
 eunt: adduntur precibus lacrymæ: & ita
 misericordem populum supplices movent, ut
 damnarentur duces, qui ab his auxilia dedu-
 xerant. Igitur classis ingens decernitur cre-
 antur duces Nicias, & Alcibiades, & Lama-
 chus; tantisque viribus Sicilia repetitur, ut
 ipsis terrori essent, in quorum auxilia mitte-
 bantur. Brevi post tempore, revocato ad
 reatum Alcibiade, duo prælia pedestria se-
 cunda Nicias & Lamachus faciunt: muniti-
 onibus deinde circumdatis, hostes etiam ma-
 rinis com meatibus in urbe clausos interclu-
 dunt. Quibus rebus fracti Syracusani, auxili-
 um à Lacedæmoniis petiverunt. Ab his mit-
 titur Gylippus, solus, sed in quo instar omni-
 um

A. C.
 415.

6. Vid. Diod. l. 13. & 14. Thucyd. Neg. in Alcib. Valer. l. 1. & 2. 3. 4.
 l. 6. Plur. in Nic. & Alcib. Corn. & 1.

um auxiliorum erat. Is audito 7 in itinere belli jam inclinato statu, auxiliis partim in Græcia, partim in Sicilia contractis, opportuna bello loca occupat. Duobus de inde præliis victus, congressu tertio, occiso Lamacho, & hostes in fugam compulit, & socios obsidione liberavit. Sed cum Athenienses à bello terrestri in navale se transfulissent, Gylippus classem Lacedæmone cum auxiliis arcessit: quo cognito, & ipsi Athenienses in locum amissi ducis Demosthenem & Eurymedonta, cum supplemento copiarum mittunt: Peloponnesii quoque, communi civitatum decreto, ingentia Syracusanis auxilia misere; & quasi Græcæ bellum in Siciliam translatum esset, ita ex utraque parte summis viribus dimicabatur.

A. C. 413. CAP. V. Prima igitur congressione navalis certaminis, Athenienses vincuntur. Castra quoque cum omni publica ac privata pecunia amittunt. Super hæc mala, cum etiam terrestri prælio victi essent, tunc Demosthenes 8 consulere cœpit, ut abirent Sicilia, dum res, quamvis afflictæ, nondum tamen perditæ forent: neque in bello male auspicato amplius perseverandum esse; domi graviora, & forsitan infeliciora bella, in quæ servare hos urbis apparatus oporteat. Nicias, seu pudore male actæ rei, seu metu destitutæ spei civium, seu impellente fato, manere contendit. Reparatur igitur navale bellum, & animi à prioris fortunæ procella, ad spem certaminis revocantur; sed inscitia ducum, qui inter angustias

7 Sic N. & W. Alii legunt, gerere. Senatum magis spectat. Vid. Diod. l. 13.
8 Sic N. Alii, censere, quæ vox ad Plur. in Nicia. Thucyd. l. 7.

9 Sic

gustias maris tuentes se Syracusanos aggressi fuerant, facile vincuntur. Eurymedon dux in prima acie fortissime dimicans, primus cedit: triginta naves, quibus prae fuerat, incenduntur. Demosthenes & Nicias, & ipsi victi, exercitum in terram deponunt, tutiorem fugam rati itinere terrestri. Ab his relictas centum triginta naves Gylippus invasit: ipsos deinde insequitur: fugientes partim caput, partim caedit. Demosthenes, amisso exercitu, à captivitate gladio & voluntaria morte se vindicat: Nicias vero, & etiam Demosthenis, ut sibi consuleret, admonitus exemplo, cladem suorum, captivitatis dedecore cumulavit.

9 Sic N. Alii legunt, autem ne consuleret, admonitus, cladem suorum. Demosthenis quidem exemplo, ut sibi rum auxit dedecore captivitatis.

LIBER V.

BREVIARIUM CAPITUM.

1. Alcibiades Siculi bel i concitor in exilium coniectus, Lacedaemonios ad bellum Atheniensibus inferendum impellit. Huic bello Darius rex Persarum accedit socius Lacedaemoniis.
2. Alcibiadis res gesta in patriam. Lacedaemoniis suspectus, negotium illis facessit Tisaphernis opera.
3. Alcibiades statum reip. mutat, deinde classe inst. ucta in bellum pergit adversus Lacedaemonios.
4. Navalis pugna & praeclara de Lacedaemoniis victis ab Alcibiade reportata victoria.

Is

Is desideratus civibus suis Athenas reversus summa cum omnium lætitia excipitur.

5. Lacedæmonii Persarum freti auxilio exercitum Atheniensem in Asia sparsum opprimunt. Alcibiades ob rem male gestam veritus populi impetum, denuo in voluntarium exilium proficiscitur.
6. Conon, Alcibiadis successor, invalidos & novos milites nactus, infeliciter rem gerit. & navali prælio superatus, concedit ad Evagoram.
7. Atheniensem tot cladibus fractorum pusillanimitas.
8. Lacedæmonii victores urbe Athenarum deditione potiuntur. Lysander statum reip. mutat: inde xxx. tyranni, & cades Alcibiadis.
9. Theramenes, tyrannorum unus, vir moderatus, à collegis trucidatur. Thrasylbulus remp. collapsam restituit, & prælio commisso, xxx. tyrannorum sævissimos, Critiam & Hippolochum, mactat.
10. Thrasylbulus populares fugientes placide revocat: superstites tyrannos urbe pellit; qui, dum bellum reparare student, comprehensi trucidantur, æquino, id est, discordiarum oblivione, inter cives sancita.
11. Darii mors; inter cuius filios, Artaxerxem & Cyum, lis de regno, qua prius in occultum, deinde vero in apertum bellum erumpente, Artaxerxes demum, fratre occiso, & victoria & regno potitur.

CAP. I.

DUM Athenienses in Sicilia bellum per biennium cupidius, quam felicius gerunt, interim concitor & dux ejus Alcibiades absens Athenis infimulatur, [mysteria ² Cereris] Initiorum sacra, nullo magis quam silentio solennia, enuntiavisse, revocatusque à bello ad judicium, sive conscientiam, sive indignitatem rei non ferens, tacitus in exilium Elidem profectus est. Inde, ubi non damnatum se tantum, verum etiam diris, per omnium sacerdotum religiones devotum cognovit, Lacedæmonia se contulio: ibique regem Lacedæmoniorum impellit, turbatis Atheniensibus adverso Siciliæ prælio, ultro bellum interre. Quo facto omnis Græciæ multitudo, velut ad extinguendum commune incendium, concurrunt. Tantum odium Athenienses immoderati imperii crudelitate contraxerant. Darius quoque rex Persarum, memor paterni avitque in hanc urbem odii, facta cum Lacedæmoniis per Tissafernem, præfectum Lydiæ, societate, omnem sumtum belli pollicetur. Et erat hic quidem titulus cum Græcis coeundi: re autem vera timebat, ne victis Atheniensibus, ad se Lacedæmonii arma transferrent. Quis igitur miretur, tam florentes Atheniensium opes ruisse, cum ad opprimendam unam urbem,

A. C.

415.

A. C.

414.

A. C.

413.

A. C.

412.

1. Vid. Plur. in Alcib. Diod. Sic. l. 13. Thucyd. l. 9. Elfan. var. Hist. l. 13. ora Nep. in Alcib.

2. Voces istæ uncia in lusa, omnium fere editorum judicio, eliminanda videntur: sed quia nulli codi-

ces MSS. suffragantur, retinemus.

3. Sic N. Alii legunt, omnia Græciæ regna. Græcos autem à Regum dominatione maxime abharruisse satis notum.

bem, totius Orientis vires concurrerent? Non tamen inertī, neque incruento cedere bello: sed præliati ad ultimum, victores etiam interdum, consumpti magis fortunæ varietate, quam vi victi sunt. Principio bellī omnes ab his, etiam focii, desciverant, ut sit: quo se fortuna, eodem etiam favor hominum inclinat.

- C A P. II. Alcibiades quoque motum adversus patriam bellum, non gregarii militis opera, sed 4 imperatoris virtutibus adjuvat.
- A. C. Quippe acceptis quinque navibus in Asiam
412. contendit, & tributarias Atheniensium civitates, auctoritate nominis sui, ad defectionem compellit. Sciebant enim domi clarum, nec exilio videbant factum minorem: nec tam ablatum Atheniensibus ducem, quam Lacedæmoniis traditum; partaque cum amissis imperia pensabant. Sed apud Lacedæmonios virtus Alcibiadis plus invidiæ quam gratiæ contraxit. Itaque cum principes, velut æmulum gloriæ suæ, interficiendum insidiis
- A. C. mandassent, cognita re Alcibiades per uxorem
411. Agidis regis, quam adulterio cognoverat, ad Tissafernem præfectum Darii regis profugit; cui se celeriter officii comitate & obsequendi gratia insinuavit. Erat enim & ætatis flore, & formæ veneratione, nec minus eloquentia; etiam inter Athenienses, insignis: sed in conciliandis amicitiarum studiis, quam in retinendis vir melior: quia morum vitia sub umbra eloquentiæ primo latebant. Igitur persuadet Tissaferni, ne tanta stipendia classi Lacedæmoniorum

4. Sic N. unde antinefesa magis a. Thucyd. l. 8. Plat. & Corn. Nep. An
toet. Alii legunt, imperatoris, Vid. Alcib. Diod. l. 13. Oros. l. 2.

5. Sic

Lacedæmoniorum præberet. Vocandos enim in portionem muneris Ionios, quorum pro libertate, cum tributa Atheniensibus penderent, bellum susceptum sit. Sed nec auxiliis nimis enixe Lacedæmonios juvandos; Quippe memorem esse debere, alienam se victoriam, non suam instruere; Et eatenus bellum sustinendum, ne inopia deferatur. Nam regem Persarum, & dissidentibus Græcis, arbitrum pacis ac belli fore; & quos suis non possit, ipsorum armis victurum: perfecto autem bello, statim ei cum victoribus dimicandum. Domesticis itaque bellis Græciam⁶ atterendam, ne externis vacet; exæquandasque vires partium, & inferiores auxilio levandos. Non enim quieturos post hanc victoriam Spartanos, qui vindices se libertatis Græciæ professi sint. Grata oratio Tisiasferni fuit. Itaque comæatus maligne præbere; classem regiam non totam mittere; ne aut victoriam totam daret, aut necessitatem deponendi belli imponeret.

CAP: III. Interea Alcibiades hanc operam civibus venditabat: ad quem legati Atheniensium venissent, pollicetur his amicitiam regis, si respubl. à populo translata ad senatum foret: sperans, ut aut, concordante civitate, dux belli ab omnibus legeretur; aut discordia inter ordines facta, ab altera parte in auxilium vocaretur. Sed Atheniensibus imminente periculo belli, major salutis quam dignitatis cura fuit. Itaque, permittente populo, * imperium ad senatum transfertur. Qui cum,

A. C.
411.

5. Sic N. Alii legunt, dissidentibus.

* Vide Strab. l. 9. Thucyd. l. 8.

6. Sic N. Alii legunt, obtundendam.

Diod. l. 11.

cum, insita 7 genti superbia, crudeliter in plebem consuleret, singulis tyrannidis sibi impotentiam vindicantibus, ab exercitu Alcibiades exul revocatur, duxq; classi constituitur. Statim igitur Athenas mittit, ex continente secum exercitu venturum, recepturumque à Quadringentis jura populi, ni ipsi redderent. Hac denuntiatione optimates territi, primo urbem prodere Lacedæmoniis tentavere: dein, cum id nequissent, in exilium profecti sunt. Igitur Alcibiades, intestino malo patria liberata, summa cura classem instruit; atque ita in bellum adversus Lacedæmonios pergit.

A. C. 409. CAP. IV. Jam 1 Sesto Mindarus & 2 Pharnabazus, Lacedæmoniorum duces, instructis navibus expectabant. Prælio commisso, victoria penes Arhenienses fuit. In eo bello major pars exercitus, & omnes ferme hostium duces cæsi: naves LXXX. captæ. Interjectis quoque diebus, cum bellum Lacedæmonii à mari in terram transtulissent, iterato vincuntur. His malis fracti, pacem petiere: Quam ne acciperent, opera eorum effectum est, quibus ea res quæstum præstabat. Interea & Syracusanorum auxilio illatum à Carthaginiensibus Siciliæ bellum domum revocavit: quibus rebus destitutis Lacedæmoniis, Alcibiades cum classe victrici Asiam vastat: multis

7. Intellige Nobilium: quod adeo Fabio placuit, ut refragante Exemplarium fide, in textum admitti contemderet.

8. Sic fere omnes MSS. nimirum, ad Sestum; quo loquendi more sæpius utitur Auctor noster. Vid. Xenoph. l. 1. Diad. l. 1. Plur. in Alcib. Polyan. l. 1. Alij omittunt, Sesto.

9. Sub Persi hujus Satrapæ auspiciis militare non erubuerunt Lacedæmonii: unde non immerito inter eorum duces numeratur Pharnabazus. Eruditissimus D. Isaacus Vossius, rependendum judicat, adversus Mindarum Lacedæmoniorum ducem: cui lectio ni, si MS. accederet suffragium, calculum libentissime adjecerim.

10. Sic

multis locis praelia facit: ubique victor recipit civitates quæ defecerant: nonnullas capit, & imperio Atheniensium adjicit: atque ita prisca navali gloria vindicata, adjecta etiam laude terrestris belli, desideratus civibus suis Athenas revertitur. His omnibus praeliis ducentæ naves hostium, & præda ingens capta. Ad hunc redeuntis exercitus triumphum, effusa omnis multitudo obviam procedit: & universos quidem milites, præcipue tamen Alcibiadem, miratur: in hunc oculos civitas universa, in hunc suspensa ora convertit: hunc quasi ¹⁰ Deum e coelo missum, & ut ipsam Victoriæ contuentur: laudant quæ pro patria, nec minus admirantur quæ exul contra gesserit, excusantes ipsi, iratum provocatumque fecisse. Enim vero tantum in uno viro fuisse momenti, ut maximi imperii subversi, & rursus recepti, auctor esset; & unde steteret, eo se victoriæ transferret: fieretque cum eo mira quædam fortunæ inclinatio. Igitur omnibus non humanis tantum, verum & divinis cum honoribus onerant: certant secum ipsi, utram contumeliosius cum expulerint, an revocaverint honoratius. Ipsos illi deos gratulantes tulere obviam, quorum execrationibus erat devotus. Et cui paulo ante omnem humanam opem interdixerant, cum, si queant, in cælo posuisse cupiunt. Expleant contumelias honoribus, detrimenta muneribus, execrationes precibus. Non Siciliæ illis adversa pugna in ore est, sed Græciæ victoria: non classes per illum amissæ, sed acquisitæ: nec Syracusarum, sed Ionæ,

10. Sic N. Alii omittunt, Deum.

Ioniz, Helleſpontique meminerunt. Sic Alcibiades nunquam mediocribus, nec in offenſa, nec in favore, ſtudiis ſuorum exceptus eſt.

A. C. 467. CAP. V. ¹¹ Dum hæc aguntur, à Lacedæmoniiſ Lyſander claſſi belloque præſicitur, & in locum Tiſſaſerniſ, Darius, rex Perſarum, filium ſuum Cyrum Ioniz Lydiæque præpoſuit: qui Lacedæmonioſ auxiliis opibuſque ad ſpem fortunæ prioris erexit. Aucti igitur viribuſ, Alcibiadem cum centum navibuſ in Aſiam proſectum, dum agros longa pace divites, ſecuriuſ populatur, & prædæ dulcedine ſine inſidiarum metu ſparſoſ militeſ habet repente adventu oppreſſere: tantaque cædeſ palantium fuit, ut pluſ vulneriſ eo prælio Athenienſeſ acciperent, quam ſuperioribuſ dederant: & tanta deſperatio apud Athenienſeſ erat, ut ex continenti Alcibiadem ducem Conone mutarent; arbitranſeſ victoſ ſe non fortuna belli, ſed fraude imperatoriſ: apud quem pluſ prior offenſa valuiſſet, quam recentia beneficia. Viſiſſe autem eum prior bello ideo tantum, ut oſtenderet hoſtibuſ, quem ducem ſpreviſſent, & ut cariuſ eiſ ipſam victoriã venderet. Omnia enim credibilia in Alcibiade, vigor ingeniũ, & morum luxuria faciebat. Verituſ itaque multitudiniſ impetum, denuo in voluntariuſ exituſ proficiſcitur.

A. C. 406. CAP. VI. Itaque ¹² Conon Alcibiadi ſuſſectus, habent ante oculos cui duci ſucceſſiſſet, claſſem maxima induſtria exornat; ſed navibuſ

¹¹ Vid. Diodor. Sic. l. 13. Corn. Nep. in Alcib. Xenoph. l. 1. Plut. in Lyſand. & Alcib.

¹² Diod. Sic. l. 13. Xen. l. 11.

Plut. in Alcib. & Lyſ. Corn. Nep. in Conone & Alcib. Iſoc. in Evag. & ad Phil. Ariſt. Rhet. l. 2. Oroſ. l. 11.

navibus exercitus deerat, fortissimis quibusque in Asiæ populatione amissis. Armantur tamen senes, aut impuberes pueri, & numerus militum sine exercitus robore expletur. Sed non magnam bello moram ætas fecit imbellis: cæduntur passim, aut fugientes capiuntur; tantaque strages, aut occisorum, aut captivorum fuit, ut Atheniensium deletum non imperium tantum, verum etiam nomen videretur. Quo prælio perditis & desperatis rebus, ad tantam inopiam rediguntur, ut, consumpta militari ætate, peregrinis civitatem, servis libertatem, damnatis impunitatem darent. Ex qua colluvione hominum, conscripto exercitu, domini antea Graciæ vix libertatem tuebantur. Iterum tamen fortunam A. C. maris experiendam decernunt. Tanta vir- 405. tus animorum erat, ut, cum paulo ante salutem desperaverint, nunc non desperent victoriam. Sed neque is miles erat, qui nomen Atheniensium tueretur; neque eæ vires, quibus vincere consueverant; neque ea scientia militaris in his, quos vincula, non castra continuerant. Itaque omnes aut capti, aut occisi. Cum dux Conon eo prælio superfuisset solus, crudelitatem civium metuens, cum octo navibus ad regem Cyprium concedit Evagoram.

CAP. VII. At dux Lacedæmoniorum rebus feliciter gestis, fortunæ hostium insultat; 405. captivas naves cum præda bellica, in triumphum modum ornatas, mittit Lacedæmonia; ac tributarias Atheniensium civitates, quas metus

13 MS. Leidense legit, ut paulo gloriam: quasi utrumque laudi dante salutem; post speraverint videndum.

14 Sic

tus dubiæ belli fortunæ in fide tenuerat, voluntarias recepit, nec aliud ditionis Atheniensium præter urbem ipsam reliquit. Quæ cuncta cum Athenis nuntiata essent, omnes, relictis domibus, per urbem discurrere pavidi: alius alium sciscitari; auctorem nuntii requirere: non pueros imprudentia, non senes debilitas, non mulieres sexus imbecillitas domi tenet: adeo ad omnem ætatem tantum mali sensus penetraverat. In foro deinde coeunt, atque ibi perpeti nocte fortunam publicam questibus ¹⁴ onerant. Alii fratres, aut filios, aut parentes deflent, cognatos alii, alii amicos cognatis cariores, & cum privatis casibus querelam publicam miscent: jam se ipsos, jam ipsam patriam perituram, miserioremque incolumium, quam amissorum fortunam ¹⁵ judicant: sibi quisque ante oculos obsidionem, famem, & superbum victoremq; hostem proponentes: jam ruinam urbis & incendia, jam omnium captivitatem & miserrimam servitutem recordantes: feliciores prorsus priores urbis ruinas ¹⁶ dicentes, quæ incolumibus filiis parentibusque, tectorum tantum ruina taxatæ sint. Nunc autem non classem, in quam, sicuti pridem, confugiant, superesse; non exercitum, cujus virtute servari pulciora possent moenia extruere.

C A P. VIII. Sic deserta ac prope perditæ urbi hostes superveniunt, & obsidione circumdata obsessos fame urgent. Sciebant enim neque ex advectis copiis multum superesse;

14. Sic N. Alii legunt, iterant.

15. Sic N. Alii legunt, judicantes.

16. Sic N. Alii legunt, ducentes.

17. Vid. Diod. Sic. l. 13. Xenophy

hist. Gr. l. 2: Plut. in Lyfand. & Alcib. Alcin. var. hist. l. 4. Thucyd. l. 1. Scyth. l. 9.

18. Vid.

esse, & ne novæ advehi possent, provide-
rant: quibus malis Athenienses fracti, post
longam famem, & assidua suorum funera, pa-
cem petivere: quæ an dari deberet, diu inter
Spartanos sociosque deliberatum. Cum multi
delendum Atheniensium nomen, urbemque
incendio consumendam censerent; negarunt
se Spartani, ex duobus Græciæ oculis alterum
eruturos: pacem polliciti, si demissa Piræ-
cum versus muri brachia dejicerent, naves-
que quæ reliquæ forent, traderent; resque
publica ex semet ipsis xxx. rectores accipe-
ret. In has leges traditam sibi urbem Lace-
dæmonii formandam Lyfandro tradiderunt.
Insignis hic annus & expugnatione Athenarum,
& morte Darii regis Persarum, & ex-
ilio Dionysii Siciliæ tyranni, fuit. Mutato
statu Athenarum, etiam civium conditio mu-
tatur. ¹⁸ Trīginta rectores reipublicæ consti-
tuuntur, qui sunt Tyranni: quippe à prin-
cipio tria millia sibi satellitum statuunt, quan-
tum ex tot cladibus prope nec civium super-
fuerat; & quasi parvus hic ad continendam
civitatem exercitus esset, septingentos mi-
lites à victoribus accipiunt. Cædes deinde
civium ab Alcibiade auspicantur, ne iterum
republicam sub obtentu liberationis inva-
deret. Quem cum profectum ad Artaxer-
xem, Persarum regem, comperissent, citato
itinere miserunt, qui eum interciperent; à
quibus occupatus, cum occidi aperte non
posset, vivus in cubiculo, in quo dormiebat,
crematus est.

CAP. IX.

18. Vid. Diod. Sic. l. 14. Xē. l. 7. Athenz. Drign. l. 13. Arist.
nophon. l. 1. Plut. in Lyfand. & Alcibi. hist. An. l. 6. Ck. l. 1. de Divinit.
cib. Cœt. Nep. in Thraſyb. Val. Max.

A. C. 403. CAP. IX. Liberati ultoris ¹⁹ hujus metu Tyranni, miseras urbis reliquias cædibus & rapinis exhauriunt. Quod cum displicere uni ex numero suo Theramēni didicissent, ipsum quoque ad ²⁰ documentum ceterorum & terrorem omnium interficiunt. Fit igitur ex urbē passim omnium fuga; repleturque Græcia Atheniensium exulibus: quod etiam ipsum auxilium cum miseris eriperetur (nam Lacedæmoniorum edicto, civitates, exules recipere prohibebantur;) omnes se Argos & Thebas contulere; ibi non solum tutum Exilium egerunt, verum etiam spem recuperant-patriæ receperunt. ²¹ Erat inter exules Thra-sybulus, vir strenuus, & domi nobilis, qui au-diendum aliquid pro patria & pro salute com-muni, etiam cum periculo, ratus; adunatis exulibus, castellum Phylen Atticorum finium occupat; nec deerat quarundam civitatum tam crudeles casus miserantium favor. Itaque Ismenias, Thebanorum princeps, etsi publicis non poterat, privatis tamen viribus adjuva-bat; & Lysias Syracusanus orator, exul tunc, quingentos milites, stipendio suo instructos, in auxilium patriæ communis eloquentiæ mi-sit. Fit itaque asperum prælium; sed cum hinc pro patria summis viribus, inde pro aliena dominatione securius pugnaretur, Tyranni vincuntur; victi in urbem ²² refugiant; quam exhaustam cædibus suis, etiam armis spoliant. Deinde cum omnes Athenienses proditiōis suspectos haberent, demigrare eos ex-

¹⁹. Sic N. Alii legunt, hoc

²⁰. Sic N. Quæ voces alii omi-
runt. Xen. l. 2. Cic. Tusc. Quæst. 1.
Plur. in Nicias, & Consol. ad Apollon.

²¹. Vid. Corn. Nep. in Thra-sy-b.
Plutarch. in Lyfand. Val. Max. l. 4.
Oros. l. 1.

²². Sic N. Alii, refugerunt.

²³. Sic

ex urbe jubent, & in brachiis muri, quæ diruta fuerant, habitare, extraneis militibus imperium tuentes. Post hæc Thrasymbulum corrumpere, imperii societatem pollicentes, conantur : quod cum non contigisset, auxilia Lacedæmoniis petivere ; quibus accitis, iterato præliantur. In eo bello Critias & Hippolochus, omnium Tyrannorum sævissimi, cadunt.

CAP. X. Ceteris victis, cum exercitus eorum, ex quibus major pars Atheniensium erat, fugeret, magna voce Thrasymbulus exclamat, Cur se victorem fugiant, potius quam ut vindicem communis libertatis adjuvant ? Civium illam meminerint aciem, non hostium esse, nec se ideo arma cepisse, ut aliqua victis adimat, sed ut ademta restituat; xxx. se dominis, non civitati bellum inferre. Admonet deinde cognationis, legum, sacrorum communium ; tum vetusti per tot bella commilitii : orat, misereantur exulum civium ; si tam patienter ipsi serviant, reddant sibi patriam, accipiant libertatem. His vocibus tantum promotum est, ut reversus in urbem exercitus, xxx. Tyrannos emigrare Eleusina juberet, substitutis decem, qui rempubl. regerent ; qui, nihil exemplo prioris dominationis territi, eandem viam crudelitatis aggressi sunt. Dum hæc aguntur, nuntiatur Lacedæmone, 23 bellum Athenis exarsisse : ad quod comprimen- A. C.
dum, Pausanias rex mittitur : qui misericor- 422.
dia exulis populi permotus, patriam miseris civibus restituit, & decem Tyrannos ex urbe
Eleusina

23. Sic N. Alii legunt, in bellum mode dictum. Vid. Diod. l. 14. Xen. l. 1.
Athenienses exarsisse, quod minus com-

24. Corn. Nep. in Thrasyb. Plut. in Lyc.

24. Sic

Eleusina migrare ad ceteros jubet. Quibus rebus cum pax statuta esset, interjectis diebus, repente Tyranni, non minus restitutos exules, quam se in exilium actos indignantes, quasi vero aliorum libertas, sua servitus esset, bellum Atheniensibus inferunt. Sed ad colloquium, veluti dominationem recepturi, progressi, per insidias comprehensi, ut pacis victimæ trucidantur: populus, quem emigrare jusserant, in urbem revocatur. Atque ita per multa membra civitas dissipata, in unum ²⁴ tandem corpus redigitur; &, ne qua dissensio ex ante-actis nasceretur, omnes jurjurando obstringuntur, discordiarum oblivionem fore. Interea Thebani, Corinthii-que, legatos ad Lacedæmonios mittunt; qui ex manubiis portionem prædæ communis belli periculique peterent: quibus negatis non quidem aperte bellum adversus Lacedæmonios decernunt: sed tacitis ²⁵ animis tantam iram concipiunt, ut subesse bellum intelligi posset.

A. C. 404. CAP. XI. Eodem fere tempore Darius, rex Persarum, moritur, Artaxerxe & Cyro filiis relictis. Regnum Artaxerxi, Cyro civitates, quarum præfectus erat, testamento logavit. Sed Cyro judicium patris, injuria videbatur. Itaque occulte adversus fratrem bellum parabat: quod cum nuntiatum Artaxerxi esset, arcessitum ad se fratrem, & innocentiam dissimulatione belli simulantem, compedibus aureis vinxit; interfecissetque, ni mater prohibuisset. Dimissus igitur Cyrus, jam non occulte

24. Sic N. C. B. Alii legunt, tantum.

25. Vid. Cref. apud Phot. Plut. in Art. Xenoph. 4. 1.

26. Legen-

occulte bellum, sed palam; nec per dissimulationem, sed aperta professione parare cœpit: ²⁶ auxilia undique contrahit. Lacedæmonii memores Athèniensi bello enixe se ejus opera adjutos, velut ignorantes contra quem bellum pararetur, decernunt, auxilia Cyro mittenda; ubi res ejus exegisset: quærentes apud Cyrum gratiam, & apud Artaxerxem, si vicisset, veniæ patrociniâ, cum nihil adversus eum aperte decrevissent. Sed cum in bello fors prælii utrumque fratrem pugnæ obtulisset, prior Artaxerxes à fratre vulneratur; quem cum equi fuga periculo subtraxisset, Cyrus, à cohorté regia oppressus, interficitur. Sic victor Artaxerxes, & præda fraterni belli, & exercitu potitur. In eo prælio decem millia Græcorum in auxilio Cyri fuere: quæ & in cornu, in quo steterant, vicerunt; & post mortem Cyri, neque armis à tanto exercitu vinci, neque dolo capi potuerunt; revertentesque inter tot indomitas nationes, & barbaras gentes, per tanta itineris spatia virtute se usque terminos patriæ defenderunt.

A. C.

403.

A. C.

401.

A. C.

400.

²⁶. Legendum suadet Faber, Auxiliis undique contractis, sed MSS. præficio destitutus.

LIBER VI.

BREVARIUM CAPITUM.

1. *Lacedæmonii Asiæ imperium affectantes bellum movent. Rex Persarum Athèniensibus per Cononem auxilium concedit.*
2. *Lacedæmonii ducem exercitus Agesilaum præsciunt. Cononis prudenter & fortiter gesta.*

G

3. *Pisandri*

3. *Pisandri & Cononis pugna, in qua Lacedæmonii victi.*
4. *Inclinatio fortunæ Lacedæmoniorum, quam Agesilai fortitudo sustentat.*
5. *Athenienses Iphicratem & Cononem Lacedæmoniis opponunt. Athenæ ex Lacedæmoniorum spoliis instaurantur.*
6. *Græciæ pax à rege Persarum indicta, quam Lacedæmonii magno suo malo turbant.*
7. *Thebani Lacedæmonios laceſſunt, unde dubia Martis alea, & pugna ad Mantineam.*
8. *Epaminondæ, fortissimi Thebanorum ducis, interitus, & elogium.*
9. *Totius Græciæ clades post Epaminondæ excessum.*

CAP. I.

A. C. 400. **L**acedæmonii, more ingenii humani, quo plura habent, eo ampliora cupientes, non contenti accessione Atheniensium opum vires sibi duplicatas, totius Asiæ imperium affectare cœperunt: sed major pars sub regno Persarum erat. Itaque Dercyllides, dux in hanc militiam electus, cum videret, sibi adversus duos præfectos Artaxerxi¹ regis, Pharnabazum & Tissafernem, maximarum gentium viribus succinctos, dimicandum, pacificari cum altero statuit. Aptior visus Tissafernes, vir & industria potior, & militibus Cyri, quondam regis, instructior, in colloquium vocatur, & statutis conditionibus, ab armis dimittitur. Hanc rem Pharnabazus apud

1. Sic N. quod alibi passim apponitur, cum de Persarum rege sit mentio: vocem eam, alii hic omittunt.

apud communem regem criminatur, ut Lacedæmonios Asiam ingressos non repulerit armis, sed impensis regiis ² aluerit; mereturque ab his, quæ differant bella, ³ quæ gerant, tanquam non ad unius summam imperii detrimentum omne perveniat. Indignum ait, bella non perfici, sed redimi; hostem pretio, non armis summoverti. His vocibus regem ⁴ à Tissaférne alienatum hortatur, ut in locum ejus, navalis belli ducem eligat Conona Atheniensem, qui, amissa bello patria, Cypri exulabat: quippe Atheniensibus, etsi fractæ sint ⁵ res & opes, manere tamen navalem usum, nec, si eligendus sit ex universis, meliorem alium esse. Acceptis igitur quingentis talentis, jussus est Conona classi præficere.

CAP. II. His cognitis, Lacedæmonii & ipsi à rege Ægypti Hercynione auxilia navalis belli per legatos petunt; à quo centum triremes, & sexcenta millia modiorum frumenti missa: à ceteris quoque sociis ingentia auxilia contracta sunt. Sed tanto exercitui, & contra tantum ducem, deerat dignus imperator. Itaque postulantibus sociis Agésilauum ducem, regem tunc Lacedæmoniorum; propter responsum oraculi Delphici, diu Lacedæmonii, an eum summæ rei præponerent, deliberaverant: quibus futurum imperii finis denuntiabatur, cum regium claudicasset imperium: erat enim pede claudus. Ad postremum statuerunt, melius esse incesse regem,

A. C.
398.A. C.
395.A. C.
396.

2. Pro aluerit, legit N. adjaverit.

3. Sic N. Alii legunt, quam. Vid. Ifoc. in Evag. & Orat. ad Philip. Corn. Nep. in Conon. Plut. in Artaxerxo.

Pausan. in Art. Diod. l. 14. Xenoph. l. 3.

4. Sic N. Alii legunt, Tissapherni.

5. Sic N. Alii omittunt, res &c.

G

6. Sic

regem, quam ⁶ imperatore regnum claudicare. Posteaquam Agesilaum cum ingentibus copiis in Asiam misere; non facile dixerim, quod aliud par ducum tam bene comparatum fuerit: quippe ætas, virtus, consilium, sapientia utrique prope una; gloria quoque rerum gestarum eadem: quibus cum patria omnia fortuna dederit, invictum tamen ab altero utrumque servavit. Magnus igitur amborum apparatus belli, magnæ res gestæ fuerunt. Sed Cononem seditio militum invadit, quos præfecti regis fraudare stipendio soliti erant, eo instantius debita poscentibus, quo graviores sub magno duce militiam præsumebant. Itaque Conon, diu rege per epistolas frustra fatigato, ad postremum ipse ad eum pergit: à cujus aspectu & colloquio prohibitus est, quod eum more Persarum adorare noller: agit tamen cum eo per internuntios, & queritur, opulentissimi regis bella inopia dilabi, & qui exercitum parem hostibus habeat, pecunia vinci, qua præstet; inferioremque eum ea parte virium inveniri, quæ longe superior sit. Postulat dari sibi ministrum impensæ, quia pluribus id mandare perniciosum sit. Dato stipendio, ad classem remittitur: nec moram agendis rebus facit: multa fortiter, multa feliciter agit: agros hostiles vastat: urbes expugnat; & quasi tempestas quædam, cuncta prostermit. Quibus rebus territi Lacedæmonii, ad patriæ

6. Sic N. Alii legunt, imperio. Vid. Pausan. in Lacon. Plut. in Agesil. & Arrax. Xenoph. l. 3. Hist. & Orat. de Agesil. Diod. l. 14. Notandum ex duabus Heraclidarum familiis, duos simul Reges habuisse Lacedæmonios, & ita diviso inter consortes im-

perio, à dominatione & tyrannide immunes permansisse. Cavendum ergo dixit Orationum, ne aliquando regnum claudicaret; sive uno pede insisteret: hoc illi perpetam intelligentes ad Ducem claudicantem traherant.

patriæ subsidium, revocandum ab Asia Agefilaum decernunt.

CAP. III. Interim ⁷Pisandrus, ab Agefilao proficiscente dux patriæ relictus, ingentem classẽ summis viribus instruit, fortunam belli tentaturus. Nec non & Conon, tunc primum cum hostium exercitu concursurus, magna cura ordinat suos. ⁸ Summa igitur in eo prælio tam ducum, quam militum æmulatio fuit. Nam & ipse dux Conon non tam Persis, quam patriæ studebat: & sicut afflictis Atheniensium rebus, auctor amissæ dominationis fuerat; sic volebat idem haberi redditæ; patriamque vincendo recipere, quam victus amiserat: eo speciosius, quod ne ipsorum quidem Atheniensium, sed alieni imperii viribus dimiceret, pugnaturus periculo regis, victurus præmio patriæ; gloriamque diversis artibus, quam priores civitatis suæ duces consecuturus: quippe illos, vincendo Persas, patriam defendisse; se, Persas victores faciendo, restitutum patriam esse. Porro Pisandrus pro conjunctione Agefilai, etiam virtutum æmulator erat; contendebatque, ne à rebus gestis ejus, & gloriæ splendore, decederet; neve tot bellis ac seculis quæsitum imperium, brevis momenti culpa subverteret. Eadem militum & omnium ⁹ civium cura erat; quos major sollicitudo cruciabat, non tam ne ipsi quæsitæ opes amitterent, quam ne pristinas Athenienses, reciperent. Sed

A. C.
394.

⁷. Vid. Diod. Sic. l. 14. Xenoph. Gr. Hist. l. 4. Plur. & Corp. Nep. in Conon. Qui Pisandrus hic dicitur, alibi Pisander audit.

⁸. Sic N. Alii legunt, summa igitur non tam ducum in eo prælio, quam

militum æmulatio fuit; sensu maxime incommodo, & qui sequenti periodo repugnat.

⁹. Sic N. Alii legunt, regem; at certe à Regum nomine Græci prorsus abhorruere.

3a. Videt

Sed quanto majus prælium fuit, tanto & clari-
 or victoria Cononis. Victi Lacedæmonii
 fugam capeffunt: præfidia hostium Athenis
 deducuntur: populo restituta dignitate con-
 ditio servilis eripitur: multæ quoque civitates
 recipiuntur.

A. C.
 393.

C A P. IV. Hoc initium ¹⁰ Atheniensibus
 resumendæ potentiæ, & Lacedæmoniiis
 habendæ finis fuit. Namque velut cum im-
 perio etiam virtutem perdidissent, contemni
 à finitimis cœpere. Primi igitur Thebani,
 auxiliantibus Atheniensibus, bellum his in-
 tulere: quæ civitas ex infimis incrementis,
 virtute Epaminondæ ducis, ad spem imperii
 Græciæ erecta est. Fit itaque terrestre præ-
 lium; eadem Lacedæmoniorum fortuna, qua
 pugnatum adversus Cononem navali prælio
 fuerat. In eo ¹¹ Lyfander, quo duce Athe-
 nienses victi à Lacedæmoniiis fuerant, inter-
 ficitur. Pausanias quoque, alter dux Lace-
 dæmoniorum, prodicionis accusatus, in exili-
 um abiit. Igitur Thebani potiti ¹² victoria,
 universum exercitum ad urbem Lacedæmo-
 niorum ducunt, facilem expugnationem rati,
 quoniam deserti à sociis omnibus erant; quod
 metuentes Lacedæmonii, regem suum Age-
 filaum ex Asia, ¹³ ubi magnas res gerebat,
 ad defensionem patriæ arcessunt. Occiso
 enim Lyfandro, nullius alterius fiduciam
 ducis habebant. Cujus quoniam serus ad-
 ventus erat, conscripto exercitu, obviam hosti
 procedunt. Sed victis, adversus paulo ante
 victores,

A. C.
 394.

A. C.
 393.

¹⁰ Vid. Diod. Sic. l. 14. Xenoph. *Memor.* l. 1. 3. Plut. & Corn. Nep. in *Lyfand. Oros.* l. 3.

¹¹ Sic N. Alii addunt, bello.

¹² Sic N. W. C. Alii legunt, vi-

toriam.

¹³ Sic N. Alii legunt, qui ibi. Vid. Xenoph. l. 4. in orat. de Agefil. Plut. & Corn. Nep. Lyfand. Diod. l. 14. Pausan. in *Lagon.*

viatores, nec animus, neque vires pares fuere. Prima igitur congressione funduntur. Deletis jam suorum copiis supervenit rex Agesilaus, qui restituto praelio, non difficulter, recenti & multis expeditionibus indurato milite, hostibus victoriam eripuit; ipse tamen graviter fauciatur.

CAP. V. Quibus rebus cognitis, Athenienses verentes, ne, iterum Lacedæmoniis victoribus, in pristinam sortem servitutis redigerentur, exercitum contrahunt, eumque in auxilium Bœotiorum per ¹⁴ Iphicratem, viginti quidem annos natum, sed magnæ indolis juvenem, duci jubent. Hujus adolescentis supra ætatem virtus admirabilis fuit; nec unquam ante eum Athenienses, inter tot tantosque duces, aut spei majoris, aut indolis maturioris, imperatorem habuerunt; in quo non imperatoriæ tantum, verum & oratoriæ artes fuere. Conon quoque audito reditu Agesilai, & ipse ex Asia ad depopulandos Lacedæmoniorum agros revertitur; atque ita, undique belli formidine circumstrepente, clausi Spartani ad summam desperationem rediguntur. Sed Conon, vastatis hostium terris, Athenas pergit; ubi magno civium gaudio exceptus; plus tamen tristitiæ ipse ex incensa & diruta à Lacedæmoniis patria, quam lætitiæ ex recuperata post tantum temporis, cœpit. Itaque, quæ incensa fuerant, prædarum sumtu & exercitu Persarum restituit; quæ diruta, reficit. Fatum illud Athenarum fuit, ut ante à Persis crematæ, manibus

A. C. 393.

A. C. 393.

corum;

¹⁴ Vid. Corn. Nep. in Iphicr. A. 1. 1. Rhet. Diod. l. 14. Polyæn. 1. 1. Strab. Athen. l. 4. & Plut. Frontin. Suid. & alios passim.

¹⁵ Vid.

eorum; & nunc à Lacedæmoniis dirutæ, ex spoliis Lacedæmoniorum restituerentur: verfa quoque vice, nunc haberent socios, quos tunc hostes habuerant; & hostes nunc paterentur, cum quibus juncti tunc arctissimis societatis vinculis fuerant.

A. C. 387. C A P. VI. Dum hæc geruntur, ¹⁵ Artaxerxes, rex Persarum, legatos in Græciam mittit, per quos jubet omnes ab armis discedere: qui aliter fecisset, eum se pro hoste habiturum. Civitatibus libertatem suæque omnia restituit: quod non Græciæ laboribus assiduisque bellorum internecinis odiis consulens fecit; sed ne occupato sibi Ægyptio bello, quod propter auxilia, adversus præfectos suos Lacedæmoniis missa, susceperat, exercitus sui in Græcia detinerentur. Fessi igitur tot bellis Græci, cupide parvere. Hic annus, non eo tantum insignis fuit, quod repente pax tota Græcia facta est: sed etiam eo, quod eodem tempore ¹⁶ urbs Romana à Gallis capta est. Sed ¹⁷ Lacedæmonii securis insidiantes, absentiam Arcadum speculati, castellum eorum expugnant, occupatoque præsidium imponunt. Itaque armato instructoque exercitu Arcades, adhibitis in auxilium Thebanis, amissa bello repetunt. In eo prælio Archidamus, dux Lacedæmoniorum, vulneratur: qui, cum cædi suos jam ¹⁸ & victos videret, per præconem corpora interfectorum ad sepulturam poscit. Hoc est enim signum apud Græcos victoriæ traditæ. Qua confessione contenti Thebani, signum parcendi dedere.

C A P. VII.

¹⁵. Vid. Diod. l. 11. Xenoph. l. 5. Plut. in Agcf & Artax. Paus. in Bæot.
¹⁶. Vid. Plut. in Camil. Liv. dec. 3. l. 5. Polyb. l. 1. Flot. &c.

¹⁷. Vid. Xenoph. l. 6. Plut. in Pelop. Pausan. in Bæot.
¹⁸. Sic N. Alii legunt, ut Forte legendum, cedere ut, &c.

¹⁹. Sic

CAP. VII. Paucis deinde post diebus, ^{A. C. 363.} neutris quicquam hostile facientibus, cum quasi ¹⁹ ex tacito consensu induciæ essent, Lacedæmoniis alia bella adversus finitimos gerentibus, Thebani, ²⁰ Epaminonda duce, occupandæ urbis eorum spem ceperunt. Igitur principio noctis, taciti Lacedæmona proficiscuntur: non tamen aggredi incautos potuerunt. Quippe senes, & cetera imbellis ætas, cum adventum hostium pærsensissent, in ipsis portarum angustiis armati occurrunt; & adversus quindecim millia militum, non amplius centum jam effoetæ ætatis viri, pugnam se offerunt. Tantum animorum, viri-umque, patriæ & penatium conspectus subministrat; tantoque præsentia, quam recordatione sui, majores spiritus largiuntur. Nam, ut videre, inter quæ, & pro quibus starent, aut vincendum sibi, aut moriendum censuerunt. Pauci igitur sustinere senes aciem, cui par ante diem universa juvenus esse non potuit. In eo prælio duo duces hostium cecidere. Cum interim, Agesilai adventu nuntiato, Thebani recessere: nec bellum diu dilatum: siquidem Spartanorum juven- ^{A. C. 363.} tus, senum virtute & gloria incensa, teneri non potuit, quin ex continenti acie decerneret. Cum victoria Thebanorum esset, Epaminondas, dum non ducis tantum, verum etiam fortissimi militis officio fungitur, graviter vulneratur. Quo audito, his ex dolore metus, & illis ex gaudio stupor injicitur: atque ita veluti ex * placito consensu à prælio disceditur.

CAP. VIII.

19. Sic N. Alii omittunt, ex.

de viro, bellio. Athen. & Agesilao.

20. Vid. Diod. l. 15. Xen. l. 7. Plat.

* Forte, tacito.

21. Vid.

A. C. C A P. VIII. Post paucos deinde dies
 343. 21 Epaminondas decedit, cum quo vires quoque reipubl. ceciderunt. Nam sicuti telo si primam aciem præfregeris, reliquo ferro vim nocendi sustuleris; sic illo, 22 velut mucrone teli, ablato duce Thebanorum, rei quoque publicæ vires hebetatæ sunt: ut non tam illum amisisse, quam cum illo interiisse omnes viderentur. Nam neque ante hunc ducem ullum memorabile bellum gessere; nec postea virtutibus, sed cladibus insignes fuere: ut manifestum sit, patriæ gloriam & natam, & extinctam cum eo fuisse. Fuit autem incertum, vir melior, an dux esset. Nam & imperium non sibi, sed patriæ semper quæsivit: & pecuniæ adeo parcus fuit, ut sumtus funeri defuerit. Gloriæ quoque non cupidior, quam pecuniæ: quippe recusanti omnia imperia ingesta sunt; honoresque ita gessit, ut ornamentum non accipere, sed dare ipsi 23 dignitati viderentur. Jam literarum studium, jam philosophiæ doctrina tanta, ut mirabile videretur, unde tam insignis militiæ scientia homini inter literas nato. Neque ab hoc vitæ proposito mortis ratio dissenfit. Nam ut relatus in castra semianimis, 24 vocem spiritumque collegit, id unum à circumstantibus requisivit, num cadenti sibi scutum ademisset hostis. Quod ut servatum audivit, allatumque, velut laborum gloriæque

21. Vid. Pausan. in Attic. & Arcad. Diod. Sic. l. 15. Plut. in Ages. Elian. var. hist. l. 12. Xenoph. l. 7. Strab. l. 8. Valer. Max. l. 7. Corn. Nep. in Epam. c. 16. fam. Epist. 5. 12. Oros. l. 3.

22. Voces illas, velut mucrone teli, superracius putat Faber. Sed adversus

librorum omnium fidem; nihil immutandum duximus.

23. N. legit, sed dare ipsi dignitatem videretur.

24. Corn. Nep. in Epam. Vol. Max. l. 3. Pausan. in Arcad. Suidas in Epam. Plut. in Apophth. Cic. l. 5. Epist. fam.

atque socium osculatus est. Iterum quæsit, utri vicissent. Ut audivit, Thebanos, Bene habere se rem, dixit: atque ita, velut gratulabundus patriæ, expiravit.

CAP. IX. Hujus morte etiam Atheniensium A. G. virtus intercidit. Siquidem amisso, cui æmu- 363. lari consueverant, in segnitiam torporemque resoluti, non ut olim in classem exercitusque, sed in dies festos apparatusque ludorum, reditus publicos effundunt; & cum actoribus nobilissimis poetisque theatra celebrant, frequentius scenam quam castra visentes; versificatoresque meliores, quam duces laudantes. Tunc vectigal publicum quo antea milites & remiges alebantur, cum urbano populo dividi coeptum 25. Quibus rebus effectum est, ut inter otia Græcorum sordidum & obscurum antea Macedonum nomen emer- A. C. 367. geret: & Philippus 26 obses triennio Thebis habitus, Epaminondæ & Pelopidæ virtutibus eruditus, regnum Macedoniæ, Græciæ & Asiæ cervicibus, velut jugum servitutis, imponeret.

25. Sic N. Alii addunt, est. 26. Vid. Diod. Sic. l. 16. Plut. in Pelop. Oros. l. 3.

LIBER VII.

BREVARIUM CAPITUM.

1. *Macedoniæ vetus nomen, populus, primi reges.*
2. *Perdiccæ regis familia illustris & infantis Europi nobile fatum.*
3. *Legati Persarum ad Amyntam petulantia suæ dant pœnas.*

4. Pax

4. *Pax Macedoniae Bubaris, reguli Persæ, opera consiliatur. Tragædiæ in familia Amyntæ, Alexandri Macedonis avi.*
5. *Philippi Macedonis varii casus: fratribus dolo materno vita sublati, à populo compulsus regnum suscipit.*
6. *Initia regni Philippici, laude & observatione dignissima; bella, conjugium, vitia & virtutes ejusdem.*

C A P. I

Macedonia ante ¹ à nomine Emathionis regis, cujus prima virtutis experimenta in illis locis extant, Emathia cognominata est. Hujus sicuti incrementa modica, ita & termini perangusti tuere. Populus Pelasgi, regio Pæonia dicebatur. Sed postea virtute regum, & gentis industria, subactis primo finitimis, mox populis nationibusque, imperium usque extremos Orientis terminos prolatum. In regione Pæonia, quæ nunc portio est Macedoniae, regnasse fertur Pelagon pater Asteropæi, cujus Trojano bello, inter clarissimos vindices urbis, nomen accepimus. Ex alio latere in Europa regnum Europus nomine tenuit. Sed & * Caranus cum magna multitudine Græcorum, sedes in Macedonia responso oraculi jussus quærere, cum in Emathiam venisset, urbem Aedessam, non sentientibus oppidanis, propter imbrium & nebulæ magnitudinem, gregem caprarum, imbrem fugientium secutus occupavit; revocatusque in memoriam oraculi, quo jussus erat ducibus

A. C.
1194

1. Sic. N. Alii omittunt, à. * Vid. Velleium, Patere. l. 1. Sella c. 15.

2. Vid.

ducibus capris imperium quærere, regni sedem statuit: religioseque postea observavit, quocunque agmen moveret, ante signa eadem capras habere, cœptorum duces habiturus, quas regni habuerat auctores. Urbem Ædessam, ob memoriam muneris, Ægeas, ²populum Ægeatas, vocavit. Pulso deinde Mida (nam is quoque portionem Macedoniæ tenuit) aliisque regibus ³, in locum omnium solus successit; primusque, adunatis gentibus variorum populorum, veluti unum corpus Macedoniæ fecit; crescentique regno, valida incrementorum fundamenta constituit.

A. C.
794.

C. A. P. II. Post hunc Perdicca regnavit, cuius & vita illustris, & mortis postrema, veluti ex oraculo præcepta, memorabilia fuere: — siquidem senex moriens, Argæo filio monstravit locum, quo condi vellet; ibique non sua tantum, sed & succedentium sibi regum ossa poni iussit; præfatus, quoad ibi conditæ posterorum reliquiæ forent, regnum in familia mansurum: creduntque hac superstitione extinctam in Alexandro stirpem, quia locum sepulchræ mutaverit. Argæus moderate, & cum amore popularium, administrato regno, successorem filium Philippum reliquit: qui immatura morte raptus, Europum, parvulum admodum, instituit hæredem. Sed Macedonibus assidua certamina cum Thracibus & Illyriis fuere: quorum armis veluti quotidiano exercitio indurati, gloria bellicæ laudis finitimos terrebant. Igitur Illyrii,

1. Vid. Herodot. l. 8. & 18. Thucyd. l. 1. Solin. c. 9. 2. Sic N. Alii addunt, pulsas.

Illyrii, infantiam regis pupilli contemnentes, bello Macedonas aggrediuntur: qui prælio pulsi, rege suo in cunis prolato, & pone aciem posito, acrius certamen repetivere: tanquam ideo victi fuissent antea, quod bel-
lantibus sibi regis sui auspicia defuissent; futuri vel propterea victores, quod ex superstitione animum vincendi ceperant: simul & miseratio eos infantis tenebat, quem, si victi forent, captivum de rege facturi videbantur. Conserto itaque prælio, magna cæde Illyrios fudere; ostenderuntque hostibus suis, priore bello regem Macedonibus, non virtutem defuisse. Huic Amyntas succedit, & propria
virtute, & Alexandri filii egregia indole, insigniter clarus: cui Alexandro tanta omnium virtutum ornamenta à natura data sunt, ut etiam Olympio certamine, vario ludicrorum genere contenderit.

A. C.
351.

A. C.
305.

CAP. III. Cum interim Darius rex Persarum, turpi ab Scythia fuga summotus, ne ubique deformis militiæ damnis haberetur, mittit cum parte copiarum + Megabazum ad subigendam Thraciam, ceteraque ejus tractus regna: quibus pro ignobili momento erat accessura Macedonia. Qui brevi tempore executo regis imperio, legatis ad Amyntam regem Macedoniae missis, obsides in pignus futuræ pacis dari sibi postulabat. Sed legati benigne excepti, inter epulas ebrietate crescente, rogant Amyntam, ut apparatusi epularum adjiciat jus familiaritatis, adhibitis in convivium suis ac filii uxoribus: id apud Persas haberi pignus ac foedus hospitii. Quæ
ut

ut venerunt, petulantius Persis eas contrectantibus, filius Amyntæ Alexander rogat patrem, respectu ætatis ac gravitatis suæ, abiret convivio, pollicitus se hospitem temperaturum jocos. Quo digresso, mulieres quoque paululum è convivio evocat, cultius⁵ exornatas, gratioresque⁶ redituras. In quarum locum matronali habitu exornatos juvenes supponit; eosque petulantiam legatorum, ferro, quod sub veste gerebant, compescere jubet. Atque ita interfectis omnibus, ignarus rei Megabazus, cum legati non redirent, mittit eo cum exercitus parte Bubarem, ut in bellum facile & mediocre: dedignatus ipse ire, ne dehonestaretur prælio tam⁶ sordidæ gentis. Sed Bubares ante bellum, amore filiæ Amyntæ captus, omisso bello nuptias facit, depositisque hostilibus animis, in affinitatis jura succedit.

CAP. IV. Post discessum à Macedonia A. C. 501.
Bubaris, Amyntas rex decedit, cujus filio & successori Alexandro, cognatio Bubaris non Darii tantum temporibus pacem præstitit; verum etiam Xerxem adeo conciliavit, ut, cum A. C. 480.
Græciam, veluti tempestas quædam, occurreret, inter Olympum Hæmumq; montes totius regionis eum imperio donaverit. Sed nec virtute minus, quam Persarum liberalitate, regnum ampliavit. Per ordinem deinde successione, regnum Macedoniae ad Amyntam, fratris ejus Menelai filium, pervenit. Hic A. C. 392.
quoque insignis industria, & omnibus imperatoriis virtutibus instructus fuit: qui ex Eurydico

⁵ Si. N. Alii legunt, exornaturus, & redacturus. ⁶ Sic N. Alii legunt, fædæ.

Eurydice tres filios sustulit, Alexandrum, Perdiccam, & Philippum, Alexandri Magni Macedonis patrem, & filiam Euryonem:

- A. C. Ex Cygnæa autem Archelaum * Archideum,
 391. Menelaum. Cum Illyriis deinde, & cum
 A. C. Olynthiis gravia bella gessit. Insidiis autem
 381. Eurydices uxoris, quæ nuptias generi pacta, occidendum virum, regnumque adultero tradendum susceperat, occupatus fuisset, ni filia pellicatum matris, & sceleris consilia prodidisset. Functus itaque tot periculis, senex
 369. decessit, regno, maximo ex filiis Alexandro, tradito.

- C A P. V. Igitur Alexander inter prima
 A. C. initia regni, bellum ab Illyriis, pacta mercede,
 367. & Philippo fratre dato obside, redemit. Interjecto quoque tempore, per eundem obsidem cum Thebanis gratiam pacis reconciliat: quæ res Philippo maxima incrementa egregiæ indolis dedit. Siquidem Thebis triennio obses habitus, prima pueritiæ rudimenta, in urbe severitatis antiquæ, & in domo Epaminondæ, summi & Philosophi & imperatoris, deposuit. Nec multo post Alexander insidiis Eurydices matris appetitus occumbit: cui Amyntas in scelere deprehensæ, propter communes liberos, ignarus eisdem quandoque exitiosam fore, pepercit.
 A. C. Frater quoque ejus Perdicca pari insidiarum fraude decipitur. Indignum prorsus,
 359. libidinis causa liberos à matre vita privatos, quam à scelerum suorum suppliciis liberorum contemplatio vindicaverat. Perdiccæ
 hoc

* Alii legendum putant, Aridaum.
 7. Vid. Diod. Sic. l. 16.

f. Sic. N. Alii omitunt. à. Vide
 Diod. l. 15.

g. Latini

hoc indignior cædes videbatur, quod ei apud matrem misericordiam nec parvulus quidem filius conciliaverat. Itaque Philippus diu non regem, sed tutorem pupilli egit. At ubi graviora bella imminebant, serumque auxilium in expectatione infantis erat, compulsus à populo regnum suscepit.

CAP. VI. Ut est ingressus imperium, magna de illo spes omnibus fuit; & propter ipsius ingenium, quod magnum spondebat virum; & propter vetera Macedoniæ fata: quæ cecinerant, uno ex Amyntæ filiis regnante, florentissimum fore Macedoniæ statum: cui spei scelus matris hunc residuum fecerat. Principio regni, cum hinc cædes fratrum indigne peremptorum, inde hostium multitudo; hinc insidiarum metus, inde inopia continuis bellis exhausti regni, immaturam ætatem tyronis urgerent: bella, quæ, velut conspiratione quadam, ad opprimendam Macedoniam, multarum gentium ex diversis locis uno tempore confluebant, quoniam omnibus par esse non poterat, dispensanda ratus; alia interposita pactione componit, alia redimit, facillimis quibusque aggressis, quorum victoria & militum trepidos animos firmaret & contemptum sibi hostium demeret. Primum illi cum Atheniensibus certamen fuit: quibus per insidias victis, metu belli gravioris, cum interficere omnes posset, incolumes sine pretio dimisit. Post hæc, bello in Illyrios translato, multa millia hostium cædit. Urbem nobilissimam Larissam capit. Hinc Thessaliam,

A. C.
359.

A. C.
358.

9. Larissa urbs Thessaliæ, nonnullis nonnulli, & conjectura felici, Lissum, Achillis celebris. Legendum consent quæ primaria Illyria urbs.

saliam, non prædæ cupiditate, sed quod exercitui suo robur Theſſalorum equitum adjungere geſtiebat, nihil minus quam bellum metuentem, improvifus expugnat: unumque corpus equitum pedestriumque copiarum invicti exercitus ¹⁰ facit. Quibus rebus feliciter provenientibus, Olympiadem, Neoptolemi regis Molofforum filiam, uxorem ducit; conciliante nuptias fratre patruele, ¹¹ Tutore virginis, Arryba, rege Molofforum; qui sororem Olympiadis Troadam in matrimonium habebat: quæ causa illi exitii, malorumque omnium initium fuit. Nam, dum regni incrementa affinitate Philippi acquiſiturum ſperat, proprio regno ab eodem privatus, in exilio conſenuit. His ita geſtis, Philippus, jam non contentus ſummoveré bella, ultro ^{A. C.} ^{353.} etiam quietos laceſſit. Cum ¹² Methonam urbem oppugnaret, in prætereuntem de muris ſagitta jacta, dextrum oculum regis effodit. Quo vulnere nec ſegnior in bellum, nec iracundior adverſus hoſtes factus eſt: adeo ut interjectis diebus pacem deprecantibus dederit; nec moderatus tantum, verum etiam mitis adverſus victos fuerit.

^{10.} Sic N. & W. Alii legunt, freit. ^{11.} Sic N. Alii, altore. ^{12.} Diod. Sic. & G. Solin. 14. & 15.

LIBER VIII.

BREVIARIUM CAPITUM.

1. *Græciæ clades ſub Philippo Macedone. Thebani & Phocenſes civilis belli facies.*
2. *Thebani Philippum accerſunt, qui Phocenſes opprimit. Athenienſes ſaluti publicæ pro virili conſulunt.*
3. *Con-*

3. *Contra, Philippus Græciam lacerat. Capadociam Macedoniae adiungit. Olynthios delet. Latrocinium exercet variis modis.*
4. *Atheniensibus, Theſſalis, Bæotis & Phocensibus callide imponit.*
5. *Phocenses ad deditionem, & reliquos Græcos cogit ad servile obsequium.*
6. *Monarchiam cum summa iniustitia constituit.*

CAP. I.

GRÆCIÆ civitates, dum imperare singulæ cupiunt, imperium omnes perdiderunt: quippe in mutuum exitium sine modo ruentes, omnibus perire quod singulæ amitterent, non nisi oppressæ senserunt. Siquidem Philippus rex Macedoniæ, velut è specula quadam, libertati omnium insidiatus, dum contentiones civitatum alit, auxilium inferioribus ferendo, victos pariter victoresq; subire regiam servitutem coegit. Causa & origo hujus mali Thebani fuere: qui, cum rerum potirentur, secundum fortunam imbecillo animo ferentes, victos armis Lacedæmonios & Phocenses, quasi parva supplicia cædibus & rapinis luissent, apud commune Græciæ * concilium superbe accusaverunt. Lacedæmonijs crimini datum, quod arcem Thebanam, induciarum tempore, occupassent: Phocensibus, quod Bœotiam depopulati essent: prorsus quasi post arma & bellum, locum legibus reliquissent. Cum judicium arbitrio victorum exerceretur, tanta pecunia damnantur,

A. C.
355.

* VII. Diod. Sic. l. 16. Pausan. in Phoc. Allian. l. 12.

damnantur, quanta exsolvi non posset. Igitur Phocenses, cum agris, liberis, conjugibusque privarentur, desperatis rebus, Philomelo quodam duce, velut deo irascentes, templum ipsum Apollinis Delphis occupavere. Inde auro & pecunia divites, conducto mercenario milite, bellum Thebanis intulerunt. Factum Phocensium, tametsi omnes execrarentur propter sacrilegium, plus tamen invidiæ Thebanis, à quibus ad hanc necessitatem compulsi fuerant, quam ipsis intulit. Itaque auxilia his, & ab Atheniensibus, & à Lacedæmoniis, missa. Prima igitur congressione Philomelus Thebanos castris exiit. Sequenti prælio primus inter confertissimos dimicans cecidit, & sacrilegii pœnas impio sanguine luit. In hujus locum dux Onomarchus creatur.

A. C.
353.

C A P. II. Adversus quem Thebani Thesalique, non ex civibus suis, ne victoris potentiam ferre non possent; sed Philippum, Macedoniæ regem, ducem eligunt: & externæ dominationi, quam in suis timuerunt, sponte succedunt. Igitur Philippus, quasi sacrilegii, non Thebanorum ultor esset, omnes milites coronas laureas sumere jubet, atque ita veluti deo duce, in prælium pergit. Phocenses, insignibus Dei conspectis, conscientia delictorum territi, abjectis armis fugam capessunt, pœnalque violatæ religionis, sanguine & cædibus suis pendunt. Incredibile quantum ea res apud omnes nationes Philippo gloriæ dedit. Illum vindicem sacrilegii, illum ultorem religionum: quod orbis viribus

1. Sic N. Alii legunt: orbis viribus g'erec. exstisse di. num. Itaque diis propitiari debuit, solum, qui pacula existimus habetur.

bus expiari debuit, solum qui piacula exigeret extitisse. Dignum itaque qui diis proximis haberetur, per quem deorum majestas vindicata sit. Sed Athenienses, audito belli A. C. 350. eventū, ne in Græciam Philippus transfret, angustias Thermopylarum, pari ratione sicuti antea advenientibus Persis, occupavere: sed nequaquam simili aut virtute, aut causa: siquidem tunc pro libertate Græciæ, nunc pro sacrilegio publico; tunc à rapina hostium templa vindicaturi, nunc adversus vindices templorum, raptores defensuri: aguntque propugnatores sceleris, cujus turpe erat alios vindices fuisse: immemores prorsus, quod in dubiis rebus suis, illo deo etiam consiliorum auctore usi fuerant: quod illo duce tot bella victores inierant: tot urbes auspicato condiderant: tantum imperium terra marique quæsierant: quod nihil sine majestate numinis ejus aut privatae unquam, aut publicæ rei gesserant: tantum facinus admisisse ingenia omni doctrina exulta, pulcherrimis legibus institutisque formata, ut, quid post hac succensere jure Barbaris possent, non haberent.

CAP. III. Sed nec Philippus melioris fidei adversus socios fuit: quippe veluti timens, ne ab hostibus sacrilegii scelere vinceretur, civitates, quarum paulo ante dux fuerat, quæ sub auspiciis ejus militaverant, quæ gratulatæ illi sibi que victoriam fuerant, hostiliter occupatas diripuit: conjuges liberosque omnium sub corona vendidit: non deorum immortalium templis, non ædibus sacris, non diis penatibus publicis privatisque, ad quos paulo ante ingressus hospitaliter fuerat,

fuerat, pepercit: prorsus ut non tam sacrilegii ultor extitisse, quam sacrilegiorum licentiam quæsisse videretur. Inde, veluti rebus egregie gestis, in ² Cappadociam trajicit: ubi bello pari perfidia gesto, captisque per dolum & occisis finitimis regibus, universam provinciam imperio Macedoniæ adjungit. Deinde ad abolendam invidiæ famam, qua insignis præter ceteros tunc temporis habebatur, per regna mittit, & opulentissimas civitates, qui opinionem sererent, regem Philippum magna pecunia locare, & muros per civitates, & ³ fora, & templa facienda; & ut per præcones susceptores sollicitarent. Qui cum in Macedoniam venissent, variis dilationibus frustrati, vim regiæ majestatis timentes, taciti ⁴ profugiebant. Post hæc

A. C. 348. Olynthios aggreditur: receperant enim per misericordiam, post cædem unius, duos fratres ejus, quos Philippus ex noverca genitos, veluti participes regni, interficere geitiebat. Ob hanc igitur causam urbem antiquam & nobilem excindit, & fratres olim destinato supplicio tradit: prædaque ingenti pariter & parricidii voto fruitur. Inde, quasi omnia, quæ agitasset animo, ei licerent, auraria in Thessalia, argenti metalla in Thracia, occupat. Et, ne quod jus vel fas inviolatum prætermitteret, piraticam quoque exercere instituit. His ita gestis, forte evenit, ut eum fratres duo, reges Thraciæ, non contemplatione justitiæ ejus, sed invicem metuentes ne alterius viribus accederet, disceptationum suarum

². Vero similis Chalcidem; Cappadocia enim ad ultimam oram maris Pontici posita est.

³. Sic N. Alii legunt, fana. Vide Diel. Sic. I. 16.

⁴. Sic N. Alii legunt, proficisciebantur.
⁵. Servituti,

rum judicem eligerent. Sed Philippus, more ingenii sui, ad iudicium, veluti ad bellum, inopinantibus fratribus, instructo exercitu supervenit: & regno utrumque, non iudicis more, sed fraude latronis ac scelere spoliavit.

CAP. IV. Dum hæc aguntur, legati Atheniensium, petentes pacem, ad eum venerunt. A. C. 345.

Quibus auditis, & ipse legatos Athenas um pacis conditionibus misit: ibique ex commodo utrorumque pax facta. Ex ceteris quoque Græciæ civitatibus, non pacis amore, sed belli metu, legationes venere. Siquidem, crudescente ira, Thessali Bœotique orant, ut professum adversum Phocenses ducem Græciæ exhibeat: tanto odio Phocensium ardentes, ut, obliti cladium suarum, perire ipsi, quam non perdere eos præoptarent; expertamque Philippi crudelitatem pati, quam parcere hostibus suis mallent. Contra, Phocensium legati, adhibitis Lacedæmoniis & Atheniensibus, bellum deprecabantur, cujus ab eo dilationem ter jam emerant. Fœdum prorsus miserandumque spectaculum, Græciam, etiã nunc, & viribus, & dignitate, orbis terrarum principem; regum certe gentiumque semper victricem, & multarum adhuc urbium dominam; alienis excutere sedibus, aut rogantem bellum, aut deprecantem: in alterius ope omnem spem posuisse orbis terrarum vindices; eoque discordia sua civilibusque bellis redactos, ut adulentur ultro sordidam paulo ante clientelæ suæ partem: & hæc potissimum facere Thebanos Lacedæmoniosque, antea inter se imperii, nunc Græciæ imperantis æmulos. Philip-

pus,

5. Servinus, legendum Lacedæ Faber; sensu optimo, si exemplaria respondeant.

6. Sic

pus, venditione gloriæ suæ, tantarum urbium fastidium agitât; atque utros potius dignetur, æstimat. Secreto igitur auditis ucrisque legationibus, his veniam belli pollicetur, jurejurando adactis, responsum nemini proiuturos: illis contra, venturum se, auxiliumque laturum. Utrosque vetat parare bellum, aut metuere. Sic variato responso securis omnibus, Thermopylarum angustias occupat.

A. C.
346.

C A P. V. Tunc primum Phocenses, captos se fraude Philippî animadvertentes, trepidi ad arma confugiunt. Sed neque spatium erat instruendi belli, nec tempus ad contrahenda auxilia: & Philippus excidium minabatur, ni fieret deditio. Victi igitur necessitate, pacta salute se dediderunt. Sed pactio ejus fidei fuit, cujus antea fuerat deprecati belli promissio. Igitur cæduntur passim rapiunturque; non liberi parentibus, non conjuges maritis, non deorum simulacra templis suis relinquuntur. Unum tantum miseris solatium fuit, quod, cum Philippus portione prædæ socios fraudasset, nihil rerum suarum apud inimicos viderunt.

A. C.
343.

Reversus in regnum, ut pecora pastores nunc in hiberno, nunc in æstivos saltus trajiciunt; sic ille populos & urbes, ut illi vel replenda, vel derelinquenda quæque loca videbantur, ad libidinem suam transfert. Miseranda ubique facies, & excidio similis erat. Non quidem pavor ille hostilis, nec discursus per urbem militum erat: non tumultus armorum; non bonorum atque hominum rapina; sed tacitus moeror & luctus, verentibusine ipsæ lacrymæ pro contumacia haberentur. Crescit dissimulatione ipsa dolor; hoc altius demissus, quo minus profiteri licet.

Nunc

Nunc sepulcra majorum, nunc veteres penates, nunc tecta, in quibus geniti erant, in quibusque genuerant, considerabant: miserantes nunc vicem suam, quod in eam diem vixissent; nunc filiorum, quod non post eam diem nati essent.

CAP. VI. Alios populos in finibus ipsis, hostibus opponit: alios in extremis regni terminis statuit: quosdam bello captos in supplementis urbium dividit. Atque ita ex multis gentibus nationibusque unum regnum populumque constituit. Compositis ordinatisque Macedoniae rebus, Dardanos, ceterosque finitimos, fraude captos, expugnat. Sed nec à proximis manus abstinet. Siquidem Arrybam, regem Epiri, uxori suae Olympiadi arctissima cognatione junctum, pellere regno statuit; atque Alexandrum, privignum ejus, uxoris Olympiadis fratrem, puerum honestae pulcritudinis, in Macedoniam nomine sororis arcessit, omnique studio sollicitatum in spem regni, simulato amore ad stupri consuetudinem perpulit, majora in eo obsequia habiturus, sive conscientiae pudore, sive regni beneficio. Cum igitur ad viginti annos pervenisset, ereptum Arrybæ regnum puero admodum tradit, scelestus in utroque. Nam nec in eo jus cognationis servavit, cui ademit regnum; & eum, cui dedit, impudicum fecit antequam regem.

A. C.
343.A. C.
342.

6. Sic N. Alii legunt, spe.

LIBER IX.

BREVARIUM CAPITUM.

I. *Philippus cogitat de Græcia subjuganda; ideo Byzantium, sed frustra, obsidet.*

I

2. A

2. *A Scytharum rege variis modis deluditur, unde pugna, & præda abducta.*
3. *Triballi Philippum præda spoliant. Athenienses & Thebanos Philippus prælio atterit.*
4. *Victoria moderate utitur: sævit in Thebanos, qui fortiter se gerunt.*
5. *Græciam pacare studet, ut Persas bello adoriatur.*
6. *Pausanias Philippum obtruncat, ultionem ab iniquo iudice exigens.*
7. *Philippus, Olympiade & Alexandro confectis, interficitur.*
8. *Philippi elogium, ejusdemque cum Alexandro filio & successore comparatio.*

C A P. I.

A. C. 341. **I**N Græciam Philippus cum venisset, sollicitatus paucarum civitatum direptione; & ex præda modicarum urbium, quantæ opes univrsarum essent, animo prospiciens; bellum toti Græciæ inferre statuit. Ad cuius emolumentum egregie pertinere ratus, si Byzantium, nobilem & maritimam urbem, receptaculum terræ marique copiis suis futuram, in potestatem redegisset, eandem, claudentem sibi portas. obsidione cinxit. Hæc namque urbs condita primo à Pausania, rege Spartanorum, & per VII. annos possessa fuit: A. C. 475. deinde variante victoria, nunc Lacedæmoniorum, nunc Atheniensium juris habita est. Quæ incerta possessio effecit, ut, nemine quasi suam

1. Vld. Diod. Sic. l. 16. Notandum nam à Byzante nomen simul & auspici-
 originem non primam, sed maxime cia urbem olim accepisse satis con-
 memorabilem, à Justino memorari: hæc.

suam auxiliis juvante, libertatem constantius tueretur. Igitur Philippus, longa obsidionis A. C. 339. mora exhaustus, pecuniæ commercium de piratica mutuatur. Captis itaque centum septuaginta navibus, mercibusque distractis, anhelantem inopiam paululum recreavit. Deinde, ne ² in unius urbis oppugnatione tantus exercitus tereretur, profectus cum fortissimis, multas ³ Cherfonefi urbes expugnat, Filiumque ⁴ Alexandrum, decem & octo annos natum, ut, sub militia patris, tyrocinii rudimenta deponeret, ad se arcessit. In Scythiam quoque prædandi causa profectus est, more negotiantium, impensas belli alio bello refecturus.

C A P. II. Erat eo tempore rex Scytharum Atheas, qui, cum bello Istriarum premeretur, auxilium à Philippo per Apollonienses petit, in successionem eum regni Scythiæ adoptaturus. Cum interim Istriarum rex decedens, & metu belli, & auxiliorum necessitate Scythas solvit. Itaque Atheas, remissis Macedonibus, renuntiari Philippo jubet, neque auxilium ejus se petisse, neque adoptionem mandasse. Nam neque vindicta Macedonum egere Scythas, quibus meliores forent: neque hæredem sibi incolumi filio deesse. His auditis Philippus legatos ad Atheam mittit, impensæ obsidionis portionem A. C. 339. petentes, ne inopia bellum deferere cogatur. Quod eo promptius eum facere debere, quod missis à se in auxilium ejus militibus, ne sum-

tum

². Sic N. Alii omittunt, in; & pro reveretur, B. legit, teneretur.

³. Sic N. W. C. Alii legunt, Cherfonefium.

⁴. Vid. Plut. in Alex.

⁵. Vid. Diod. Sic. l. 16. Oros. l. 7. Frontin. 2. Strabon. 7. Plut. in Apophth.

I 2

6. Sic

tum quidem viæ, non modo officii pretia dederit. Atheas inclementiam cœli & terræ sterilitatem causatus, quæ non patrimoniis ditet Scythas, sed vix alimenta exhibeat, respondit, nullas sibi opes esse, quibus tantum regem expleat; & turpius putare, parvo defungi, quam totum abnuere: Scythas autem virtute animi, & duritia corporis, non opibus cenferi. Quibus ⁶ irrisus Philippus, soluta obsidione Byzantii, Scythica bella aggreditur, præmissis legatis, quo securiores faceret, qui nuntient Atheæ, dum Byzantium obsidet, vovisse se statuam Herculi, ad quam in ostio Istri ponendam se venire, pacatum accessum ad religionem dei petens, amicus ipse Scythis venturus. Ille, si voto fungi vellet, statuam sibi mitti jubet; non modo ut ponatur, verum etiam ut inviolata maneat, pollicetur: Exercitum autem fines ingredi negat se passurum. Ac si invitis Scythis statuam ponat; eo digresso sublaturum, versurumque æs statuae in aculeos sagittarum. His utrinque irritatis animis, prælium committitur. Cum virtute & numero præstarent Scythæ, astu Philippi vincuntur. Viginti millia puerorum ac feminarum capta, pecoris magna vis, auri argentique nihil. Ea primum fides inopiæ Scythicæ fuit. Viginti millia nobilium equarum ad genus faciendum in Macedoniam missa.

A. C.
339.

C A P. III. Sed revertenti ab Scythia, Philippo Triballi occurrunt: negant, se transitum duros, ni portionem accipiant prædæ. Hinc jurgium, & mox prælium; in quo ita in femore vulneratus est Philippus, ut per corpus

6. Si. N & W. Alii legunt, derisus.

7. Sic

corpus ejus equus interficeretur. Cum omnes occisum putarent, præda amissa est. Ita Scythica, velut devota, spolia pene luctuosa Macedonibus fuisse. Ubi vero ex vulnere A. C. 318 primum convaluit, diu dissimulatum bellum Atheniensibus infert: quorum causæ Thebani se junxere, metuentes, ne, victis Atheniensibus, bellum veluti vicinum incendium ad se transiret. Facta igitur inter duas, paulo ante infestissimas, civitates societate, legationibus Græciam fatigant; Communem hostem putant communibus viribus summovendum; neque enim cessaturum Philippum, si prospere prima successerint, nisi omnem Græciam domuerit. Motæ quædam civitates Atheniensibus se jungunt: quasdam autem ad Philippum belli metus traxit. Prælio commisso, cum Athenienses longe majore militum numero præstarent, assiduus bellicis indurata virtute Macedonum vincuntur: non tamen immemores pristinae gloriæ cecidere: quippe adversis vulneribus, omnes loca, quæ tuenda à ducibus acceperant, morientes corporibus texerunt. Hic dies universæ Græciæ & gloriam dominationis, & vetustissimam libertatem finivit.

C A P. IV. Hujus victoriæ callide dissimulata cœtitia est. Denique non solita facta Philippus illa die fecit: non in convivio risit: non ludos inter epulas adhibuit: non coronas aut unguenta sumsit; &, quantum in illo fuit, ita vicit, ut victorem nemo sentiret. Sed nec regem se Græciæ, sed ducem appellari

7. Sic N. Alii legunt, Atheniensibus veluti vicinium incendium belli ad se, &c. Vid. Plut. in Demosth. Diod. l. 14. Plut. in Alex. Strab. l. 9. Pausan. Archaic. & Boet. Aelian, var. l. 6. Frontin. l. 2.

lari iussit. Atque ita inter tacitam lætitiā & dolorem hostium temperavit, ut neque apud suos exultasse, neque apud victos insultasse videretur. Atheniensibus, quos passus infestissimos fuerat, & captivos gratis remisit, & bello consumptorum corpora sepulturæ reddidit; reliquiasque funerum ut ad sepulcra majorum deferrent, ultro hortatus est. Super hæc Alexandrum filium cum amico Antipatro, qui pacem cum his amicitiamque jungerent, Athenas misit. Thebanorum porro non solum captivos, verum etiam interfectorum sepulturam vendidit. Principes civitatis alios securi percussit: alios in exilium⁸ egit, bonaque omnium occupavit. Pulsos deinde per injuriam, in patriam restituit; ex horum numero ccc. exules, iudices rectoresque civitati dedit: apud quos cum potentissimi quique rei ejus ipsius criminis postularentur, quod per injuriam se in exilium egissent, hujus constantiæ fuerunt, ut omnes se auctores facerentur, meliusque cum republica actum, cum damnati essent, quam cum restituti contenderent. Mira prorsus audacia: de iudici-
bus vitæ necisque suæ, quemadmodum possunt, sententiam ferunt; contemnuntque absolutionem, quam dare inimici possunt: & quoniam rebus nequeunt⁹ ulcisci, verbis usurpant libertatem.

A. C. 337. CAP. V. Compositis in Græcia rebus, Philippus omnium civitatum legatos ad formandum rerum præsentium statum evocari Corinthum jubet. Ibi pacis legem universæ Græciæ

8. Sic N. Alii legunt, redegit.

9. Hanc vocem dilendam putat Fabricius: nec immerito, sed quia exen-

plarum præsidio detriti sunt, retinendum censuimus.

Græciæ pro meritis singularum civitatum statuit; conciliumque omnium, veluti unum senatum, ex omnibus legit. Soli Lacedæmonii, & legem, & reges contemserunt; servitutem non pacem rati, quæ non ipsis civitatibus conveniret, sed à victore ferretur. Auxilia deinde singularium civitatum describuntur, sive adjuvandum ea manu rex oppugnante aliquo foret, seu duce illo bellum interendum. Neque enim dubium erat, imperium Persarum his apparatibus peti. Summa auxiliorum ducenta millia peditum fuere, & equitum quindecim millia. Extra hanc summam & Macedoniæ exercitus erat, & confinis domitarum gentium barbaries. Initio veris tres duces in Asiâ Persarum juris præmittit, Parmenionem, Amyntam, & Atalum, cujus sororem nuper expulsa Alexandri matre Olympiade, propter stupri suspicionem, in matrimonium receperat.

A. C.
336.

CAP. VI. Interea, dum auxilia à Græcia coeunt, nuptias Cleopatrarum filiarum, & Alexandri, quem regem Epiri fecerat, celebrat. Dies erat pro magnitudine duorum regum, & collocantis filiam, & uxorem ducentis, apparatibus insignis. Sed nec ludorum magnificentia deerat: ad quorum spectaculum cum Philippus sine¹⁰ custodibus corporis, medius inter duos Alexandros, filium generumque, contenderet; Pausanias, nobilis ex Macedonibus adolescens, nemini suspectus, occupatis angustis Philippum in transitu obtruncat: diemque lætitiæ destinatum, scædum luctu

A. C.
336.

¹⁰. Sic N. W. C. B. Alii legunt. Reg. Arist. Polit. l. 1. c. 2. Died. l. 16. dum, & omittunt vocem corporis. Cic. de fat. Plur. in Alex. Pausan. Vid. Valer. Max. l. 2. Corn. Nep. de Arcad. Alian. l. 3. Joseph. Ant. l. 11. 21. Sic

luctu funeris facit. Hic ¹¹ primis pubertatis annis stuprum per injuriam passus ab Attalo fuerat: cujus indignitati hæc etiam foeditas accesserat: nam perductum in convivium solutumque mero, Attalus, non suæ tantum, verum & convivarum libidini, velut scortum ¹² vile, subjecerat, ludibriumque omnium inter æquales reddiderat. Hanc rem, ægre ferens Pausanias, querelam Philippo sæpe detulerat. Cum variis frustrationibus non sine risu differretur, & honoratum insuper ducatu adversarium cerneret; iram in ipsum Philippum vertit; ultio namque, quam ab adversario non poterat, ab iniquo iudice exegit.

A. C. 336. C A P. VII. Creditum est etiam immis-
sum ab Olympiade, matre Alexandri, fuisse;
nec ipsum Alexandrum ignarum paternæ cæ-
dis extitisse: quippe non minus Olympiadem
repudium, & prælatam sibi Cleopatram, quam
stuprum Pausaniam, doluisse. Alexandrum
quoque regni æmulum, fratrem ex noverca
susceptum, timuisse: eoque ¹³ factum, ut in
convivio antea primum cum Attalo, mox
cum ipso patre, jurgaret: adeo ut etiam stri-
cto gladio eum Philippus confectatus sit, æ-
greque à filii cæde, amicorum precibus,
¹⁴ exoratus. Quamobrem Alexander ad avun-
culum se in Epirum cum matre, inde ad re-
gem Illyriorum contulerat: vixque revocan-
ti mitigatus est patri, precibusque cognato-
rum ægre redire compulsus. Olympias quo-
que

¹¹. Sic N. C. Alii repetunt, Pau-
sanias.

¹². Fruditissimus If. Vossius legen-
dum statuit, Scortorum jure, quæ qui-

dem lectio à Diodoro confirmatur.

¹³. N. Alii legunt, actum.

¹⁴. B. Legit, exoratur.

¹⁵. Alii

que fratrem suum Alexandrum, Epiri regem in bellum subornabat; pervicissetque, ni filiae nuptiis pater generum occupasset. His stimulis irarum utrique Pausaniam, de impunitate stupri sui querentem, ad tantum facinus impulisse creduntur. Olympias certe, fugienti percussori, equos quoque præparatos habuit. Ipsa deinde, audita regis nece, cum titulo officii ad exequias cucurrisset, in cruce pendentis Pausaniae capiti, eadem nocte qua venit, coronam auream imposuit: quod nemo alius audere, nisi hæc, superstite Philippi filio, potuisset. Paucos deinde post dies, relictum corpus interfectoris super reliquias mariti cremavit; & tumulum ei eodem fecit in loco, parentarique eidem quotannis, incussa populo superstitione, curavit. Post hæc Cleopatram, à qua pulsa Philippi matrimonio fuerat, in gremio ejus prius filia interfecta, finire vitam suspendio coegit, spectaculoque pendentis ultionem potita est, ad quam per parricidium festinaverat. Novissime gladium; quo rex percussus est, Apollini sub nomine Myrtales consecravit: hoc enim nomen ante Olympiadis parvulae fuit. Quæ omnia ita palam facta sunt, ut timuisse videatur, ne facinus ab ea commissum non probaretur.

CAP. VIII. Decessit Philippus XL. & VII. A. C. annorum, cum annis XXV. regnasset. Genuit ex Larissæa saltatrice filium Aridæum, qui post Alexandrum regnavit. Habuit & alios multos ex variis matrimoniis regio more susceptos, qui partim fato, partim ferro periere. Fuit rex armorum quam conviviorum apparatibus

15. Alii legunt, ultione.

16. Sic

ratibus studiosior; cui maximæ opes erant instrumenta bellorum: divitiarum quæstu quam custodia solertior: itaque inter quotidianas rapinas semper inops erat. Misericordia in eo & perfidia pari jure dilectæ. Nulla apud eum turpis ratio vincendi. Blandus pariter & insidiosus alloquio; qui plura promitteret, quam præstaret: in seria & jocos artifex. Amicitias utilitate, non fide colebat. Gratiam fingere in odio, instruere inter concordantes odia, apud utrumque gratiam quærere, solennis illi consuetudo. Inter hæc eloquentia
 16 insignis, oratio acuminis & solertiæ plena: ut nec ornatui facilitas, nec facilitati inventio, nec inventionibus deesset ornatus. Huic Alexander filius successit, & virtute & vitiis patre major.
 17 Vincendi ratio utrique diversa. Hic
 18 aperta vi, ille artibus bella tractabat. Deceptis ille gaudere hostibus, hic palam fufis. Prudentior ille consilio, hic animo magnificentior. Iræ pater dissimulare, plerumque etiam vincere: hic ubi exarsisset, nec dilationem
 19 ultionis, nec modum adhibere. Vini nimis uterque avidus: sed ebrietatis diversa vitia. Pater de convivio in hostem procurrere, manum conferere, periculis se temere offerre: Alexander in amicos hostium more sævire. Quamobrem Philippum sæpe vulneratum prælia remifere: hic amicis interfe-

16. Sic N. Alii legunt, inter hæc eloquentia, & insignis oratio, acuminis & solertiæ plena: ut nec ornatui facilitas, nec facilitati inventionum deesset ornatus.

17. Sic N. Alii præponunt. Itaque,

18. Sic N. B. Alii legunt, aperte.

19. Sic N. Alii legunt, hic ubi exarsisset, nec dilatio ultionis, nec ma-

ius erat: Vini nimis uterque avidus, sed ebrietatis diversa vitia. Patri mos erat etiam de convivio in hostem procurrere, manum conferere, periculis se temere offerre: Alexander non in hostem, sed in suos sæviebat. Quamobrem Philippum sæpe vulneratum prælia remifere. Hic amicorum interfector convivio frequenter excessit.

perfectis convivio frequenter excessit. Regnare ille cum amicis volebat, hic in amicos regna exercebat. Amari pater malle, hic metui. Literarum cultus utrique similis. Solertiae pater majoris, hic fidei. Verbis atque oratione Philippus, hic rebus moderatior. Parcendi victis filio animus & promptior, & honestior. Frugalitati pater, luxuriae filius magis deditus erat. Quibus artibus orbis imperii fundamenta pater jecit, operis totius gloriam filius consummavit.

LIBER X.

REVIARIUM CAPITUM.

1. *Artaxerxis filii in patrem conspirant. Sed conspiratione detecta, parricidii poenas dant.*
2. *Causa parricidii ex multiplici libidine nata.*
3. *Ochus, Artaxerxis successor, cognatorum principum strage regiam replet. Persicae monarchiae finis.*

CAP. I.

ARtaxerxi, regi Persarum, expellicibus cxv. filii fuere, sed tres tantum justo matrimonio suscepti: Darius, Ariartes, & Ochus. Ex his Darium contra morem Persarum, apud quos rex non nisi morte mutatur, per indulgentiam pater regem vivus fecit: nihil sibi ablatum existimans, quod in filium contulisset; sinceriusque gaudium ex procreatione capturus, si insignia majestatis suae vivus in filio conspexisset Sed Darius, post

1. Vid. Plat. in Artax. Ælian. var. hist. l. 13.

post nova paternæ pietatis exempla, interficiendi patris consilium cepit. Sceleratus, si solus parricidium cogitasset; tanto sceleratior, quod, in societatem facinoris assumptos, quinquaginta fratres fecit parricidas. Ostenti prorsus genus, ubi in tanto populo non solum sociari, verum etiam fileri parricidium potuit; ut ex quinquaginta liberis nemo inventus sit, quem aut paterna majestas, aut veneratio senis, aut indulgentia patris, à tanta immanitate revocaret. ² Adeo vile paternum nomen apud tot numero filios fuit, ut quorum præsidio tutus etiam adversus hostes esse debuerat, eorum insidiis circumventus, tutior ab hostibus quam à filiis fuerit.

A. C. 401. C A P. II. Causa parricidii sceleratior ipso parricidio fuit. Occiso quippe Cyro fraterno bello cujus mentio 3 supra habita est, Aspasiæ, pellicem ejus, rex Artaxerxes in matrimonium receperat. Hanc patrem cedere sibi, sicuti regnum, Darius postulaverat; qui, pro indulgentia sua in liberos, primo facturum se dixerat: mox pœnitentia ductus, ut honeste negaret, quod temere promiserat, Solis eam sacerdotio præfecit, quo perpetuâ illi ab omnibus viris pudicitia imperabatur. Hinc exacerbatus juvenis, in jurgia primo patris erupit: mox facta cum fratribus conjuratione, dum patri insidias parat, deprehensus cum sociis pœnas parricidii diis paternæ majestatis ultoribus dedit. Conjuges quoque omnium cum liberis, ne quod vestigium tanti sceleris extaret, interfectæ. Post hæc Artaxerxes morbo ex dolore contracto decedit, rex, quam pater, felicior.

C A P.

1. Sic N. B. Alii legunt, adeene? 3. Lib. 5. c. 9.

4. Diod.

CAP. III. Hæreditas regni + Ocho tra- A. G.
 dita, quæ, timens parem conjurationem, regi- 369
 am, cognatorum cæde & strage principum
 replet, nulla non sanguinis, non sexus, non
 ætatis misericordia permotus: scilicet ne in-
 nocentior fratribus parricidis haberetur. At-
 que ita veluti purificato regno, bellum Cadu-
 siis inest. In eo cum adversus provocatorem
 hostium Codomannus quidam, omnium fa-
 vore processisset; hoste cæso, victoriam suis
 pariter, & prope amissam gloriam, restituit.
 Ob hæc decora idem Codomannus præficitur
 Armeniis. Interjecto deinde tempore, post
 mortem Ochi regis, ob memoriam pristinæ
 virtutis, rex à populo constituitur; Darii no- A. G.
 mine, ne quid regis majestati deesset, hono- 336.
 ratus: bellumque cum Alexandro Magno,
 diu variante fortuna, magna virtute gessit. Po-
 stremo, victus ab Alexandro, & à cognatis oc-
 ciscus, vitam pariter cum Persarum regno fi-
 nivit.

4. Diod. 17.

LIBER XI.

BREVARIUM CAPITUM.

1. *Occiso Philippo, Alexander Macedones in officio continet.*
2. *Initia principatus Alexandri. Persas bello aggredi constituit.*
3. *Græcos defectionem cogitantes coercet.*
4. *Thebas victis incolis evertit. Atheniensibus infestus.*
5. *Sævit in novercæ suæ cognatos, & in consanguineos suos; deinde bellum Persicum aggreditur.*

K

6. *Disci-*

6. Disciplinam militarem ordinat. Parva manu ingentia molitur. Persas prælio superat.
7. Insidiis vitatis, Gordium nodum fatalem callide solvit.
8. Tauro monte transtense, in gravissimum morbum incidit, & sanitati restituitur.
9. Ad alterum prælium apparatus. Atrox pugna. Strages Persarum, & fuga Darii, cujus uxor, mater, filia, captivæ ab Alexandro regie excipiuntur.
10. Persis superatis, à Persarum luxu Alexander superatur. Novæ in Orientem vi-ctoriæ. Tyrus expugnatur.
11. Provinciis non paucis receptis, pergit ad Hammonis oraculum.
12. Darii regnum ambit, & pacem petenti denegat.
13. Tertii prælii inter Alexandrum & Darium circumstantiæ quædam.
14. Ejusdem prælii descriptio. Persæ fugantur, victores præda ingenti potiuntur.
15. Darius à suis victus, & multis vulneribus confossus, salutem dicit Alexandro, & in morte regium animum prodit. Alexander Darii obitum fletu & regia sepultura decorat.

CAP. I.

IN exercitu Philippi, sicuti variæ gentes erant, ita, eo occiso, diversi motus animorum fuere. Alii quippe injusta servitute oppressi, ad spem se libertatis erigebant: alii

tædio

tædio longinquæ militiæ, remissam sibi expeditionem gaudebant: nonnulli facem nuptiis filiæ accensam, rogo patris subditam dolebant. Amicos quoque, tam subita mutatione rerum, haud mediocris metus ceperat, reputantes nunc provocatam Asiam, nunc Europam nondum perdomitam, nunc Illyrios,² Thracas, Dardanos, ceterasque barbaras gentes fidei dubiæ, & mentis infidæ; qui omnes populi si pariter deficiant,³ sisti nullo modo posse. ⁴ His rebus veluti medela quædam interventus Alexandri fuit; qui pro concione ita vulgus omne consolatus est hortatusque pro tempore, ut & metum timentibus demeret, & spe omnes impleret, Erat hic annos XX. natus: in qua ætate ita moderate de se multa pollicitus est, ut appareret plura eum experimentis reservare. Macedonibus immunitatem cunctarum rerum, præter militiæ vacationem dedit: quo facto tantum sibi favorem omnium conciliavit, ut corpus hominis, non virtutem regis mutasse se dicerent.

CAP. II. Prima illi cura paternarum A. C. exequiarum fuit: in quibus ante omnia, cæ- 336.
dis conscios ad tumulum patris occidi iussit: soli Alexandro⁵ Lyncistarum fratri pepercit, servans in eo auspicium dignitatis suæ: nam regem eum primus salutaverat. Æmulum quoque imperii Caranum, fratrem ex noverca susceptum, interfici curavit. Inter initia multas gentes rebellantes compe-
scuit:

². Sic N. Alii addunt, &c.

³. Sic B. Alii legunt, resisti, sed perperam.

⁴. Sic B. Alii legunt, quæis.

⁵. Faber omnino legendum fuisse, soli Alexandro Lyncista G. (i. e.) ge-

ago Antipatri: revera MSS. aliqui Lyncistam tribunt. Vid. Diad. Sic. l. 19. Plut. in Alex. Antian l. 1. Q. Curt. l. 7. Tauryd. l. 2. Plin. l. 4. Strab. l. 7. Ptolem. l. 3.

scuit: orientes nonnullas seditiones extinxit. Quibus rebus erectus, citato gradu in Græciam contendit: ubi, exemplo patris Corinthum evocatis civitatibus, dux in locum ejus substituitur. Inchoatum deinde à patre Persicum bellum aggreditur, in cujus apparatu occupato nuntiatur, Athenienses, ^{A. C.} Thebanos ^{335.} & Lacedæmonios, ab eo ad Persas defecisse, auctoremq; ejus defectionis, magno auri pondere à Persis corruptum, Demosthenem oratorem extitisse; qui Macedonum deletas omnes cum rege copias à Triballis⁷ affirmaverat, producto in concionem auctore, qui in eo prælio, in quo rex ceciderit, se quoque vulneratum diceret. Qua opinione mutatos omnium ferme civitatum animos esse: ⁸ præsidia Macedonum obsideri. Quibus motibus occursurus, tanta celeritate instructo paratogue exercitu Græciam oppressit, ut, quem venire non senserant, videre se vix crederent.

C A P. III. In transitu hortatus Thessalos fuerat; beneficiorumque Philippi patris, maternæque suæ cum his⁹ ab Æacidarum gente necessitudinis admonuerat. Cupide hæc Thessalis audientibus, exemplo patris, dux universæ gentis creatus erat, & vectigalia omnia redditusque suos ei tradiderant. Sed Athenienses, sicuti primi defecerant, ita primi pœnitere cœperunt: contemptum hostis in admirationem vertentes, pueritiamque Alexandri, spretam antea, supra virtutem veterum ducum extollentes. Missis itaque legatis,

⁶ Sic Vet. Edit. & MSS. nonnulli: quanquam in nuperis editionibus, Thebani, omittantur; sed contra Justinianum mentem, ut ex sequentibus patet.

⁷ Sic N. & W. Alii legunt, affir-

maverit. Vid. Plut. in Dem. Æschin. in orat. cont. Cræph. Diod. l. 11. Appian. l. 11. Pausan. in Corinth.

⁸ Faber, & interponendum vult.

⁹ Sic N. Alii legunt, sub.

gatis, bellum deprecantur: quibus auditis & graviter increpatis, Alexander bellum remittit. Inde Thebas exercitum convertit, eadem indulgentia usus, si parem poenitentiam invenisset. Sed Thebani armis, ¹⁰ non precibus usi sunt. Itaque victi, gravissima quæque supplicia miserrimæ captivitatis experti sunt. In consilio cum de excidio urbis deliberaretur, Phocenses, & Plataenses, & Thespienses, & Orchomenii, Alexandri socii, victoriæque participes, excidia urbium suarum, crudelitatemque Thebanorum, referebant: studia in Persas non præsentia tantum, verum & vetera adversus Græciæ libertatem increpantes. Quamobrem odium eos omnium populorum esse: quod vel ex eo manifestari, quod jurejurando se omnes obstrinxerint, ut victis Persis Thebas diruerent. Adjiciunt & scelerum priorum fabulas, quibus omnes scenas repleverint, ut non præsentium tantum perfidia, verum & vetere infamia invisi forent.

CAP. IV. Tunc Cleades, unus ex captivis, data potestate dicendi, non à rege ¹¹ se defecisse, quem interfectum audierint, sed à regis hæredibus: quicquid in eo sit admissum, credulitatis, non perfidiæ culpam esse; cujus tamen jam magna se supplicia pependisse, deleta juventute: nunc senum feminarumque, sicuti infirmum, ita innoxium restare vulgus, quod ipsum stupris contumeliisque ita vexatum esse, ut nihil amarius ¹² quam sint passi, deprecantur: nec jam pro civibus

se,

¹⁰. Sic N. Alii addunt, nec deprecantur. Vid. Oiod. Sic. l. 17 & 19. Arrian. l. 10. Plut. in Alex. Demosth. lib. de virt. mulier. & in Phocion.

Pausan. Elian. var. hist. l. 11.

¹¹. Sic N. W. B. Alii omittunt, se.

¹². Sic N. Alii legunt, unquam sint passi; sensu plane frigido.

se, qui tam pauci remanserint, orare; sed pro innoxio patriæ solo, & pro urbe, quæ non viros tantum, verum & deos genuerit. Privata etiam regem superstitione deprecatur, geniti apud ipsos Herculis, unde originem gens *Æacidarum* trahat; actaque Thebis à patre ejus Philippo pueritia: rogat, urbi parcat, quæ majores ejus partim apud se genitos, deos adoret; partim educatos, summæ majestatis reges viderit. Sed potentior fuit ira, quam preces. Itaque urbs diruitur; agri inter victores dividuntur: captivi sub corona venduntur: quorum pretium non ex ementium commodo, sed ex inimicorum odio extenditur. Miseranda res Atheniensibus visa. Itaque portas refugiis profugorum contra interdictum regis aperuere. Quam rem ita graviter tulit Alexander, ut secunda legatione denuo bellum deprecantibus, ita demum remisit, ut oratores & duces quorum fiducia toties rebellent, sibi dedantur: paratisque Atheniensibus, ne cogantur subire bellum, eo res reducta est, ut retentis oratoribus, duces in exilium agerentur: qui ex continenti ad *Darium* profecti, non mediocriter momentum Persarum viribus accessere.

C A P. V. Proficiscens ad Persicum bellum, omnes novercæ suæ cognatos, quos *Philippus* in excelsiorem dignitatis locum proveniens, imperiis præfecerat, interfecit. Sed nec suis, qui apti regno videbantur, pepercit, ne qua materia seditionis, procul se agente, in Macedonia remaneret: reges stipendiarios conspectioris ingenii, ad commilitium socium trahit: seigniores ad tutelam regni relinquit. Adunato deinde exercitu naves oneravit: unde conspecta Asia, incredibili ardore mentis

mentis accensus, 13 duodecim aras Deorum A. C. 334
 in belli vota statuit. Patrimonium omne suum
 quod in Macedonia, Europaque habebat,
 amicis dividit, sibi Asiam sufficere præfatus.
 Priusquam ulla navis littore excederet, hosti-
 as cædit, petens victoriam bello, quo toties à
 Persis petita Græciæ ultor electus sit: qui-
 bus longa jam satis, & matura imperia con-
 tigisse, quorumque tempus esse vices exci-
 pere melius acturos. Sed nec exercitus ejus
 alia, quam regis animorum præsumptio fuit;
 quippe obliti omnes conjugum, liberorum-
 que, & longinquæ domo militiæ, Persicum
 aurum, & totius Orientis opes, jam quasi suam
 prædam ducebant: nec belli periculorum-
 que, sed divitiarum meminerant. Cum delati
 in Continentem essent, primus Alexander
 jaculum velut in hostilem terram jecit; arma-
 tusque de navi tripudianti similis profiluit;
 atque ita hostias cædit, precatus, ne se regem
 illæ terræ invitæ accipiant. In Illo quoque
 ad tumulos heroum, qui Trojano bello ceci-
 derant, parentavit.

CAP. VI. Inde hostem petens, milites à A. C. 334
 populatione Asiæ prohibuit, parcendum suis
 rebus præfatus, nec perdenda ea, quæ posses-
 sori venerint. In exercitu ejus fuere peditum
 xxx. duo millia, equitum quatuor millia
 quingenti, naves centum LXXXII. Hac tam
 prava manu universum terrarum orbem u-
 trum sit admirabilius, vicerit an aggredi ausus
 fuerit, incertum est: cum ad tam periculosum
 bellum exercitum legeret, non juvenes ro-
 bustos, nec primum florem ætatis, sed vete-
 ranos;

13. Vld. Arrian. l. 1. & Flut. in Alex. Joseph. Ant. l. 11. Diod. l. 17.

ranos; plerosque etiam emeritæ militiæ, qui cum patre patruisque militaverant, elegit: ut non tam milites, quam magistros militiæ electos putares. Ordines quoque nemo nisi sexagenarius duxit: ut si principia castrorum cerneres, senatum te alicujus priscae rei publ. videre diceres. Itaque nemo in prælio fugam, sed victoriam cogitavit: nec in pedibus cuiquam spes, sed in lacertis fuit. Contra rex Persarum Darius, fiducia virium, nil astu agere affirmans suis, occulta consilia victoriæ furtivæ convenire, nec hostem regni finibus arcere, sed in intimum regnum accipere: gloriosius ratus repellere bellum, quam non admittere. Prima igitur congressio in campis Adrastræis fuit. In acie Persarum sexcenta millia fuere, quæ non minus arte Alexandri, quam virtute Macedonum superata, terga verterunt. Magna itaque cædes Persarum fuit. De exercitu Alexandri novem pedites, centum viginti equites cecidere: quos rex impense, ad ceterorum exemplum humatos, statuis equestribus donavit, cognatisque eorum immunitates dedit. Post victoriam major pars Asiæ ad eum defecit. Gessit & plura bella cum præfectis Darii, quos jam non tam armis, quam terrore nominis sui vicit.

A. C. C A P. VII. Dum hæc aguntur, interim
333. indicio captivi ad eum deferitur, infidias ei ab Alexandro Lyncistarum, genero Antipatri, qui præpositus Macedoniae erat, parari. Ob quam causam timens, ne quis interfecto eo in Macedonia motus oriretur, in vinculis eum habuit. Post hæc ¹⁴ Gordien urbem petit,

¹⁴. Si Stephano fides sit habenda, Q. Curt. l. 3. Diod. Sic. l. 17. Plur. urbs hæc inter Phrygiam majorem & in Alex.
Cappadociam ponitur, Vid. Arr. l. 3.

tit, quæ posita est inter Phrygiam majorem
 & minorem: cujus urbis potiundæ non tam
 propter prædam cupido eum cepit, sed quod
 audierat in ea urbe, in templo Jovis jugum
 Gordii positum; cujus nexum si quis solvisset, A. C.
333.
 eum tota Asia regnaturum, antiqua oracula
 cecinisse. Hujus rei causa & origo illa fuit.
 Gordius cum in his regionibus bubus condu-
 ctis araret, aves eum omnis generis circum-
 volare cœperunt. Profectus ad consulendos
 augures & vicinæ urbis, obviam in porta ha-
 buit virginem eximiæ pulcritudinis: percon-
 tatus eam, quem potissimum augurem con-
 suleret: illa audita causa consulendi, gnara
 artis ex disciplina parentum, regnum ei por-
 tendi, respondit: polliceturque se & matrimo-
 nij, & spei sociam. Tam pulcra conditio,
 prima regni felicitas videbatur. Post nuptias,
 inter Phrygas orta seditio est. Consulentibus
 de fine discordiarum, oracula responderunt,
 regem discordiis opus esse. Iterato quæren-
 tibus de persona regis, jubentur eum regem
 observare, quem reversi primum in templum
 Jovis euntem plastro reperissent. Obvius
 illis Gordius fuit, statimque eum regem con-
 salutant. Ille plastrum, quo vehenti regnum
 delatum fuerat, in templo Jovis positum, ma-
 jestati regis consecravit. Post hunc filius
 Mida regnavit, qui ab Orpheo sacrorum so- A. C.
720.
 lennibus initiatus, Phrygiam religionibus
 implevit: quibus tutior omni vita, quam ar-
 mis fuit. Igitur Alexander capta urbe cum in A. C.
333.
 templum Jovis venisset, jugum plastri requi-
 sit: quo exhibito, cum capita loramento-
 rum intra nodos abscondita reperire non pos-
 set,

13. Legendum viderur, Telmisinæ, quod oculatissimo D. Vossio visum.

* vid.

set, violentius oraculo usus, gladio loramenta cædit, atque ita resolutis nexibus, latentia in nodis capita invenit.

A. C. 333. C A P. VIII. Hac illi agenti, nuntiatur, Darium cum ingenti exercitu adventare. Itaque timens angustias, magna celeritate Taurum transcendit: in qua festinatione quingenta stadia cursu fecit. Cum Tarsum venisset, captus Cydni fluminis amoenitate, per mediam urbem influentis, projectis armis, plenus pulveris ac sudoris, in præfrigidam undam se projecit. Tum repente tantus nervos ejus occupavit rigor, ut interclusa voce non spes modo remedii, sed nec dilatio periculi inveniretur. Unus erat ex medicis nomine * Philippus, qui solus remedium polliceretur: sed & ipsum, Parmenionis pridie à Cappadocia missæ epistolæ suspectum faciebant: qui ignarus infirmitatis Alexandri scripserat, à Philippo medico caveret, nam corruptum illum à Dario ingenti pecunia esse. Tutius tamen est ratus, dubiæ se fidei medici credere, quam indubitato morbo perire. Accepto igitur poculo, epistolas medico tradidit; atque ita inter bibendum oculos in vultum legentis intendit. Ut securum conspexit, lætior factus est, sanitatemque quarta diè recepit.

A. C. 333. C A P. IX. Interea Darius cum quadringentis millibus peditum, ac centum millibus equitum in aciem procedit. Movebat hæc multitudo hostium respectu paucitatis suæ, Alexandrum: sed interdum reputabat, quantas res cum ista paucitate gessisset: quantosque populos fudisset. Itaque cum spes metum vinceret, periculosius differre bellum ratus,

ne

* Vid. Arrian. Curt. Plutarch. Val. Max. l. 3.

ne desperatio suis cresceret, circumvectus suos, singulas gentes diversa oratione alloquitur: Illyrios & Thracas opum ac divitiarum ostentatione, Græcos veterum bellorum memoria internecinique cum Persis odii accendebat: Macedones autem nunc Europæ victæ admonet, nunc Asiæ expetitæ: nec inventos illis toto orbe pares viros gloriatur. Ceterum & laborum finem hunc, & gloriæ cumulum fore. Atque inter hæc identidem consistere aciem jubet, ut hac mora consuescant oculisturbam hostium sustinere. Nec Darii ¹⁶ regis opera in ordinanda acie defuit. Quippe omissis ducum officiis ipse omnia circumire, singulos hortari, veteris gloriæ Persarum, imperiique perpetuæ à diis immortalibus datæ possessionis admonere. Post hæc prælium ingentibus animis committitur. In eo uterque rex vulneratur. Tandiu certamen anceps fuit, quoad fugeret Darius. Exinde cædes Persarum secuta est. Cæsa sunt peditem unum & sexaginta millia, equitum decem millia: capta quadraginta millia. Ex Macedonibus cecidere pedites cxxx. equites cl. In castris Persarum multum auri ceterarumque opum inventum. Inter captivos castrorum, mater, & uxor eademque soror, & filiæ duæ, Darii fuere. Ad quas visendas hortandasque cum Alexander venisset, conspectis armatis, invicem se amplexæ, velut statim morituræ, complorationem ediderunt. Provoluntæ deinde genibus Alexandri, non mortem, sed dum Darii corpus sepeliant, dilationem mortis, deprecantur. Motus tanta mulierum pietate Alexander, & Darium vivere

¹⁶. N. W. C. legunt, regis opera in ordinanda acie fuit.

¹⁷. Joseph.

verè dixit: & timentibus mortis metum dem-
fit: easque haberi ut reginas præcepit. Filias
quoque non sordidius dignitate patris sperare
matrimonium iussit.

A. C. 333. C A P. X. Post hæc, opes Darii, divitiarum-
que apparatus contemplatus, admiratione
tantarum rerum capitur. Tunc primum lu-
xuriosa convivia, & magnificentiam epula-
rum sectari: tunc Barsenen captivam diligere
propter formæ pulcritudinem cepit. A qua
postea susceptum puerum Herculem vocavit.
Memor tamen adhuc Darium vivere, Par-
menionem ad occupandam Persicam classem,
aliosque amicos ad recipiendas Asiæ civitates
misit: quæ statim audita fama victoriæ, ipsis
Darii præfectis cum auri magno pondere tra-
dentibus se, in potestatem victorum venerunt.
Tunc in Syriam proficiscitur: ubi obvios
cum infulis multos Orientis reges habuit. Ex
his pro meritis singulorum alios in societatem
recepit: aliis regnum ademit, suffectis in loca
eorum novis regibus. Insignis præter cete-
ros fuit Abdalonimus, rex ab Alexandro Si-
doniæ constitutus. Quem Alexander, cum
operam oblocare ad puteos exhauriendos,
hortosque irrigandos solitus esset, misere vi-
tam exhibentem, regem fecerat, spretis nobi-
libus, ne generis id, non dantis beneficium
putarent. Tyrionum civitas cum coronam au-
ream magni ponderis, per legatos in titulum
gratulationis Alexandro misisset, grate mu-
nere accepto, Tyrum se ire velle ad vota Her-
culi reddenda, dixit. Cum legati rectius id
eum in Tyro 17 vetere, & antiquiore templo
facturum dicerent, in deprecantes ejus introi-
tum

17. Joseph. l. 11, Cap. 1. 4. Plut. in Alex. Arrian. l. 2.

tum ita exarsit, ut urbi excidium minaretur : confestimque exercitu insulæ applicato, non minus animosis Tyriis fiducia Carthaginensium, bello excipitur. Augebat enim Tyriis animos Didonis exemplum, quæ Carthagine condita, tertiam partem Orbis quæsisset ; turpe ducentes, si feminis suis plus animi fuisset in imperio quærendo, quam sibi in tuenda libertate. Amota igitur imbelli ætate Carthaginem, & arcessitis mox auxiliis, non magno post tempore per prodicionem capiuntur.

A. C.
332.A. C.
333.A. C.
332.A. C.
331.

CAP. XI. Inde Rhodum Alexander Ægyptum, 18 Ciliciamque sine certamine recipit. Ad Jovem deinde Hammonem pergit, consulturus & de eventu futurorum, & de origine sua. Namque mater ejus Olympias confessa viro suo Philippo fuerat, Alexandrum non ex eo se, sed ex serpente ingentis magnitudinis concepisse. Denique Philippus ultimo prope vitæ suæ tempore, filium suum non esse palam prædicaverat. Qua ex causa Olympiadem velut stupri compertam, repudio dimiserat. Igitur Alexander cupiens originem divinitatis acquirere simul & matrem infamia liberare, per præmissos subornat antistites, quid sibi responderi velit. Ingradientem templum, statim antistites ut Hammonis filium salutant. Ille lætus dei adoptione, hoc se patre censei jubet. Rogat deinde, an omnes interfectores parentis sui sit ultus, respondetur, 19 patrem ejus nec posse interfici, nec mori : regis Philippi peractam plene ultionem esse. Terciam interrogacionem

18. Cilicia olim capta; unde Ber-
necerus. Cyrenen; Cl. Vossius Syri-
am, r. p. 111.

19. N. W. C. Alii legunt, Patrem
ejus non posse mori.

gationem poscenti, victoriam omnium bellorum, possessionemque terrarum dari responderetur. Comitibus quoque suis responsum, ut Alexandrum pro Deo, non pro rege colerent. Hinc illi aucta insolentia, mirusque animo increvit tumor, exempta comitate, quam & Græcorum literis & Macedonum institutis didicerat. Reverius ab Hammone Alexandriam condidit, & coloniam Macedonum caput esse Ægypti jubet.

A. C.
332.

C A P. XII. Darius cum Babyloniam profugisset, per epistolas Alexandrum deprecatur, redimendarum sibi captivarum potestatem faciat, inque eam rem, magnam pecuniam pollicetur: sed Alexander in pretium captivarum regnum omne, non pecuniam petit. Interjecto tempore, aliæ epistolæ Darii Alexandro redduntur, quibus filiæ matrimonium & regni portio offertur. Sed Alexander sua sibi dari rescripsit; jussitque supplicem venire, & regni arbitria victori permittere. Tum spe

A. C.
331.

pacis amissa, bellum Darius, reparat: cum quadringentis millibus peditum, & centum millibus equitum obviam vadit Alexandro. In itinere nuntiatur, uxorem ejus ex collisione abjecti partus decessisse, ejusque mortem illacrymatum Alexandrum, exequiasque benigne profecutum, idque eum non amoris, sed humanitatis causa fecisse. Nam semel tantum eam Alexandro visam esse, cum matrem filiasque ejus parvulas frequenter consolaretur. Tunc Darius se ratus vere victum, cum post tot prælia, etiam beneficiis ab hoste superaretur, gratumque sibi esse, si vincere nequeat, quod à tali potissimum vinceretur. Scribit itaque & tertias epistolas, & gratias agit, quod
nihil

nihil in suos hostile fecerit. Offert deinde majorem partem regni usque flumen Euphratem, & alteram filiam uxorem; pro reliquis captivis triginta millia talentum. Ad hæc Alexander, gratiarum actionem ab hoste supervacaneam esse respondit; nec à se quicquam factum in hostis adulationem, nec quod in dubios belli exitus, aut in leges pacis sibi lenocinia quæreret: sed animi magnitudine, qua didicerit adversus vires hostium, non adversus calamitates contendere; polliceturque, præstaturum se ea Dario, si secundus sibi, non par haberi velit. eterum, neque mundum posse duobus solibus regi: neque orbem summa duo regna salvo statu terrarum habere; proinde aut deditionem ea die, aut in posteram, aciem paret: nec polliceatur sibi aliam, quam sit expertus, victoriam.

C A P. XIII. Postera die aciem producunt: A. C. tum repente ante prælium, confectum curis ^{331.} Alexandrum somnus arripuit. Cum ad pugnam solus rex deesset, à Parmenione ægre excitatus, quærentibus somni causas omnibus inter pericula, cujus etiam in otio semper parci-
 or fuerit; Magno se æstu liberatum ait, somnumque sibi à repentina securitate datum, quod liceat cum omnibus Darii copiis confligere: veritumque se longam belli moram, si Persæ exercitum divisissent. Ante prælium utraque acies hostibus spectaculo fuit. Macedones multitudinem hominum, corporum magnitudinem, armorumque pulcritudinem, mirabantur: Persæ à tam paucis victa suorum tot millia stupebant. Sed nec duces circumire suos cessabant. Darius vix denis armatis singulos hostes, si divisio fieret, evenire dicebat.

cebat. Alexander Macedonas monebat, ne multitudine hostium, nec corporis magnitudine, vel coloris novitate moverentur: tantum meminisse jubet, cum iisdem se tertio pugnare; nec meliores factos putarent fuga, cum in aciem secum tam tristem memoriam cædium suarum, & tantum sanguinis duobus præliis fusi ferrent: & quemadmodum Dario majorem turbam hominum esse, sic virorum sibi. Hortatur ²⁰ spernant illam aciem auro & argento fulgentem, in qua plus prædæ, quam periculi sit; cum victoria non armorum decore, sed ferri virtute quærat.

A. C. 331. CAP. XIV. Post hæc prælium committitur. Macedones in ferrum cum contemptu toties à se victi hostis ruebant: contra Persæ mori, quam vinci præoptabant. Raro ullo prælio tantum sanguinis fusum est. Darius cum vinci suos videret, mori voluit & ipse: sed à proximis fugere compulsus est. Suadentibus deinde quibusdam, ut pons Cydni fluminis, ad iter hostium impediendum, intercluderetur: Non ita se salutis suæ velle con ultum ait, ut tot milia sociorum hosti objiciat: debere & aliis fugæ viam patere, quæ patuerit sibi. Alexander autem periculossima quæque aggrediebatur; & ubi confertissimos hostes acerrime pugnare conspexisset, eo se semper ingerebat, periculaque sua esse, non militum volebat. Hoc prælio Asiæ imperium rapuit, quinto post acceptum regnum anno; cujus tanta felicitas fuit, ut post hoc nemo rebellare ausus sit: patienterque Persæ post imperium tot annorum, jugum servitutis acceperint. Donatis refectionisque militibus xxxiv. diebus prædam recog-

²⁰, N. legit, spectent.

novit.

novit. In urbe deinde Susa XL. millia talentum invenit. Expugnat & Persepolim, caput Persici regni, urbem multis annis illustrem, refertamque Orbis terrarum spoliis, quæ interitu ejus primum apparuere. Inter hæc DCCC. admodum Græci occurrunt Alexandro, qui pœnam captivitatis truncata corporis parte tulerant; rogantes, ut sicuti Græciam, se quoque ab hostium crudelitate vindicaret. Data potestate redeundi, agros accipere maluerunt, ne non tam gaudium parentibus, quam detestandum sui conspectum reportarent.

CAP. XV. Interea Darius in gratiam victoris à cognatis suis, aureis compedibus catenisque in vico Parthorum Dara vincitur. Credo ita diis immortalibus indicantibus, ut in terra eorum, qui successuri imperio erant, Persarum regnum finiretur. Alexander quoque citato cursu postera die supervenit: ibique cognovit Darium clauso vehiculo per noctem exportatum. Jusso itaque exercitu subsequi, cum sex millibus equitum, fugientem insequitur: in itinere multa & periculosa prælia facit. Emensus deinde multa millia passuum, cum nullum Darii indicium reperisset, respirandi equis data potestate, unus ex militibus, dum ad fontem proximum pergit, in vehiculo Darium multis quidem vulneribus confossum, sed spirantem adhuc invenit: qui applicito captivo cum civem ex voce cognovisset, id saltem præsentis fortunæ solatium habere se dixit, quod apud intellecturum locuturus esset, nec incassum postremas voces emissurus. Perferri hæc Alexandro jubet, se nullis in eum meritorum officiis, maximorum

A. C.
330.

illi debitorem mori, quod in matre liberisque suis, regium ejus, non hostilem animum expertus, felicius hostem quam cognatos sortitus sit: quippe matri & liberis suis ab eodem hoste vitam datam: sibi à cognatis ereptam, quibus & vitam, & regna dederit: Quamobrem gratiam illis eam futuram, quam ipse victor volet. Alexandro referre se, quam solam moriens potest, gratiam: precari superum inferumque numina, & regales deos, uti illi terrarum omnium victori contingat imperium. Pro se justæ magis, quam gravis sepulturæ veniam orare. Quod ad ultionem pertineat, jam non suam, sed exempli, communemque omnium regum esse causam, quam negligere, illi & indecorum & periculosum esse: quippe cum in altero justitiæ ejus, in altero etiam utilitatis causa versetur. In quam rem unicum pignus fidei regiæ, dexteram se ferendam Alexandro dare. Post hæc porrecta manu expiravit. Quæ ubi Alexandro nuntiata sunt, viso corpore defuncti, tam indignam illo fastigio mortem lacrymis prosecutus est: corpusque regio more sepeliri, & reliquias ejus, majorum tumulis inferri jussit.

L I B E R X I I .

B R E V I A R I U M C A P I T U M .

1. *Alexandri in retinendo milite solertia. Græci bellum, absente Alexandro, reparant.*
2. *Alexander, rex Epiri, Italiam turbat, & tandem in pugna cadit; Scythæ Alexandri præfectum & exercitum internecione delent.*
3. *Alexan-*

3. *Alexandri simulatio, ambitio, cum Thalestri concubitus, luxus, & profusiones.*
4. *Qua ratione Macedones tumultuantes in officio continuerit.*
5. *In domesticos suos ferrum stringit, & nova ratione adversarios ulciscitur, populos multos subigit, & Bessum, Darii interfectorem, de medio tolli curat.*
6. *In convivio mactat Clitum amicum, quem frustra desiderat, peccati sera pœnitentia ductus.*
7. *Ad ingenium reversus in prudentes consiliarios sœvit: ad Orientem statuit imperii limites. Bactrii vestigiis delectatur: Herculisque gesta superare contendit.*
8. *Porum, prælio superatum, regie excipit & dimittit: multis populis expugnatis, quietem exercitui concedere velle videtur.*
9. *Bellum instaurat. In Sugamborum urbe de vita certat & periclitatur.*
10. *Ab amicis periculo ereptus, Oceanum lustrat: terminos imperii statuit: præfectos vita privat, & ad nuptias applicat animum.*
11. *Liberalitas, munificentia & severitas ejusdem.*
12. *Qua ratione Macedones seditiosos ad officium revocaverit. Hephestionis obitus & tumulus.*
13. *Dum Occidentales provinciæ manus porrigunt, Alexander in lethalem morbum incidit Babyloem pergens.*
14. *Alexander Antipatri artibus veneno extinguitur.*
15. *Alexandri moribundi novissima verba.*
16. *Ejusdem Alexandri Magni elogium.*

A. C.
330.

Alexander in 'persequendo Dario amissos milites, magnis funerum impensis extulit; reliquis expeditionis ejus lociis, tredecim millia talentum divisit. Equorum major pars æstu amissa, inutilesque etiam, qui superfuerant, facti. Pecunia omnis centum nonaginta millia talentum Ecbatana congesta, eique Parmenio præpositus. Dum hæc aguntur, epistolæ Antipatri è Macedonia ei redduntur, quibus bellum Agidis, regis Spartanorum, in Græcia; bellum Alexandri regis Epiri in Italia; bellum Sopyrionis, præfecti ejus, in Scythia, continebatur. Quibus varie affectus, plus tamen lætitiæ, cognitis mortibus duorum æmulorum regum, quam doloris, amissi cum Sopyrione exercitus, suscepit.

A. C.
332.

Namque post profectionem Alexandri, Græcia ferme omnis in occasionem recuperandæ libertatis, ad arma concurrerat, auctoritatem Lacedæmoniorum secuta, qui Philippi Alexandrique & 2 pacem soli spreverant, & leges respuerant. Dux hujus belli Agis rex Lacedæmoniorum fuit, quem motum Antipater contractis militibus in ipso ortu oppressit.

A. C.
330.

Magna tamen utrinque cædes fuit. Agis rex, cum suos terga dantes videret, dimissis satellitibus, ut Alexandro, si non 3 felicitate par, virtute non inferior videretur, tantam stragem hostium edidit, ut agmina interdum fugaret. Ad postremum, etsi a multitudine victus, gloria tamen omnes vicit.

C A P.

1. Sic N. W. C. Alii legunt, prosequendo. Vid. Diod. l. 17. Arrian. l. 2. Curt. l. 6. Strab. l. 11.

2. Sic N. W. C. Alii omittunt, &c.

3. Sic N. W. Alii legunt, Alexandro felicitate, non virtute inferior videretur.

4. Vid.

CAP. II. Porro ⁴ Alexander, rex Epiri, in ^{A. C.} Italiam à Tarentinis, auxilia adversus Brutios ^{331.} deprecantibus, sollicitatus, ita cupide profectus fuerat, veluti in divisione orbis terrarum Alexandro, Olympiadis sororis suæ filio, Oriens, sibi Occidens sorte contigisset: non minorem rerum materiam in Italia, Africa, Siciliaque, quam ille in Asia, & in Persis habiturus. Huc accedebat, quod sicut Alexander Magno Delphica oracula insidias in Macedonia; ita huic responsum Dodonæi Jovis ⁵ circa urbem Pandosiam amnemque Acherusium cavendum prædixerat. Quæ utraque cum in Epiro essent, ignarus eadem & in Italia esse, ad declinanda fatorum pericula, peregrinam militiam cupidius elegerat. Igitur, cum in Italiam venisset, primum illi bellum cum Appulis fuit: quorum cognito urbis fato, brevi post tempore pacem & amicitiam cum rege eorum fecit. Erat namque tunc temporis urbs Appulis Brundisium, quam Ætoli, sequuti tum fama rerum in Troja gestarum clarissimum ac nobilissimum ducem Diomedem, condiderant: sed pulsi ab Appulis, consulentes oracula responsum acceperant, locum quem repetissent, perpetuo possessuros. Hac igitur ex causa, per legatos cum belli comminatione, restitui sibi ab Appulis urbem postulaverant. Sed ubi Appulis oraculum innotuit, interfectos legatos in urbe sepelierant, perpetuam ibi sedem habituros. Atque ita defuncti responso, diu urbem possederunt. Quod factum cum cognovisset Alexander,

4. Vid. Liv. Dec. 1. l. 8. Strab. l. 7. Agell. l. 17. Plut. de fort. Rom.

5. Sic Faber legendum docet, ra-

tione ducit. & MS. Pelcrini. Alii omittunt voces, circa, & cavendum.

6. Vid.

- xander, antiquitatis fata veneratus, bello Apulorum abstinuit. Gessit & cum Brutiis Lucanisque bellum; multasque urbes cepit: tum & cum Metapontinis & Pediculis, & Romanis, fœdus amicitiamque fecit. Sed
- A. C. 331. Brutii Lucanisque, cum auxilia à finitimis contraxissent, acrius bellum repetivere. Ibi rex juxta urbem Pandosiam, & flumen Acherronta, non prius fatalis loci cognito nomine, quam occideret, interficitur; moriensque non in patria fuisse sibi periculosam mortem, propter quam patriam fugerat, intellexit. Corpus ejus Thurii publice redemptum sepulturæ tradiderunt. Dum hæc aguntur in
- A. C. 330. Italia, ⁶ Sopyrion quoque præfectus Ponti ab Alexandro Magno relictus, otiosum se ratus, si nihil & ipse gessisset, adunato xxx. millium exercitu, Scythis bellum intulit: cæsusque cum omnibus copiis, pœnas temere illari belli genti innoxiae luit.
- A. C. 330. C A P. III. Hæc cum nuntiata in ⁷ Parthis Alexandro essent, simulato mœrore, propter Alexandri cognationem, exercitui suo triduum luctum indixit. Omnibus deinde, velut perpetrato bello, reditum in patriam expectantibus, conjugesque ac liberos suos animo jam quodammodo complectentibus, ad concionem exercitum vocat: ibi nihil actum tot egregiis præliis ait, si incolumis Orientalis barbaria relinquatur: nec se corpus, sed regnum Darii petisse; persequendosque esse eos, qui à regno defecerint. Hac oratione velut ex integro incitatis militum animis Hyrcaniam, Mardosque subegit. Ibi ei occurrit ⁸ Thalestris

6. Vid. Curt. l. 10.

8. Vid. Curt. l. 6. Plut. in Alex.

7. Vid. Diød. l. 17. Arrian. l. 4. Strab. l. 11.
Plut. in Alex. Q. Curt. l. 6.

9. Sic

lestris five Minithya, Amazonum regina, cum ccc. mulieribus, xxv. dierum iuter confertissimas gentes itinere confecto, ex rege liberos quælitura : cujus conspectus adventusque admirationi omnibus fuit, & propter insolitum feminis habitum, & propter expetitum concubitum. Oh hoc tredecim diebus otio à rege datis, ut visa est uterum impleſſe, disceſſit. Poſt hæc Alexander habitum regum Perſarum, & diadema, inſolitum antea regibus Macedonicis, velut in leges eorum, quos vicerat, tranſiret, aſſumit. Quæ ne invidioſius in ſe uno conſpicerentur, amicos quoque ſuos longam veſtem auratam purpureamq; ſumere jubet; ac ut luxum quoque, ſicuti cultum Perſarum imitaretur, inter pellicum regiarum greges electæ pulcritudinis nobilitatiſque, noctium vices dividit. His rebus ingentes epularum apparatus adjicit, ne jejuna & deſtructa luxuria videretur, conviviumque juxta regiam magnificentiam ludis exornat : immemor prorsus, tantas opes amitti his moribus, non quæri ſolere.

C A P. IV. Inter hæc indignatio omnium totis caſtris erat, à Philippo illum patre tantum degeneraviſſe, ut etiam patriæ nomen ejuraret, moresque Perſarum aſſumeret, quos propter tales mores vicerat. Sed ne ſolus vitiis eorum, quos armis ſubegerat, ſuccubuiſſe videretur; militibus quoque ſuis permiſit, ſi quarum captivarum conſuetudine tenerentur, ducere uxores : exiſtimans minorem in patriam reditus cupiditatem futuram, habentibus in caſtris imaginem quandam larium, ac domeſticæ ſedis: ſimul & laborem militiæ molliorem fore dulcedine uxorum. In ſupplementa

A. C.
330.

menta quoque militum minus exhauriri posse Macedoniam, si veteranis patribus tyrones filii succederent, militaturi in vallo, in quo essent nati, constantioresque futuri, si non solum tyrocinia, verum & incunabula in ipsis castris posuissent. Quæ consuetudo in successores quoque Alexandri mansit. Igitur & alimenta pueris statuta & instrumenta armorum equorumque juvenibus data; & patribus, pro numero filiorum, præmia statuta. Si quorum patres occidissent, nihilominus pupilli stipendia patrum trahebant; quorum pueritia inter varias expeditiones, militia erat. Itaque à parvula ætate periculis laboribusque indurati, invictus exercitus fuere: neque castra aliter quam patriam, neque pugnam aliud unquam quam victoriam duxere. Hæc soboles nomen habuit Epigoni. Parthis deinde domitis, præfectus his statuitur ex nobilibus Persarum Andragoras: unde postea originem Parthorum reges habuere.

A. C. 330. CAP. V. Interea Alexander non regio, sed hostili more tævire in suos cœpit. Maxime indignabatur carpi se sermonibus suorum Philippi patris, patriæque mores subvertisse. Propter quæ crimina, Parmenion quoque senex, dignitate regi proximus, cum Philota filio, de utroque prius quæstionibus habitis, interficitur. Fremere itaque omnes universis castris cœpere, innoxii sonis filique casum miserantes; interdum se quoque non debere melius sperare dicentes. Quæ cum nuntiata Alexandro essent, verens ne hæc opinio

10. Sic W. Alii legunt, oïlo. Sed peto plerumque erat. Vid. Diod. l. futores Alexandri non præmedito. 17. Plut. in Alex. Arrat. l. 3. Curt. atque ex odio, sed ira & præfanti im-

nio etiam in Macedoniam divulgaretur, & ne victoriæ gloria sævitæ macula infuscaretur, simulat se ex amicis quosdam in patriam victoriæ nuntios missurum. Hortatur milites suis scribere, rariorem habituros occasionem, propter militiam remotiorem. Dados fasces epistolarum tacite ad se deferri jubet: ex quibus cognito de se singulorum iudicio, in unam cohortem eos, qui de rege durius opinati fuerant, contribuit, aut consumpturus eos, aut in ultimis terris in colonias distributurus. Inde Drancas, Evergetas, Parymas, Parapammenos, Adaspios, ceterosque populos, qui in radice Caucaſi morabantur, subegit. Interea unus ex amicis Darii Bessus, vinctus perducitur, qui regem non solum prodiderat, verum & interfecerat. Quem in ultionem perfidiæ excrucians fratri Darii tradidit; reputans non tam hostem suum fuisse Darium, quam amicum ejus, à quo esset occisus. Et ut his terris nomen relinqueret, urbem Alexandriam super amnem Tanaim condidit, intra diem septimum decimum muro vi. millium passuum consummato, translatis eo trium civitatum populis, quas Cyrus condiderat. In Bactrianis quoque Sogdianisque *urbes condidit, distributis his, quoscunque in exercitu seditiosos habebat.

C A P. VI. His ita gestis solenni die amicos in convivium vocat. Ubi orta inter ebrios rerum à Philippo gestarum mentione, præferre se patri ipse, rerumque suarum magnitudinem extollere cælo tenus cœpit, assentante majore convivarum parte. Itaque cum unus è senibus Clitus, fiducia amicitie regie, cujus palmam

* Vid. Strab. l. 11.

M

10. Vid.

palnam tenebat, memoriam Philippi tuere-
tur, laudaretque ejus res gestas; adeo regem
offendit, ut telo à satellite rapto, eundem
in convivio trucidaverit. Qua cæde exultans,
mortuo patrociniū Philippi, laudemque pa-
ternæ militiæ objectabat. Postquam satiatus
cæde animus conquievit, & in iræ locum suc-
cessit æstimatio, modo personam occisi, modo
causam occidendi considerans, pigere eum
facti cœpit: quippe paternas laudes tam ira-
cunde accepisse se, quam nec convitia debuif-
set; amicumque senem & innoxium, à se oc-
cisum inter epulas & pocula, dolebat. Eodem
igitur furore in pœnitentiam, quo pridem in
iram versus, mori voluit. Primum in fletus
progressus, amplecti mortuum, vulnera tra-
ctare, & quasi audienti confiteri dementiam;
arreptum telum in se vertit: peregissetque fa-
cinus, nisi amici intervenissent. Manſit hæc
voluntas moriendi etiam sequentibus diebus.
Accesserat enim pœnitentiæ, nutricis suæ,
sororis Cliri, recordatio; cujus absentis eum
maxime pudebat: tam scœdam illi alimēto-
rum suorum mercedem redditam, ut in cujus
manibus pueritiam egerat, huic juvenis &
victor, pro beneficiis funera remitteret. Re-
putabat deinde, quantum in exercitu suo,
quantum apud devictas gentes fabularum at-
que invidiæ, quantum apud ceteros amicos
metum & odium sui fecerit: quam amarum &
triste reddiderit convivium suum, non arma-
tus in acie, quam in convivio terribilior.
Tunc Parmenion & Philotas, tunc Amyntas
consobrinus, tunc noverca fratresque inter-
fecti: tunc Attalus, Eurylochus, Pausanias,
aliique Macedoniæ extincti principes, occur-
rebant.

rebant. Ob hæc illi quatrIduo perseverata inedia est, donec exercitus universi precibus exoratus est, precantis ne ita mortem unius doleat, ut universos perdat, quos in ultimam deductos Barbariam, inter infestas, & irritatas bello gentes, destituat. Multum profuere Callisthenis philosophi preces, condiscipulatu apud Aristotelem familiaris illi, & tunc ab ipso rege ad prodenda memoriæ acta ejus accitus. Revocato igitur ad bellum animo, Chorasmos & Dahas in deditionem accepit.

CAP. VII. Deinde, quod primo ex Per- A. C.
fico superbiæ regiæ more distulerat, ne omnia 328
pariter invidiosiora essent, non salutari, sed adorari se jubet. Acerrimus inter recusantes
10 Callisthenes fuit. Quæ res & illi, & multis principibus Macedonum exitio fuit: siquidem sub specie insidiarum omnes interfecti. Retentus tamen est à Macedonibus mos salutandi regis, explosa adoratione. Post hæc Indiam petit, ut Oceano ultimoque Oriente finiret imperium. Cui gloriæ, ut etiam exercitus ornamenta convenirent, phaleras equorum, & arma militum, argento inducit: exercitumq; suum, ab argenteis clypeis, Argyraspidas appellavit. Cum ad Nysam urbem venisset, oppidanis non repugnantibus fiducia religionis Liberi patris, à quo condita urbs erat, parci iussit: lætus non militiam tantum, verum & vestigia se dei sequurum. Tunc ad spectaculum sacri montis duxit exercitum, naturalibus bonis, vite hederaque non aliter vestiti, quam si manu cultus, colentiumque industria exornatus esset. Sed exercitus ejus,
ubi

20. Vid. Plut. in Alex. Arrian. l. 4. Valer. Max. l. 9. Curt. l. 8. Diod. l. 17.
M 2 21. Vid.

ubi ad montem accessit, repentino impetu mentis, in sacros dei ululatus instinctus, cum stupore regis, sine noxa discurret: ut intelligeret, non tam oppido se parcendo, quam exercitui suo consuluisse. Inde montes Dædalos, regnaque Cleofidis reginæ petit. Quæ cum se dedidisset ei, concubitu redemptum regnum ab Alexandro recepit; illecebris consecuta, quod virtute non potuerat: filiumque ab eo genitum, Alexandrum nominavit, qui postea regnum Indorum potitus est. Cleofis regina, propter prostratam pudicitiam, scortum regium ab Indis exinde appellata est. Peragrata India, cum ad saxum miræ asperitatis & altitudinis, in quod multi populi confugerant, pervenisset, cognoscit Herculem, ab expugnatione ejusdem saxi terræmotu prohibitum: Captus itaque cupidine, Herculis acta superare, cum summo labore ac periculo potitus saxo, omnes ejus loci gentes in deditiōnem accipit.

A. C. 327. C A P. VIII. Unus ex regibus Indorum fuit,¹¹ Porus nomine, viribus corporis, & animi magnitudine pariter insignis, qui bellum jampridem, audita Alexandri opinione, in adventum ejus parabat. Commisso itaque prælio exercitum suum Macedonas invadere jubet; sibi regem eorum privatum hostem deposcit. Nec Alexander pugnæ moram fecit; sed prima congressione vulnerato equo, cum¹² præceps ad terram decidisset, concursu satellitum servatur. Porus multis vulneribus obrutus capitur. Qui victum se adeo doluit, ut cum veniam ab hoste invenisset, neque cibum sumere voluerit, neque vulnera curari passus

^{11.} Vid. Plut. in Alex. Arrian. l. 3. Curt. l. 2.

^{12.} Alii narrant Curt. l. 8. Vid. Agell. l. 5.

^{13.} Vid.

passus sit; ægreque sit ab eo obtentum, ut vellet vivere. Quem Alexander ob honorem virtutis, incolumem in regnum remisit. Duas ibi urbes condidit: unam Nicæam, alteram, ex nomine equi, Bucephalen vocavit. Inde Arestas, Gesteanos, Præsidas, ¹³ Gangaridas, cæsis eorum exercitibus, expugnat. Cum ad Cuphites venisset, ubi eum ducentis millibus equitum hostes operiebantur, exercitus omnis, non minus victoriarum numero, quam laboribus fessus, lacrymis eum deprecatur, finem tandem belli faceret; aliquando patriæ, reditusque meminisset; respiceret militum annos, quibus vix ætas ad reditum sufficeret: ostendere alius caniciem, alius vulnera, alius ætate consumpta membra, alius cicatricibus exhausta: solos se esse, qui duorum regum, Philippi Alexandrique, continuam militiam pertulerint. Tandem orare, ut reliquias saltem suas paternis sepulcris reddat, quorum non ¹⁴ tam studiis deficiatur, quam annis: Ac si non militibus, vel ipse sibi parcat, ne fortunam suam nimis onerando fatiget. Motus his tam justis precibus, velut in finem victoriæ, castra solito magnificentiora fieri iussit, quorum molitionibus & hostis terreretur, & posteris admiratio sui relinqueretur. Nullum opus milites lætius fecere. Itaque cæsis * hostiis, cum gratulatione indidem reverterunt.

C A P. IX. Inde ¹⁵ Alexander ad amnem Acesinem pergit: per hunc in Oceanum devehitur. Ibi Hiacensanas Sileosque, quos Hercules condidit, in deditionem accepit.

Hinc

¹³ Vid. Curt. I. 9. Arrian. I. 5. Diocl. I. 17.

¹⁴ Sic W. Alii omittunt, tam.

* Alii legunt, hostibus.

¹⁵ Vid. Diocl. I. 17. Plutarch. Alex.

Curt. I. 9.

M i

• Stud.

Hinc in Ambros & Sugambros navigat. Quæ gentes eum armatis LXXX. millibus peditum, & LX. millibus equitum excipiunt. Cum prælio victor esset, exercitum ad urbem eorum ducit. Quam desertam à defensoribus, cum de muro, quem primus ceperat, animadvertisset, in urbis planiciem sine ullo satellite defiliit. Itaque cum eum hostes solum conspexissent, clamore edito, undique concurrunt, si possint in uno capite Orbis bella finire, & ultionem tot gentibus dare. Nec minus Alexander constanter resistit, & unus adversus tot millia præliatur. Incredibile dictu est, ut eum non multitudo hostium, non vis magna telorum, non tantus laceffentium clamor terruerit; solus tot millia ceciderit ac fugaverit. Ubi vero obrui multitudine se vidit, trunco se, qui tum propter murum stabat, applicuit, cujus auxilio tutus, cum diu agmen sustinuisset, tandem cognito periculo ejus, amici ad eum defiliunt; ex quibus multi cæsi: præliumque tamdiu anceps fuit, quoad omnis exercitus, muris dejectis, in auxilium veniret. In eo prælio sagitta sub mamma trajectus, cum sanguinis fluxu deficeret, genu posito tamdiu præliatus est, donec eum, à quo vulneratus fuerat, occideret. Curatio vulneris gravior ipso vulnere fuit.

A. C. 326. C A P. X. Itaque ex magna desperatione tandem saluti redditus, Polyperchonta cum exercitu Babyloniam mittit. Ipse cum lectissima manu navibus conscensis, oceani litora peragrat. Cum venisset ad urbem Ambigeri regis, oppidani invictum ferro audientes, sagittas veneno armant: atque ita gemino mortis vulnere, hostem à muris summoventes, plurimos

plurimos interficiunt. Cum inter multos vulneratus etiam Ptolemæus esset, moriturusque jamjam videretur, * per quietem regi monstrata in remedia veneni herba est, qua in potu accepta, statim periculo liberatus est; majorque pars exercitus hoc remedio servata. Expugnata deinde urbe, reversus in naves, Oceano libamenta dedit, prosperum in patriam reditum precatus: ac veluti curru circa metam acto, positis imperii terminis, quatenus aut terrarum solitudines prodire passæ sunt, aut mare navigabile fuit, secundo æstu ostio fluminis Indi invehitur. Ibi in monumenta rerum à se gestarum, urbem Barcen condidit; arasque statuit, relicto ex numero amicorum, litoralibus Indis præfecto. Inde iter terrestre facturum, cum arida loca medii itineris dicerentur, puteos opportunis locis fieri præcipit, quibus ingenti dulci aqua inventa, Babyloniam redit. Ibi mulæ devictæ gentes, præfectos suos accusaverunt; quos sine respectu amicitiae, Alexander in conspectu legatorum necari iussit. Filiam post hæc Darii regis, Statiram, in matrimonium recepit: sed & optimatibus Macedonum lectas ex omnibus gentibus nobilissimas virgines tradidit, ut communi facto crimen regis levaretur. A. C. 325.

C A P. XI. Hinc ad concionem exercitum A. C. vocat: & promittit, se æs alienum omnium 325. propria impensa soluturum, ut prædam præmiaque integra domos ferant. Insignis hæc munificencia non summa tantum ¹⁶ commendata, verum etiam titulo muneris fuit, nec à debitoribus

* Strab. l. 17. Curt. 2. Diod. in Alex.

16. Sic N. Hanc vocem alii omitunt, adeo ut perierit antithesis quam

Justinus instruebat. Vid. Diod. l. 17. Plut. in Alex. Quint. Curt. l. 10. Arrian. l. 7.

17. Era-

debitoribus magis, quam à creditoribus gratis excepta: quoniam utrisque exactio pariter ac solutio difficilis erat: xx. millia talentum in hos sumtus expensa. Dimissis veteranis, exercitum junioribus supplet. Sed retenti veteranorum discessum ægre ferentes, missionem & ipsi flagitabant: nec annos, sed stipendia sua numerari jubebant: pariter in militiam lectos, pariter sacramento solvi, æquum censes: nec jam precibus sed convicio agebant, jubentes eum solum cum patre suo Hammone inire bella, quatenus milites suos fastidiat. Contra ille nunc castigare milites, nunc lenibus verbis monere, ne gloriosam militiam seditionibus infuscarent. Ad postremum cum verbis nihil proficeret; ad corripiendos seditionis auctores, è tribunali in concionem armatam inermis ipse defiliit, & nẽmine prohibente, XIII. correptos, manu sua ipse ad supplicia duxit: Tantam vel illis moriendi patientiam metus regis, vel huic exigendi supplicii constantiam disciplina militaris dabat.

A. C. 325. C A P. XII. Inde separatim auxilia Persarum in concione alloquitur. Laudat perpetuam illorum, tum in se, tum in pristinos reges fidem; sua in illos beneficia commemorat; ut nunquam quasi victos, sed veluti victoriæ socios habuerit: denique se in illorum, non illos in gentis suæ morem transisse: affinitatibus connubiorum victos victoribus miscuisse: Nunc quoque ait, custodiam corporis sui non Macedonibus tantum se, verum & illis crediturum. Atque ita mille ex his juvenes in numerum satellitum legit: auxiliorum quoque portionem, formatam in disciplinam Macedonum,

Macedonum, exercitui suo miscet. Quam rem ægre Macedones tulerunt, jactantes, hostes suos in officium suum à rege subjectos. Tunc universi flentes, regem adeunt, orant suppliciis suis potius saturer se, quam contumeliis. Qua modestia obtinuerunt, ut undecim millia militum veteranorum exauctoraret. Sed ex amicis dimissi senes, Polyperchon, Clitus, Gorgias, Polydamas, ¹⁷ Amadas, Antigenes. Dimissis his Craterus præponitur, jussus præesse Macedonibus in Antipatri locum; Antipatrumque cum supplemento tyronum in locum ejus evocat: stipendia revertentibus, veluti militantibus data. Dum hæc aguntur, unus ex amicis ejus ¹⁸ Ephæstion decedit, dotibus primo formæ pueritiæque, mox obsequiis regi percarus: quem contra decus regium Alexander diu luxit, tumulumque ei xii. millium talentorum fecit; eumque post mortem coli ut deum jussit.

C A P. XIII. Ab ultimis litoribus Oceani A. C. 324.
Babyloniam revertenti, nuntiatur, legationes Carthaginensium, ceterarumque Africæ civitatum, sed & Hispaniarum, Siciliæ, Galliæ, Sardinia, nonnullas quoque ex Italia ejus adventum Babylonis opperiri. Adeo universum terrarum Orbem nominis ejus terror invaserat, ut cunctæ gentes, veluti destinato sibi regi adlarentur. Hac igitur ex causa Babyloniam festinanti, veluti conventum terrarum Orbis acturo, quidam ex Magis prædixit, ne urbem introiret, testatus, hunc locum ei fatalem fore. Ob hoc omissa Babylonia, in ¹⁹ Bursiam

¹⁷. Eruditissimus Vossius, Amyntas legendum censet.

¹⁸. Vid. Plut. in Alex & Pelop.

Ellan. l. 9. Arrian. l. 7. & in Eplæto. Curt. l. 10.

¹⁹. Clus-

- 19 Bursiam urbem trans Euphratem, desertam olim, concessit. Ibi ab Anaxarcho philosopho compulsus est rursus Magorum prædicta contemnere, ut falsa & incerta; & si satis consent, ignota mortalibus: at si naturæ debeantur, immutabilia. Reversus igitur Babyloniam, multis diebus otio datis, intermissum olim convivium solenniter instituit: totusque in lætitiâ effusus, cum diei noctem pervigilem junxisset, recedentem jam è convivio¹⁹ medicus Thessalus, instaurata comestatione, & ipsum & sodales ejus invitat. Accepto poculo, media portione repente veluti telo confixus, ingemuit: elatusque è convivio semi-animis, tanto dolore cruciatus est, ut ferrum in remedia posceret, tactumque hominum velut vulnera indolesceret. Amici causam morbi, intemperiem ebrietatis disseminaverunt: re autem verâ insidiæ fuerunt, quarum infamiam successorum potentia oppressit.

- A. C. C A P. XIV. Auctor insidiarum Antipater
323. fuit, 21 qui cum carissimos amicos ejus interfectos videret: Alexandrum Lyncistam, generum suum occisum: Se magnis rebus in Græcia gestis, non tam gratum apud regem, quam invidiosum esse: à matre quoque ejus Olympiade variis se criminationibus vexatum: Huc accedebant ante paucos dies, supplicia in præfectos devictarum nationum crudeliter habita. Ex quibus rebus se quoque è Macedonia non ad societatem militiæ, sed ad poenam evocatum arbitrabatur. Igitur ad

19. Clariss. Vossius, Borsippam, idque jure merito, reposuit.

20. Faber contendit ex Bonapartio, Medius pro Medicus, reponendum; siquidem Plutarchus in eum appellat,

atque genere Thessalum referat. Vid. Plut. in Alex. Arrian. l. 7. Diod. l. 17.

21. Vossio & Gravio, qui, supervacuum videtur.

occupandum regem, Cassandrum filium dato veneno subornat, qui cum fratribus Philippo & Iola ministrare regi solebat: cujus veneni tanta vis fuit, ut non ære, non ferro, non testa contineretur, nec aliter ferri, nisi in ungula equi potuerit: præmonito filio, ne alii quam Thessalo, & fratribus crederet. Hæc igitur ex causa, apud Thessalum, paratum, repetitumque convivium est. Philippus & Iolas prægustare ac temperare potum regis soliti, in aqua frigida venenum habuerunt, quam prægustatæ jam potioni supermiserunt.

CAP. XV. Quarto die Alexander indubitam mortem sentiens, agnoscere se fatum domus majorum suorum ait: nam plerosque Æacidarum intra trigesimum annum defunctos. Tumultuantes deinde milites, insidiis perisse regem suspicantes, ipse sedavit; eosque omnes cum prolatus in editissimum urbis locum esset, ad conspectum suum admisit, osculandamque dextram suam flentibus porrexit. Cum lacrymarent omnes, ipse non sine lacrymis tantum, verum etiam sine ullo tristioris mentis argumento fuit, ut quosdam impatientius dolentes consolatus sit, quibusdam mandata ad parentes eorum dederit: adeo, sicuti in hostem, ita & in mortem invictus animus fuit. Dimissis militibus, amicos circumstantes percontatur, videantur ne similem sibi reperturi regem? Tacentibus cunctis, tum ipse, ut hoc nesciat, ita illud scire vaticinarique se, ac pene oculis videre dixit, quantum sit in hoc certamine sanguinis fusura Macedonia; quantis cædibus, quo cruore, mortuo sibi parentatura. Ad postremum, corpus suum in Hammonis templo condi jubet.

Cum

A.C.
323.

Cum deficere seum amici viderunt, quærunt quem imperii faciat hæredem: Respondit, Dignissimum. Tanta illi magnitudo animi fuit, ut cum Herculem filium, cum fratrem Aridæum, cum Roxanem uxorem prægnantem relinqueret: oblitus necessitudinum, dignissimum nuncuparet hæredem. Prorsus quasi nefas esset, viro forti alium quam virum fortem succedere, aut tanti regni opes aliis, quam probatis relinquere. Hac voce veluti bellicum inter amicos cecinisset, aut malum discordiæ misisset, ita omnes in æmulationem consurgunt, & ambitione vulgi tacitum favorem militum quærunt. Sexto die præclusa voce, exentum digito annulum, Perdiccæ tradidit: quæ res gliscentem amicorum dissensionem sedavit. Nam etsi non voce nuncupatus hæres, iudicio tamen electus esse videbatur.

- A. C. 323. C A P. XVI. Decessit Alexander, mentem unum, annos tres & triginta natus; vir supra humanam potentiam magnitudine animi præditus. Qua nocte eum mater Olympias concepit, visa per quietem est cum ingenti serpente volutari: nec decepta somnio est. Nam profecto majus humana mortalitate onus utero tulit: quam cum Æacidarum gens ab ultima seculorum memoria, & regna patris, fratris, mariti, ac deinceps majorum omnium illustraverint: nullius tamen nomine, quam filii, clarior fuit. Prodigia magnitudinis ejus in ipso ortu nonnulla apparuere. Nam ea die qua natus est, duæ aquilæ tota die præpetes supra culmen domus patris ejus sederunt, omen duplicis imperii, Europæ Asiæque, præferentes. Eadem quoque die nuntium pater ejus duarum victoriarum accepit; alterius belli
- A. C. 356.

belli Illyrici, alterius certaminis Olympici, in quod quadrigarum currus miserat: quod omen universarum terrarum victoriam infanti portendebat. Puer acerrimis literarum studiis eruditus fuit. Exacta pueritia, per quinquennium sub Aristotele doctore, inclyto omnium philosophorum, crevit. Accepto deinde imperio, Regem se Terrarum omnium ac Mundi appellari iussit: tantamque fiduciam sui militibus fecit, ut illo præsente nullius hostis arma, nec inermes, timuerint. Itaque cum nullo hostium unquam congressus est, quem non vicerit: nullam urbem obsedit, quam non expugnaverit: nullam gentem adiit, quam non calcaverit: Victus demum ad postremum est, non virtute hostili, sed infidiis suorum, & fraude civili.

LIBER XIII.

BREVIARIUM CAPITUM.

1. *Luctus post Alexandri Magni excessum: Macedonum ingratitude, ducum ambitio, militumque avaritia.*
2. *De Alexandri successore, ducum exercitus sententiæ pugnantes.*
3. *Perdiccæ sententiæ reclamant pedites: unde tumultus & seditio; cui Perdicca prudenter medetur.*
4. *Aridæo rege designato, Perdicca & alii duces, seu principes provincias dividunt.*
5. *Bellum pro Græciæ libertate ab Atheniensibus & Ætolis reparatum. Demosthenis pro patria labores: Antipatri obsidio & liberatio.*

N

6. Per-

6. *Perdicca Cappadoces prælio fatigat. Bellum inter Antigonum & Perdiccam. Ptolemæi solers industria.*
7. *De origine urbis Cyrenes digressio.*
8. *Ptolemæus bellum parat in Perdiccam. Eumenis res fortiter & feliciter gestæ.*

CAP. I.

A. C. 323. **E**Xtincto in ipso ætatis ac victoriarum flore Alexandro Magno, triste apud omnes tota Babylone silentium fuit. Sed nec devictæ gentes fidem nuntio habuerunt, quod ut invictum regem, ita immortalem esse crediderant; recordantes, quoties præsentem mortem ceptus esset: quam sæpe pro amisso, repente se non sospitem tantum suis, verum etiam victorem obtulisset. Ut vero mortis ejus fides adfuit, omnes barbaræ gentes paulo ante ab eo devictæ, non ut hostem, sed ut parentem luxerunt. Mater quoque Darii regis, quam amisso filio, à fastigio tantæ majestatis in captivitatem redactam, indulgentia victoris, in eam diem vitæ non pœnituerat, audita morte Alexandri, mortem sibi ipsa conscivit: non quod hostem filio præferret, sed quod pietatem filii in eo, quem ut hostem timuerat, experta esset. Contra Macedones² versa vice, non ut civem, ac tantæ majestatis regem, verum ut hostem amissum, gaudebant: severitatem nimiam, & assidua belli pericula execrantes. Huc accedebat, quod principes regnum & imperia, vulgus militum thesauros & grande pondus auri, velut inopinatam

¹ Vid. Curt. l. 10. Arrian. l. 7.
Plut. in Alex. Diad. l. 18.

² Voces illas tanquam supervacuas omittendas sùadet Faber.

³ Vid.

natam prædam, spectabant: illi successionem regni, hi opum ac divitiarum hæreditatem cogitantes. Erant enim in thesauris quinquaginta millia talentum, & in annuo vectigali tributo, tricena millia. Sed nec amici Alexandri frustra regnum spectabant: nam ejus virtutis ac venerationis erant, ut singulos reges putares. Quippe ea formæ pulcritudo, & proceritas corporis, & virium ac sapientiæ magnitudo in omnibus fuit, ut qui eos ignoraret, non ex una gente, sed ex toto terrarum orbe electos judicaret. Neque enim unquam ante Macedonia, vel ulla gens alia, tam clarorum virorum proventu floruit; quos primo Philippus, mox Alexander tanta cura legerat, ut non tam ad societatem belli, quam in successionem regni, electi viderentur. Quis igitur miretur, talibus ministris, Orbem terrarum victum, cum exercitus Macedonum tot, non ducibus, sed regibus regeretur? qui nunquam sibi reperissent pares, si non inter se concurrissent: multosque Macedonia pro uno Alexandro habuisset, nisi fortuna eos æmulatione virtutis in perniciem mutuam armasset.

CAP. II. Ceterum, occiso Alexandro, A. C. non ut læti, ita & securi fuere, omnibus unum: ^{323.} locum competentibus: nec minus milites, quam invicem se timebant, quorum & libertas solutior, & favor incertus erat. Inter ipsos vero æqualitas discordiam augebat, nemine tantum ceteros excedente, ut ei aliquis se submitteret. Armati itaque in regiam coeunt, ad formandum rerum præsentium statum. Perdicca censet Roxanes expectari partum, quæ exacto mense octavo, matura jam ex Alexandro erat; & si puerum peperisset, hunc dari

successorem patri. Meleager negat differenda in partus dubios consilia: nec expectandum dum reges nascerentur, cum jam genitis uti liceret: seu puer illis placeat, esse Pergami filium Alexandri natum ex Barsine, nomine Herculem: seu mallent juvenem, esse in castris fratrem Alexandri Aridæum, comem, & cunctis non suo tantum, verum & patris Philippi nomine acceptissimum. Ceterum Roxanen esse originis Persicæ: nec esse fas, ut Macedonibus ex sanguine eorum, quorum regna deleverint, reges constituentur: quod nec ipsum Alexandrum voluisse dicit. Denique morientem nullam de eo mentionem habuisse. Ptolemæus recuabat regem Aridæum, non propter maternas modo sordes, quod ex Larissæo scorto nasceretur: sed etiam propter valétudinem majorem, quam patiebatur; ne ille nomen regis, alius imperium teneret: melius esse ex his legi, qui pro virtute regi suo proximi fuerint, qui provincias regant, quibus bella mandentur, quam sub persona regis indignorum subjiçiantur imperio. Vicit Perdicæ sententia, consensu universorum. Placuit itaque Roxanes expectari partum; & si puer natus fuisset, tutores Leonatum, Perdicam, Crateron, & Antipatrum constituunt, confestimque in tutorum obsequia jurant.

A. C.

323.

CAP. III. Cum equites quoque idem fecissent, pedites indignati, nullas sibi consiliorum partes relictas, * Aridæum, Alexandri fratrem, regem appellant, satellitesque illi ex turba sua legunt, & nomine Philippi patris vocari jubent. Quæ cum nuntiata equitibus essent, legatos ad mitigandum eorum animos, duos ex proceribus, Attalum & Meleagrum

mittunt, qui potentiam ex vulgi adulatione quærentes, omiffa legatione, militibus consentiunt. Statim & seditio crevit, ubi caput & consilium habere cœpit. Tunc ad delendum equitatum cuncti armati in regiam irrumpunt: quo cognito, equites trepidi ab urbe discedunt, castrisque positis, & ipsi pedites terrere cœperunt. Sed nec procerum inter se odia cessabant. Attalus ad interficiendum Perdiccam ducem partis alterius, mittit: ad quem armatum, & ultro provocantem, cum accedere percussores ausi non fuissent; tanta constantia Perdiccæ fuit, ut ultro ad pedites veniret, & in concionem vocatos edoceret, quod facinus molirentur: respicerent contra quos arma sumssissent: non illos Persas, sed Macedonas; non hostes, sed cives esse; ple-rosque etiam cognatos eorum, certe commilitones, eorundem castrorum ac periculorum socios: edituros deinde egregium hostibus suis spectaculum, ut quorum armis victos se doleant, eorum mutuis cædibus gaudeant, parentaturosque sanguine suo manibus hostium à se interfectorum.

CAP. IV. Hæc cum pro singulari facun- A. C.
dia sua Perdicca perorasset, adeo movit pe- 323-
dites, ut probato consilio ejus, dux ab omni-
bus legeretur. Tum equites in concordiam
revocati, in Aridæum regem consentiunt.
Servata est portio regni Alexandri filio, si na-
tus esset. Hæc agebant, posito in medio cor-
pore Alexandri, ut majestas ejus testis decre-
torum esset. His ita compositis, Macedoniæ
& Græciæ Antipater præponitur: Regiæ pe-
cuniæ custodia Cratero traditur: castrorum,
exercitus,

3. Vid. Diod. Sic. l. 18. Appian, in Syriac, Q. Curt. l. 10.

4. Vid.

exercitus, & rerum cura Meleagro, & Perdiccæ assignatur: jubeturque Aridæus rex, corpus Alexandri in Hammonis templum deducere. Tunc Perdicca infensus seditionis auctoribus, repente ignaro collega, lustrationem castrorum propter mortem regis, in posterum edicit. Postquam armatum exercitum in campo constituit, consentientibus universis, evocatos, dum transit, de singulis manipulis seditiosos, supplicio tradi occulte jubet. 4 Reversus inde, inter principes provincias dividit, simul ut & removeret æmulos, & munus imperii, beneficii sui faceret. Prima Ptolemæo Ægyptus, & Africæ Arabiæque pars sorte evenit, quem ex gregario milite Alexander virtutis causa provexerat: cui ad tradendam provinciam Cleomenes, qui Alexandriam ædificaverat, datur. Confinem huic provinciæ Syriam Laomedon Mitylenæus, Ciliciam Philotas, 5 Philo Illyrios accipiunt. Mediæ majori Acropatos, minori focer Perdiccæ præponitur. Susiana gens Scyno, Phrygia major Antigono, Philippi filio, assignatur. Lyciam & Pamphyliam Nearchus, Cariam Cassander, Lydiam Menander fortiuntur. Leonato minor Phrygia evenit: Thracia & regiones Pontici maris Lysimacho: Cappadocia cum Paphlagonia Eumeni data. Summus castrorum tribunatus Seleuco Antiochi filio cessit. Stipatoribus regiis satellitibusque Cassander filius Antipatri præficitur.

4. Vid. Dexippo. apud Phot. cod. 827 Curt. l. 10. Diod. Sic. l. 28. Plut. in Eumen. Joseph. l. 12. Corn. Nep. in Eumen. Appian. in Syriac. Arrian. apud Phot. cod. 92.

5. Legendum contendit Faber. Philotas cum filio Illyrio; pro, Acropatos

Acropatus; pro, Scyno ex Scaligero Cœne; pro, Parapommenos fines, Parapamissus, & fines: quod monet Clar. Vossius ex Dexippo, & Arriano; pro, Extarches ex Diod. Oxyartes; pro, Aracossi, Aracossii; pro, Gedrosique, Cedrosique; pro, Archos, Arceos.

2 Diod.

ficitur. In Bactriana ulteriore, & Indiæ regionibus, priores præfecti retenti. Terras inter amnes Hydaspem & Indum, Taxiles habebat. In colonias in Indis conditas, Pithon Aggenoris filius mittitur. Parapammenos fines Caucaſi montis, Extarches accepit. Aracoſſi Gedroſique Sibyrtio traduntur: Danæ & Arei Statanori. Bactrianos Amyntas sortitur, Sogdianos Scythæus, Nicanor Parthos, Philippus Hyrcanos, Phrataſernes Armenios Tlepolemus Perſas, Peuceſtes Babylonios, Archos Pelasgos, Arceſilaus Meſopotamiam. Cum hæc diſiſio, veluti fatale munus ſingulis contigiffet, ita magna incrementorum materia plurimis fuit. Siquidem non magno poſt tempore, quaſi regna, non præfecturas diſiſſent: ſic reges ex præfectis facti, magnas opes non ſibi tantum paraverunt, verum etiam poſteris reliquerunt.

CAP. V. Dum hæc in Oriente aguntur, ^{A. C.} in Græcia * Athenienſes & Ætoli bellum, ^{323.} quod jam vivo Alexandro moverant, ſummis viribus inſtruebant. Cauſæ belli erant, quod reuerſus ab India Alexander, epistoſas in Græciam ſcripſerat, quibus omnium civitatum exules, præter cædis damnati, reſtituebantur. Quæ recitata præſente univerſa Græcia, in mercatu Olympiaco, magnos motus fecerunt; quod plurimi non legibus pulſi patria, ſed per factionem principum fuerant, verentibus iſſdem principibus, ne revocati potentiores in republica fierent. Palam igitur jam tunc multæ civitates libertatem bello vindicandam fremebant. Principes tamen omnium Athenienſes & Ætoli fuere. Quod

* Diod. l. 17. Strab. l. 9. Plut. in Pyrrho & Demosth. & Pausanias in Attic. cum

cum nuntiatum Alexandro esset, mille naves longas sociis imperari præceperat, quibus in Occidente bellum gereret; excursurusque cum valida manu fuerat ad Athenas delendas. Igitur Athenienses contracto xxx. millium exercitu, & cc. navibus, bellum cum Antipatro, cui Græcia sorte evenerat, gerunt, eumque detrectantem prælium, & Heracleæ urbis mœnibus tuentem se, obsidione cingunt. Eodem tempore ⁶ Demosthenes Atheniensis orator, pulsus patria, ob crimen accepti ab Harpalo auri, qui crudelitatem Alexandri fugerat, quod civitatem in ejusdem Alexandri bellum impelleret, forte Megaris exulabat: qui ut missum ab Atheniensibus Hyperidem legatum cognovit, qui Peloponnesos in societatem armorum sollicitaret, sequutus eum, Sicyona, Argos & Corinthum, ceterasque civitates, eloquentia sua Atheniensibus junxit. Ob quod factum, missa ab Atheniensibus obviam nave, ab exilio revocatur. Interim in obsidione Antipatri, Leosthenes, dux Atheniensium, telo e muris in transeuntem jacto, occiditur. Quæ res tantum animorum Antipatro dedit, ut etiam valium rescindere auderet. Auxilium deinde à Leonato per legatos petit: qui cum venire cum exercitu nuntiatum esset, obvii ei Athenienses cum instructis copiis fuere, ibique *equestri prælio, gravi vulnere ictus extinguitur. Antipater, tamen auxilia sua videret victa, mortem Leonati lætatus est: quippe & æmulum sublatum, & vires ejus accessisse sibi gratulabatur. Statim igitur exercitu

⁶ Vid. Plut. in Demost. & Eumen. Applan. in Mithrid. Adrian. apud Phot. cod. 91. Diod. Sic. l. 18. Pau-

san. in Att. & Corinrh.

⁷ Plut. in Phocion. & Died. l. 18.

ejus recepto, cum par hostibus etiam prælio videretur, solutus obsidione, in Macedoniam concessit. Græcorum quoque copiarum, finibus Græciæ hoste pulso, in urbes dilapsæ.

CAP. VI. Interea Perdicca, bello innoxio Ariarathi regi Cappadocum illato, prælioque victor, nihil præmii præter vulnera & pericula retulit. Quippe hostes ab acie in urbem recepti, occisis conjugibus & liberis, domos quisque suas cum omnibus copiis incenderunt. Eodem congestis etiam servitiis, & semetipsi præcipitant, ut nihil hostis victor suarum rerum, præter incendii spectaculo frueretur. Inde, ut viribus auctoritatem regiam acquireret, ad nuptias Cleopatrarum, sororis Alexandri Magni, & alterius Alexandri quondam uxoris, non aspernante Olympiade, matre ejus, intendit: sed prius Antipatrum, sub affinitatis obtentu, capere cupiebat. Itaque fingit se in matrimonium filiam ejus petere, quo facilius ab eo supplementum tyronum ex Macedonia obtineret. Quem dolum præsentiente Antipatro, dum duas eodem tempore uxores quærit, neutram obtinuit. Post hæc bellum inter Antigonum & Perdiccam oritur. Antigono Craterus & Antipater auxilium ferebant; qui facta cum Atheniensibus pace, Polyperchonta Græciæ & Macedoniae præponunt. Perdicca, alienatis rebus, Aridæum, & Alexandri Magni filium, in Cappadocia, quorum cura illi mandata fuerat, de summa belli in consilium adhibet. Quibusdam placebat bellum in Macedoniam transferri, ad ipsum fontem & caput regni, ubi & Olympias esset, mater Alexandri, non mediocre

A. C.
322.

A. C.
321.

7. Sic N. Alii omittunt vocem, innoxio. Vid. fin. cap. 1. l. 12.

8. Vidi

diocre momentum partium, & civium favor, propter Alexandri Philippique nomina: sed in rem visum est ab Ægypto incipere, ne in Macedoniam profectis, Asia à Ptolemæo occuparetur. Eumeni præter provincias quas acceperat, Paphlagonia, & Caria, & Lycia, & Phrygia adjiciuntur. Ibi Craterum & Antipatrum opperiri jubetur: adjutores ei dantur cum exercitibus frater Perdiccæ Alcetas, & Neoptolemus: Clito cura classis traditur: Cilicia Philotæ ademta, Philoxeno datur: ipse Perdicca Ægyptum cum ingenti exercitu petit. Sic Macedonia in duas partes discurrentibus ducibus, in sua viscera armatur: ferrumque ab hostili bello in civilem sanguinem vertit, exemplo furentium, manus ac membra sua, ipsa cæsura. Sed Ptolemæus in Ægypto, solerti industria, magnas opes parabat: quippe & Ægyptios insigni moderatione in favorem sui sollicitaverat: & reges finitimos beneficiis obsequiisque devinxerat: terminos quoque imperii, acquisita Cyrene urbe, ampliaverat; factusque jam tantus erat, ut non tam timeret hostes, quam timendus ipse hostibus esset.

A. C. 631. CAP. VII. 8 Cyrene autem condita fuit ab *Aristæo, cui nomen Battos propter linguæ obligationem fuit. Hujus pater Crinus, rex Theræ insulæ, cum ad oraculum Delphos, propter dedecus adolescentis filii nondum loquentis, deum deprecaturus venisset, responsum accepit, quo jubebatur filius ejus Battus Africam petere, & urbem Cyrenen condere, usum linguæ ibi accepturus. Cum responsum

8. Vid. Strab. l. 1. & 17. Herod. Phoc. Ammian. 23. &c.
1. 4. Diod. Sic. l. 4. Solin. c. 3. * Bongarsius & alii legendum censent, Aristotele.

ludibrio simile videretur, propter solitudinem Theræ insulæ, ex qua coloni ad urbem condendam in Africam tam vastæ regionis proficisci jubebantur, res omissa est. Interjecto deinde tempore, velut contumaces, pestilentia deo parere compelluntur; quorum tam insignis paucitas fuit, ut vix unam navem complerent. Cum venissent in Africam, pulsos accolis, montem Cyran, & propter amœnitatem loci, & propter fontis & ubertatem, occupavere. Ibi Battus, dux eorum, linguæ nodis solutis, loqui primum cœpit: quæ res animos eorum, ex promissis Dei jam parte percepta, in reliquam spem condendæ urbis accendit. Positis igitur castris, opinionem veteris fabulæ accipiunt, Cyrenen, eximiae pulcritudinis virginem, à Thessaliæ monte & edio ab Apolline raptam, perlatamque in ejusdem montis juga, cujus collem occupaverant, à deo repletam, quatuor pueros peperisse, Nomium, Aristæum, Authocum, Argæum missos à patre ¹⁰ Speo, rege Thessaliæ, qui perquirerent virginem, loci amœnitate captos in iisdem terris cum virgine resedisse. Ex his pueristres adultos in Thessalam reversos, avita regna recepisse. Aristæum in Arcadi alate regnasse, eumque primum, & apium & melis usum, & lactis ad coagula hominibus tradidisse; ¹¹ solstitialesque ortus sideris primum invenisse. Quibus auditis, Battus virginis nomine ex responsis ¹² agnito, urbem Cyrenen condidit.

9. Uberem copiam: N.

10. Doctissimus Vossius, Hypseo legendum è Diodoro Sicul & Apollonii Schol. docet.

11. Aliqui solem hic designari voce Sideris volunt; interim Salmasti conjectura non videtur rejicienda, qui le-

gendum funder, solstitialisque ortus Sideris, sive Syrii, unde dierum Canicularium auspicia.

12. Vocem hanc defendam contendit Faber, ut sensus sit, Urbem conditam ex responso oraculi, nomen autem à virginis nomine accepisse.

A. C. 321. CAP. VIII. Igitur Ptolemæus hujus urbis auctus viribus, bellum in adventum Perdiccæ parabat. Sed Perdiccæ plus odium arrogantis, quam vires hostium nocebant; quam exosi etiam socii, ad Antipatrum gregatim perfugiebant. Neoptolemus quoque in auxilium Eumeni relictus, non solum transfugere, verum etiam prodere partium exercitum voluit. Quam rem cum præsensisset Eumenes, cum proditore decernere prælio necesse habuit. Victus Neoptolemus ad Antipatrum & Polyperchonta profugit; hisque persuadet, ut continuatis mansionibus, læto ex victoria & securo fuga sua, Eumeni superveniant. Sed res Eumenem non latuit. Itaque insidiæ in insidiatores versæ: & qui securum aggressuros se putabant, ¹³ securis in itinere, & pervigilio noctis fatigatis occursum est. In eo prælio Polyperchon ¹⁴ occiditur. Neoptolemus quoque cum Eumene congressus, diu mutuis vulneribus acceptis colluctatus est; in summa victus, occumbit. Victor igitur duobus præliis continuis Eumenes, afflicta partes transitione sociorum, paululum sustentavit. Ad postremum tamen Perdicca occiso, ab exercitu hostis cum Pithone, & Illyrio, & Alcæta fratre Perdiccæ, appellatur: bellumque adversus eos Antigono decernitur.

¹³. Faber legendum censet, securis his, & in itinere. Vid. Plut. & Corn. Nep. in Eumen. Diod. Sic. l.

¹⁴. Arrian. apud Phot. cod. 91. Pausan. in Attic.

¹⁴. Legg. Cræterus.

L I B E R XIV.

B R E V I A R I U M C A P I T U M.

1. *Eumenis in bello adversus Antigonum prudentia & fortitudo.*

2. *Prælio*

2. *Prælio victus obsidetur, liberatur, ad Argyraspidas confugit, eo,que ad suas partes pertrahit.*
3. *Dum Argyraspides Eumenis imperia contemnunt, hostium virtute superantur. Unde in Eumenem conjuratio.*
4. *Eumenis captivi ad Argyraspidas oratio, qua petit ut sibi inter eos mori liceat. Petitione frustratus proditorum capita devovet, & Antigono victus traditur.*
5. *Cassander, Aridæi vices gerens, Græciæ civitates opprimit, & in Macedoniam adversus Olympiadem proficiscitur.*
6. *Olympias fugit; obsidetur, victori Cassandro se tradit; cujus jussu interficitur.*

CAP. I.

EUmenes, ut Perdiccam occisum, se hostem à Macedonibus judicatum, bellum-^{A. C. 320.}que Antigono decretum cognovit; ultro ea militibus suis indicavit, ne fama aut rem in majus extolleret, aut militum animos rerum novitate terreret; simul ut, ¹ quomodo circa se animati essent, cognosceret, sumpturus consilium ex motu universorum. Constante tamen præfatus est, si cui hæc terrori essent, habere eum discedendi potestatem. Qua voce adeo cunctos in studium partium suarum induxit, ut ultro illum omnes hortarentur, rescissurosque se ferro decreta Macedonum affirmarent. Tunc exercitu in Ætoliæ promoto, pecunias civitatibus imperat;

¹. Sic N. Alii omittunt, quomodo, C. legi. an contra. Vid. Piat. Corn. Nep. in Eumen. Dioc. Sic. l. 12. Arrian. ut sup.

². Certum est hæc non in Græciâ, sed Asiâ fuisse gesta, unde rectissime eruditissimus Vossius Ætulanen ex Ptolemæi fide, reponendum judicat.

rat; recusantes dare, hostiliter diripit. Inde Sardis profectus est ad Cleopatram, sororem Alexandri Magni, ut ejus voce centuriones principesque confirmaret, existimatuos ibi majestatem regiam verti, unde soror Alexandri staret. Tanta veneratio magnitudinis Alexandri erat, ut etiam per vestigia mulierum, favor sacraei ejus nominis quæreretur. Cum reversus in castra esset, epistolæ totis castris abjectæ inveniuntur: quibus iis, qui Eumenes caput ad Antigonum detulissent, magna præmia definiebantur. His cognitis, Eumenes vocatis ad concionem militibus, primo gratias agit, quod nemo inventus esset, qui spem cruenti præmii fidei * sacramento anteponeret; deinde callide subnectit, confictas has à se epistolas ad læperiundos suorum animos esse. Ceterum salutem suam in omnium potestate esse: nec Antigonum, nec quemquam ducum sic velle vincere, ut ipse in se exemplum pessimum statuât. Hoc facto, & in præsentis labantium animos * deterruit; & in futurum providit, ut si quid simile accidisset, non se ab hoste corrumpi, sed ab duce tentari arbitrarentur. Omnes igitur operam suam certatim ad custodiam salutis ejus offerunt.

A. C. 329. CAP. II. Cum interim Antigonus cum exercitu supervenit, castrisque positis, postera die in aciem procedit. Nec Eumenes moram prælii fecit: qui victus, in munitum quoddam castellum confugit: ubi cum videret se fortunam obsidionis subiturum, majorem exercitus partem dimisit, ne aut consensu multitudinis hosti traderetur, aut obsidio ipsa multitudine gravaretur. Legatos deinde ad

* Alii leg. Sacramenti. * Edit, Junt, retinuit.

Antipatrum, ³ qui solus par Antigoni viribus videbatur, supplices mittit : à quo cum auxilia Eumeni missa Antigonus didicisset, ab obsidione recessit. Erat quidem solutus ad tempus metu mortis Eumenes : sed nec salutis, dimisso exercitu, magna spes erat. Omnia igitur circumspicienti optimum visum est, ad Alexandri Magni Argyraspidas, invictum exercitum & tot victoriarum præfulgentem gloria, decurrere. Sed Argyraspides, post Alexandrum omnes duces fastidiebant, sordidam militiam sub aliis, post tanti regis memoriam, existimantes. Itaque Eumenes blandimentis agere, suppliciter singulos alloqui ; nunc commilitones suos, nunc patronos appellans, periculorum Orientalium socios : nunc refugia salutis suæ, & unica præsidia commemorans : solos esse quorum virtute Oriens sit domitus ; solos qui militiam Liberi patris, qui Herculis monumenta superarint : per hos Alexandrum, Magnum factum ; per hos divinos honores, & immortalem gloriam consequutum : orat ut non tam ducem se, quam commilitonem recipiant, unumque ex corpore suo esse velint. Receptus hac lege, paulatim impetum, primum monendo singulos, mox quæ perperam facta erant, blande corrigendo usurpat : nihil in castris sine illo agi, nihil administrari sine solertia illius poterat.

CAP. III. Ad postremum cum Antigonum venire cum exercitu nuntiatum esset, compellit eos in aciem descendere. Ibi dum ducis imperia contemnunt, hostium virtute superantur. In eo prælio non gloriam tantum tot bellorum, cum conjugibus & liberis, sed &

præ-

3. Sic N. & C. Alii legunt, quod. Vid. Diod. Sic. l. 18. Plut. & Corn. Nep. in Eumen.

præmia longa militia parta, perdiderunt. Sed Eumenes, qui auctor cladis erat, nec aliam spem salutis reliquam habebat, victos hortabatur: Nam & virtute eos superiores fuisse affirmabat: quippe ab his quinque millia hostium cæsa: & si in bello perstent, ultro hostes pacem petituros. Damna, quibus se victos putent, duo millia mulierum, & paucos infantes, & servitia esse, quæ melius vincendo possint reparare, quam deserendo victoriam. Porro Argyraspides neque fugam se tentaturos dicunt, post damna 4 matrimoniorum, & post conjuges amissas, neque bellum gessuros contra liberos suos; ultroque eum convitiis agitant, quod se post tot annos emeritorum stipendiorum, redeunt domum cum præmiis tot bellorum, ab ipsa missione rursus in novam militiam, immensaque bella revocaverit, & à laribus jam quodammodo suis, & ab ipso limine patriæ abductos, inanibus promissis deceperit: nunc quoque amissis omnibus felicis militiæ quæstibus, ne victos quidem in misera & inopi senectâ quiescere sinat. Ignaris deinde ducibus, confestim ad Antigonum legatos mittunt, petentes ut sua reddi jubeat. Is redditurum se pollicetur, si Eumenem sibi tradant. Quibus cognitis, Eumenes cum paucis fugere tentavit: sed retractus, desperatis rebus, cum concursus multitudinis factus esset, petit ut postremum sibi aliquid exercitum liceret.

A. C. 315. C A P. IV. Jussus ab universis dicere, facto silentio, laxatisque vinculis, prolatam, sicut erat catenatus, manum * ostendit: Cernitis, milites,

4. Veris Junarum editio. matrimoniorum, legebat. * MSS. ostendit.

5. Freinsheim.

milites, inquit, habitum atque ornamenta ducis vestri, quæ mihi non hostium quisquam imposuit : nam hoc etiam solatio foret. Vos me ex victore victum, vos me ex imperatore captivum fecistis ; quater intra hunc annum in mea verba jurejurando obstricti estis. Sed ista omitto. Neque enim miseros convitia decent. Unum oro, si propositorum Antigoni in meo capite summa consistit, inter vos me velitis mori. Nam neque illius interest, quemadmodum aut ubi cadam ; & ego fuero ignominia mortis liberatus. Hoc si impetro, solvo vos jurejurando, quo toties vos sacramento mihi devovistis. Aut si ipsos pudet roganti vim adhibere. ferrum huc date ; & permittite quod vos facturos pro imperatore jurastis, imperatorem pro vobis sine religione jurisjurandi facere. Cum non obtineret, preces in iram vertit. At vos, ait, devota capita, respiciant dii perjuratorum vindices ; talesque vobis exitus dent, quales vos ducibus vestris dedistis. Nempe vos iidem paulo ante & Perdiccæ sanguine estis aspersi, & in Antipatrum eadem moliti. Ipsum denique Alexandrum, si fas fuisset eum mortali manu cadere, interemturi ; quod s maximum erat, seditionibus agitastis. Ultima nunc ego perfidorum victima, has vobis diras atque inferias dico ; ut inopes extorresque omne ævum in hoc castrensi exilio agatis, devorentque vos armæ⁶ ista, quibus plures vestros, quam hostium duces absumsistis. Plenus deinde iræ, custodes suos præcedere ad Antigoni castra cœpit. 7 Sequitur exercitus, prodito impera-

6. Freinshem, legendum confer, proximum.

6. Sic N. Alii legunt, vestra.

7. Faber legendum mavult, sequitur exercitus proditor imperatoris sui, & ipse captivus.

tore suo, & ipse captivus, triumphumque de seipso ad victoris sui castra ducit; omnia auspicia regis Alexandri, & tot bellorum palmas laureaſque una ſecum victori tradens: & ne quid deeſſet pompæ, elephanti quoque, & auxilia Orientalia ſublequuntur. Tanto pulcrior hæc Antigono, quam Alexandro tot victoriæ fuerunt; ut cum ille Orientem vicerit, hic etiam eos à quibus Oriens victus fuerat, ſuperaverit. Igitur Antigonus domitores illos Orbis, exercitui ſuo dividit, redditis quæ in victoria ceperat. Eumenem verò, verecundia prioris amicitia, in conſpectum ſuum venire prohibitum, assignari cuſtodibus præcepit.

A. C.
318.

C A P. V. Interea Eurydice, uxor Aridæi regis, ut Polyperchonta à Græcia redire in Macedoniam cognovit, & ab eo arceſſitam Olympiadem: muliebri æmulatione percuſa, abutens valetudine viri, cuſus officia ſibi vindicabat, ſcribit regis nomine Polyperchonti, Caſſandro exercitum tradat, in quem regni adminiſtrationem rex tranſtulerit: eadem & in Aſiam Antigono per epiſtolas nuntiat. Quo beneficio devinctus Caſſander, nihil non ex arbitrio muliebris audaciæ gerit. Deinde proſectus in Græciam, multis civitatibus bellum infert: quarum excidio, veluti vicino incendio territi Spartani, urbem quam ſemper armis, non muris defenderant, tum contra reſponſa fatorum & veterem majorum gloriam, armis diffuſi, murorum præſidio includunt. Tantum eos degeneraviſſe à majoribus, ut, cum multis ſeculis murus urbi civium virtus fuerit, tunc cives ſalvos ſe fore non exiſtimaverint, niſi intra muros laterent.

Dum

Dum hæc aguntur, ⁸ Cassandrum à Græcia turbatus Macedoniae status domum revocavit. Namque Olympias, mater Alexandri Magni A. C. regis, cum Epiro in Macedoniam, prosequen- 317. te Æacida, rege Molossorum, veniret, prohiberique finibus ab Eurydice & Aridæo rege cœpisset; seu memoria mariti, seu magnitudine filii, & indignitate rei, moti Macedones, ad Olympiadem transiere; cujus jussu & Eurydice, & rex occiditur, sex annis post Alexandrum potitus regno.

CAP. VI. Sed nec Olympias diu regnavit. Nam cum principum passim cædes, mul- 316. liebri magis, quam regio more fecisset, favorem sui in odium vertit. Itaque audito Cassandri adventu, diffisa Macedonibus, cum nuru Roxane, & nepote Hercule, in Pyduam urbem concedit. Proficiscenti Deidamia, Æacidæ regis filia, & Thessalonice privigna, & ipsa clara Philippi patris nomine, multæque aliæ principum matronæ, speciosus magis quam utilis grex, comites fuere. Hæc cum nuntiata Cassandro essent, statim citato cursu Pydnam venit, & urbem obsidione cingit. Cum fame ferroque urgeretur Olympias, longæ obsidionis tædio, pacta salute, victori se tradidit. Sed Cassander ad concionem vocato populo, sciscitaturus quid de Olympiade fieri velint, subornat parentes interfectorum, qui summa lugubri veste crudelitatem mulieris accusarent; à quibus accensi Macedones, sine respectu pristinae majestatis, occidendam decernunt: immemores prorsus, quod per filium ejus, virumque, non solum vitam ipsi inter finitimos tutam habuissent;

8. Vid. Diod., l. 17.

verum etiam tantas opes imperiumque Orbis quæfissent. Sed Olympias ubi obstinatos venire ad se armatos vidit, veste regali, duabus ancillis innixa, ultro obviam procedit. Qua visa, percussores attoniti fortuna majestatis prioris, & tot in ea memoriæ occurrentibus regum suorum nominibus, subtitulerunt; donec à Cassandro missi sunt, qui eam confoderent, non refugientem gladium, nec vulnera, aut muliebriter vociferantem; sed virorum more fortium, pro gloria veteris prosapiæ, morti succumbentem, ut Alexandrum posses etiam in moriente matre cognoscere. Insuper expirans, capillis & veste crura contrèxisse fertur, ne quid posset in corpore ejus indecorum videri. Post hæc Cassander Thessalonien, regis Aridæi filiam, uxorem ducit: filium Alexandri cum matre, in arcem Amphipolitanam custodiendos mittit.

L I B E R X V.

B R E V I A R I U M C A P I T U M.

1. *Antigoni bellum adversus socios, in quo Demetrius F. superatus prælio.*
2. *Cassandri in familiam Alexandri M. sævitia, Antigoni prosperi successus in bello.*
3. *Lysimachi, Antigono oppositi, virtutes & præclare gesta.*
4. *Novus hostis Antigono accedit, nempe Seleucus, cujus origo, & res gestæ subjiciuntur. Antigonus in prælio occumbit.*

CAP. I.

PErdicca, & fratre ejus, Eumene, ac Polyperchonte, ceterisque ducibus diversæ partis occisis, finitum certamen inter successores Alexandri Magni videbatur; cum repente inter ipsos victores nata discordia est: quippe postulantibus Ptolemæo, & Cassandro, & Lyfimacho, ut pecunia in præda capta, provinciæque dividerentur; Antigonus negavit, se in ejus belli præmia socios admissurum, in cujus ¹ pericula solus descenderit. Et ut honestum adversus socios bellum suscipere videretur, divulgat, se Olympiadis mortem, à Cassandro interfectæ, ulcisci velle, & Alexandri regis sui filium cum matre obsidione Amphipolitana liberare. His cognitis, Ptolemæus & Cassander, inita cum Lyfimacho & Seleuco societate, bellum terra marique enixe instruunt. Tenebat Ptolemæus Ægyptum cum Africæ parte majore, & Cyprio, & Phœnice. Cassandro parebat Macedonia cum Græciâ. Asiam & partes Orientis occupaverat Antigonus, cujus filius Demetrius, prima belli congressione, à Ptolemæo apud ² Gamalam vincitur. In quo prælio major Ptolemæi moderationis gloria, quam ipsius victoriæ fuit. Siquidem & amicos Demetrii non solum cum suis rebus, verum etiam additis insuper muneribus, dimisit; & ipsius Demetrii privatum omne instrumentum, ac familiam reddidit, adjecto honore verborum, Non se propter prædam, sed propter dignitatem

A. C.

315.

A. C.

314.

A. C.

312.

1. Sic N. Alii legunt, periculum.

2. Sic Edit. Juntarum; urbs hæc Gazæ proxima; & revera Diod. l. 19.

Plut. in Demet. Appian. in Syr. ad Gazam pugnarum referunt. Via Pausan in Attic. Jos. l. 1. cont. Appion. 3. Vid.

tem inisse bellum; indignatum quod Antigonus devictis diversæ factionis ducibus, solus communis victoriæ præmia corripuisset.

A. C. C A P. II. Dum hæc aguntur, Cassander ab
312. Apollonia rediens, incidit in 3 Abderitas, qui propter ranarum muriumque multitudinem relicto patriæ solo, sedes quærebant: veritus ne Macedoniam occuparent, facta pactione in societatem eos recipit; agrosque iis ultimos Macedoniæ assignat. Deinde, ne Hercules, Alexandri filius, qui fere annos quatuordecim excefferat, favore paterni nominis in regnum Macedoniæ vocaretur, occidi eum tacite cum matre Barsine jubet, corporaque eorum terra obrui, ne cædes sepultura proderetur: & quasi parum facinoris in ipso primum rege, mox in matre ejus Olympiade, ac filio admisisset: alterum quoque filium cum matre Roxane, pari fraude interficit, scilicet quasi regnum Macedoniæ, quod affectabat, aliter consequi, quam scelere non posset. In-

A. C. terea 4 Ptolemæus cum Demetrio, navali
306. prælio iterato congreditur; & amissa classe, hostique concessa victoria, in Ægyptum refugit. Demetrius filium Ptolemæi Leontiscum & fratrem Menelaum, amicosque ejus cum privati instrumenti ministerio, pari provocatus antea munere, Ægyptum remittit: & ut appareret eos non odio, sed dignitatis gloria accensos, donis muneribusque inter ipsa bella contendebant. Tanto honestius tunc bella gerebantur, quam nunc amicitie coluntur. Hac victoria elatus Antigonus, regem se cum Demetrio

3. Vid. Diod. l. 10. qui Antartarus etiam Plin. l. 2. & 10. vocat. & à Perdicæ juxta Orbitæum 4. Vid. Plot. in Dem. Diod. l. 20. Pæonia montem collocatos ait. Vid. Pausan. in Ant. Appian. in Syriac.

metrio filio appellari à populo jubet. Ptolemæus quoque, ne minoris apud suos auctoritatis haberetur, rex ab exercitu cognominatur. Quibus auditis, Cassander & Lyfimachus, & ipsi regiam sibi majestatem vindicaverunt. Hujus honoris ornamentis tamdiu omnes abstinerunt, quamdiu filii regis sui superesse potuerunt. Tanta in illis verecundia fuit, ut cum opes regias haberent, regum tamen nominibus æquo animo caruerint, quoad Alexandro justus hæres fuit. Sed Ptolemæus & A. C. Cassander, ceterique factionis alterius duces, 305. cum carpi se singulos ab Antigono viderent; dum privatum singulorum, non commune universorum bellum ducunt, nec auxilium ferre alter alteri volunt, quasi victoria unius, non omnium foret, per epistolas se invicem confirmantes, tempus & locum coeundi condicunt, bellumque communibus viribus instruunt. Cui cum Cassander interesse propter finitimum bellum non posset, Lyfimachum cum ingentibus copiis in auxilium sociis mittit.

CAP. III. Erat hic Lyfimachus illustri quidem Macedonia loco natus, sed virtutis experimentis omni nobilitate clarior; quæ tanta in illo fuit, ut animi magnitudine, philosophia ipsa viriumque gloria omnes, per quos Oriens domitus est, vicerit. Quippe cum Alexander Magnus Callisthenem, philosophum, propter salutationis Persicæ interpellatum morem, insidiarum, quæ sibi paratæ fuerant, conscium fuisse iratus finxisset: eumque truncatis crudeliter omnibus membris, abscissisque auribus, ac naso, labiisque, defor-

5. Sic N. Alii omittunt. Et.

me ac miserandum spectaculum reddidisset; insuper cum cane in cavea clausum, ad metum ceterorum circumferret: tunc Lyfimachus audire ⁶ Callisthenem, & præcepta ab eo virtutis accipere solitus, misertus tanti viri, non culpæ, sed liberratis pœnas pendentis, venenum ei in remedium calamitatum dedit. Quod adeo ægre Alexander tulit, ut eum objici ferocissimo leoni juberet. Sed cum ad conspectum ejus concitatus leo impetum fecisset, manum amiculo involutam ⁷ Lysimachus in os leonis immerisit, arreptaque lingua, feram exanimavit. Quod cum nuntiatum regi esset, admiratio in satisfactionem cessit; carioremque eum propter constantiam tantæ virtutis habuit. Lysimachus quoque magno animo, regis, veluti parentis contumeliam tulit. Denique omni ex animo hujus facti memoria exturbata, postea in India insectanti regi quosdam palantes hostes, cum à satellitum turba, equi sui celeritate desertus esset, solus ei per immensas arenarum moles cursus comes fuit. Quod idem antea Philippus frater ejus cum facere voluisset, inter manus regis exspiraverat. Sed Lysimachum defiliens equo Alexander, hastæ cuspide ita in fonte vulneravit, ut sanguis aliter cludi non posset, quam diadema sibi demtum rex, alligandi vulneris causa, capiti ejus imponeret. Quod auspiciū primum regalis majestatis Lysimacho fuit. Sed & post mortem Alexandri, cum inter successores ejus provinciæ dividerentur, ferocissimæ gentes, quasi omnium fortissimo, assignatæ sunt: a-

de o

6. Vid. Plut. in Alex. Arrian. l. 4. Diog. Laert. in Arist. 7. Vid. Pausan. in Attic.

8. Vid.

deo etiam consensu universorum palmam virtutis inter ceteros tulit.

CAP. IV. Priusquam bellum inter Ptolemæum, sociosque ejus, adversus Antigonum committeretur, repente ex Asia majore digressus Seleucus, novus Antigono hostis ac-
A. C. 312.
 cefferat. Hujus quoque & virtus clara, & origo admirabilis fuit. Siquidem mater ejus Laodice, cum nupta esset Antiocho, claro inter Philippi duces viro, visa est sibi per quietem ex concubitu Apollinis concepisse; A. C. 350.
 gravidamque factam, munus concubitus anulum à deo accepisse; in cujus gemma anchora sculpta esset: jussaque donum filio, quem peperisset, dare. Admirabilem fecit hunc visum & anulus, qui postera die, ejusdem sculpturæ, in lecto inventus est; & figura anchoræ, quæ in femore Seleuci nata cum ipso parvulo fuit. Quamobrem Laodice anulum Seleuco, eunti cum Alexandro Magno ad Persicam militiam, edocto de origine sua, dedit. Ubi post mortem Alexandri, occupato regno Orientis, urbem condidit, ibique geminæ originis memoriam consecravit. Nam & urbem ex Antiochi patris nomine Antiochiam A. C. 300.
 vocavit; & campos vicinos urbi, Apollini dicavit. Originis ejus argumentum etiam in posteris mansit: Siquidem filii nepotesque ejus, anchoram in femore, veluti notam generis naturalem habuere. Multa in Oriente, post divisionem inter socios regni Macedo-
A. C. 312.
 nici, bella gessit. Principio A. C. 305.
 Babyloniam cepit: inde auctis ex victoria viribus, Bactrianos expugnavit. A. C. 303.
 Transitum deinde in Indiam fecit, quæ post mortem Alexandri, veluti

8. Vid. Appian, in Syriac. 9. Diod. l. 10. & Appian, in Syr. *

- cervicibus jugo servitutis excusso, præfectos ejus occiderat. Auctor libertatis ¹⁰ Sandrocottus fuerat : sed titulum libertatis post victoriam in servitutem verterat. Siquidem occupato regno, populum, quem ab externa dominatione vindicaverat, ipse servitio premebat. Fuit hic quidem humili genere natus, sed ad regni potestatem majestate numinis impulsus.
- A. C. 327. Quippe cum procacitate sua Alexandrum regem offendisset, interfici à rege jussus, salutem pedum celeritate quæsierat : ex qua fatigue, cum somno captus jaceret, leo ingentis formæ ad dormientem accessit, sudoremque profluentem lingua ei deterfit, expurgatumque blande reliquit. Hoc prodigio primum ad spem regni impulsus, contractis latronibus, Indes ad novitatem regni sollicitavit. Molienti deinde bellum adversus præfectos Alexandri, elephanta ferus infinitæ magnitudinis ultro se obtulit, & veluti domita mansuetudine, eum tergo excepit ; duxque belli, & præliator insignis fuit. Sic acquisito regno, Sandrocottus ea tempestate, qua Seleucus futuræ magnitudinis fundamenta jaciebat, Indiam possidebat : cum quo facta pace Seleucus, compositisque in Oriente rebus, in bellum ¹¹ Antigoni descendit. Adunatis igitur omnium sociorum copiis, prælium committitur : in eo Antigonus occiditur ; Demetrius, filius ejus, in fugam vertitur. Sed socii profligato hostili bello, denuo in semet ipsos arma verterunt : & cum de præda non convenirent, iterum in duas factiones diducuntur. Seleucus Demetrio, Ptolemæus Lysimacho junguntur. Cassandro defuncto Phi-
- A. C. 302.
- A. C. 301.
- A. C. 268.

10. Vid. Strab. l. 15. Plur. in Alex. & Demosth. Appian. in Syriac. lib. 15.
 11. Vid. Plur. in Demet. & Pausan. de Attic.

lippus filius succedit. Sic, quasi ex integro,
ova Macedoniae bella nascuntur.

LIBER XVI.

BREVIARIUM CAPITUM.

1. *Antipater, Cassandri filius, fit parricida. Demetrius Alexandrum, Cassandri F. interficit, & Macedoniam usurpat.*
2. *Demetrius praelio fusus fugatur. Antipater parricida fœde perit. In Cassandri familiam numinis vindicta. Ptolemæi placidum factum.*
3. *Bellum Pyrrhi & Lysimachi. De Heracleæ origine & statu, digressio.*
4. *Clearchi, tyranni Heracliensis, artes luculenter describuntur.*
5. *Quibus rationibus Clearchus tyrannidem firmaverit. Clearchus tandem à Chione & Leonide juvenibus nobilissimis, obtruncatur. Post Clearchi supplicium Heracleæ conditio.*

CAP. I.

Post Cassandri regis, filiique ejus Philippi A. C. continuas mortes, Thessalonice regina, 193.
uxor Cassandri, non magno post tempore,
ab Antipatro filio, cum vitam etiam per ube- A. C.
ra materna deprecaretur, occiditur. Causa 194.
parricidii fuit, quod post mortem mariti, in
divisione inter fratres regni, propensior fuisset
Alexandro videbatur. Quod facinus in
eo gravius omnibus visum est, quod nullum

1. Roscius legere, in Alexandrum.

maternæ fraudis vestigium fuit. Quamquam in parricidio, nulla ² satis iusta causa ad sceleris patrocina prætexi potest. Ob hæc igitur Alexander in ultionem maternæ necis, gesturus cum fratre bellum, auxilium à Demetrio petit; nec Demetrius, spe invadendi Macedonici regni, moram fecit. Cujus adventum verens Lyfimachus, persuadet genero suo Antipatro, ut malit cum fratre in gratiam reverti, quam paternum hostem in Macedoniam admitti. Inchoatam igitur inter fratres reconciliationem cum præsensisset ³ Demetrius, per insidias Alexandrum interficit; occupatoque Macedoniæ regno, cædem apud exercitum excusaturus, concionem vocat. Ibi priorem se petitum ab Alexandro allegat; nec fecisse se, sed occupasse insidias. Regem autem se Macedoniæ vel ætatis experimentis, vel causis iustiores esse. Patrem enim suum & Philippo Regi, & Alexandro Magno socium in omni militia fuisse: liberorum deinde Alexandri ministrum, & ad persequendos defectores ducem extitisse. Contra Antipatrum avum horum adolescentium, amariorem semper ministrum regni, quam ipsos reges fuisse. Cassandrum vero patrem, extinctorem regni domus, non feminis, non pueris pepercisse; nec cessasse, quoad omnem stirpem regni sobolis deleret. Horum scelerum ultionem, quia nequisset ab ipso Cassandro exigere, ad liberos ejus translatam. Quamobrem etiam Philippum, Alexandrumque, si quis manium sensus est non interfectores suos ac stirpis suæ, sed ultores eorum, Macedoniæ regnum tenere malle. Per hæc miti-

gato

1. Sic N. Alii omittunt, facis. 2. Vid. Plut. in Demet. & Pyrrho. 3. Plut. in Demet. & Pyrrho. 4. Strab.

gato populo, rex Macedoniae appellatur. A. C. 293.
 4 Lyfimachus quoque cum bello Doricetis, regis Thracum, premeretur, ne eodem tempore & adversus eum dimicare necesse haberet, tradita ei altera parte Macedoniae, quae Antipatro ejus genero obvenerat, pacem cum eo fecit.

CAP. II. Igitur Demetrius, totius Macedoniae regni viribus instructus, cum Asiam occupare statuisset, iterato Ptolemæus, Seleucus, & Lyfimachus, experti priore certamine quantæ vires essent concordiae, pacta societate adunatisque exercitibus, bellum adversus Demetrium transferunt in Europam. His comitem se, & belli focium jungit Pyrrhus, rex Epiri, sperans non difficiliter Demetrium amittere Macedoniam posse, quam acquisierat. Nec spes frustra fuit: quippe exercitu ejus corrupto, ipso in fugam acto, regnum Macedoniae occupavit. Dum hæc aguntur, Lyfimachus generum suum Antipatrum, regnum Macedoniae ademptum sibi forcere fraude querentem, interficit; filiamque suam Euridicen, querelarum sociam, in custodiam tradit: atque ita universa Cassandri domus Alexandro Magno, seu necis ipsius, seu stirpis extinctæ poenas, partim cæde, partim supplicio, partim parricidio luit. Demetrius quoque à tot exercitibus circumventus, cum posset honeste mori, turpiter se dedere Seleuco maluit. Finito bello, Ptolemæus A. C. 285.
 cum magna rerum gestarum gloria moriturus, contra jus gentium, minimo natu ex filiis, ante infirmitatem regnum tradiderat, ejusque

4. Strab. l. 7. Plut. in Demet. Pausan. in Arcic. 5. Sic N. Alii legunt, interfecit. * Edit. Junat. moritur. Is contra.

ejusque rei populo rationem reddiderat: cuius non minor favor in accipiendo, quam patris in tradendo regno fuerat. Inter cetera patris & filii mutue pietatis exempla, etiam ea res amorem populi juveni conciliaverat, quod pater, regno ei publice tradito, privatus officium regi inter satellites fecerat, omnique regno pulcrius regis esse patrem duxerat.

A. C.
287.

C A P. III. Sed inter Lyfimachum & Pyrrhum regem, socios paulo ante adversus Demetrium, assiduum inter pares discordia malum, bellum moverat. Victor Lyfimachus, pulso Pyrrho Macedoniam occupaverat. Inde

A. C.
286.

A. C.
286.

Thraciæ, ac deinceps Heracleæ bellum intulerat: cuius urbis & initia & exitus admirabiles fuere; quippe Boeotis pestilentia laborantibus, oraculum Delphis responderat, coloniam in Ponti regione sacram Herculi conderent. Cum propter metum longæ ac periculose navigationis, mortem in patria omnibus præoptantibus, res omissa esset, bellum his Phocenses intulerunt: quorum cum adversa prælia paterentur, iterato ad oraculum decurrunt; responsum, idem belli quod pestilentie remedium fore. Igitur conscripta colonorum manu, in Pontum delati, urbem Heracleam condiderunt. Et quoniam fatorum auspiciis in eas sedes delati erant, brevi tempore magnas opes parare. Multa deinde hujus urbis adversus finitimos, bella, multæ etiam domesticæ dissensiones fuere. Inter cetera magnifica, vel præcipue illud memorabile fuit. Cum rerum potirentur Athenienses, victisque Persis, Græciæ & Asiæ tributum in tutelam classis descripsissent, omnibus cupide ad præsidium salutis suæ conferentibus;

A. C.
474.

bus; soli Heraclienses ob amicitiam regum Persicorum, collationem abnuerant. Missus itaque ab Atheniensibus Lamachus cum exercitu ad extorquendum quod negabatur, dum relictis in litore navibus, agros Heracliensium populatur, classem cum maiore parte exercitus, naufragio repentinæ tempestatis amittit. Itaque cum neque mari posset amissa navibus, neque terra auderet, cum parva manu inter tot ferocissimas gentes, reverti; Heraclienses honestiorem beneficii, quam ultionis occasionem rati, instructos comœtibibus, auxiliisque dimittunt: Bene agrorum suorum populationem impensam existimantes, si quos hostes habuerant, amicos reddissent.

C. A. P. IV. Passi sunt inter plurima mala, A. C. etiam tyrannidem: siquidem cum plebs otiam novas tabulas, & divisionem agrorum 365
divitum impotenter flagitaret, diu re in senatu tractata, cum exitus rei non inveniretur; ad postremum adversus plebem nimio orio lascivientem, auxilia à Timotheo, Atheniensium duce, mox ab Epaminonda Thebanorum perivere. Utrisque negantibus, ad Clearchum, quem ipsi in exilium egerant, decurrunt. Tanta calamitatum necessitas fuit, ut cui patriam interdixerant, eum ad tutelam patriæ revocarent. Sed Clearchus exilio facinorosior redditus, & dissensionem A. C. populi occasionem invadendæ tyrannidis existimans, primo tacitus cum Mithridate, civi- 364
um suorum hoste, colloquitur; & inita societate

6. Vid. Memn. apud Phot. cod. 7. Vocem, Divitum, defendam monach. Diod. Sic. l. 1. c. Suid. in Clearch. & nec Faber. Athen. l. 1. ex Theopompo Chio.

tate paciscitur, ut revocatus in patriam prodita ei urbe, præfectus ejus constitueretur. Postea autem insidias, quas civibus paraverat, in ipsum Mithridatem verterat. Namque cum velut arbiter civilis discordiæ, de exilio reversus esset, statuto tempore, quo urbem Mithridati traderet, ipsum cum amicis suis cepit; captumque, accepta ingenti pecunia, dimisit. Atque ut in illo subitum se ex socio fecit hostem: sic ex defensore senatoriæ causæ repente patronus plebis evasit; & adversus auctores potentiæ suæ, à quibus revocatus in patriam, per quos in arce collocatus fuerat, non solum plebem accendit, verum etiam nefandissima quæque tyrannicæ crudelitatis exercuit. Igitur populo ad concionem vocato, neque se affuturum amplius grassanti in populum senatui ait; intercessurum etiam, si in pristina sævitia perseveret: quod si pares se crudelitati senatorum arbitrentur, abiturum cum militibus suis, neque civilibus discordiis interfuturum. Sin vero diffidant viribus propriis, vindicta se civium non defuturum. Proinde consulant sibi & ipsi: jubeant ne abire se, an causæ populari socium remanere. His verbis sollicitata plebs, summum ad eum imperium desert: & dum senatus potentiæ irascitur, in servitutem se tyrannicæ dominationis cum conjugibus & liberis tradit. Igitur Clearchus LX. senatores comprehensos (nam ceteri in fugam dilapsi erant) in vincula compingit. Lætari plebs, quod à duce potissimum senatorum, senatus deleteretur, versaque vice, auxilium eorum in exitium conversum

¶. Sic Juntarum ver. edino. Alibi le-
gunt. proinde consulant sibi ipsis, ju-
beant abire se, si mallent, vel causæ po-
pulari socium remanere.

sum esset. Quibus dum mortem passim omnibus minatur, cariora eorum pretia facit; siquidem Clearchus magna pecunia (quasi minis populi occulte eos subtracturus) accepta, spoliatos fortunis, vita quoque spoliavit.

C A P. V. Cognito deinde, quod bellum A.C. 363. sibi ab iis qui profugerant, misericordia in auxilium sollicitatis civitatibus, pararetur, servos eorum manumittit. Et ne quid mali afflictis honestissimis domibus deesset, uxores eorum, filiasque nubere servis suis, proposita recusantibus morte, compeilit, ut eos sibi fidiore, & dominis infestiores redderet. Sed matronis tam lugubres nuptiæ, graviores repentinis funeribus fuere. Itaque multæ se ante nuptias, multæ in ipsis nuptiis, occisis prius novis maritis, interficiunt, & se tam funestis calamitatibus, virtute ingenui pudoris eripiunt. Prælium deinde committitur: quo victor tyrannus captivos senatores in triumphi modum per ora civium trahit. Reversus in urbem, alios vincit, torquet alios, alios occidit: nullus locus urbis à crudelitate tyranni vacat. Accedit sævitix insolentia, crudelitati arrogantia: interdum 9 ex successu continuæ felicitatis obliviscitur se hominem; interdum Jovis se filium dicit. Eunti per publicum, aurea aquila velut argumentum generis præferebatur: veste purpurea, & cothurnis regum tragicorum, & aurea corona utebatur: filium quoque suum Ceraunon vocat; ut Deos non mendacio tantum, verum etiam nominibus illudat. Hæc illum facere duo nobilissimi juvenes Chion, & 10 Leonides indignantes,

pa-

9. Sic N. & C. Alii interponunt, enim. 10. Memnon, apud Phot. Leonis nomen ipsi assignat.

A. C. patriam liberaturi in necem tyranni conspi-
 354 rant. Erant hi discipuli Platonis philosophi;
 qui virtutem ad quam quotidie præceptis ma-
 gistri erudiebantur, patriæ exhibere cupien-
 tes, quinquaginta cognatos, veluti clientes,
 in infidiis locant. Ipsi more jurgantium, ad
 tyrannum, veluti ad regem, in arcem conten-
 dunt: qui jure familiaritatis admissi, dum al-
 terum priorem dicentem intentus audit ty-
 rannus, ab altero obtruncatur. Sed & ipsi, so-
 ciis tardius auxilium ferentibus, à satellitibus
 obruuntur. Quare factum est, ut tyrannus qui-
 dem occideretur, sed patria non liberaretur.
 Nam frater Clearchi ¹¹ Satyrus eadem via ty-
 rannidem invadit; multisque annis, per gra-
 dus successionis, ¹² Heraclienses sub regno
 tyrannorum fuere.

11. Vid. Diod. l. 17. Memn. excerpt. Vossius, regnum tyrannorum legen-
 12. N. legis, regnum fuere. Doct. dum statuit, usque ad A. C., 88.

LIBER XVII.

BREVIARIUM CAPITUM.

1. *Lysimachi regis tragædia.*
2. *Amisiss. xv. liberis in prælio occumbit. Se-
 leucus per insidias occiditur à Ptolemæo.
 Ptolemæus Principum amicitias, Pyrrhi
 præsertim, sibi conciliat.*
3. *De Epirotarum regno, ejusdemque origine
 ac regibus digressio. Pyrrhi varia fortuna.*

C A P.

CAP. I.

PER idem ferme tempus in Hellesponti & A. C. 287.
 Chersonesi regionibus terræmotus fuit:
 maxime tamen Lyfimachia urbs ante duos
 & viginti annos à Lyfimacho rege condita,
 everfa est. Quod portentum dira Lyfimacho,
 stirpique ejus, ac regni ruinam, cum clade
 vexatarum regionum portendebat. Nec o-
 stentis fides defuit: nam brevi post tempore,
 Agathoclem filium suum, quem in succes- A. C. 283.
 sionem regni ordinaverat, per quem multa
 bella prospere gesserat, non solum patrium,
 verum etiam humanum ultra morem, pero-
 fus, ministra Arsinoe noverca, veneno inter-
 fecit. Hæc illi prima mali labes, hoc initi-
 um impendentis ruinæ fuit. Nam parricidi-
 um, principum sequutæ cædes sunt, luenti-
 um supplicia quod occisum juvenem dole-
 bant. Itaque & hi qui cædibus superfuerant,
 & hi qui exercitibus præerant, certatim ad
 Seleucum deficiunt; eumque pronum jam
 ex æmulatione gloriæ, bellum Lyfimacho in-
 ferre compellunt. Ultimum hoc certamen
 commilitonum Alexandri fuit, & velut ad A. C. 281.
 exemplum fortunæ, par reservatum. Lyfima-
 chus quatuor & LXX. annos natus erat. Se-
 leucus septem & LXX. Sed in hac ætate utri-
 que animi juveniles erant, imperii que cupi-
 ditatem insatiabilem gerebant. Quippe cum
 Orbem terrarum duo soli tenerent, angustis
 sibi met inclusi videbantur, vitæque finem
 non

1. Vid. Strab. l. 13. Pausan. in At-
 tic. Memn. ab Phot.

2. D. Hieron. octogenarium fuisse
 dicit. Vid. Lucian. de longævit. Vid.

etiam Appian. de reb. Syriac. Polyb.
 l. 17. C. 105. l. 3.

* Edit. Jant. angustis sibi metis in-
 clusi. 3. Grono-

non annorum spatio, sed imperii terminis metiebantur.

A. C.
281.

C A P. II. In eo bello Lyfimachus, amissis ante variis casibus xv. liberis, non instrenue moriens, postremus domus suæ ruinæ cumulus accessit. Lærus tanta victoria Seleucus, & quod majus victoria putabat, solum se de cohorte Alexandri remansisse; victoremque victorum extitisse, non humanum esse opus, sed divinum munus gloriatur: Ignarus prorsus, non multo post fragilitatis humanæ seipsum exemplum futurum. Quippe post mensem ad-

A. C.
280.

modum septem a Ptolemæo, cujus sororem Lyfimachus in matrimonio habuerat, per insidias circumventus occiditur; regnumque Macedoniæ, quod Lyfimacho eripuerat, cum vita pariter amittit. Igitur Ptolemæus cum & in gratiam memoriæ magni Ptolemæi patris, & in favorem ultionis Lyfimachi ambitiosus apud populares esset, primo Lyfimachi filios conciliare sibi statuit; nuptiasque Arsinoes sororis suæ, matris eorum petit, puerorum adoptione promissâ, ut cum in locum patris eorum successisset, nihil illi moliri vel vorecundia matris, vel appellatione patris audent. Fratris quoque regis Ægypti concordiam per epistolas deprecatur; professus deponere se offensam erepti paterni regni, neque amplius a fratre quesiturum, quod honestius a paterno hoste perceperit. 3 Omnique arte adularur Eumeni, & Antigono, Demetrii filiis, Antiocho, filio Seleuci, cum quibus bellum habiturus erat, ne tertius sibi hostis acce-

3. Gronovius locum sic restituit. trii, & Antiocho Seleuci filijs bellum habituro, tertius sibi hostis accederet. Nicosæ, ne cum Antigono Demo-

accederet. Sed nec & Pyrrhus rex Epiri omif-
sus, ingens momentum futurus, utri parti so-
cius accessisset, qui & ipse spoliare singulos
cupiens, omnibus se partibus venditabat. Ita-
que Tarentinis adversus Romanos laturus au-
xilium, ab Antigono naves, ad exercitum
in Italiam deportandum, mutuo petit; ab
Antiocho pecuniam, qui opibus quam mili-
tibus instructior erat; a Ptolemæo Macedo-
num militum auxilia. Sed Ptolemæus, cui
nulla dilationis ex infirmitate virium venia
esset, quinque millia peditum, equitum qua-
tuor millia, elephantos quinquaginta, non
amplius, quam in biennii usum dedit. Ob hæc
Pyrrhus, filia Ptolemæi in matrimonium ac-
cepta, vindicem eum regni reliquit: ne ab-
ducta in Italiam juventute, prædam hostibus
regnum relinqueret.

CAP. III. Sed quoniam ad Epiri mentio-
nem ventum est, de origine regni ejus pauca
narranda sunt. Molossorum primum in ea re-
gione regnum fuit. Post Pyrrhus, Achillis fi-
lius, amisso per absentiam Trojanis temporibus paterno regno, in his locis confedit, * qui
Pyrrhidæ primo, postea Epirotæ dicti sunt. Sed Pyrrhus, cum in templum Dodonæi Jo-
vis ad consulendum venisset, ibi Lanassam,
neptem Herculis, rapuit: ex cujus matrimo-
nio octo liberos sustulit. Ex his nonnullas vir-
gines nuptum finitimis regibus tradidit, opes-
que affinitatium auxilio magnas paravit: at-
que ita Heleno, filio Priami regis, ob indu-
striam singularem, regnum Chaonum, & An-
dromachen Hectoris, quam & ipse matri-
monio

A. C.
1180.

4. Vid. Plut. in Pyrrho, Zonar. l. 2.
Liv. Dec. 1.

* Qui, id est, quorum incolæ. Sed
aliqui deesse videntur.

Q

5. Pausan.

- monio suo in divisione Trojanæ prædæ acceperat, uxorem tradidit: brevique post tempore, Delphis insidiis Orestæ, filii Agamemnonis inter altaria dei interiit. Successor huic ^{1170.} Pialis filius fuit. Per ordinem deinde, ^{A.C.} regnum ad Arrybam descendit; cui, quoniam ^{380.} pupillus & unicus ex gente nobili superesset, intentiore omnium cura servandi ejus educandique, publice tutores constituuntur: Athenas quoque erudiendi gratia missus, quanto doctior majoribus suis, tanto & gratior populo fuit. Primus itaque leges, & senatum, annuosque magistratus, & reipubl. formam composuit: & ut à Pyrrho sedes, sic vita cultior populo ab Arryba statuta. Huius ^{A.C.} filius Neoptolemus fuit: ex quo nata est ^{360.} Olympias, mater Alexandri Magni, & Alexander, qui post eum regnum Epiri tenuit, & in ^{A.C.} Italia bello gesto, in Brutis interiit. Post ^{340.} ejus mortem frater Æacides regno successit, ^{A.C.} qui assiduis adversus Macedonas bellorum ^{330.} certaminibus populum fatigando, offensam civium contraxit: ac propterea in exilium actus, Pyrrhum filium bimum, admodum ^{A.C.} parvulum in regno reliquit. Qui & ipse cum ^{316.} a populo propter odium patris ad necem quæreretur, furtim subtractus in Illyrios deferretur: traditusque est Beroæ, Glauci regis uxori, nutriendus, quæ & ipsa generis Æacidarum erat. Ibi eum, seu misericordia fortunæ ejus, seu infantilibus blandimentis inductus rex, adversum Cassandrum Macedoniæ regem, qui eum sub belli comminatione deposcebat, diu protexit, addito in auxilium etiam adoptionis officio. Quibus rebus moti

g. Pausan. in Azic. Pielum scribit,

Epirotæ,

Epirotæ, odio in misericordiam verso, annorum xi. eum in regnum revocaverunt, datis ^{A. C.} tutoribus, qui regnum usque adultam ejus ætatem ^{305.} tuerentur. Adolescens deinde multa bella gessit; tantusque rerum successu haberi cœptus est, ut Tarentinos solus adversus Romanos tueri posse videretur.

LIBER XVIII.

BREVIARIUM CAPITUM.

1. *Pyrrho, Tarentinis adversus Romanos suppetias ferenti, Valerius Lævinus occurrit: unde prælia & strages.*
2. *Carthaginensium auxilium Romani remittunt. Pax cum Pyrrho componitur. Romanorum continentia. Pyrrhus Siciliam occupat.*
3. *De Carthaginensium origine & veteribus incolis digressio, in qua etiam de Sidonis & Tyri conditoribus.*
4. *Novæ incolæ Tyri, inter quos Elissa, quæ à Pygmalione fratre recedit, ut rebus suis consulere.*
5. *Elissa, agnomine Dido, Cyprum appellit, deinde in sinum Africae defertur, & Carthaginem condit.*
6. *Elissa propter Larbæ votum sibi vim infert. Carthaginensium crudelis superstitio.*
7. *Clades Carthaginensium in Sardinia. Superstites in exilium pulsi, patriam armis recuperare nituntur: unde Malei patris in Cartalonem filium severitas: & paulo post cruentus interitus.*

A. C.
281.

Igitur Pyrrhus, rex Epiri, cum iterata Tarentinorum legatione, additis Samnitium & Lucanorum precibus, & ipsis auxilio adversus Romanos indigentibus, fatigaretur, non tam supplicum precibus quam spe invadendi Italiæ imperiî inductus, venturum se cum exercitu pollicetur. In quam rem inclinatum semel animum, præcipitem agere cœperant exempla majorum: ne aut inferior patruo suo Alexandro videretur, quo defensore iidem Tarentini adversus Bruttios usi fuerant; aut minores animos Magno Alexandro habuisse, qui tam longa à domo militia Orientem subegit. Igitur relicto custode regni filio Ptolemæo, annos xv. nato, exercitum in

A. C.
280.

portu Tarentino exponit, duobus parvulis filiis, Alexandro & Heleno, in solatia longinquæ expeditionis secum adductis. Cujus audito adventu, Consul Romanus Valerius Lævinus, festinans, ut prius cum eo congregeretur, quam auxilia sociorum convenirent, exercitum in aciem educit: Nec rex, tametsi numero militum inferior esset, certamini moram fecit. Sed Romanos vincentes jam, inusitata ante elephantorum forma st per primo, mox cedere prælio coegit; victoresque jam nova Macedonum monstra repente vicerunt. Nec hostibus incruenta victoria fuit. Nam & ipse Pyrrhus graviter vulneratus est; & magna pars militum ejus cæsa; majoremque gloriam ejus victoriæ, quam lætitiâ habuit. Hujus pugnæ eventum multæ

1. Vid. Plut. in Pyrrho. Zonar. l. 2. L. Flor. l. 1. Liv. Dec. 2. Orof. l. 4.
Pausan. l. 1. 2. Sic

tæ civitates secutæ, Pyrrho se tradunt. Inter ceteras etiam Locri, prodito præsidio Romano, ad Pyrrhum deficiunt. Ex ea præda Pyrrhus cc. captivos milites Romam gratis remisit, ut cognita virtute ejus, Romani cognoscerent etiam liberalitatem. Interjectis deinde diebus, cum sociorum exercitus supervenisset, iterato prælium cum Romanis facit, in quo par fortuna priori bello fuit. A. C. 279.

CAP. II. Interea Mago, dux * Carthaginensium, in auxilium Romanorum cum cxx. navibus missus, senatum adiit, ægre tulisse Carthaginenses, affirmans, quod bellum in Italia à peregrino rege paterentur. Ob quam causam missum se, ut quoniam ab externo hoste oppugnarentur, externis auxiliis juvarentur. Gratiæ à senatu Carthaginensibus actæ, auxiliaque remissa. Sed Mago Punico ingenio, post paucos dies tacitus, quasi pacificator Carthaginensium, Pyrrhum adit, speculaturus consilia ejus de Sicilia, quo eum arcessiri fama erat. Nam Romanis eadem causa mittendi auxilii Carthaginensibus fuerat, ut Romano bello, ne in Siciliam transire posset Pyrrhus, in Italia detineretur. Dum hæc aguntur, legatus à senatu Romano Fabricius Lucinus missus pacem cum Pyrrho composuit. Ad quam confirmandam, * Cyneas Romam cum ingentibus à Pyrrho donis missus, neminem, cujus domus muneribus pateret, invenit. Huic continentiarum Romanorum simile exemplum, iisdem ferme temporibus fuit. Nam missi à senatu in Ægyptum legati, cum ingentia sibi à Ptolemæo rege missa A. C. 278. A. C. 275.

1. Hic loci Faber, bello, seu votum supervacuum omittendam suadet.

* Vid. Val. Max. l. 3.

* Vid. Liv. l. 3. Cic. l. de Senect. Plut. in Pyrrho.

Q 3

3. Vid.

missa munera sprevisent, interjectis diebus, ad
cœnam, invitatis, aureæ coronæ missæ, sunt,
quas illi honoris, causa receptas, postera die sta-
tuis regis imposuerunt. Igitur Cyneas, cum

- A. C. turbatam cum Romanis pacem ab Appio
278. Claudio renuntiasset, interrogatus a Pyrrho,
qualis Roma esset, respondit, Regum urbem
sibi visam. Post hæc legati Siculorum super-
veniunt, tradentes Pyrrho totius insulæ impe-
rium, quæ assiduis Carthaginiensium bellis
vexabatur. Itaque relicto Locris Alexandro
A. C. filio, firmatisque sociorum civitatibus valido
277. præsidio, in Siciliam exercitum trajecit.

C A P. III. Et quoniam ad Carthaginiem-
sium mentionem ventum est, de origine eo-
rum pauca dicenda sunt, repetitis Tyriorum
paulo altius rebus, quorum casus etiam dolen-
di fuerunt. Tyriorum gens condita a Phœni-
cibus fuit, qui terræ motu vexati, relicto pa-
trio solo, 4 Assyrium stagnum primo, mox
mari proximum litus incoluerunt, condita
ibi urbe, quam a piscium uberitate, Sidona ap-
pellaverunt : nam piscem Phœnices sidon vo-
cant. Post multos deinde annos a rege Asca-

- A. C. loniorum expugnati, navibus appulsi, * Ty-
244. ron urbem ante annum Trojanæ cladis con-
diderunt : ibi 5 Persarum bellis diu varietate
fatigati, victores quidem fuere : sed attritis
viribus, a servis suis multitudine abundantibus
indigna supplicia perpeffi sunt : qui conspi-
ratione facta, omnem liberum populum cum
dominis interficiunt : atque ita potiti urbe,
lares dominorum occupant, rempub. inva-
dunt, conjuges ducunt, & quod ipsi non

erant,

1. V. Val. Max. l. 8. 4. Sc. lacum
Genesarethicum, Vid. Strab. l. 1. & 16.
e. Porius, Assyriorum, aliter tem-
poris ratio minime constabit.

* Tyrus condita est 140. annis ante
templum Salomonis Joseph. Ant. 8.
3. & ab eo Euseb. o. N.

erant, liberos procreant. Unus ex tot millibus fervorum fuit, qui miti ingenio, senis domini, parvulique filii ejus fortuna moveretur; dominosque non truci feritate, sed piæ misericordiæ humanitate respiceret. Itaque cum velut occisos alienasset, servisque de statu reipub. deliberantibus placuisset regem ex suo corpore creari, eumque potissimum quasi acceptissimum diis, qui solem orientem primus vidisset, rem ad Stratonem (hoc enim ei nomen erat) dominum occulte latentem detulit. Ab eo formatus, cum medio noctis omnes in unum campum processissent, ceteris in Orientem spectantibus, solus Occidentis regionem intuebatur. Id primum aliis videri furor in Occidente solis ortum quærere: ubi vero dies adventare cœpit, editissimisque culminibus urbis oriens splendere; expectantibus aliis, ut ipsum solem aspicerent, hic primus omnibus fulgorem solis in summo fastigio civitatis ostendit. Non servilis ingenii rati ovifa, requirentibusque auctorem, de domino confitetur. Tunc intellectum est, quantum & ingenua servilibus ingenia præstarent; malitiaque servos, non sapientia vincere. Igitur venia seni filioque data est; & velut numine quodam reservatos arbitantes, regem Stratonem creaverunt. Post cujus mortem regnum ad filium, ac deinde ad nepotes transiit. Celebre hoc fervorum facinus metuentumque exemplum toto Orbe terrarum fuit. Itaque Alexander Magnus, cum interjecto A. C. tempore in Oriente bellum gereret, velut ultor publicæ securitatis, expugnata eorum urbe, omnes qui prælio superfuerant, ob memo-

6. N, leg'a, quantum dominorum ingenia, servilibus, &c.

riam veteris cædis crucibus affixit: genus tantum Stratonis inviolatum servavit, regnumque stirpi ejus restituit, ingenuis & innoxiiis incolis insulæ attributis, ut extirpato servili germine, genus urbis ex integro conderetur.

A.C. 1147. CAP. IV. Hoc igitur modo Tyrii, Alexandri auspiciis conditi, parcimonia & labore quærendi cito convaluere. Ante cladem dominorum cum & opibus & multitudine abundarent, missa in Africam juventute, * Uricam condidere: cum interim * rex Tyro decessit, filio Pygmalione, & Elissa filia insignis formæ virgine, hæredibus institutis. Sed populus Pygmalioni admodum puero regnum tradidit. Elissa quoque¹ Acerbæ avunculo suo, sacerdoti Herculis, qui honos secundus à rege erat, nubit. Huic magnæ, sed dissimulatæ opes erant: aurumque metu regis non relictis, sed terræ crediderat: quam rem etsi homines ignorabant, fama tamen loquebatur. Qua incensus Pygmalion, oblitus juris humani, avunculum suum, eundemque² generum, sine respectu pietatis occidit. Elissa diu fratrem propter scelus averſata, ad postremum dissimulato odio, mitigatoque interim vultu fugam tacito molitur, assumtis quibusdam principibus in societatem, quibus par odium in regem esse, eandemque fugiendi cupiditatem arbitrabatur. Tunc fratrem dolo aggreditur, fingit se ad eum migrare velle, ne amplius ei mariti domus, cupidæ oblivionis, gravem luctus imaginem renovaret, nec ultramara admonitio oculis ejus occurrat. Non invitus Pygmalion verba sororis audit, existimans

* Urica condita est i^o yannis ante Marten, Josepho contra Apion, l. 1. Cor^oraginem. Arist. de Mirab.

* Rex Murg Tyro decessit Voss.

7. Lege Sicharba, ex Servio.

8. Nimirum sororis maritum.

9. Hac

stimans cum ea & aurum Acerbæ ad se venturum. Sed Elissa ministros migrationis à rege missos, navibus cum omnibus opibus suis prima vespere imponit, provectaque in altum, compellit eos onera arenæ pro pecunia⁹ involucris involuta, in mare dejicere. Tunc deflens ipsa, lugubrique voce Acerbam ciens; orat, ut libens opes suas recipiat, quas reliquerat; habeatque inferias, quas habuerit causam mortis. Tunc ipsos ministros aggreditur; sibi quidem ait optatam olim mortem: sed illis acerbos cruciatus & dira supplicia imminere, qui Acerbæ opes, quarum spe paricidium rex fecerit, avaritiæ tyranni subtraxerint. Hoc metu omnibus injecto, comites fugæ accepit. Junguntur & senatorum in eam noctem præparata agmina; atque ita sacris Herculis, cujus sacerdos Acerbas fuerat, repetitis, exilio sedes quærunt.

CAP. V. Primus illis appulsus terræ, Cyprus insula fuit: ubi sacerdos Jovis, cum conjugē & liberis, deorum monitu, comitem se Elissæ sociumque fortunæ¹⁰ præbuit, pactus sibi posterisque perpetuum honorem sacerdotii. Conditio pro manifesto omine accepta. Mos erat Cypriis, virgines ante nuptias statutis diebus dotalem pecuniam quæsituras, in quæstum ad litus maris mittere, pro reliqua pudicitia libamenta Veneri soluturas. Harum igitur ex numero LXXX. admodum virgines raptas, navibus imponi Elissa jubet; ut & juventus matrimonia, & urbs sobolem habere posset. Dum hæc aguntur, Pygmalion cognita

9. Hæc minime sapiunt Fabro, aliamque vocem pro, involucris substitutendam suadet.

10. Sic N. W. Quemadmodum verus etiam Junarum editio. Alii. fortuna, emittunt.

11. Faber.

cognita sororis fuga, cum impio bello fugientem persequi pararet, ægre precibus matris, & deorum minis victus, quievit : qui cum inspirati vates canerent, non impune laturum, si incrementa urbis toto Orbe auspicatissimæ interpellasset, hoc modo spatium respirandi fugientibus datum. Itaque Elissa delata in Africæ sinum, incolas loci ejus, adventu peregrinorum mutuarumque rerum commercio gaudentes, in amicitiam sollicitat : deinde emto loco, qui corio bovis tegi posset, in quo fessos longa navigatione socios, quoad proficisceretur, reficere¹¹ posset ; corium in tenuissimas partes secari jubet, atque ita majus loci spatium quam petierat, occupat : unde postea ei loco Byrsæ nomen fuit. Confluentibus deinde vicinis locorum, qui spe lucri multa hospitibus venalia inferebant ; sedesque ibi statuentibus, ex frequentia hominum velut instar civitatis effectum est. Uticensium quoque legati dona ut consanguineis attulerunt ; horratique sunt, ut urbem ibi conderent, ubi sedes sortiti essent. Sed & Afros detinendi advenas amor cepit. Itaque consentientibus omnibus Carthago^{*} conditur, statuto annuo vectigali pro solo urbis. In primis fundamentis caput bubulum inventum est : quod auspiciū quidem fructuosæ terræ, sed laboriosæ, perpetuoque servæ urbis fuit : propter quod in alium locum urbs translata. Ibi quoque equi caput repertum, bellicosum potentemque populum futurum significans, urbi

A. C.
162.

¹¹ Faber, reficeret, omīssa voce possit, legendum censet, Vid Appian. in Lybie.

* Annis 143. & S. mensibus post

temp. um Salomonis. Jos. contra Apion. 1. Hoc autem conditum est anno 1604. ante æram Christi secundum rationes Uscrianas.

* Edit.

urbi auspicatam sedem dedit. Tunc ad opinionem novæ urbis concurrentibus gentibus, brevi & populus & civitas, magna facta.

CAP. VI. Cum successu rerum florentes Carthaginis opes essent, rex Maxitanorum Hiarbas decem Pœnorum principibus ad se arcessitis, Elissæ nuptias sub belli denuntiatione petit: quod legati reginæ referre metuentes, Punico cum ea ingenio egerunt; nuntiantes regem aliquem poscere, qui cultiores victus eum, Afrosque perdoceat: sed quem inveniri posse, qui ad Barbaros & terrarum more viventes transire à consanguineis velit? Tunc à regina castigati, Si pro salute patriæ asperiores vitam recusarent, cui etiam ipsa vita, si res exigat, debeatur: regis mandata aperuere, dicentes, Quæ præcipiat aliis, ipsi facienda, si velit urbi consultum esse. Hoc dolo capta, diu Acerbæ viri nomine cum multis lacrimis & lamentatione flebili invocato, ad postremum ituram se quo * suæ urbis fata vocarent, respondit. In hoc trium mensium sumto spatio, pyra in ultima parte urbis exstructa, velut placatura viri manes, inferisque ante nuptias missura, multas hostias cædit & sumto gladio pyram conscendit; atque ita ad populum respiciens, ituram se ad virum, sicut præceperant, dixit, vitamque gladio finivit. Quamdiu Carthago invicta fuit, pro dea culta est. Condita est urbs hæc LXXII. annis antequam Roma; cujus virtus sicut bello clara fuit, ita domi status variis discordiarum casibus agitata est. Cum inter cetera mala, etiam peste laborarent, cruenta sacrorum religione, & scelere pro remedio usi

A. C.
820.

A. C.
748.

* Edit. Junt. suæ & urbis fata

sunt.

sunt. Quippe homines, ut victimas immobilabant; & impuberes (quæ ætas etiam hostium misericordiam provocat) aris admovebant, pacem deorum sanguine eorum exposcentes pro quorum vita dii rogari maxime solent.

C A P. VII. Itaque averſis tanto ſcelere numinibus, cum in Sicilia diu feliciter dimicaſſent: tranſlato in Sardiniam bello, amiſſa majore exercitus parte, gravi prælio victi ſunt. Propter quod ducem ſuum Maleum, cujus auſpiciis & Siciliae partem domuerant, & adverſus Afros magnas res geſſerant, cum parte exercitus, quæ ſuperfuerat, exulare juſſerunt. Quam rem ægre ferentes milites, legatos Carthaginem mittunt, qui reditum primo, veniamque infelicis militiæ petant; tum denuntiant, quod precibus nequeant, armis ſe conſecuturos. Cum & preces & minæ legatorum ſpretæ eſſent, interjectis diebus, conſcenſis navibus, armati ad urbem veniunt: ibi deos homineſque * teſtari, non ſe expugnatum, ſed recipratum patriam venire; oſtenſuſque civibus ſuis, non virtutem ſibi priore bello, ſed fortunam deſuiſſe: prohibitis com meatibus, obſeſſaque urbe, in ſummam deſperationem Carthaginienſes adduxerunt. Interea Cartalo, Malei exulis ducis filius, cum præter caſtra patris à Tyro, quo decimas Herculi ferre, ex præda Sicilienſi, quam pater ejus ceperat, à Carthaginienſibus miſſus fuerat, reverteretur, arceſſituſque à patre eſſet, prius publicæ ſe religionis officia exſecuturum quam privatæ pietatis, reſpondit. Quam rem eſſi indigne ferret pater, non ta-

* Jun. reſtaſi.

men vim afferre religioni ausus est. Interje-
ctis deinde diebus Carralo, petito com meatu
à populo, cum reversus ad patrem esset; or-
natusque purpura & infulis sacerdotii, omni-
um se oculis ingereret, tunc in secretum abdu-
cto pater ait: Aususne es, nefandissimum ca-
put, ista purpura & auro ornatus, in conspe-
ctum tot miserorum civium venire? & mce-
sta ac lugentia castra, circumfluentibus quie-
tæ felicitatis insignibus, velut exultabundus
intrare? Nusquamne te aliis jactare potuisti?
Nullus locus aptior, quam sordes patris, &
exilii infelicitis ærumnæ fuerunt? Quid, quod
paulo ante vocatus, non dico patrem, ducem
certe civium tuorum superbe spreveristi? Quid
porro tu in purpura ista coronisque aliud,
quam victoriarum mearum titulos geris?
Quoniam igitur tu in patre nihil nisi exulis
nomen agnoscis; ego quoque imperatorem
me magis, quam patrem judicabo; statuam-
que in te exemplum, ne quis posthac infeli-
cibus miseriis patris illudat. Atque ita cum
cum ornatu suo, in altissimam crucem in con-
spectu urbis suffigi iussit. Post paucos deinde
dies Carthaginem capit: evocatque populo
ad concionem, exilii injuriam queritur; belli
necessitatem excusat: contentumque victoria
sua, punitis auctoribus¹² miserorum civium,
injuriis exilii omnibus se veniam dare dicit.
Atque ita decem senatoribus interfectis, urbem
legibus suis reddidit. Nec multo post affe-
cti regni accusatus, duplicis & in filio & in A. C.
patria parricidii poenas dedit. Huic Mago^{510.}
imperator successit; cujus industria, & opes

12. Repensandum forte, miseriarum exilium: nisi Didi. Vossii conjectura
magis placeat, miserum civium.

Carthaginienſium, & imperii fines, & belli-
cæ gloriæ laudes creverunt.

LIBER XIX.

BREVIARIUM CAPITUM.

1. Magoni, Carthaginieſium imperatori, ſuc-
cedunt Haſdrubal & Amilcar. Haſdrubal
in Sardinia perit. In ſe Siculum bellum &
Perſarum legatio.
2. Horum filii & Carthaginiens. clades exer-
citus in ſicilia.
3. Imilco, dux huius exercitus, Carthaginem
reverſus, ſpe omni abjecta mortem ſibi in-
fert.

CAP. I.

Mago Carthaginiensium imperator,
cum primus omnium, ordinata disci-
plina militari, imperium Pœnorum
condidiſſet, viresque civitatis non minus bel-
landi arte quam virtute firmaveſſet, diem fungi-
tur, relictis duobus filiis Haſdrubale & Ha-
milcare: qui per veſtigia paternæ virtutis
decurrentes, ſicuti generi, ita & magnitudini
patris ſucceſſerunt. His ducibus Sardinia
bellum illatum: adverſus Afros quoque, ve-
ſtigal pro ſolo urbis multorum annorum re-
petentes, dimicatum: ſed Afrorum ſicuti cau-
ſa juſtior, ita & fortuna ſuperior fuit; bellum
que cum his ſolutione pecuniæ, non armis,
ſinitum. In Sardinia quoque Haſdrubal gra-

1. Vid. Plut. in vita Timoleon,

viter vulneratus, imperio Hamilcari fratri tradito, interiit: ^{A. C. 490.} cuius mortem, cum luctus civitatis, tum & dictaturæ undecim, & triumphi quatuor insignem fecere: hostibus quoque crevere animi, veluti cum duce vires Poenorum cecidissent. Itaque Siciliae populis propter assiduas Carthaginiensium injurias, ad Leonidam, fratrem regis Spartanorum, concurrentibus, grave bellum natum: in quo & diu, & varia victoria praeliarum fuit. Dum hæc aguntur, legati à Dario, Persarum rege, Carthaginem venerunt, afferentes edictum, quo Poeni humanas hostias immolare, & canina vesci prohibebantur, mortuorumque corpora cremare potius, quam terra obruere, à rege jubebantur: petentes simul auxilia aduersus Græciam, cui illaturus bellum Darius erat. Sed Carthaginienses auxilia negantes, propter assidua finitimorum bella, ceteris, ne per omnia contumaces viderentur, cupide paruere.

CAP. II. Interea 3 Hamilcar bello Siciliensi interficitur, relictis tribus filiis, Imilcone, Hannone, Giscone. ^{A. C. 480.} Hasdrubali quoque par numerus filiorum fuit, Annibal, & Hasdrubal, & 4 Sappho. Per hos res Carthaginiensium ea tempestate gerebantur. Itaque & Mauris bellum illatum, & aduersus Numidas pugnatum, & Afri compulsi stipendium urbis conditæ Carthaginiensibus remittere. Deinde cum familia tanta imperatorum gravis liberæ civitati esset, omniaque ipsi agerent simul & judicarent, centum ex numero senatorum

3. Vid. supra l. 4. Diod. l. 10.

nem scribi oportet.

4. Euticillimus, Vossius, Pappus.

torum iudices deliguntur, qui reversis à bello ducibus, rationem rerum gestarum exigèrent, ut hoc metu ita in bello imperia, cogitarent, ut domi iudicia legesque respicerent. In⁶ Sicilia in locum Hamilcaris, imperator

A. C. 430. Imilco succedit: qui cum navali terrestrique bello secunda praelia fecisset, multasque civitates cepisset, repente pestilentis sideris vi exercitum amisit. Quæ res cum nuntiata Carthaginæ esset, mœsta civitas fuit: omnia ululatibus non secus ac si urbs ipsa capta esset, personabant: clausæ privatæ domus, clausa deorum templa, intermissa omnia sacra, omnia privata officia damnata. Cuncti deinde ad portum congregantur, egredientesque paucos è navibus, qui cladi superfuerant, de suis percontantur. Ut vero dubia antea spe, & suspensio metu, incerta orbitatis expectatione, casus suorum miseris eluxit, tunc toto litore plangentium gemitus, tunc infelicium matrum ululatus, & flebiles querelæ audiebantur.

A. C. 430. C A P. III. Inter hæc procedit inops ènavi sua imperator, sordida servilique tunica discinctus: ad cuius conspectum plangentium agmina junguntur. Ipse quoque manus ad cælum tendens, nunc sortem suam, nunc publicam fortunam deflet: nunc deos accusat, qui tanta belli decora, & tot ornamenta victoriarum, quæ ipsi dederant, abstulerint: qui captis tot urbibus, totiesque hostibus terrestri navalique praelio victis, exercitum victorem, non bello, sed peste deleverint. Deferre se tamen civibus suis non modica solatia, quod malis eorum hostes gaudere, non gloriari possent. Quippe cum neque eos qui mortui sunt,

5. Alii, agitant.

6. Vid. Diod. Sic. l. 13. 14.

a se occisos; neque eos qui reversi sunt, a se fugatos possint dicere. Prædam, quam relictis a se castris abstulerint, non esse talem, quam velut spoliū victi hostis ostentent: sed quam possessione vacua, fortuitis dominorum mortibus, sicuti caduca occuparint. Quod ad hostes pertinet, victores se recessisse; quod ad pestem, victos. Nihil tamen se gravius ferre, quam quod inter fortissimos viros mori non potuerit, servatusque sit non ad vitæ jucunditatem, sed ad ludibrium calamitatis. Quāquam ubi miseras copiarum reliquias Carthaginem reduxerit, se quoque sequuturum commilitones suos; ostensurumque patriæ, non ideo se in eam diem vixisse, quoniam velit vivere: sed ne hos, quibus nefanda lues pepercerat, inter hostium exercitus relictos, morte sua proderet. Tali vociferatione per urbem ingressus, ut ad limina domus suæ venit, persecutam multitudinem velut postremo alloquio dimisit: obseratisque foribus, ac nemine ad se, ne filiis quidem admissis, mortem sibi conscivit.

2. Diod. l. 14.

LIBER XX.

BREVARIUM CAPITUM.

1. *Dionysius, Sicilia tyrannus, Græciæ magnæ incolas bello aggreditur.*
2. *Metapontinorum origo & fata.*
3. *Crotoniensium & Lacrensium bella.*
4. *Pythagoras philosophus Crotoni. res ad frugalitatem revocat.*

R 3

5. Diony-

5. *Dionysius, victis Locrensis, Crotonienses
adoritur, quos relinquit ab Hannone retra-
ctus, & tandem suorum infidiis opprimitur.*

C A P. I.

A. C.
390.

Dionysius à Sicilia Carthaginienſibus pul-
ſis, occupatoque totius inſulæ imperio,
grave otium regno ſuo, periculofamque
deſidiam tanti exercitus ratus, copias in Ita-
liam trajecit: ſimul ut militum vires conti-
nuo labore acuerentur, & regni fines profer-
rentur. Prima illi militia adverſus Græcos,
qui proxima Italici maris litora tenebant,
fuit: quibus devictis, finitimos quoſque ag-
greditur, omneſque Græci nominis Italiam
poſſidentes, hoſtes ſibi deſtinat: quæ gentes
non partem, ſed univerſam ferme Italiam ea
tempeſtate occupaverant. Denique multæ ur-
bes adhuc poſt tantam vetuſtatem veſtigia
Græci moris oſtentant. Namque Tuſcorum
populi, qui oram inferi maris poſſident, à Ly-
dia venerunt: & Venetos, quos incolæ ſupera
maris videmus, capta & expugnata Troja,
Antenore dace, miſit: Adria quoque Illyrico
mari proxima, quæ & Adriatico mari nomen
dedit, Græca urbs eſt; Arpos Diomedes ex-
ciſo Iljo, naufragio in ea loca delatus, condi-
dit. Sed & Piſæ in Liguribus Græcos aucto-
res habent: & in Tuſcis, Tarquinii à Theſſa-
lis, & Spina in Umbris: Peruſini quoque
originem ab Achæis ducunt. Quid Ceren ur-
bem dicam? Quid Lâtinis populos, qui ab
Ænea conditi videntur? Jam Faliſci, No-
lani, Abellani, nonne Chalcidenſium coloni

1. Sic N. W. C. Alii omittunt Illi. Vid. Diod. Sic. l. 14.

sunt?

sunt? Quid tractus omnis Campaniæ? quid Bruttii, Sabinique? Quid Samnites? Quid Laurentini? quos Lacedæmone profectos, Spuriisque vocatos accepimus? Thurinorum urbem condidisse Philocteten ferunt, ibique adhuc monumentum ejus visitur: & Herculis sagittæ in Apollinis templo, quæ fatum Trojæ fuere.

CAP. II. Metapontini quoque in templo Minervæ ferramenta, quibus Epeus, à quo conditi sunt, equum Trojanum fabricavit, ostentant. Propter quod omnis illa pars Italiæ, major Græciâ appellata est. Sed principio originum Metapontini cum Sybaritanis & Crotoniensibus pellere ceteros Græcos Italia statuerunt. Cum primum urbem Sirim cepissent, in expugnatione ejus quinquaginta juvenes amplexos Minervæ simulacrum, sacerdotemque deæ velatum ornamenti, inter ipsa altaria trucidaverunt. Ob hæc cum peste & seditionibus vexarentur, priores Crotonienses Delphicum oraculum adierunt. Responsum his est, finem mali fore, si violatum Minervæ numen, & inrerfectorum manes placassent. Itaque cum statuas juvenibus justæ magnitudinis, & imprimis Minervæ fabricare cœpissent, Metapontini, cognito oraculo deorum, occurrendam manium & deæ pacem rati, juvenibus modica & lapidæa simulacra ponunt, & deam panificiis placant. Atque ita pestis utrobique sedata est, cum alteri magnificentia, alteri velocitate certassent. Recuperata sanitate, non diu Crotonienses quiescere. Itaque indignantes, in oppugnatione Siris, auxilium contra se à Locrensisibus latum bellum his intulerunt. Quo metu

metu territi Locrenses, ad Spartanos decurrunt: auxilium supplices deprecantur. Illi * longinqua militia gravati, auxilium à Castore & Polluce petere eos jubent. Neque legati responsum sociæ urbis spreverunt: profectique in proximum templum, facto sacrificio, auxilium deorum implorant. Litatis hostiis, obtentoque, ut rebantur quod petebant, haud secus læti, quam si deos ipsos secum avecturi essent: pulvinaria iis in navi componunt, faustisque profecti omnibus, solatia suis, pro auxiliis deportant.

C A P. III. His cognitis, † Crotonienses & ipsi legatos ad oraculum Delphos mittunt, victoriæ facultatem, bellicque prosperos eventus deprecantes. Responsum, prius votis hostes, quam armis vincendos. Cum vovissent Apollini decimas prædæ, Locrenses & voto hostium, & responso dei cognito, nonas voverunt; tacitamque eam rem habuere, ne votis vincerentur. Itaque cum in aciem processissent, & Crotonensium centum viginti milia armatorum constitissent, Locrenses paucitatem suam circumspicientes (nam sola quindecim millia militum habebant) omissa spe victoriæ, in destinatam mortem conspirant; tantusque ardor ex desperatione singulos cepit, ut victores se putarent, si non inulti morerentur. Sed dum mori honeste quærent, feliciter vicerunt: Nec alia causa victoriæ fuit, quam quod desperaverunt. Pugnantibus Locris, aquila ab acie nunquam recessit, eosque tamdiu circumvolavit, quoad vincerent.

In

* Rectius, longinquam militiam. Hic.
V. C. 424. Locri migraverunt in
Italiam Euseb. c. non. P. ut. in Æmili.

2. Vid. Strab. l. 6. Cic. de nat. Deor.
l. 1.

3. Porius.

In cornibus quoque duo juvenes diverso a ceteris armorum habitu, eximia magnitudine, & albis equis, & coccineis paludamentis, pugnare visi sunt, nec ultra apparuerunt, quam pugnatum est. Hanc admirationem auxit incredibilis famæ velocitas. Nam eadem die, qua in Italia pugnatum est, & Corintho, & Athenis, & Lacedæmone nuntiata est victoria.

CAP. IV. Post hæc Crotoniensibus nulla virtutis exercitatio, nulla armorum cura fuit. Oderant enim quæ infeliciter sumserant; mutassentque vitam luxuria, ni Pythagoras philosophus fuisset. Hic Sami Demarato 3 locu- A. C. plete negotiatore natus, magnisque sapientiæ 567. incrementis 4 formatus, Ægyptum primo, A. C. mox Babyloniam ad perdiscendos siderum 547. motus, originemque mundi spectandam profectus, summam scientiam consequutus erat. A. C. 525. Indo regressus, Cretam & Lacedæmona, ad cognoscendas Minois & Lycurgi inclytas ea tempestate leges, contenderat. Quibus omnibus instructus, Crotonam * venit, popu- A. C. lumque in luxuriam lapsum, auctoritate sua 508. ad usum frugalitatis revocavit. Laudabat quotidie virtutem; & vitia luxuriæ, casusque civitatum ea peste perditarum enumerabat; tantumque studium multitudinis ad frugalitatem provocavit, ut aliquos ex his luxuriatos incredibile videretur. Matronarum quoque separatam à viris doctrinam, & puerorum a parentibus frequenter habuit. Docebat nunc has pudicitiam, & obsequia in viros; nunc illos

1. Porius, Marmaro, Vid. Val. Max. 1. 8. Diog. Laert. 1. 8. Jamblic. in vita Pyth.

2. Sic W. C. Alii legunt, ornata.
* Venit Bruto Cos. Solin. c. 17.

illos modestiam, & literarum studium. Inter hæc velut genitricem virtutum frugalitatem omnibus ingerebat, consecutusque disputationum assiduitate erat, ut matronæ auratas vestes, ceteraque dignitatis suæ ornamenta, velut instrumenta luxuriæ deponerent, eaque omnia delata in Junonis ædem ipsi deæ consecrarent, præ se ferentes, vera ornamenta matronarum pudicitiam, non vestes esse. In juventute [quoque quantum profligatum sit, victi feminarum contumaces animi manifestant. Sed ccc. ex juvenibus cum sodalitiij jure * sacramento quodam nexi, separatam à ceteris civibus vitam exercerent, quasi cœtum clandestinæ conjurationis haberent, civitatem in se converterunt, quæ eos, cum in unam domum convenissent, cremare voluit. In quo tumultu Lx. ferme periire; ceteri in exilium profecti. Pythagoras autem cum annos * xx. Crotonæ egisset, Metapontum migravit, ibique decessit: cujus tanta admiratio fuit, ut ex domo ejus templum facerent; eumque pro deo colerent.

CAP. V. Igitur * Dionysius tyrannus, quem a. c. supra à Sicilia exercitum in Italiam trajecisse, bellumque Græcis intulisse memoravimus, expugnatis Locris, Crotonienses, vix vires longo otio ex prioris belli clade resumentes, aggreditur: qui fortius cum paucis tanto exercitui ejus, quam antea cum tot millibus Locrensiū paucitati restiterunt. Tantum virtutis paupertas adversus insolentes divitias habet, tantoque insperata interdum sperata victoria certior est. Sed Dionysium gerentem

* Faber vocem, velut, hic interponendam censet. son Chron. A. M. 3506.

* Annos X. ita legendum vult Sim-

* supra. §. 1.

bellum,

bellum, legati Gallorum, qui paucos ante ^{A. C.} menses Romam incenderant. societatem ami- ^{388.} citiamque petentes adeunt; gentem suam inter hostes ejus positam esse, magnoque usui ei futuram vel in acie bellanti, vel de tergo intentis in prælium hostibus affirmant. Grata legatio Dionysio fuit. Ita pacta societate, & auxiliis Gallorum auctus, bellum velut ex integro restaurat. His autem ⁶ Gallis causa in Italiam veniendi, sedesque novas quærendi, intestina discordia, & assidue domi dissensiones fuere: quarum tædio, cum in Italiam venissent, sedibus Tuscos expulerunt; & Mediolanum, Comum, Brixiam, Veronam, Bergomum, Tridentum, Vicentiam condiderunt. Tusci quoque, duce Rhæto, aviris sedibus amissis, Alpes occupavere: & ex nomine ducis gentes Rhætorum condiderunt. Sed Dionysium in Siciliam adventus Carthaginensium revocavit: qui reparato exercitu, bellum quod lue deseruerant, auctis viribus repetebant. Dux belli Hanno Carthaginensis ^{A. C.} erat: cujus inimicus Suniatus, potentissimus ^{383.} ea tempestate Pœnorum, cum odio ejus, Græcis literis, Dionysio adventum exercitus, & segnitiam ducis familiariter prænuntiasset, comprehensis epistolis, prodicionis damnatur: facto senatus consulto, ne quis postea Carthaginensis, aut literis Græcis, aut sermoni studeret; ne aut loqui cum hoste, aut scribere sine interprete posset. Nec multo post Dionysius, quem paulo ante non Sicilia, non Italia capiebat, assidue belli certaminibus vi-

A. C. 368. *ctus fractusque; insidiis, sed postremum, suorum interficitur.*

L I B E R XXI.

B R E V I A R I U M C A P I T U M.

1. *Dionysii junioris artes tyrannicæ describuntur.*
2. *Ejusdem luxuria, crudelitas, doli, exilium, tyrannis in Locrenses.*
3. *Callido commento Locrenses spoliât, & obtruncat, ac Syracusas per prodicionem recipit.*
4. *Hannonis, tyrannidem Carthaginî occupare tentantis, tr. gædia.*
5. *Dionysius junior, Sicilia ejectus, Corinthi moratur.*
6. *Hamilcarem, cognomine R'odanum, Alexandri consilia speculatum, ingrati Carthaginenses interficiunt.*

C A P. I.

A. C. 368. **E**Xtincto in Sicilia Dionysio tyranno, in locum ejus milites maximum natu ex filiis ejus, nomine Dionysium, suffecere; & naturæ ejus secuti, & quod firmitus tuturum esse regnum, si penes unum remansisset, quam si portionibus inter plures filios divideretur, arbitrabantur. Sed Dionysius inter initia regni, avunculos fratrum suorum, velut æmulos imperii sui, hortatoresque puerorum ad divisionem regni, tollere gestiebat. Quare pau-

1. Vidi Diocl. Sic. l. 15. Plut. & Corn. Nep. in Dion.

lisper dissimulatum animum prius ad favorem popularium conciliandum intendit; excusatus facturus quod statuerat, si probatus ante omnibus foret. Igitur nexorum tria millia è carcere dimittit, tributa populo per triennium remittit; & quibuscunque delinimentis potest, animos omnium sollicitat. Tunc ad destinatum facinus conversus, non cognatos tantum fratrum, sed etiam ipsos interficit: ut quibus consortium regni debebat, ne spiritus quidem consortium relinqueret, tyrannidem in suos prius quam in externos aspiciat.

CAP. II. ² Sublatis deinde æmulis, in seg- A.C.
nitiam lapsus, saginam corporis ex nimia lu- 359.
xuria, oculorumque valetudinem contraxit, adeo ut non solem, non pulverem, non denique splendorem ferre lucis ipsius posset. Propter quæ dum contemni se putat, sævitia grassatur; nec ut pater, carcerem nexis, sed cædibus civitatem replet. Ob quæ non contemtor omnibus, quam invisior fuit. Itaque cum bellum adversus eum Syracusani decrevis-
sent, diu dubitavit, imperium deponeret, an bello resisteret. Sed à militibus prædam & A.C.
urbis direptionem sperantibus, descendere 357.
in prælium cogitur. Victus, cum iterato non A.C.
felicius fortunam tentasset, legatos ad Syracu- 356.
sanos mittit, spondens se depositurum tyrannidem, si mitterent ad eum, quibuscum sibi de pace conveniret. In quam rem missos primores, in carcere retinet, atque ita incautis omnibus, nec quicquam hostile metuentibus, exercitum ad delendam civitatem mittit. Fit igitur in ipsa urbe anceps prælium: in quo A.C.
356.

2. Vid. Diod. Sic. l. 16. Plut. in Dion. Ælian. var. hist. l. 9. Strab. l. 6.

oppidanis multitudine superantibus, Dionysius pellitur : qui cum obsidionem arcis timeret, cum omni regio apparatu in Italiam profugit tacitus. Exul à Locrensisbus sociis exceptus, velut jure regnaret, arcem occupat ; solitamque sibi sævitiam exercet. Conjuges principum ad stuprum rapi jubebat : virgines ante nuptias abducebat, stupratasque sponsis reddebat : locupletissimos quosque aut civitate pellebat, aut occidi imperabat, bonaque eorum invadebat.

A. C. C A P. III. Dein cum rapinæ occasio de-
 353. esset, universam civitatem callido commento circumvenit. Cum Rheginorum tyranni Leophronis bello Locrenses premerentur, voverant, si victores forent, ut die festo Veneris virgines suas prostituerent. Quo voto intermisso, cum adversa bella cum Lucanis gererent, in concionem eos Dionysius vocat : hortatur, ut uxores filiasque suas in templum Veneris, quam possint ornatissimas mittant : ex quibus sorte ductæ centum, voto publico fungantur, religionisque gratia, uno stent in lupanari mense, omnibus ante juratis viris, ne quis ullam attamenet. Quæ res ne virginibus, voto civitatem solventibus, fraudi esset, decretum facerent, ne qua virgo nuberet, priusquam illæ maritis traderentur. Probato consilio, quo & superstitioni & pudicitæ virginum consulebatur, certatim omnes fæminæ impensius exornatæ, in templum Veneris conveniunt : quas omnes Dionysius, immisissis militibus, spoliat, ornamentaque matronarum in prædam suam vertit. Quarundam viros ditiores interficit, quasdam ad prodendas virorum pecunias torquet. Cum his artibus per
 annos

annos sex regnasset. conspiratione Locrorum civitate pulsus, in Siciliam redit. Ibi Syracusas securis omnibus, post longam interapedinem pacis, per prodicionem recepit.

A. C.
346.

CAP. IV. Dum hæc in Sicilia geruntur, interim in Africa princeps Carthaginienfium Hanno opes suas, quibus vires reipubl. superabat, ad occupandam dominationem intendit, regnumque invadere, interfecto senatu, conatus est. Cui sceleri solennem nuptiarum diem filiæ suæ legit, ut religione votorum, nefanda commenta facilius tegerentur. Itaque plebi epulas in publicis porticibus, senatui in domo sua parat, ut poculis veneno infectis, secretius senatum & sine arbitris interficeret, orbamque rempubl. facilius invaderet: Quare magistratibus per ministros prodita, scelus declinatum, non vindicatum est, ne in viro tam potenti plus negotii faceret res cognita, quam cogitata. Contenti itaque cohibuisse, decreto modum nuptiarum sumtibus statuunt; idque observari non ab uno, sed ab universis jubent, ne persona designata, non vitia correctæ viderentur. Hoc consilio præventus, iterum servitia concitat, statutaque rursus cædium die, cum denuo se proditum videret, timens iudicium, munitum quoddam castellum cum viginti militibus fervorum armatis occupat. Ibi dum Afros, regemque Maurorum concitat, capitur, virgisque cæsus, effossis oculis, & manibus cruribusque fractis, velut à singulis membris pœnæ exigerentur, in conspectu populi occiditur: corpus verberibus lacerum in crucem figitur. Filii quoque, cognatique omnes, etiam innoxii, supplicio traduntur, ne quisquam aut ad imitandum sce-

A. C.
343.

lus, aut ad mortem ulciscendam, ex tam nefaria domo superesset.

A. C.

346.

C A P. V. Interea 3 Dionysius Syracusis receptus, cum gravior crudeliorque indies civitati esset, iterata conspiratione obsidetur.

A. C.

344.

Tunc deposito imperio, arcem Syracusanis cum exercitu tradit; receptoque privato in-

A. C.

343.

strumento, Corinthum in exilium proficiscitur. Ibi humillima quæque tutissima existimans, in sordidissimum vitæ genus descendit: non contentus in publico vagari, sed potare: nec conspici in popinis lupanaribusque, sed totis diebus desiderare: cum perditissimo quoque de minimis rebus disceptare, pannosus* & squalidus incedere; risum libentius præbere, quam captare; in macello perstare; quod emere non poterat, oculis devorare; apud ædiles adversus lenones jurgari; omniaque ita facere, ut contemnendus magis, quam metuendus videretur. Novissime ludimagistrum professus, pueros in trivio docebat, ut aut à timentibus semper in publico videretur, aut à non timentibus facilius contemneretur. Nam licet tyrannicis vitiis semper abundaret; tamen simulatio hæc vitiorum, non naturæ erat; magisque hæc arte, quam amisso regali pudore faciebat, expertus quam invisa tyrannorum forent etiam sine opibus nomina. Laborabat itaque invidiam præteritorum, contemtu præsentium demere: neque honesta, sed tuta consilia circumspiciebat. Inter has tamen dissimulationum artes, insimulatus est affectatæ tyrannidis, nec aliter quam dum contemnitur, liberatus est.

1. Vid. Diad. Sic. l. 16. Plut. & Corn. Nep. in Timoleon, Æliag. var. hist. l. 9.

* Sic N. C. W. Alii addunt, quæ.

CAP. VI. Inter hæc Carthaginienses tanto successu rerum Alexandri Magni exterriti, verentes ne Persico regno & Africam vellet adungere, mittunt ad speculandos ejus animos Hamilcarem, cognomento Rhodanum, virum solertia facundiaque præter ceteros insignem. Augebant enim metum & Tyrus urbs, A. G. 332. auctor originis suæ, capta : & Alexandria æmula Carthaginis, in terminis Africæ & Ægypti condita : & felicitas regis, apud quem A. C. 332. nec cupiditas, nec fortuna ullo modo terminabantur. Igitur Hamilcar per Parmenionem A. C. 330. aditu regis obtento, profugisse se ad regem expulsam patria fingit, militemque se expeditionis offert. Atque ita consiliis ejus exploratis, in tabellis ligneis, vacua desuper cera inducta, civibus suis omnia perscribebat. Sed * Carthaginienses post mortem regis reversum in patriam, quasi urbem regi venditasset, non ingrato tantum, verum etiam & crudeli animo, necaverunt.

* Vid. III. 16. 4. Edit. Juncina, invido & crudeli.

LIBER XXII.

BREVARIUM CAPITUM.

1. *Agathoclis Sicilia tyranni pueritia, adolescentia, misera conditio, felicitas bellica, nova dignitas, perfidia, crudelitas, tyrannis.*
2. *Carthaginienses in Hamilcarem proditorem tacita suffragia ferunt.*
3. *Bella Agathoclis.*
4. *Syraculis à Carthaginiensibus obsessis, Agathocles audaci consilio bellum in Africam infert.*

5. *Exposito in litore Africa exercitu, gravi oratione suos ad pugnam accendit.*
6. *Discussa superstitionis nebula, & navibus incensis, Carthaginienses prælio superat, & urbes nobilissimas recipit.*
7. *Siciliam Carthaginienses relinquere coguntur, & infelicitè cum Agathocle pugnant in Africa. Fatum acerbum Ophellæ & Bomilcaris.*
8. *Agathocles totius Siciliae imperium occupat: in Africam reuersus infelicitè pugnat: castra deserit: unde militum defectio: filiorum Agathoclis mors cruenta: & Agathoclis pax inita cum Carthaginiensibus.*

C A P. I.

A. C. 317. **A**gathocles Siciliae tyrannus, qui magnitudini prioris Dionysii successit, ad regni maiestatem ex humili & sordido genere pervenit. Quippe in Sicilia patre figulo natus, [non honestiorem pueritiam, quam principia originis habuit. Siquidem forma & corporis pulcritudine egregius, diu vitam stupri patientia exhibuit. Annos deinde pubertatis egressus, libidinem à viris ad feminas transtulit. Post hæc apud utrumque sexum famosus, vitam latrociniis mutavit. Interjecto tempore, cum Syracusas concessisset, ascitusque in civitatem inter incolas esset, diu sine fide fuit; quoniam nec in fortunis quod amitteret, nec in verecundia quod inquinaret, habere videbatur: in summa gregariam militiam sortitus, non minus tunc seditiosa, quam antea turpi vita, in omne facinus promptissimus

1. Vid. Diad. Sic. l. 15. Plut. in Agathocle; Polyb. l. 10.

erāt. Nam & manu strenuus, & in concionibus perfacundus habebatur. Brevis itaque centurio, ac deinceps tribunus militum factus est. Primo bello adversus Ætnæos magna experimenta sui Syracusanis dedit. Sequenti Campanorum, tantam de se spem omnibus fecit, ut in locum demortui ducis Damasconis sufficeretur. Cujus uxorem adulterio cognitam, post mortem viri in matrimonium recepit. Nec contentus quod ex inope repente dives factus esset, piraticam adversus patriam exercuit. Saluti ei fuit, quod socii capti tortique, de illo negaverunt. Bis occupare imperium Syracusarum voluit: bis in exilium actus est.

CAP. II. A Murgantinis, apud quos exulabat, odio Syracusanorum, primo prætor, mox dux creatur. In eo bello & urbem Leontinorum capit, & patriam suam Syracusas obsidere coepit: ad cujus auxilium Hamilcar, dux Poenorum, imploratus, depositis hostilibus odiis, præsidia militum mittit. Ita uno eodemque tempore Syracusæ, & ab hoste, civili amore defensæ; & à cive, hostili odio impugnatae sunt. Sed Agathocles, cum videret fortius defendi urbem quam oppugnari, precibus per internuntios Hamilcarem exorat, ut inter se & Syracusanos pacis arbitria suscipiat, peculiaria in ipsum officia sua repromittens. Qua spe impletus Hamilcar, societatem cum eo, metu potentiae ejus jungit: ut quantum virium Agathocli adversus Syracusanos dedisset, tantum ipse ad incrementa domesticæ potentiae reciperaret. Igitur non pax tantum Agathocli conciliatur: verum etiam prætor Syracusis constituitur. Tunc Hamil-

A. C.
314-

A. C.
314-

cari,

cari, expositis ignibus² cereis, tactisque, in obsequia Pœnorum jurat. Deinde acceptis ab eo quinque millibus Afrorum, potentissimos quosque ex principibus interficit: atque ita veluti reip. statum formaturus, populum in theatrum ad concionem vocari jubet, contracto in gymnasio senatu, quasi quædam prius ordinaturus. Sic compositis rebus, immittis militibus populum obsidet; senatum trucidat: cujus peracta cæde, ex plebe quoque locupletissimos & promptissimos interficit.

C A P. III. His ita gestis, militem legit, exercitumque conscribit: quo instructus, finitimas civitates nihil hostile metuentes, ex improviso aggreditur. Pœnorum quoque socios, permittente Hamilcare³ foedis injuriis vexat: propter quod querelas Carthaginem socii non tam de Agathocle, quam de Hamilcare detulerunt: hunc ut dominum & tyrannum, illum ut proditorem arguentes: à quo infestissimo hosti, fortunæ sociorum, interposita pactione, donatæ sint: sicut ab initio Syracusæ in pignus societatis sint traditæ, urbs semper Pœnis infesta, & de imperio Siciliæ Carthaginis æmula: nunc insuper civitates sociorum eidem titulo pacis addictas. Denuntiare igitur se, hæc brevi ad ipsos redundatura, ac propediem sensuros, quantum malum non Siciliæ magis, quam ipsi Africæ attulerint. His querelis senatus in Hamilcarem accenditur. Sed quoniam in imperio esset, tacita de eo suffragia tulerunt, & sententias, priusquam recitarentur, in urnam conjectas obsignari jusserunt, dum alter Hamilcar, Gifgonis filius, à Sicilia reverteretur. Sed hæc

2. Aliqui, Cereis legunt. 3. Sic N. Alii legunt, fide vexat.

callida commenta Pœnorum, 4 & sententias, inaudita mors Hamilcaris prævenit; liberatusque est fati munere, quem sui per injuriam cives inauditum damnaverant. Quæ res Agathocli adversus Pœnos occasionem movendi belli dedit. Prima igitur illi cum Hamilcare, Gisgonis filio, prælii congressio fuit: à quo A. C. 311. victus, majore mole reparaturus bellum Syracusas concessit. Sed secundi certaminis eadem fortuna, quæ & prioris, fuit.

CAP. IV. Cum igitur victores Pœni Syracusas obsidione cinxissent, Agathoclesque se neque viribus parem, neque ad obsidionem ferendam instructum videret; super hæc à fociis crudelitate ejus offensis, desertus esset; A. C. 310. statuit bellum in Africam transferre: mira prorsus audacia, ut quibus in solo urbis suæ par non erat, eorum urbi bellum inferret; & qui sua tueri non poterat, impugnaret aliena; victusque victoribus insultaret. Hujus consilii non minus admirabile silentium, quam commentum fuit. Populo hoc solum professus, invenisse se victoriæ viam: animos illi tantum in brevem obsidionis patientiam firmarent: vel si cui status præsentis fortunæ displiceret, dare se ei discedendi liberam potestatem. Cum mille sexcenti discessissent, ceteros ad obsidionis necessitatem frumento & stipendio instruit: quinquaginta tantum secum talenta ad præsentem usum aufert, cetera ex hoste melius, quam ex fociis paraturus. Omnes deinde servos, militaris ætatis, libertate donatos,

4. Locum hunc ita restituendum: concipiendum: commenta Pœnorum, esset Feber, ut vocis ista, & sententias, hinc ita paulo post mors, &c.
inaudita, deleantur, aut ita periodum

tos, sacramento adegit, eosque ad majorem partem ferme militum navibus imponit; ratus exæquata utriusque ordinis conditione, mutuam inter eos virtutis æmulationem futuram: ceteros omnes ad tutelam patriæ reliquit.

A. C. 310. CAP. V. Septimo igitur imperii anno, comitibus duobus adultis filiis, Archagatho & Heraclida, nullo militum sciente quo vereretur, cursum in Africam dirigit. Cum omnes aut in Italiam prædatum se, aut in Sardiniam ituros crederent, tum primum, exposito in Africæ litore exercitu, consilium suum omnibus aperit. Quæ in loco Syracusæ positæ sint, ostendit: quibus aliud nullum auxilium superesset, quam ut hostibus faciant, quæ ipsi pariantur. Quippe aliter domi, aliter foris bella tractari. Domi ea sola auxilia esse, quæ patriæ vires subministrant: foris hostem etiam suis viribus vinci, deficientibus sociis, & odio diuturni imperii externa auxilia circumspicientibus. Huc accedere, quod urbes castellaque Africæ, non muris cinctæ, non in montibus positæ sint, sed in planis campis, sine ullis munimentis jaceant: quas omnes metu excidii facile ad belli societatem perlici posse. Majus igitur Carthaginensibus ab ipsa Africa, quam ex Sicilia exarsurum bellum, coituraque auxilia omnium adversus unam urbem, nomine quam opibus ampliolem, & quas non attulerit vires, inde sumpturum. Nec in repentino Pœnorum metu, modicum momentum victoriæ fore, qui tanta audacia hostium perculsi, trepidaturi sint. Accessura & villarum incendia, castellorum urbiumque contumacium direptionem,

nem, tum ipsius Carthaginis obsidionem. Quibus omnibus non sibi tantum in alios, sed & aliis in se sentient patere bella. His non solum Pœnos vinci, sed & Siciliam liberari posse. Nec enim moraturos in ejus obsidione hostes, cum sua urgeantur. Nusquam igitur alibi facilius bellum, sed nec prædam uberiores inveniri posse. Nam capta Carthagine, omnem Africam Siciliamque præmium victorum fore. Gloriam certe tam honestæ militiæ tantam in omne ævum futuram, ut terminari nullo tempore oblivione possit; ut dicatur eos solos mortalium esse, qui bella, quæ domi terre non poterant, ad hostes transtulerint, victique victores insecuti sint, & obsessores urbis suæ obsederint. Omnibus igitur forti ac læto animo bellum ineundum, quo nullum aliud possit aut præmium victoribus uberius, aut victis monumentum illustrius dare.

CAP. VI. His quidem adhortationibus animi militum erigebantur: sed terrebat eos portenti religio, quod navigantibus eis, sol defecerat. Cujus rei rationem non minore cura rex, quam belli reddebat, affirmans, si prius quam proficiscerentur, factum esset, crediturum adversum profecturos prodigium esse: nunc quia egressis acciderit, illis ad quos eat portendere. Porro defectus naturalium siderum semper præsentem rerum statum mutare; certumque esse florentibus Carthaginensium opibus, adversisque rebus suis, commutationem significari. Sic consolatis militibus, universas naves, consentiente exercitu, incendi jubet, ut omnes scirent, auxilio fugæ adempto, aut vincendum, aut moriendum esse. Deinde cum omnia, quacunque ingrederentur,

A. C.
310.
Aug.
15.

rur, profternerent, villas castellaque incende-
 rent, obuius eis fuit cum xxx. millibus Pœ-
 A. C. norum Hanno : fed prælio commiffo, duo de
 310. Siculis, tria millia de Pœnis cum ipfo duce
 A. C. cecidere: Hac victoria & Siculorum animi
 309. eriguntur, & Pœnorum franguntur. Agathoc-
 cles, victis hostibus, urbes castellaque expug-
 nat, prædas ingentes agit, hostium multa mil-
 A. C. lia trucidat. Castra deinde quinto lapide à
 308. Carthagine ftatuit, ut damna cariffimarum
 rerum, vastitatemque agrorum, & incendia
 villarum, de muris ipsius urbis specularentur.
 Interea ingens tota Africa deleri Pœnorum
 exercitus fama, occupatarumque urbium, di-
 vulgatur. Stupor itaque omnes & admiratio
 incessit, unde tanto imperio tam subitum
 bellum, præsertim ab hoste jam victo : admi-
 ratio deinde paulatim in contemptum Pœno-
 rum vertitur. Nec multo post, non Afri tan-
 tum, verum etiam urbes nobiliffimæ novita-
 tem fequutæ, ad Agathoclem defecere ;
 frumentoque & stipendio victorem instru-
 xere.

CAP. VII. His Pœnorum malis etiam de-
 letus in Sicilia cum imperatore exercitus, ve-
 lut quidam ærumnarum cumulus accessit.
 Nam post profectiorem à Sicilia Agathoclis,
 in obsidione Syracusarum Pœni feigniores
 reddit, ab Antandro, fratre regis Agathoclis,
 occidione cæsi nuntiabantur. Itaque cum
 domi forisque eadem fortuna Carthaginien-
 fium effet, jam non tributariæ tantum ab his
 urbes, verum etiam socii reges deficiebant,
 amicitiarum iura non fide, fed successu pon-
 derantes. Erat inter ceteros, rex Cyrenarum
 & Ophellas,

5 Ophellas, qui spe improba, regnum totius Africae amplexus, societatem cum Agathocle per legatos junxerat; pactusque cum eo fuerat, ut Siciliae illi, sibi Africae imperium, victis Carthaginienſibus, cederet. Itaque cum ad belli societatem cum ingenti exercitu ipse venisset, Agathocles blando alloquio, & humili adulatione, cum saepius simul coenassent, adoptatusque filius ejus ab Ophella esset, incautum interficit: occupatoque exercitu ejus, iterato, Carthaginienſes omnibus viribus bellum cientes, magno utrisque exercitus sanguine, gravi praelio superat. Hoc certaminis discrimine tanta desperatio illata Poenis est, ut nisi in exercitu Agathoclis orta seditio fuisset, transiturus ad eum Bomilcar, rex Poenorum, cum exercitu fuisset. Ob quam noxam in medio foro à Poenis patibulo suffixus est: ut idem locus monumentum suppliciorum ejus esset, qui ante fuerat ornamentum honorum. Sed Bomilcar magno animo crudelitatem civium tulit; adeo ut de summa cruce, veluti de tribunali, in Poenorum scelera concionaretur: objectans illis, nunc Hannonem falsa affectati regni invidia circumventum: nunc Gisgonis innocentis exilium; nunc in Hamilcarem patruum suum tacita suffragia, quod Agathoclem socium illis facere, hostem maluerit. Haec cum in maxima populi concione vociferatus esset, expiravit.

A. C.
308.A. C.
307.A. C.
307.

CAP. VIII. Interea Agathocles profligatis in Africa rebus, tradito Archagatho filio exercitu,

† Diod. I. 16. Sic appellat, ut & Demet. & Pausan. in Corinth. Editi passim habent Aphellai.

A. C. exercitu, in Siciliam recurrit: nihil actum
 397. in Africa existimans, si amplius Syracusæ ob-
 siderentur. Nam post occisum Hamilcarem,
 Gisgonis filium, novus eo à Pœnis missus
 exercitus fuerat. Statim igitur primo adventu

A. C. ejus omnes Siciliæ urbes, auditis rebus quas in
 397. Africa gesserat, certatim se ei tradunt; atque
 ita pulsus è Sicilia Pœnis, totius insulæ imperi-
 um occupavit. In Africam deinde reversus, se-
 ditione militum excipitur. Nam stipendio-
 rum solutio in adventum patris, dilata à filio
 fuerat. Igitur ad concionem vocatos, blandis
 verbis permulsi: stipendiis illis non à se fla-
 gitanda esse, sed ab hoste quærenda: com-
 munem victoriam, communem prædam futu-
 ram. Paulum modo anniterentur, dum belli
 reliquæ peraguntur, cum sciant, Carthagi-
 nem captam, spes omnium expleturam. Se-
 dato militari tumultu, interjectis diebus, ad
 castra hostium exercitum ducit: ibi inconsul-
 tius prælium committendo, majorem partem
 exercitus perdidit. Cum itaque in castra fu-
 gisset, versamque in se invidiam temere com-
 missi belli videret, pristinamq; offensam non
 depensi stipendii metueret; concubia nocte
 solus à castris cum Archagatho filio profugit.
 Quod ubi milites cognovere; haud secus
 quam si ab hoste capti essent, trepidavere:
 Bis se à rege suo in mediis hostibus relictos
 esse proclamantes; salutemque suam deser-
 tam ab eo esse, quorum ne sepultura quidem
 relinquenda fuerit. Cum persequi regem vel-
 lent, à Numidis excepti, in castra revertun-
 tur; comprehenso tamen reductoque Archag-
 atho, qui à patre noctis errore decesserat.
 Agathocles autem navibus, quibus reversus
 à

à Sicilia fuerat, cum custodibus earundem Syracusas defertur. Exemplum flagitii singulare, rex exercitus sui defertor, filiorumque pater proditor. Interim in Africa post fugam regis, milites pactione cum hostibus facta, interfectis Agathoclis liberis, Carthaginien-sibus tradidere. Archagathus cum occideretur ab Arcesilao, amico antea patris, rogavit eum quidnam liberis ejus facturum Agathoclem putet, per quem ipse liberis careat? Tunc respondit, satis habere se, quod superstitēs eos esse Agathoclis liberis sciat. Post hæc Pœni ad persequendum belli reliquias, duces in Siciliam miserunt, cum quibus Agathocles pacem æquis conditionibus fecit.

A. C.

307.

A. C.

306.

LIBER XXII.

BREVARIUM CAPITUM.

1. *Agathocles transiit in Italiam adversus Brutios, quorum origo & potentia paucis perstringitur.*
2. *Agathocles vi morbi expugnatus revertitur in Siciliam, ubi turba domestica; qua uxorem & liberos Agathoclis in Ægyptum pellunt. Agathoclis obitus.*
3. *Pyrrhi Epirotæ bella & res gestæ, cum in Sicilia, tum in Italia.*
4. *Hieronis, Siciliæ Principis laudatissimi, dignitas & virtus.*

A Gathocles, rex Siciliae, pacificatus cum Carthaginienſibus, partem civitatum, a se fiducia virium diffidentem, armis subegit. Dein quasi angustis insulae terminis clauderetur, cujus imperii partem primis incrementis ne speraverat quidem, in Italiam transcendit; exemplum Dionysii secutus, qui multas civitates Italiae subegerat. Primi igitur hostes illi Bruttii fuere, qui & fortissimum, & opulentissimum videbantur, simul & ad injurias vicinorum prompti. Nam multas civitates Graeci nominis Italia expulerant: auctores quoque suos Lucanos bello vicerant, & pacem cum his, æquis legibus fecerant. Tanta feritas animorum erat, ut nec origini suae parcerent. Namque Lucani iisdem legibus liberos suos, quibus & Spartani, instituere soliti erant. Quippe ab initio pubertatis, in silvis inter pastores habebantur; sine ministerio servili, sine veste quam induerent, vel cui incubarent; ut a primis annis duritiae parcimoniaeque, sine ullo usu urbis, assuescerent. Cibus his praeda venatica, potus, aut lactis, aut fontium liquor erat. Sic ad labores bellicos indurabantur. Horum igitur ex numero quinquaginta primo ex agris finitimorum praedari soliti, confluyente deinde multitudine, sollicitati praeda, cum plures facti essent, infestas regiones reddebant. Itaque fatigatus querelis sociorum Dionysius, Siciliae tyrannus, sexcentos Afros ad compescendos eos miserat, quorum castellum proditum sibi per Bruttiā

mulierem, expugnaverunt; ibique civitatem, concurrentibus ad opinionem novæ urbis pastōribus, statuerunt; Bruttioque se ex nomine mulieris vocaverunt. Primum illis cum Lyncanis, originis suæ auctoribus, bellum fuit. Qua victoria erecti, cum pacem æquo jure fecissent, ceteros finitimos armis subegerunt; tantasque opes brevi consecuti sunt, ut perniciosi etiam regibus haberentur. Denique Alexander, rex Epiri, quum in auxilium Græcarum civitatum, cum magno exercitu, in Italiam venisset, cum omnibus copiis ab his deletus est. Quare feritas eorum, successu felicitatis incensa, diu terribilis finitimis fuit. Ad postremum imploratus Agathocles, spe ampliandi regni, à Sicilia in Italiam trajecit.

CAP. II. Principio adventus ejus opinione concussi, legatos ad eum, societatem amicitiamque petentes, miserunt. Quos Agathocles ad coenam invitatos, ne exercitum trajici viderent, in posterum statuta his die, 3 consensu navibus frustratus est. Sed fraudis haud lætos eventus fuit: siquidem reverti eum in Siciliam, interjectis paucis diebus, vis morbi coegit, quo toto corpore comprehensus, per omnes nervos articulosque humore pestifero grassante, velut intestino singulorum & membrorum bello impugnabatur. Ex qua desperatione bellum inter filium nepotemque ejus, regnum jam quasi mortui vindicantibus, oritur: occiso filio, regnum nepos occupavit. Igitur Agathocles, cum morbi cura & ægritudo graviores essent, & inter se alterum alterius malo cresceret: desperatis rebus, uxorem

3. Vld. Liv. Dec. 1. l. 8.

1. MS. consensu nova.

4. Sic N. W. C. Alii emittunt, nam-

brum.

* Edm. Just. vindicantibus & puto post occisum filio.

T 1

5. Porta

orem suam⁵ Texenam, genitosque ex ea duos parvulos, cum omni pecunia, & familia, regalique instrumento, quo præter illum nemo regum ditior fuit, navibus impositos Ægyptum, unde uxorem acceperat, remittit; timens ne prædonem regni sui, hostem paterentur. Quanquam uxor diu, ne ab ægro divelleretur, deprecata est, ne discessus suus adungi nepotis parricidio posset; & tam cruenta hæc deseruisse virum, quam ille impugnasse avum videretur; Nubendo se non prosperæ tantum, sed omnis fortunæ inisse societatem: nec invitam periculo spiritus sui emturam, ut extremos viri spiritus exciperet; & exequiarum officium, in quod, profecta se, nemo sit successurus, obsequio debitæ pietatis impleret. Discedentes parvuli, debili ululatu amplexi patrem tenebant. Ex altera parte uxor maritum, non amplius visura, oculis fatigabat. Nec minus senis lacrymæ miserabiles erant. Flebant hi morientem patrem; ille exules liberos: hi discessu suo solitudinem patris, ægri senis; ille in spem regni susceptos relinqui in egestate lugebat. Inter hæc regia omnis assistentium fletibus tam crudelis discidii impleta, resonabat. Tandem finem lacrymis necessitas profecti-

A. C. 289. onis imposuit, & mors regis proficiscentes filios insequuta est. Dum hæc aguntur, Carthaginienses, cognitis quæ in Sicilia agebantur, occasionem totius insulæ occupandæ datam sibi existimantes, magnis viribus contra-

A. C. 286. jiciunt; multasque civitates subigunt.

A. C. 277. CAP. III. Eo tempore & * Pyrrhus adver-

⁵. Forte Theoxenam. * Vid. Plut. in vita Pyrrhi, Pausan. in Anic. Flor. l. 1, Frontin. l. 1. Orof. 4. 1.

fus Romanos bellum gerebat; qui imploratus à Siculis in auxilium, sicuti * dictum est, cum Syracusas venisset, multasque civitates subegisset, rex Siciliæ, sicut Epiri appellatur. Quarum rerum felicitate lætus, Heleno filio Siciliæ, velut avitum (nam susceptus ex filia Agathoclis regis erat) Alexandro autem Italiæ regnum destinat. Post hæc, multa secunda prælia cum Carthaginienſibus facit. Interjecto deinde tempore, legati ab Italicis sociis venere, nuntiantes, Romanis resisti non posse, deditionemque futuram nisi subveniat. Anxius tam ambiguo periculo, incertusque quid ageret, vel quibus primum subveniret, in utrumque pronus consultabat. Quippe instantibus hinc Carthaginienſibus, inde Romanis, periculosum videbatur exercitum in Italiam non trajicere: periculosius, à Sicilia deducere; ne aut illi non lata ope, aut hi deserti amitterentur. In hoc æstu periculorum, tutissimus portus consiliorum visus est, omnibus viribus decernere in Sicilia; & profligatis Carthaginienſibus, victorem exercitum transponere in Italiam. Itaque conserto prælio, cum superior fuisset, quoniam tamen à Sicilia abiret, pro victo fugere visus est: ac propterea socii ab eo defecerunt, & imperium Siciliæ tam cito amisit, quam facile quæsierat. Sed nec in Italia meliore felicitate usus, in Epirum revertitur. Admirabilis utriusque rei casus, in exemplum fuit. Nam sicut ante secunda fortuna, rebus supra vota fluentibus, Italiæ Siciliæque imperium, & tot de Romanis victorias adstruxerat: ita nunc adversa, velut in ostentationem fragilitatis humanæ, destruens quæ cumulaverat, Siciliensi ruinæ

A. G.

276.

A. C.

275.

A. C. naufragium maris, & scedam adversus Ro-
275. manos pugnam, turpemque ab Italia disces-
sum adiecit.

A. C. CAP. IV. Post profectiōem à Sicilia Pyr-
275. rhi, magistratus⁶ Hiero creatur; cujus tanta
moderatio fuit, ut consentiente omnium ci-
vitatium favore, dux adversus Carthaginien-
ses primum, mox rex crearetur. Hujus futuræ
majestatis, ipsa infantis educatio quasi præ-
nuntia fuit: quippe genitus erat patre⁷ Hie-
rocle, nobili viro, cujus origo à⁸ Gelone,
antiquo Siciliæ tyranno, manabat: sed ma-
ternum illi genus sordidum, atque adeo pu-
dendum fuit. Nam ex ancilla natus, ac pro-
pterea à patre, velut dehonestamentum gene-
ris, expositus fuerat. Sed parvulum, & hu-
manæ opis egentem, apes, congesto circa ja-
centem melle, multis diebus aluere. Ob quam
rem responso aruspicum admonitus pater, qui
regnum infanti portendi caneant, parvulum
recolligit, omnique studio ad spem majestatis,
quæ promittebatur, instituit. Eidem in ludo
inter coæquales discenti lupus tabulam, in tur-
ba puerorum repente conspectus, eripuit.
Adolescenti quoque, prima bella ineunti, a-
quila in clypeo, noctua in hasta consedit.
Quod ostentum, & consilio cautum, & manu
promptum, regemque futurum significabat.
Denique adversus provocatores sæpe pugna-
vit, semperque victoriam reportavit. A Pyr-
rho rege multis militaribus donis donatus est.
Pulcritudo ei corporis insignis, vires quoque
& in homine admirabiles fuere: in colloquio

⁶ Vid. *Ælian. var. hist.* l. 9. Theoc.
& *Pindar.*

⁷ *Pausan.* l. 9. impressi legebant, *hominis,*
Hieroclyto, & Gelo.

⁸ Omittebat forsan voces, in ho-
mine. *Faber* legendum censet, ut in

blandus,

blandus, in negotio justus, in imperio moderatus: prorsus ut nihil ei regium deesse, præter regnum, videretur.

LIBER XXIV.

BREVARIUM CAPITUM.

1. Græciæ civitates aliæ in alias assurgunt.
2. Ptolemæi Macedonis in sororem Arsinoën conspiratio.
3. Incestuosæ Ptolemæi & Arsinoes nuptiæ, tragicis casibus solvuntur.
4. Gallorum, qui Ptolemæum vicerunt & interfecerunt, in Macedoniam irruptio.
5. Quo stratagemate Ptolemæum aggressi sint, & opprefferint. Macedonum luctus & instauratio.
6. Alia Gallorum Brenno Duce in Græciam expeditio: & de spoliatione Delphici templi consilium. Hujus templi & oraculi descriptiones.
7. Brenni & aliorum consultatio, de templi oppugnati ne; & hortatio ad milites.
8. Oppugnatio irrita, & clades Gallici exercitus Brenno interfecto.

CAP. I.

DUm hæc in Sicilia geruntur, interim in Græcia dissidentibus inter se bello Ptolemæo Cerauno, & Antiocho, & Antigono, regibus: omnes ferme Græciæ civitates, ducibus Spartanis, velut occasione data, ad spem libertatis erectæ, missis invicem legatis,

A. C.
280.

tis, per quos in societatis foedera alligarentur, in bellum prorumpunt: &, ne cum Antigono, sub cujus regno erant, bellum cepisse viderentur, socios ejus Ætolos aggrediuntur, causas belli prætendentes, quod consensu Græciæ sacratum Apollini: Cirræum campum, per vim occupassent. Huic bello ducem deligunt Arean; qui adunato exercitu, urbes, satæque in his campis posita, depopulatur: quæ auferri non poterant, incendit. Quod cum è montibus conspicati Ætolorum pastores essent, congregati admodum quingenti, sparsos hostes, ignorantelque quanta manus esset, quoniam conspectum illis metus & incendiorum fumus abstulerat, consecantur, trucidatisque admodum novem millibus, prædones in fugam verterunt. Reparantibus deinde Spartanis bellum, auxilium multæ civitates negaverunt, existimantes, dominationem eos, non libertatem Græciæ, quærere. Interea inter reges bellum finitur: nam

A. C.
280.

Ptolemæus, pulso Antigono, cum regnum totius Macedoniæ occupasset, pacem cum Antiocho facit; affinitatemque cum Pyrrho, data ei in matrimonium filia sua, jungit.

A. C.
280.

C A P. II. Exinde externo metu deposito, impium & facinorosum animum ad domestica scelera convertit, insidiasque¹ Arsinoe sorori suæ instruit: quibus & filios ejus vita, & ipsam Cassandreae urbis possessione privaret. Primus ei dolus fuit, simulato amore, sororis matrimonium petere: aliter enim ad sororis filios, quorum regnum occupaverat, quam concordiae fraude pervenire non poterat. Sed

¹. Vid. Pausan. in Phoc. Diog. l. 16. Plin. l. 4.

². Vid. Moma. apud Ptoz.

nota scelerata Ptolemæi voluntas sorori erat. Itaque non credenti, mandat, velle se cum filiis ejus regni consortium jungere : cum quibus non ideo se armis contendisse, quoniam eripere his regnum ; sed quod id facere sui muneris vellent. In hoc mitteret arbitrum jurisjurandi : quo præsentem apud deos patrios, quibus vellet obsecrationibus, se obligaret. Incerta Arsinoe quid ageret : si mitteret, decipi perjurio : si non mitteret, provocare rabiem fraternæ crudelitatis timebat. Itaque plus liberis, quam sibi timens, quos matrimonio suo protecturam se arbitrabatur, mittit ex amicis suis Codionem : quo perducto in sanctissimum Jovis templum, veterrimæ Macedonum religionis, Ptolemæus sumtis in manus altaribus, contingens ipsa simulacra & & pulvinaria deorum, inauditis ultimisque execrationibus adjurat, se sincera fide matrimonium sororis petere ; nuncupaturumque se eam reginam ; neque in contumeliam ejus se aliam uxorem, aliosve, quam filios ejus liberos habiturum. Arsinoe postquam & spe impleta est, & metu soluta, ipsa cum fratre colloquitur : cujus vultus, & blandientes oculi, cum fidem non minorem, quam jusjurandum promitterent, reclamante Ptolemæo filio fraudem subesse, in matrimonium trahit concedit.

CAP. III. Nuptiæ magno apparatu, lætitiæque omnium celebrantur. Ad concionem quoque vocato exercitu, capiti sororis diadema imponit, reginamque eam appellat. Quo nomine in lætitiā effusa Arsinoe, quia quod morte Lyfimachi prioris mariti amiserat, receperat ; ultro virum in urbem suam Cassandream

A. C.
180.

dream invitat, cujus urbis cupiditate fraus struebatur. Prægressa igitur virum, diem festum urbi in adventum ejus indicit: domos, templa, ceteraque omnia exornari jubet: aras & ubique hostiasque disponi: filios quoque suos, Lyfimachum sexdecim annos
 280. natum, Philippum triennio [minorem, utrumque forma insignem, coronatos occurrere jubet. Quos Ptolemæus ad celandam fraudem, cupide & ultra modum veræ affectionis amplexus, osculis diu fatigat. Ubi ad portam ventum est, occupari arcem jubet; pueros interfici. Qui cum ad matrem confugissent, in gremio ejus, inter ipsa oscula trucidantur, proclamante Arsinoe, quod tantum nefas aut nubendo, aut post nuptias contraxisset. Pro filiis sæpe se percussoribus obtulit: frequenter corpore suo puerorum corpora amplexata protexit: vulneraque excipere, quæ liberis intendebantur, voluit. Ad postremum etiam spoliata funeribus filiorum, scissa veste, & crinibus sparsis, cum duobus servulis ex urbe protracta, Samothraciam in exilium abiit; eo miserior, quod mori cum filiis ei non licuit. Sed nec Ptolemæo inulta scelera fuerunt. Quippe diis immortalibus tot perjuria, & tam cruenta parricidia vindicantibus, brevi post à Gallis spoliatus regno, captusque, vitam ferro, ut, meruerat, amisit.

CAP. IV. Namque Galli, abundanti multitudine, cum eos non caperent terræ quæ genuerant, trecenta millia hominum ad sedes novas quærendas, velut & ver sacrum miserunt.

1. N. Legit, utique.

4. Vid. Pausan. in Phoc. & Arrie. Diod. Sic. l. 22, quid ver sacrum, di-

secundum ex Liv. 22. & alibi, Euseb. in Chron. Plin. 2. 12. Strab. l. 5. Dion. Hal. c. l. 2.

runt. Ex his portio in Italia confedit, quæ & urbem Romanam captam incendit; & portio Illyricos sinus, ducibus avibus (nam augurandi studio Galli præter ceteros callent) per strages Barbarorum penetravit, & in Pannonia confedit: gens aspera, audax, bellicosa, quæ prima post Herculem, cui ea res virtutis admirationem & immortalitatis fidem dedit, Alpium s. invicta juga, & frigore intractabilia loca transcendit: ibi domitis Pannoniis, per multos annos cum finitimis varia bella gesserunt. Hortante deinde successu, divisis agminibus, alii Græciam, alii Macedoniam, omnia ferro proterentes, petivere. Tantusque terror Gallici nominis erat, ut etiam reges non laceffiti, ultro pacem ingenti pecunia mercarentur. Solus rex Macedoniæ * Ptolemæus, adventum Gallorum intrepidus audiuit; hisque cum paucis & incompositis, quasi bella non difficiliora, quam scelera patrarentur, parricidiorum furis agitated, occurrit. Dardanorum quoque legationem, viginti millia armatorum in auxilium offerentem, sprexit; addita insuper contumelia, actum de Macedonia dicens, si cum totum Orientem soli domuerint, nunc in vindictam finium Dardaniæ egeant: milites se habere filios eorum, qui sub Alexandro rege stipendia, toto orbe terrarum victores, tegerint. Quæ ubi Dardano regi nuntiata sunt, inclytum illud Macedoniæ regnum brevi, immaturi juvenis temeritate, casurum dixit.

CAP. V. Igitur Galli, duce Belgio, ad tentandos Macedonum animos, legatos ad Ptolemæum mittunt, offerentes pacem, si emere

5. Pro, invicta, Faber, invia, legendum fortiter * Paus. in Aëtic. & Phoc.

velit : sed Ptolemæus inter suos, belli metu pacem Gallos petere gloriatus est. Nec minus ferociter se legatis, quam inter amicos jactavit ; aliter se pacem daturum negando, nisi principes suos obsides dederint, & arma tradiderint : non enim fidem se, nisi inermibus habiturum. Renuntiata legatione, risere

A. C. Galli, undique acclamantes, brevi sensurum,
279. sibi an illi consulentes, pacem obtulerint. Interjectis diebus, prælium confertur, victique Macedones cæduntur. Ptolemæus multis vulneribus faucibus capitur : caput ejus amputatum, & lancea fixum, tota acie ad terrorem hostium circumfertur. Paucos ex Macedonibus fuga servavit : ceteri aut capti, aut occisi. Hæc cum nuntiata per omnem Macedoniam essent, portæ urbium clauduntur ; luctu omnia replentur : nunc orbitatem amissorum filiorum dolebant : nunc excidia urbium metuebant : nunc Alexandri, Philippique regum suorum nomina, sicuti numina, in auxilium vocabant : sub illis se non solum tutos, verum etiam victores orbis terrarum extitisse, ut tuerentur patriam suam, quam gloria rerum gestarum cælo proximam reddidissent ; ut opem afflictis ferrent, quos furor & temeritas Ptolemæi regis perdidisset, orabant. Desperantibus omnibus, non votis agendum Sosthenes unus de Macedonum principibus ratus, contracta juventute, & Gallos victoria exultantes compescuit ; & Macedoniam ab hostili populatione defendit. Ob quæ virtutis beneficia, multis nobilibus regnum Macedoniæ affectantibus, ignobilis ipse præponitur : & cum rex ab exercitu appellatus esset, ipse non in regis, sed ducis nomen jurare milites compulit.

C A P.

CAP. VI. Interea ⁶ Brennus, quo duce portio Gallorum in Græciam se effuderat, audita victoria suorum, qui Belgio duce Macedones vicerant; indignatus parta victoria opimam prædam, & Orientis spoliis onustam tam facile relictam esse, ipse adunatis CL. millibus peditum, & xv. millibus equitum, in Macedoniam irrumpit. Cum agros villasque popularetur, occurrit ei cum instructo exercitu Macedonum Sosthenes: sed pauci à piuribus, trepidi à valentibus facile vincuntur. Itaque cum victi se Macedones intra muros urbium condidissent; victor Brennus, nemine prohibente, totius Macedoniæ agros deprædat. Inde quasi terrena jam spolia sorderent, animum ad deorum immortalium templa convertit, scurriliter jocatûs, locupletes deos largiri hominibus oportere. Statim igitur Delphos iter vertit, prædam religioni, aurum offensæ deorum immortalium præferens, quos nullis opibus egere, ut qui eas largiri hominibus soleant, affirmabat. Templum autem Apollinis Delphis positum est in monte Parnasso, in rupe undique impendente: ibi civitatem frequentia hominum fecit: quia d⁷ affirmationem majestatis undique concurrentes, in eo saxo consedere: atque ita templum & civitatem non muri, sed præcipitia: nec manu facta, sed naturalia præsidia, defendunt: prorsus ut incertum sit, utrum munimentum loci, an majestas dei plus hic admirationis habeat. Media saxi rupes in formam theatri recessit. Quamobrem & ho-

A. C.
279:A. C.
278:

⁶. Vid. Pausan. in Phoc. Appian. in Mlyr. Diod. Epit. l. 12 Strab. l. 9. & quidem melius, ait Voss. Forte, admiratione.
⁷. Ad admirationem, Edit. Junctas

minum clamor, & si quando accedit tubarum sonus, personantibus & respondentibus inter se rupibus; multiplex audiri, ampliorque quam editur, resonare solet. Quæ res majorem majestatis terrorem ignaris rei, & admirationem stupentibus plerumque affert. In hoc rupis anfractu, media terme montis altitudine, planities exigua est, atque in ea profundum terræ foramen, quod in oracula patet: ex quo frigidus spiritus, vi quadam velut vento in sublime expulsi, mentes vatum in vecordiam vertit; impletasque deo, responsa consulentibus dare cogit. Multa igitur ibi & opulenta regum populorumque visuntur munera; quæque magnificentia sui, reddentium vota gratam voluntatem, & deorum responsa manifestant.

A. C.
278.

CAP. VII. Igitur Brennus cum in conspectu haberet templum, diu deliberavit, an confestim rem aggrederetur; an vero fessis viâ militibus, noctis spatium ad resumendas vires daret. Emanus & Thessalorus duces, qui se ad prædæ societatem junxerant, amputari moras jubent, dum imparati hostes, & recens adventus sui, terrore esset: interjecta nocte & animos hostibus, forsitan & auxilia accessura; & viasquæ tunc pateant, obstructum iri. Sed Gallorum vulgus ex longa inopia, ubi primum vino, ceterisque com meatibus referta rura invenit, non minus abundantia, quam victoria lætum, per agros se sparserat; desertisque signis, ad occupanda omnia pro victoribus vagabantur. Quæ res dilationem Delphis dedit. Prima namque opinione adventus Gallorum prohibiti agrestes oraculis feruntur, messes vinaque villis efferre. Cujus
rei

rei salutare præceptum non prius intellectum est, quam vini ceterarumque copiarum abundantia, velut mora, Gallis objecta, auxilia finitimorum convenere Prius itaque urbem suam Delphi, aucti viribus sociorum, permunivere, quam Galli vino, velut prædæ, incubantes, ad signa revocarentur. Habebat Brennus lecta ex omni exercitu peditum sexaginta quinque millia; Delphorum sociorumque non nisi quatuor millia militum erant, quorum contemptu Brennus ad acuendos suorum animos, prædæ ubertatem omnibus ostendebat, statuasque cum quadrigis, quarum ingens copia procul visebatur, solido auro fusas esse; plusque in pondere, quam in specie habere prædæ affirmabat.

CAP. VIII. Hac asseveratione incitati Galli, simul & hesterno mero saucii, sine respectu periculorum in bellum ruebant. Contra Delphi plus in deo, quam in viribus repONENTES, cum contemptu hostium resistebant, scandentesque Gallos è summo montis vertice, partim saxo, partim armis obruebant. In hoc partium certamine, repente universorum templorum antistites, simul & ipsi vates, sparsis crinibus, cum insignibus atque infulis, pavidi vecordesque in primam pugnantium aciem procurrunt; advenisse deum clamant; eumque se vidisse desilientem in templum per culminis aperta fastigia. Dum omnes opem dei suppliciter implorant, juvenem supra humanum modum insignis pulcritudinis, comitesque ei duas armatas virgines, ex propinquis duabus Dianæ Minervæque ædibus occurrisse; nec oculis tantum hæc se perspexisse; audisse etiam stridorem arcus, ac strepitum

pitum armorum; proinde ne cunctarentur, diis antesignanis, hostem cedere, & victoriæ deorum socios se adungere, summis obsecrationibus monebant. Quibus vocibus incensi, omnes certatim in prælium profiliunt. Præsentiam dei & ipsi statim sentire; nam & terræ motu portio montis abrupta, Gallorum stravit exercitum, & confertissimi cunei non sine vulneribus hostium dissipati ruebant. Insecuta deinde tempestas est, quæ grandine & frigore saucios ex vulneribus absumsit. Dux ipse Brennus, cum dolorem vulnerum ferre non posset, pugione vitam finivit. Alter ex ducibus, punitis belli auctoribus, cum decem millibus sauciorum citato agmine Græcia excedit. Sed nec tugientibus fortuna commodior fuit; siquidem pavidis nulla sub tectis acta nox; nullus sine labore & periculo dies; assidui imbres & gelu, nix concreta, & fames, & lassitudo, & super hæc maximum pervigiliæ malum, miseris infelicitis belli reliquias obterebat. Gentes quoque nationesque, per quas iter habebant, palantes velut prædā sectabantur. Quo pacto evenit, ut nemo ex tanto exercitu, qui paulo ante fiducia virium etiam adversus deos contendebat, vel ad memoriam tantæ cladis superesset.

L I B E R XXV.

B R E V I A R I U M C A P I T U M.

1. *Gallorum in Antigonum, Macedonia Regem, conspiratio.*
2. *Dum ad prædā currunt, præda sunt ipsi, & Antigonus pacem obtinet: Nomen Gallorum*

lorum formidabile & armorum invicta felicitas.

3. Pyrrhus Macedonia potitur, Antigono ejecto.

4. Pyrrhus, dum monarchiam seminat, à Spartanis mulieribus atteritur.

5. Pyrrhus apud Argos occiditur, cujus elogium & rerum summam Justinus subjicit.

CAP. I.

INter duos reges, Antigonom & Antiochum, statuta pace, cum in Macedoniam A. C. 277.
Antigonus reverteretur, novus eidem repente hostis exortus est. Quippe Galli, qui à Brenno duce, cum in Græciam proficisceretur, ad terminos gentis tuendos relictī fuerant, ne soli desides viderentur, peditum quindecim millia, equitum tria millia armaverunt; fugatisque Getarum Triballorumque copiis, Macedoniae imminentes, legatos ad regem miserunt, qui pacem ei venalem offerrent, simul & regis castra specularentur. A. C. 276.
Quos Antigonus pro regali munificentia, ingenti apparatu epularum ad coenam invitavit. Sed Galli expositum grande auri argentique pondus admirantes, atque praeda ubertate sollicitati, infestiores quam venerant, revertuntur. Quibus & elephantos ad terrorem, velut inusitatas Barbaris formas, rex ostendi iusserat, & naves onustas copiis demonstrari: ignarus, quod quibus ostentatione virium, metum se injicere existimabat, eorum animos ut ad opimam prædam sollicitabat. Itaque legati ad suos reversi, omnia in majus extolles, opes pariter & negligentiam regis ostendunt

stendunt: referta auro & argento castra; sed neque vallo, fossave munita: & quasi satis munimenti in divitiis haberent, in eos omnia officia militaria intermisisse: prorsus quasi ferri auxilio non indigerent, quoniam abundarent auro.

- A. C. - CAP. II. Hac relatione, avidæ gentis ani-
 276. mi satis ad prædā incitabantur. Accedebat tamen & exemplum Belgii, qui non magno ante tempore Macedonum exercitum cum re-
 279. ge trucidaverat. Itaque consentientibus om-
 A. C. nibus, nocte castra regis aggrediuntur: qui
 276. præfertiens tantam tempestatem, signum pridie dederat, ut omnibus rebus ablatiis, in proxima silva taciti se occultarent. Neque aliter servata castra, quam quod deserta sunt. Siquidem Galli, ubi omnia vacantia, nec sine defensoribus modo, verum etiam sine custodibus vident, non fugam hostium, sed dolum arbitantes, diu intrare portas timuerunt. Ad postremum integris & intactis munimentis, scrutantes potius quam diripientes, castra occupaverunt. Tunc ablatiis quæ invenerant, ad litus convertuntur. Ibi dum naves incautus diripiunt, à remigibus, & ab exercitus parte, quæ eo cum conjugibus & liberis confugerant, nihil tale metuentes trucidantur: tantaque cædes Gallorum fuit, ut Antigono pacem opinio hujus victoriæ, non à Gallis tantum, verum etiam à finitimorum feritate præstiterit. Quamquam Gallorum ea tempestate tantæ foecunditatis juvenus fuit, ut Asiam omnem velut examine aliquo implerent: Denique neque reges Orientis sine mercenario Gallorum exercitu ulla bella gesserunt: neque pulsi regno ad alios quam ad Gallos consu-

confugerunt. Tantis terror¹ Gallici nominis, & armorum invicta felicitas erat, ut aliter neque majestatem suam tutari, neque amissam recipere se posse sine Gallica virtute arbitrarentur. Itaque in auxilium a Bithyniæ rege invocati, regnum cum eo parva victoria dividerunt, eamque regionem Gallogræciam cognominaverunt. A. C. 178.

CAP. III. Dùm hæc in Asia geruntur, interim in Sicilia² Pyrrhus à Pœnis navali prælio victus, ab Antigono Macedoniæ rege supplementum militum per legatos petit: denuntians, ni mittat, redire se in regnum necesse habere, incrementa rerum, quæ de Romanis voluerit, de ipso quaesitum. Quod ubi negatum legati retulerunt, dissimulatis causis, repentinam fingit profectionem. Socios interim parare bellum jubet: arcis Tarentinæ custodiam Heleno filio, & amico Miloni tradit. Reversus in Epirum, statim fines Macedoniæ invadit: cui Antigonus cum exercitu occurrit: victusque prælio in fugam vertitur. Atque ita Pyrrhus Macedoniam in deditiorem accipit; & veluti damna amissæ Siciliæ Italiæque acquisito Macedoniæ regno pensasset, relictum Tarenti filium & amicum arcessit. Antigonus autem cum paucis equitibus, fugæ comitibus, repente fortunæ ornamentis destitutus, amissi regni speculaturus eventum, Thessalonicam se recepit; ut inde cum conductâ Gallorum mercenaria manu bellum repararet. Rursus à Ptolemæo Pyrrhi filio funditus victus, cum septem comitibus fugiens, non jam recipiendi regni spem, sed A. C. 174.

¹. Vid. Liv. Dec. 4. l. 8. Memn. apud Phot. c. 20. Paul. in Phoc.

². Vid. Plut. in Pyrrho. Pausan. in Attic.

salutis latebras, ac fugæ solitudines captat.

A. C. 271. CAP. IV. Igitur Pyrrhus in tanto fastigio regni collocatus, jam nec eo, ad quod votis perveniendum fuerat, contentus, Græciæ

Asiæque regna meditatur. Neque illi major ex imperio, quam ex bello voluptas erat: nec quisquam Pyrrhum, qua tulisset impetum, sustinere valuit. Sed ut ad devincenda regna invictus habebatur: ita devictis acquisitisque celeriter carebat. Tanto melius studebat acquirere imperia, quam retinere. Itaque cum

A. C. 271. copias 3 Peloponneso transposuisset, legationibus Atheniensium, & Achæorum, Messeniorumque excipitur. Sed & Græcia omnis admiratione nominis ejus, simul & rerum adversus Romanos Pœnosque gestarum gloria attonita, adventum ejus expectabat. Primum illi bellum adversus Spartanos fuit: ubi majore mulierum, quam virorum virtute exceptus, Ptolemæum filium, & exercitus partem robustissimam amisit. Quippe oppugnantem urbem, ad tutelam patriæ tanta multitudo feminarum concurrit, ut non fortius victus, quam yerecundius, recederet. Porro Ptolemæum filium ejus, adeo strenuum & manu fortem fuisse tradunt, ut urbem Coreyræ cum sexaginta ceperit: item prælio navali quinquæremem ex scapha cum septem insiluerit, captamque tenuerit; in oppugnatione quoque Spartanorum usque in mediam urbem equo procurrerit; ibique concursu multitudinis interfectus sit. Cujus corpus ut relatum patri est, dixisse Pyrrhum ferunt, aliquanto

3. Passim legitur Chersones; sed in Attic. & Eacæ, Valer. Max. sequentiis tantis comprobant, vitio scrib. lib. 7. Strabon. l. 8. primum. Vid. Plut. in Pyrrh. Paulan.

quanto tardius eum, quam timuerit ipse, vel temeritas ejus meruerit, occisum esse.

CAP. V. Repulsus à Spartanis Pyrrhus, A. C. Argos petit: ibi, dum Antigonum in urbe ^{272.} clausum expugnare conatur, inter confertissimos violentissime dimicans, saxo de muris ictus occiditur: caput ejus Antigono refertur: qui victoria mitius usus, filium ejus Helenum, cum Epirotis, sibi deditum, in regnum remisit, eique insepulti patris ossa in patriam referenda tradidit. Satis constans inter omnes auctores fama est, nullum nec ejus, nec superioris ætatis regem comparandum Pyrrho fuisse; raroque non inter reges tantum, verum etiam inter illustres viros, aut vitæ sanctioris, aut justitiæ probatoris visum fuisse: Scientiam certe rei militaris in illo viro tantam fuisse, ut cum Lyfimacho, Demetrio, Antigono, tantis regibus bella gerens, invictus semper fuerit. Illyriorum quoque, Sicularum, Romanorumque, & Carthaginiensium bellis, nunquam inferior, plerumque etiam victor extiterit: qui patriam certe suam angustam ignobilemque, fama rerum gestarum, & claritate nominis sui, toto orbe illustrem reddiderit.

LIBER XXVI.

BREVARIUM CAPITUM.

1. Peloponnesii per proditionem Antigoni traduntur. Aristotimus tyrannus Epirotas affligit, & Hellanici prudentia opprimitur.
2. Antigonus Gallis occurrit, qui in furorem versi conjuges & liberos suos trucidant: deinde

deinde Numinis vindicta omnes internecione
delentur Antigoni variis casus.

3. Alexander, Pyrrhi filius, in regnum resti-
tuitur. Regni Cyrenarum turbulentus sta-
tus.

C A P. I.

Post mortem Pyrrhi non in Macedonia
tantum, verum etiam in Asia Græciaque
magni bellorum motus fuere. Nam &
Peloponnesii per prodicionem Antigono tra-
diti; & variante hominum partim dolore,
partim gaudio, prout singulæ civitates auxi-
lium de Pyrrho speraverant, aut metus susti-
nuerant, ita aut cum Antigono societatem
jungebant, aut mutuis inter se odiis in bellum
ruebant. Inter hunc turbatarum provincia-
rum motum, Epirorum quoque urbs ab Ari-
stotimo principe per tyrannidem occupatur:
à quo cum multi ex primoribus occisi, plures
in exilium acti essent, Ætolis per legatos po-
stulantibus, conjuges liberosque exulum red-
deret, primo negavit; postea quasi poeniteret,
proficiscendi ad suos omnibus matronis pote-
statem dedit; diemque protectionis statuit.
Illæ, quasi in perpetuum cum viris exulaturæ,
pretiosissima quæque auferentes, cum ad por-
tam, quasi uno agmine profecturæ, convenis-
sent, omnibus rebus exspoliaturæ, in carcerem
recluduntur; occisis prius in gremio matrum
parvulis liberis, virginibusque ad stuprum
direptis. Ad tam sævam dominationem stu-
pen-

1. Passim legitur Epirorum, sed a-
bunde constat, nimirum ex Plur. &
Pentha, Aristotimum Elæorum fuisse

Tyrannum, quos Epios, seu Epios
appellatos, ex Homero, & Dionys. He-
lic, manifestum est.

2. Passim

pentibus omnibus, princeps eorum Hellenicus, senex, & liberis orbus, ut qui nec ætatis nec pignoris respectu timeret, contractos domum fidissimos amicorum in vindictam patriæ hortatur. Cunctantibus privato periculo publicum finire, & deliberandi spatium postulantibus, arcessitis servis jubet obserari fores; tyrannoque nuntiari, mitteret qui conjuratos apud se comprehenderet; objectans singulis, se quia liberandæ patriæ auctor esse non possit, desertæ ultorem futurum. Tunc illi ancipiti periculo circumventi honestiorem viam eligentes, conjurant in tyranni necem: atque ita Aristotimus, quinto postquam tyrannidem occupaverat mense, opprimitur.

CAP. II. Interea Antigonus cum multi-
 plici bello, & Ptolemæi regis, & Spartano-
 rum, premeretur; novusque illi hostis Gal-
 logræciæ exercitus affluxisset: in speciem ca-
 strorum parva manu adversus ceteros relicta,
 adversus Gallos totis viribus proficiscitur.
 Quibus cognitis, Galli, cum & ipsi se prælio
 pararent, in auspicia pugnae hostias cædunt:
 quarum extris cum magna cædes, interitusque
 omnium prædiceretur, non in timorem, sed
 in furorem versi, sperantesque deorum minas
 expiari cæde suorum posse; conjuges & libe-
 ros suos trucidant, auspicia belli à parricidio
 incipientes. Tanta rabies feros animos in-
 vaserat, ut non parcerent ætati, cui etiam ho-
 stes pepercissent, bellumque internecinum
 cum liberis, liberorumque matribus gere-
 rent, pro quibus bella suscipi solent. itaque
 quasi scelere vitam victoriamque redemissent,
 sicut erant cruenti ex recenti suorum cæde,

in prælium non meliore eventu, quam omine proficiscuntur. Siquidem pugnantes, prius parricidiorum furia, quam hostes circumvenire; obversantibusque ante oculos manibus interemtorum, omnes occidione cæsi. Tanta strages fuit, ut pariter cum hominibus dii consensisse in exitium parricidarum viderentur. Post hujus pugnae eventum, Ptolemæus & Spartani, victorem hostium exercitum declinantes, in tutiora se recipiunt. Antigonus quoque ubi eorum discessum videt, recenti adhuc ex priori victoria militum ardore, bellum Atheniensibus infert. In quo cum occupatus esset, interim Alexander rex Epiri ulcisci mortem patris Pyrrhi cupiens, fines Macedoniæ depopulatur. Adversus quem cum reversus à Græcia Antigonus esset, transi-
tione militum destitutus, regnum Macedoniæ cum exercitu amittit. Hujus filius Demetrius puer admodum, absente patre, reparato exercitu, non solum amissam Macedoniam recipit: verum etiam Epiri regno Alexandrum spoliatur. Tanta vel mobilitas militum, vel fortunæ varietas erat, ut vicissim reges, nunc exules, nunc reges viderentur.

- A. C. CAP. III. Igitur Alexander, cum exul ad
265. Acarnanas confugisset, non minore Epirotarum desiderio, quam sociorum auxilio, in regnum restituitur. Per idem tempus rex Cyrenarum a Magas decedit: qui ante infirmitatem, Berenicen unicam filiam, ad finiendam cum Ptolemæo fratre certamina, filio ejus desponderat. Sed post mortem regis, mater virginis Arsinoe, ut invita se contractum ma-

2. Ptolemæo legitur Agæ, sed contra eundem Pausan. Polyæn. & Athen. qui Mægastorem vocant.

trimonium solveretur, misit, qui ad nuptias virginis, regnumque Cyrenarum, Demetrium fratrem regis Antigoni à Macedonia arcesserent: qui & ipse ex filia Ptolemæi procreatus erat. Sed nec Demetrius moram fecit. Itaque cum secundante vento celeriter Cyrenas advolasset, fiducia pulcritudinis, qua nimis placere socrui coeperat, statim à principio superbus, regiæ familiæ, militibusque impotens erat; studiumque placendi à virgine in matrem contulerat. Quæ res suspecta primo virgini, dein popularibus militibusque invisa fuit. Itaque versis omnium animis in Ptolemæi filium, insidiæ Demetrio comparantur: cui cum in lectum socrus concessisset, percussores immittuntur. Sed Arsinoe audita voce filiæ, ad fores stantis, & præcipientis ut matri parceretur, adulterum paulisper corpore suo protexit. Quo interfecto, Berenice, & stupra matris, salva pietate, ultra est, & in matrimonio sortiundo, iudicium patris secuta.

A. C.
248.

LIBER XXVII.

BREVIARIUM CAPITUM.

1. *Seleucus moerem & fratrem infantem interfecit.*
2. *Classe naufragio amissa, civitates amissas recipit, prælio victus aufugit. auxilium noxium à fratre Antiocho Hierace petit & impetrat.*
3. *Alia lacerus factus. In Antiochum Hieracem & Seleucum Numinis vindicta.*

X 2

CAP:

A. C.
246.

MORTUO Syriae rege Antiocho, cum in locum ejus filius Seleucus successisset, hortante matre Laodice, quæ prohibere debuerat, auspicia regni à parricidio cœpit. Quippe Berenicen novercam suam, sororem Ptolemæi regis Ægypti, cum parvulo fratre ex ea suscepto interficit. Quo facinore perpetrato, & infamiae maculam subiit, & Ptolemæi bello se implicuit. Porro Berenice, cum ad se interficiendam missos didicisset, Daphnæ se claudit. Ubi cum obsideri

A. C.
246.

eam cum parvulo filio nuntiatum Asiæ civitatibus esset, recordatione paternæ, majorumque ejus, dignitatis, casum tam indignæ fortunæ miserantes, auxilia ei omnes misere. Frater quoque Ptolemæus periculo sororis exterritus, relicto regno, cum omnibus viribus advolat. Sed Berenice ante adventum auxiliorum, cum vi expugnari non posset, dolo circumventa trucidatur. Indigna res omnibus visa. Itaque cum universæ civitates, quæ defecerant, ingentem classem comparassent, repente exemplo crudelitatis exterritæ, simul & in ultionem ejus, quam defensuri erant, Ptolemæo se tradunt: qui nisi in Ægyptum domestica seditione revocatus esset, totum

A. C.
245.A. C.
245.

CAP. II. Post discessum Ptolemæi, Seleucus cum adversus civitates, quæ defecerant,

1. Vid. Appian. de reb. Syr. Hieron. in Dan. c. 11. Polyæn. Strateg. 1. 3. Val. Max. 1. 6.

2. Vid. Polyb. 1. 5 Joseph. 1. 11. contr. Apion. Polyæn. Strateg. Hieron. in Dan. cap. 11.

ingentem classem comparasset, repente veluti diis ipsis parricidium vindicantibus, orra tempestate classem naufragio amittit; nec quicquam illi ex tanto apparatu, præter nudum corpus, & spiritum, & paucos naufragii comites reliquos fortuna fecit. Misera quidem res, sed optanda Seleuco fuit: siquidem civitates, quæ odio ejus ad Ptolemæum transferant, velut diis arbitris satisfactum sibi esset, repentina animorum mutatione in naufragii misericordiam versæ, imperio se ejus restituant. Lætus igitur malis suis, & damnis ditior redditus; veluti par viribus, bellum Ptolemæo infert: Sed quasi ad ludibrium tantum fortunæ natus esset, nec propter aliud opes regni recepisset, quam ut amitteret, victus prælio, non multo quam post naufragium comitior, trepidus Antiochiam confugit. Inde ad Antiochum fratrem literas facit: quibus auxilium ejus implorat, oblata ei Asia, inter fines Tauri montis, in præmium lætæ opis. 4 Antiochus autem cum esset annos XIV. natus, supra ætatem regni avidus, occasione non tam pio animo, quam offerebatur, arripuit: sed latronis more, totum fratri eripere cupiens, puer sceleratam virilemque sumit audaciam. Unde Hierax est cognominatus: quia non hominis, sed accipitris ritu, in alienis eripiendis vitam sectaretur. Interea Ptolemæus cum Antiochum in auxilium Seleuco venire cognovisset, ne tam duobus uno tempore dimicaret, in annos decem cum Seleuco pacem facit: sed pax ab hoste data interpellatur & fratre; qui conducto Gallorum mercenario exercitu, pro auxilio

A. C.
244A. C.
243.A. C.
242.

1. Fornice gelius, manifest. 2. Vid. Strab. l. 16.

bellum, pro fratre hostem, imploratus exhibuit. In eo prælio virtute Gallorum victor quidem Antiochus fuit: sed Galli arbitantes Seleucum in prælio cecidisse, in ipsum Antiochum arma vertere: liberius depopulaturi Asiam, si omnem stirpem regiam extinxissent. Quod ubi sensit Antiochus, velut à prædonibus, auro se redimit, societatemque cum mercenariis suis jungit.

A. C. CAP. III. Interea rex Bithyniæ Eumenes,

242. sparsis consumtisque fratribus bello intestinæ discordiæ, quasi vacantem Asiæ possessionem invasurus, victorem Antiochum, Gallosque aggreditur. Nec difficile saucios adhuc ex superiore congressione, integer ipse viribus, superat. Ea namque tempestate omnia bella in exitium Asiæ gerebantur: uti quisque fortior fuisset, Asiam velut prædam occupabat. Seleucus & Antiochus fratres bellum, propter Asiam gerebant: Ptolemæus rex Egypti, sub specie sororiæ ultionis, Asiæ inhiabat. Hinc Bithynus Eumenes, inde Galli (humiliorum semper mercenaria manus) Asiam depopulabantur; cum interea nemo defensor Asiæ inter tot prædones inveniebatur. Victo Antiocho, cum Eumenes majorem partem Asiæ occupasset, ne tunc quidem fratres, perduto præmio, propter quod bellum gerebant, concordare potuerunt; sed omisso externo hoste, in mutuum exitium bellum reparant. In eo An-

A. C. 234. tiochus denuo victus, multorum dierum fuga fatigatus, tandem ad socerum suum, Artamenem, regem Cappadociæ, provehitur. A quo cum primum benigne exceptus esset, interjectis diebus, cognito quod insidiæ sibi

§. Ex *fid.* Epic. Diod. legendum censet Dosit. Vossius, Ariamnenem.

pararen-

pararentur, salutem fuga quæsit. Igitur cum profugo nusquam tutus locus esset, ad Ptolemæum hostem, cujus fidem tutiorem A. C. quam fratris existimabat, decurrit; memor 233. vel quæ facturum fratri esset, vel quæ meruisset à fratre. Sed & Ptolemæus non tam amicus dedito, quam hostis fratri, servari eum arctissima custodia jubet. Hinc quoque Antiochus opera cujusdam meretricis adjutus, quam A. C. 227. familiariter noverat, deceptis custodibus elabitur, fugiensque à latronibus interficitur. Seleucus quoque iisdem ferme diebus, amisso regno, equo præcipitatus, finitur. Sic fratres, quasi & 7 germanis casibus exules am- A. C. 226. bo, post regna, scelerum suorum poenas luerunt.

6. Locus, ex Justarum editione sic restituitur; in impressis, aliisquo passim legatur, Ptolemæus non amici debito, quam hostis factus: sensu

plane nullo.

7. Bongarsius legendum faceret, germani; sensu sane commodiore.

LIBER XXVIII.

BREVARIUM CAPITUM.

1. *Olympias, Alexandri Epirotæ vidua, Demetrio Macedoni Pethiam filiam dat uxorem; unde tragædia & bellorum initia.*
2. *Ætoli superbe respondent Romanis qui Acarnanibus patrocinebantur, & arma movent intrepide.*
3. *Filiis duobus morbo sublati Olympias non diu supervivit, Laodamia filia interfecta. Epirus graviter affligitur. Demetrius Macedo moritur. Hujus filii Philippi Antigonus tutelam suscipit, quam prudenter admi-*

ministrat.

4. *Bellum Antigoni adversus Spartanos, quorum Rex Cleomenes viribus attritis in Ægyptum profugit, ubi interficitur. Antigono mortuo, Philippus regnat.*

C A P. I.

A. C.
243.

Olympias Pyrrhi, Epirotæ regis, filia, amisso marito, eodemque germano fratre Alexandro, cum tutelam filiorum ex eo susceptorum Pyrrhi & Ptolemæi, regni-que administrationem in se recepisset, Ætolis partem Acarnaniæ, quam in portionem belli pater pupillorum acceperat, eripere volentibus, ad regem Macedoniæ Demetrium decurrit; eique habenti uxorem Antiochi regis Syriæ sororem, filiam suam, Phthiam in matrimonium tradit; ut auxilium, quod misericordia non poterat, jure cognationis obtineret. Fiunt igitur nuptiæ, quibus & novi matrimonii gratia acquiritur, & veteris offensa contrahitur. Nam prior uxor, velut matrimonio pulsa, sponte sua ad fratrem Antiochum discedit; eumque in mariti bellum impellit. Acarnanes quoque diffisi Epirotis, adversus Ætolos auxilium Romanorum implorantes, obtinuerunt à Romano senatu, ut legati mitterentur, qui denuntiarent Ætolis, præsidia ab urbibus Acarnaniæ deducere; paterenturque esse liberos, qui soli quondam adversus Trojanos, auctores originis suæ, auxilia Græcis non miserint.

A. C.
242.

CAP. II. Sed Ætoli legationem Romanorum superbe audire; Pœnos illis & Gallos,

à quibus tot bellis occidione cæsi sint, exprobrantes; dicentesque, prius illis portas adversus Carthaginienes aperiendas, quas clauserit metus Punici * belli, quam in Græciam arma transferenda. Meminisse deinde jubent, qui quibus minentur. Adversus Gallos urbem eos suam tueri non potuisse; captamque non ferro defendisse, sed auro redemisse. Quam gentem se aliquanto majore manu Græciam ingressam, non solum nullis externis viribus, sed ne domesticis quidem totis adjutos universam delesse; sedemque sepulcris eorum præbuisse, quam illi urbibus, imperioque suo proposuerant. Contra, Italiam, trepidis ex recenti urbis suæ incendio Romanis, universam ferme à Gallis occupatam. Prius igitur illis Gallos Italia pellendos, quam minentur Ætolis; priusque sua defendenda, quam aliena appetenda. Quos autem homines Romanos esse? nempe pastores, qui latrocinio justis dominis ademptum solum teneant; qui uxores cum propter originis dehonestamenta non invenirent, vi publica rapuerint; qui denique urbem ipsam parricidio condiderint; murorumque fundamenta fraterno sanguine asperferint. Ætolos autem principes Græciæ semper fuisse; & sicut dignitate, ita & virtute ceteris præstitisse; solos denique esse, qui Macedonas, imperio terrarum florentes, semper contemserint, qui Philippum regem non timuerint; qui Alexandri Magni post Persas Indosque devictos, cum omnes nomen ejus horrerent, edicta spreverint. Monere igitur se Romanos, contenti sint fortuna præsentis,

* A. C. 207. victoria navali apud Egium hoc bellum confecerunt.

a. Sic N. & W. qui vocis in Im-

prellis cum periodi damus desiderabantur.

nec provocent arma, quibus & Gallos caesos, & Macedonas contemptos videant. Sic dimissa legatione Romanorum, ne fortius locuti, quam fecisse viderentur, fines Epiri & Acarnaniae depopulantur.

A. C. CAP. III. Jam Olympias filiis regna tra-
 242. diderat, & in locum Pyrrhi fratris defuncti Ptolemæus successerat; qui cum hostibus instructo exercitu obvius processisset, infirmitate correptus, in itinere decedit. Olympias quoque non magno post tempore, gemino funerum vulnere afflicta, ægrum spiritum trahens, non diu filiis supervixit. Cum ex gente regia sola Nereis virgo, cum Laodamia sorore superesset, Nereis nubi Geloni Siciliae regis filio; Laodamia autem cum in aram Dianæ confugisset, concursu populi interficitur. Quod facinus dii immortales assidue cladibus gentis, & prope interitu totius populi vindicaverunt. Nam sterilitatem, famemque passi, & intestina discordia vexati, externis ad postremum bellis pene consumti sunt; Miloque Laodamiæ percussor in furorem versus nunc ferro, nunc saxo, in summa dentibus laceratis visceribus, duodecima die interiit. His in Epiro gestis, interim in Macedonia Demetrius rex, relicto filio Philippo, parvulo admodum, decedit. Cui Antigonus tutor datus, accepta in matrimonium matre pupilli, regem se constitui laborabat. Interjecto deinde tempore cum seditione minaci Macedonum, clausus in regia teneretur, in publicum sine satellitibus procedit; projectoque in vulgus diademate ac purpura, dare hæc eos alteri jubet, qui aut imperare illis nesciat, aut cui parere ipsi sciant; se adhuc invidiosum

vidiosum illud regnum, non voluptatibus, sed laboribus ac periculis sentire. Commemorat deinde beneficia sua : ut defectionem sociorum vindicaverit : ut Dardanos, Thessalosque exultantes morte Demetrii regis compescuerit : ut denique dignitatem Macedonum non solum defenderit, verum etiam auxerit. Quorum si illos poeniteat, * deponere imperium, & reddere illis munus suum : ² ipsi regem quærant, cui imperent. Cum populus pudore motus recipere eum regnum juberet, tamdiu recusavit, quoad seditionis auctores supplicio traierentur.

CAP. IV. Post hæc bellum ⁶ Spartanis in- A. C. fert ; qui soli Philippi Alexandrique bellis, & 226. imperium Macedonum, & omnibus metuenda arma contemnerant. Inter duas nobilissimas gentes bellum, summis utrinque viribus fuit : cum hi pro vetere Macedonum gloria, illi non solum pro illibata libertate, sed etiam pro salute certarent. Victi Lacedæmonii, non ipsi tantum, sed etiam conjuges liberique, magno animo fortunam tulere. Nemo quippe in acie saluti pepercit : nulla amissum conjugem flevit ; filiorum mortem senes laudabant ; patribus in acie cæsis filii gratulabantur ; suam vicem omnes dolebant, quod non ipsi pro patriæ liberatæ cecidissent. Parentibus omnes domibus faucios excipiebant, vulnera curabant, lassos reficiebant. Inter hæc nullus in urbe strepitus, nulla trepidatio ; magisque omnes publicam, quam privatam fortunam lugebant. Inter hæc Cleomenes rex

4. Edit. Junz. deponere se imperium

5. Alii, quis regem.

6. Vid. Plur. in Cleom. Forz. &

Phylarcom, & Arat. l. 2. Pausan. in Corinth.

post

post multas hostium cædes, toto corpore, suo pariter & hostium cruore madens, supervenit; ingressusque urbem, non humi consedit, non cibum aut potum poposcit; non denique armorum onus deposuit; sed acclinis parieti, cum quatuor millia sola ex pugna superfuisset conspexisset, hortatur ut se ad meliora reipublicæ tempora reservarent. Tum cum conjuge & liberis Ægyptum ad Ptolemæum proficiscitur; à quo honorifice susceptus, diu in summa dignatione regis vixit. Postremo post Ptolemæi mortem; à filio ejus cum omni familia interficitur. Antigonus autem, cæsis occidione Spartanis, fortunam tantæ urbis miseratus, à direptione milites prohibuit; veniamque his qui superfuerant dedit, præfatus, bellum se cum Cleomene, non cum Spartanis habuisse, cujus fuga omnis ira ejus finita sit; nec minori sibi gloriæ fore, si ab eo servata Lacedæmon, à quo solo capta sit, proderetur. Parcere igitur se solo urbis ac tectis, quoniam homines quibus parceret, non superfuissent. Nec multo post ipse decedit, regnumque Philippo pupillo, annos XIV. nato, tradidit.

L I B E R XXIX.

B R E V I A R I U M C A P I T U M.

1. *Orbis multa imperia nova Regum successionem mutantur, nominatim in Africa, Ægypto, Macedonia.*
2. *Philippus Rex Macedonia malo consilio impulsus, Romanis bellum inferre constituit.*
3. *Insanam hanc mentem speciosis verbis occultat.*

4. *Tandem*

4. Tandem apertus hostis apparet.: und cruentum bellum, ipsi Philippo perniciosum simul ac ignominiosum.

CAP. I.

Iisdem ferme temporibus prope universi Orbis imperia, nova regum successione mutata sunt. Nam & in ¹ Macedonia Philippus mortuo Antigono, tutore eodemque vitrico, annorum quatuordecim regnum suscepit; & in Asia interfecto ² Seleuco, impubes adhuc rex Antiochus constitutus est; Cappadociæ quoque regnum Ariarathi, puero admodum, pater ipse tradiderat; ³ Ægyptum, patre ac matre interfectis, occupaverat Ptolemæus, cui ex facinoris crimine, cognomen tum Philopator fuit. Sed & Spartani in locum Cleomenis suffecerunt Lycurgum. Et ne qua temporibus mutatio deesset, apud Carthaginienſes quoque ætate immatura dux ⁴ Annibal constituitur, non penuria seniorum, sed odio Romanorum, quo imbutum cum à pueritia sciebant. Fatale non tam Romanis, quam ipsi Africæ malum. His regibus pueris, etsi nulli senioris ætatis rectores erant, tamen in suorum cujusque majorum vestigia * intentis, magna indoles virtutis enituit. Solus Ptolemæus, sicut scelestus in occupando regno, ita & segnis in administrando fuit. Philippum Dardani, ceterique omnes finitimi populi, quibus velut immortale odium cum Macedonum regibus erat, con-

A. C.
221.A. C.
218.A. C.
221.A. C.
210.A. C.
221.

¹ Vid. Polyb. l. 2. Plut. in Arat.
² Vid. Hieron. in Dan. c. 11. Polyb. l. 1. 4. c. Appian. in Syr.
³ Vid. Plut. in Cleom. Polyb.

⁴ 1. 2. 4.
^a Vid. Corn. Nep.
^{*} Juntæ, nitentibus.

Y

temtu

temtu ætatis assidue laceſſebant. Contra ille ſummoſis hoſtibus, non contentus ſua defendiſſe, ultro etiam Ætolis bellum inferre geſtiebat.

A. C. 211. A. C. 207. CAP. II. Quæ agitantem illum, Demetrius rex Illyriorum, nuper à Paulo Rom. conſule victus, ſupplicibus precibus aggreditur, injuriam Romanorum querens: qui non contenti Italiæ terminis, imperium ſpe improba totius Orbis amplexi, bellum cum omnibus regibus gerant. Sic illos Siciliæ, ſic Sardinia, Hiſpaniæque, ſic denique totius Africæ imperium affectantes, bellum cum Pœnis & Annibale ſuſcepiffe: ſibi quoque non aliam ob cauſam, quam quod Italiæ finitimus videbatur, bellum illatum: quaſi neſas eſſet, aliquem regem juxta imperii eorum terminos eſſe. Sed & ipſi cavendum eſſe exemplum, cujus quanto propius nobiliuſque ſit regnum, tanto ſit Romanos acriores hoſtes habiturus. Super hæc cedere ſe illi regno, quod Romani occupaverint, proſitetur, *gratius habiturus, ſi in poſſeſſione imperii ſui, ſocium potius quam hoſtes videret. Hujusmodi oratione impulit Philippum, ut omiſſis Ætolis, bellum Romanis inferret, minus negotii exiſtimantem, quod jam victos ab Annibale apud Thraſymenum lacum audierat. Itaque ne eodem tempore multis bellis detineretur, pacem cum Ætolis facit: non quaſi alio bellum tranſlaturus, ſed ut Græciæ quieti conſulturus, quam nunquam in majori periculo fuiſſe affirmabat. Siquidem conſurgentibus ab Occidente novis Pœnorum &

A. C.
217.

A. C.
206.

* Vid. Polyb. l. 3. 5. Liv. l. 31. Hiſt.
Cæſar. Nep. in Annib. Appian. Illyr.

* MSS. quidam, gratias

Romanorum imperiis, quibus una hæc à Græcia atque Asia sit mora, dum inter se bello discrimen imperii faciunt: ceterum statim victoribus transitum in Orientem fore.

CAP. III. Videre se itaque ait consurgentem in Italia nubem illam, trucidis & cruenti belli: videre tonantem ac fulminantem ab Occasu procellam, quam in quascunque terrarum partes victoriæ tempestas detulerit, magno cruoris imbre omnia foedaturam. Frequenter Græciam ingentes motus passam, nunc Persarum, nunc Gallorum, nunc Macedonum bellis: sed omnia illa ludum fuisse existimatu-^{A. C.}ros, si ea quæ nunc in Italia concurrat manus, extra terram illam se effuderit. Cernere se, quam cruenta & sanguinaria inter se bella, utrique populi, viribus copiarum & ducum artibus, gerant: quæ rabies finiri solo partis alterius interitu, sine ruina finitimorum non possit. Feros igitur animos victorum minus quidem Macedoniæ, quam Græciæ timendos, quia & promptior, & in vindictam sui robustior sit: scire tamen se eos qui tantis viribus concurrant, non contentos hoc fine victoriæ fore; metuendumq; sibi quoque certamen eorum, qui superiores extiterint. Hoc prætextu finito cum Ætolis bello, nihil aliud quam Pœnorum Romanorumque bella respiciens, singulorum vires perpendebat. Sed nec Romani, tametsi Pœni & Annibal in cervicibus erant, soluti metu Macedonico videbantur: quippe terrebat eos, & vetus

216.

6. Sic N. W. Quir & Junarum cedit, in imperiis passim, levita.
7. Pœniam legitur, temeritior; contra Geographiæ fidem. Dyrrachium Ma-

cedoniæ in Italiæ conspectu erat; ibi porro Apollonia, Aulon, &c. & freci istius trajectus via sex horas postulat.

Macedonum & virtus, & victi Orientis gloria, & Philippus studio Alexandri æmulationis incensus, quem promptum in bella, industriumque cognoverant.

- A.C. 216. CAP. IV. Igitur Philippus, cum iterato prælio victos a Pœnis Romanos didicisset, aperte hostem se his professus, naves, quibus in , Italianam exercitum trajiceret, fabricare cœpit. Legatum deinde ad Annibalem, jungendæ societatis gratia, cum epistolis mittit; qui comprehensus, & ad senatum perductus, incolumis dimissus est, non in honorem regis, sed ne dubius adhuc, indubitatus hostis redderetur. Postea vero, cum Romanis nuntiatum esset, in Italiam Philippum copias trajecturum, Lævinum prætorem cum instructis navibus ad prohibendum transitum mittunt. Qui cum in Græciam trajecisset multis promissis impellit Ætolos bellum adversus Philippum suscipere. Philippus quoque Achæos in Romanorum bella sollicitat. Interea & Dardani Macedoniæ fines vastare cœperunt, abductisque xx. millibus captivorum, Philippum à Romano bello ad tuendum regnum revocaverunt. Dum hæc aguntur, Lævinus prætor juncta cum Attalo rege societate Græciam populatur. Quibus cladibus perculsæ civitates, auxilium petentes, Philippum legationibus fatigant; nec non & 10 Illyriorum rex lateri ejus hærens, assiduis precibus promissa exigebat. Super hæc vastati Macedones, ultionem flagitabant. Quibus tot tantisque rebus obsessus, cui rei primum occurreret, ambigebat: omnibus tamen propedi-

2. Sic N. Alii legunt, Macedonum devicti, Orientis, &c.

9. Vid. Liv. Dec. 3. Europ. l. 3.

10. Sic Jun. edit. salus enim Demetrio s. erat. Editi passim in plurali essent.

em auxilia se missurum pollicetur; non quia
facere posset quæ promittebat; sed ut spem im-
pletos, in societatis jure retineret. Prima
tamen illi expeditio adversus Dardanos fuit:
qui absentiam ejus aucupantes, majore belli
mole Macedoniæ imminebant. Cum Ro-
manis quoque^{A.C. 204.} pacem facit, contentis interim
bellum Macedonicum distulisse: Philopce-
meni Achæorum duci, quem ad Romanos
sociorum animos sollicitare didicerat, insidias
præterdit. Quibus ille cognitis viratisque,
discedere ab eo Achæos auctoritate sua coegit.

31. Vid. Lev. Dec. 7. 72. 32. Vid. Plut. in Philopum. Polyb. l. 7.

LIBER XXX.

BREVARIUM CAPITUM.

1. *Ptolemæi Regis Ægyptii luxuria, vecordia,
& parricidia.*
2. *Miserimus Ægypti status sub turpissima
Principe ejus meretrix & liones crudeli
fato pereunt.*
3. *Mortuo Ptolemæo, Romani tutelam pupilli
adversus Antiochum Syrum, & Philippum
Macedonem suscipiunt: Philippumque pri-
us bello reduciunt ad humiliorem mentem.*
4. *Terræ motus ingentes. Romani pacem re-
pudiant. Philippus & Flaminius suis ad
pugnam accendunt. Macedonas Romana for-
tuna vincit, & Philippus spoliatur.*

A. C.
217.
A. C.
219.
A. C.
219.
A. C.
217.
A. C.
217.
Philippo in Macedonia magnis rebus intento, in Ægypto¹ Ptolemæi diversi mores erant. Quippe regno parricidio parto, & ad necem utriusque parentis, cæde etiam fratris adjuncta, velut rebus feliciter gestis, luxuriæ se tradiderat, Regisque mores omnis sequuta regia erat. Itaque non amici tantum præfectique, verum etiam omnis exercitus, depositis militiæ studiis, otio ac desidia corrupti marcebant. Quibus rebus cognitis, Antiochus rex Syriæ, veteri inter se regnorum odio stimulante, repentino bello multas urbes ejus oppressit, ipsamque Ægyptum aggreditur. Trepidare igitur Ptolemæus; legationibus missis, quoad vires pararet, morari Antiochum.² Magno deinde in Græcia exercitu conducto, secundum prælium facit, spoliassetque regno Antiochum, si fortunam virtute juvisset. Sed contentus reciperatione urbium quas amiserat, facta pace, avide materiam quietis arripuit; revolutusque in luxuriam, occisa³ Eurydice uxore eademque sorore sua, Agathocliæ meretricis illecebris capitur. Atque ita omnem magnitudinem nominis ac majestatis oblitus, noctes in stupris, dies in conviviis consumit. Adduntur instrumenta luxuriæ, tympana & crepundia: nec jam spectator rex, sed magister nequitiae, nervorum oblectamenta modulatur. Hæc primo⁴ laborantis regiæ tacitæ pestes & occultæ fuere.

¹ Vid. Pol. l. 1. Maccab. l. 2.
² Vid. Polyb. in Excerpt. Valef.

Polyb. l. 15. Hieron. in Dan. c. 10.
 Athen. l. 16. 1.
⁴ Junt. Edit. labentis.

CAP. II. Deinde crescente licentia, jam ^{A. C. 207.} nec parietibus regiæ domus contineri meretricis audacia potest: quam proterviorem, sociata cum Agathocle fratre, ambitiosæ pulcritudinis scorto, quotidiana regis stupra faciebant. Accedebat & mater Oenanthæ, quæ geminæ sobolis illecebris devinctum regem tenebat. Itaque non contentæ rege, jam etiam regnum possident, jam in publico visuntur, jam salutantur, jam comitantur. Agathocles regis lateri junctus, civitatem regebat: tribunatus, præfecturas, & ducatus mulieres ordinabant; nec quisquam in regno suo mirus, ^{A. C. 204.} quam ipse rex poterat: cum interim, relicto quinquenni ex Eurydice sorore filio, moritur: sed mors ejus, dum pecuniam regiam mulieres rapiunt, & imperium inita cum perditissimis societate occupare conantur, diu occultata fuit. Re tamen cognita, concursu multitudinis, & ^{A. C. 204.} Agathocles occiditur, & mulieres in ultionem Eurydicis patibulis suffiguntur. Morte regis, supplicio meretricum velut expiata regni infamia, legatos Alexandrini ad Romanos misere, orantes ut tutelam pupilli susciperent; tuerenturque regnum & Ægypti, quod jam Philippum & Antiochum, facta inter se pactione, divisisse dicebant.

CAP. III. Grata legatio Romanis fuit, causam belli adversus Philippum quærentibus, qui insidiatus eis, temporibus Punici belli, fuerat. Huc accedebat, quod Pœnis & Annibale superato, nullius magis arma metuebant, reputantibus, quantum motum Pyrrhus parva manu Macedonum in Italia fecisset, quantasque res Macedones in Oriente gessissent.

4. Vid. Polyb. l. 3. 15. Liv. Dec. 4. Hieron. in Dan.

⁵ Mittunt uritaque legati, qui Antiocho & Philippo denuntient, regno Ægypti abstineant. Mittitur & M. ⁶ Lepidus in Ægyptum, qui tutorio nomine regnum pupilli administret. Dum hæc aguntur, interim legationes Attali regis, & Rhodiorum, injurias Philippi querentes, Romam venerunt. Quæ res omnem cunctationem Macedonici belli senatui exemit. ⁷ Statim igitur titulo ferendi sociis auxilii, bellum adversus Philippum decernitur, legionesque cum consule in Macedoniam mittuntur. Nec multo post tempore, tota Græcia, fiducia Romanorum, adversus Philippum, spe pristinae libertatis erecta, bellum ei intulit. Atque ita cum rex undique urgeretur, pacem petere compellitur. Deinde cum expositæ conditiones pacis à Romanis essent, repetere sua, et Attalus, & Rhodii, & Achæi, & Ætoli cœpere. Contra Philippus adduci se posse, ut Romanis pareat, concedebat; ceterum indignum esse, Græcos à Philippo & Alexandro majoribus suis victos, & sub jugum Macedonici imperii subactos, veluti victores, leges pacis sibi dicere, quibus prius sit servitutis ratio reddenda, quam libertas vindicanda. Ad postremum tamen, petente eo, induciæ duorum mensium datæ, ut pax, quæ in Macedonia non conveniebat, Romæ à senatu peteretur.

A.C. 197. CAP. IV. Eodem anno inter insulas ⁸ Theram & Therasiam, medio utriusque ripæ & maris spatio, terræ motus fuit. In quo, cum admiratione navigantium, repente ex profundo cum calidis aquis insula emerfit. In

⁵ Vid. Polyb. l. 16

⁶ Vid. Valer. Max. l. 6.

⁷ Vid. Liv. Dec. 4.

⁸ Male scribitur, Therasiam.

Asia quoque eadem die idem motus terræ Rhodum, multasque alias civitates gravi ruinarum labe concussit, quasdam solidas absorbit. Quo prodigio territis omnibus vates cecinere, oriens Romanorum imperium, vetus Græcorum ac Macedonum voraturum. Interim à senatu repudiata pace, Philippus in societatem belli ꝑ Nabin tyrannum sollicitat. Atque ita, cum in aciem exercitum instructis è diverso hostibus produxisset, hortari suos cœpit, referendo Persas, Bactros, Indosque, & omnem Asiam, Orientis finem, à Macedonibus perdomitam; tantoque fortius hoc bellum quam illa sustinendum, quanto sit libertas imperio carior. Sed & Flaminius Romanus consul, relatione rerum recentissime gestarum, suos stimulabat in prælium, ostendendo hinc Carthaginem cum Sicilia, inde Italiam & Hispaniam Romana virtute perdomitas: nec Annibalem quidem Alexandro Magno postponendum, quo Italia pulso, Africam ipsam tertiam partem mundi superaverint. Sed nec Macedonas veteri fama, sed præsentibus viribus æstimandos: quia non cum Alexandro Magno, quem invictum audierant, nec cum exercitu ejus, qui totum Orientem devicerat, bellum gerant; sed cum Philippo puero immaturæ ætatis, qui regni terminos adversus finitimos ægre defendat, & cum his Macedonibus, qui non ita pridem prædæ Dardanis fuerunt. Illos majorum decora, se suorum militum commemorare. Non enim alio exercitu Annibalem & Pœnos, & totum ferme Occidentem, sed his ipsis, quos in acie habeat, militibus, subactos. His ad-

A. C.
197.

hortationibus utrinque concitati milites, prælio concurrunt, alteri Orientis, alteri Occidentis imperio gloriantes; ferentesque in bellum, alii majorum suorum antiquam & obsoletam gloriam, alii virentem recentibus experimentis virtutis florem. Sed Macedonas Romana fortuna vicit. Fractus itaque bello
 10 Philippus, pace á Flaminio consule petita, nomen quidem regium retinuit: sed omnibus Græciæ urbibus, velut regni membris extra terminos antiquæ possessionis, amissis, solam Macedoniam retinuit. Offensi tamen 11 Ætoli, quod non ex arbitrio eorum Macedonia quoque adempta regi, & data sibi in præmium belli esset, legatos ad Antiochum mittunt, qui eum adulatione magnitudinis, in Romana bella, spe societatis universæ Græciæ, impellerent.

A. C.
191.

10 Vid. Liv. Dec. 4. Polyb. l. 17. Dec. 4. Polyb. l. 3. Legat. 6. & 9.
 Leant 7. L. Flor. l. 1.
 11 Vid. Appian. de reb. Syr. Liv.

L I B E R XXXI.

B R E V I A R I U M C A P I T U M.

1. *Romani Antiochum Syrum legatione coercent. A Na'ide Græciam liberari jubent. Annibalis nomen Romanis formidabile.*
2. *Annibal Romanorum insidias fugiens ad Antiochum cursu dirigit.*
3. *Nabis duobus præliis fractus, post Romanorum discessum arma movet. Annibalis ad Antiochum de o'primendis Romanis consilium.*
4. *Carthaginenses ab Antiocho sollicitati rem Romanis significant, qui politico stratagemate Annibalem ab Antiocho divellunt.*
5. *Iteratum*

5. *Iteratum Annibaeis consilium de bello in Italia Romanis inferendo.*
6. *Antiochi adulatores Annibalis sana consilia rident: inde subversis Antiochi, qui terrestri & navali praelio à Romanis superatur.*
7. *Scipiones, ducto in Africam exercitu, pacis leges Antiocho praescribunt, quas ipse repudiatur.*
8. *Bello reparato, & pugna commissa, caesis quinquaginta Asiaticorum millibus, Antiochus subactus pacem petit, & obtinet.*

CAP. I.

Mortuo Ptolemæo Philopatore, rege Ægypti, contemptaque parvuli filii ejus ætate, qui in spem regni relictus, prædæ etiam domesticis erat, Antiochus rex Syriæ occupare Ægyptum statuit. Itaque Phœnicem, ceterasque Syriæ quidem, sed juris Ægypti, civitates cum invalisset, legatos ad eum Senatus mittit, qui denuntiarent ei, abstinere regnò pupilli, postremis patris precibus fidei suæ traditi. Quibus spretis, interjecto tempore alia legatio supervenit, quæ, omiſſa pupilli persona, civitates, jure belli factas populi Romani, in integrum restitui jubebat. Abnuenti, bellum denuntiatur: quod ille facile susceptum, infeliciter gessit. Eodem tempore & Nabis tyrannus multas Græciæ civitates occupaverat. Igitur senatus, ne uno tempore duplici bello Romanæ vires detine-

1. Vid. Liv. Dec. 4. l. 3. 4. Appian. in Syr. Polyb. Legat. 7. hist. l. 17.
2. Vid. Plut. in Q. Flaminio, & Philo-

Ioponem. Liv. Dec. 4. l. 4. Pausan. in Mædon. Achæis. & Arcad.

rentur,

A. C. 196. rentur, scripsit Flaminio, si ei videatur, sicuti Macedoniam à Philippo, ita Græciam à Nabide liberet. Ob quam causam imperium ei prorogatum est. Terribile quippe Antiochi bellum Annibalis nomen faciebat, quem æmuli ejus, occultis mandatis cum Antiocho inisse societatem, apud Romanos criminabantur; negantes eum æquo animo sub legibus vivere, assuetum imperio, & immoderata licentia militari; semperque, tædio quietis urbanæ, novas belli causas circumspicere: Quæ etli falsa nuntiata fuissent, apud timentes tamen pro veris habebantur.

A. C. 195. CAP. II. Denique senatus metu percussus, ad speculandos actus Annibalis, legatum in Africam Gnæum Servilium mittit: eique tacitis mandatis præcipit, si posset, cum per æmulos ejus interficeret, metuque in visi nominis tandem populum Romanum liberaret. Sed res Annibalem non diu latuit, virum ad prospicienda cavendaque pericula; paratum; nec minus in secundis adversa, quam in adversis secunda cogitantem. Igitur, cum tota die in oculis principium, legatique Romani, in foro Carthaginienfium obversatus in supremum fuisset, appropinquante vespere, equum conscendit: & rus suburbanum, quod propter litus maris habebat, ignaris servis, jussisque ad portam revertentem opperiri, contendit. Habebat ibi naves cum remigibus, occulto sinu litoris absconditas: erat & grandis pecunia in eo agro præparata, ut, cum res exegisset, nec facultas fugam nec inopia moraretur. Lecta igitur servorum juventute quorum

3. Sic N. C. W. in vulgatis, peritum.

copiam Italicorum captivorum numerus augebat, navem conscendit, cursuq; ad Antiochum dirigit. Postera die civitas principem suum, ac tum temporis consulem, in foro expectabat. Quem ut profectum nuntiatum est, non aliter quam si urbs capta esset, omnes trepidavere, exitiosamque sibi fugam ejus ominati sunt. Legatus vero Romanus, quasi bellum jam illatum Italiæ ab Annibale esset, tacitus Romam regreditur, trepidumque nuntium refert.

CAP. III. Interim in Græcia Flaminius, juncta cum quibusdam civitatibus societate, Nabidem tyrannum duobus continuis præliis subegit; & graviter fractum, velut ex sanguinem, in regno reliquit. Sed libertate Græciæ restituta, deductisque ab urbibus præfidiis, cum Romanus exercitus in Italiam reportatus esset, velut vacua rursus possessione sollicitatus, multas civitates repentino bello invasit. Quibus rebus exterriti ⁶ Achæi, ne vicinum malum etiam ad se serperet, bellum adversus Nabidem decernunt, ducemque prætorem suum Philopœmenem, insignis industriæ virum, constituunt: cujus in eo bello tanta virtus enituit, ut opinione omnium Flaminio Romano imperatori compararetur. Eodem tempore Annibal cum ad Antiochum pervenisset, velut deorum munus excipitur: tantusque ejus adventu ardor animis regis accessit, ut non tam de bello, quam de præmiis victoriæ cogitaret. Sed Annibal, cui nota Romana virtus erat, negabat opprimi Roma-

A.C.
195.A.C.
193.A.C.
193.A.C.
193.

4. Vid. Plut. in Flaminio. Cora. Nep. in Annib. Liv. Dec. 4. l. 7.
5. Faber legendum confer, velut anguem, Eruditionis Vetus ex MSS. 6.

de, & gravibus fractum navale: sed vera recepta lenio est, & inferius repetita.
6. Vid. Polyb. l. 10. Plut. in Philopœmenem. & Flaminio, Liv. Dec. 4. l. 7.

nos nisi in Italia posse. Ad hoc sibi centum naues, & decem millia peditum, & mille equites poscebat, promittens hac manu non minus bellum, quam gesserit, Italiæ restauraturum: & in Asiam regi sedenti, aut victoriam de Romanis, aut æquas pacis condiciones relaturum: quippe & Hispanis bello flagrantibus, ducem tantum deesse; & Italiam notiores sibi nunc, quam pridem fuisset: nec Carthaginem quieturam, sociamque se ei sine mora præbituram.

A. C.
193.

CAP. IV. Cum regi consilia placuissent, mittitur Carthaginem unus ex comitibus Annibalis, qui in bellum cupidos hortetur, Annibalemque cum copiis affuturum nuntiet: nihil, dicat, partibus, nisi animos Carthaginensium deesse; Asiam & vires belli, & sumtum præbituram. Hæc cum relata Carthaginem essent, nuntius ipse ab inimicis Annibalis comprehenditur, & perductus in senatum cum interrogaretur, ad quem missus esset, Punico ingenio respondit, se ad universum senatum missum, nec enim hoc opus singulorum, sed universorum esse. Dum multis diebus deliberant, an eum Romam ad purgandam publicam conscientiam mittant, tacitus conscensa nave ad Annibalem revertitur: quo cognito, Carthaginenses ultro rem Romam per legatum deferunt. Romani quoque ad Antiochum legatos misere, qui sub specie legationis, & regis apparatus specularentur, & Annibalem aut Romanis mitigarent, aut assiduo colloquio suspectum invisumque regi

7. N. legit, quod gesserat. Vid. Cora. Nep. in Annib.
Liv. Dec. 4. l. 4. Appian. Syriac.

redderent.

redderent. Itaque legati cum 8 Ephesi con-
 venissent ad Antiochum, mandata ei senatus
 tradunt. Dum responsum expectant, omni-
 bus diebus assidui circa Annibalem tuere:
 dicentes, timide eum à patria recessisse, cum
 pacem Romani, non tam cum republica ejus,
 quam cum eo factam, summa fide custodiant:
 nec bella eum Romanorum magis odio, quam
 Patriæ amore gessisse, cui ab optimo quoque
 etiam spiritus ipse debeatur. Has enim publi-
 cas inter populos, non privaras, inter duces,
 bellandi causas esse. Inde res gestas ejus lau-
 dare. Quorum sermone lætus, sæpius cupidi-
 usque cum legatis colloquebatur, ignarus
 quod familiaritate Romana odium sibi apud
 regem crearet. Quippe Antiochus, tam assi-
 duo colloquio reconciliatam ejus cum Roma-
 nis gratiam existimans, nihil ad eum sicuti so-
 lebat referre; expertemque totius consilij,
 veluti hostem proditoremque suum, odisse
 coepit. Quæ restantum apparatus belli, ce-
 ssante imperatoria arte, corrumpit. Senatus
 mandata fuerant, ut contentus terminis Asiæ
 esset; ne ipsis ingrediendi Asiam necessita-
 tem imponeret. Quibus spretis, non accipi-
 endum bellum statuit, sed inferendum.

CAP. V: Dicitur, quum frequenter de bel-
 lo consilium habuisset, remoto Annibale,
 tandem eum vocari jussisse, non ut ex sen-
 tentia ejus aliquid ageret, sed ne per omnia
 eum sprevisse videretur; omnibusque perro-
 gatis postremum interrogasse. Quo ille ani-
 madverso, intelligere se professus est, non quia
 egeat consilio, sed ad supplendum numerum

A. C.
191.

A. C.
191.

2. Vid. Appian, in Syr. Liv. Dec. 2. J. 5. Frontin. Strat. 1. 17

A. C. 394. *sententiam se vocatum: tamen & odio Romanorum, & amore regis, apud quem solum tutum sibi exilium relictum sit, se viam gerendi belli edisseriturum. Veniam deinde libertati præfatus, nihil se aut consiliorum, aut coëptorum præsentium, probare ait: neque sedem belli Græciam sibi placere, cum Italia uberior materia sit: quippe Romanos vinci non nisi armis suis posse; nec Italiam aliter, quam Italicis viribus subigi: siquidem diversum ceteris mortalibus esse illud hominum & belli genus. Aliis bellis plurimum momenti habere, priorem aliquam cepisse occasionem loci temporisque, agros diripuisse, urbes aliquas expugnasse: cum Romano, seu occupaveris prior aliqua, seu viceris, tum etiam cum victo & jacente luctandum esse. Quamobrem si quis eos in Italia laceffit, suis eos opibus, suis viribus, suis armis posse vincere; sicut ipse fecerit. Sin vero quis illis Italia velut fonte virium cesserit, perinde falli, ac si quis amnes non ab ipsis fontium primordiis derivare, sed concretis jam aquarum molibus avertere vel exsiccare velit. Hæc & secreto se censuisse, ultroque ministerium consilii sui obtulisse: & nunc præsentibus amicis ideo repetisse, ut scirent omnes rationem gerendi cum Romanis belli; eosque foris invictos, domi fragiles esse. Nam prius illos urbe quam imperio; prius Italia quam provinciis exui posse: quippe & à Gallis captos, & à se prope deletos esse: neque se unquam victum prius, quam terris eorum cesserit. Reverso Carthaginem, statim cum loco fortunam belli mutatam.*

CAP. VI. Huic sententiæ obtrectatores amici

mici regis erant: non utilitatem rei cogitantes; sed verentes, ne probato consilio ejus, primum apud regem locum gratiæ occuparet. Et Antiocho non tam consilium, quam auctor displicebat, ne gloria victoriæ Annibalis, non sua esset. Omnia igitur variis assentantium adulationibus corrumpebantur: nihil consilio vel ratione agebatur. Rex ipse per hyemem in luxuriam lapsus, novis quotidie nuptiis deditus erat. Contra Acilius Romanus consul, qui ad hoc bellum missus erat, copias, arma, ceteraque bello necessaria, summa industria parabat: civitates socias confirmabat; dubias illiciebat: nec alius exitus belli, quam apparatus utriusque partis fuit. Itaque prima belli congressione, cum cedentes suos rex cerneret, non laborantibus auxilium tulit: sed fugientibus se ducem præbuit, castraque ditia victoribus reliquit. Deinde cum in Asiam, præda Romanis occupatis, fugiendo pervenisset, poenitere neglecti consilii coepit; revocatoque in amicitiam Annibale, omnia ex sententia ejus agere. Interim nuntiatur, Æmilium, Romanum ducem, cum octoginta rostratis navibus in bellum navale à senatu missum, adventare: quæ res illi spem restituendæ fortunæ dedit. Itaque priusquam sociæ civitates ad hostes deficerent, decernere navali prælio statuit, sperans cladem in Græcia acceptam, nova posse victoria aboleri. Tradita igitur Annibali classe, prælium committitur: sed nec Asiani milites Romanis,

9. Sic Pelerin. MS. alii legunt, affertionum.

10. Vid. L. Flor. l. 2, Liv. Dec. 4.

1. 4. Appian. in Syr. Front. l. 2. Plut. in Cat. Ma. & Fl. minio.

neque naves eorum pares rostratis navibus
fuere : minor tamen clades ducis solertia fuit.
Romam nondum opinio victoriæ venerat, &
idcirco in consulibus creandis suspensa civitas
erat.

A.C.
150.

CAP. VII. Sed adversus Annibalem du-
cem quis melior quam Africani frater crearetur,
cum vincere Pœnos opus Scipionum
esset? Creatur igitur Consul Lucius ¹¹ Scipio :
eique datur legatus frater Africanus, ut in-
telligeret Antiochus, non majorem fiduciam
se in Annibale victo, quam Romanos in
victore Scipione habere. Trajicientibus in
Asiam Scipionibus exercitum, jam utrobique
profligatum bellum nuntiatum est, victum-
que Antiochum terrestri. Annibalem navali
bello invenerunt. Primo igitur adventu
eorum, ¹² legatos, pacem petentes, ad eos
Antiochus mittit, peculiare donum Africa-
no ferentes ipsius filium, quem rex parvo na-
vigio trajicientem ceperat. Sed Africanus
privata beneficia à rebus publicis secreta esse
dixit ; aliaque esse patris officia, alia patriæ
jura, quæ non liberis tantum, verum etiam
vitæ ipsi præponantur. Proinde gratum se
munus accipere, privatoq; impendio munifi-
centiæ regis responsurum. Quod ab bellum
pacemque pertineat, nihil neq; gratiæ dari, ne-
que de jure patriæ decidi posse, respondit. Nam
neque de redimendo filio unquam tractavit,
nec senatum de eo agere permisit ; sed ut dig-
num majestate ejus erat, armis se recepturum
filium dixerat. Post hæc leges pacis dicun-
tur : ut Asia Romanis cederet : contentus

¹¹. Vid. Liv. Dec. 4. l. 7. Appian.
Syr. Val. Max. l. 5. Cic. Philip. 2.

¹². Vid. Polyb. Legat. 27. Diod.
Sic. Legat. 4, 7. Liv. & Appian. ut sup.

Syriæ regno esset: naves universas, captivos & transfugas traderet; sumtrumque omnem bel i Romanis restitueret. Quæ cum nuntiata Antiocho essent, nondum ita victum se esse respondit, ut spoliari se regno pateretur; bellicque ea irritamenta, non pacis blandimenta esse.

CAB. VIII. Igitur cum ab utrisque bellum pararetur, ingressique Asiam Romani Ilion venissent; mutua gratulatio Iliensium ac Romanorum fuit. Iliensibus Æneam, ceteroque cum eo duces à se profectos; Romanis se ab his procreatos referentibus. Tantaque lætitia omnium fuit, quanta esse post longum tempus inter parentes & liberos solet. Juva-
bat Ilienses, nepotes suos, Occidente & Africa domita, Asiam ut avitum regnum vindicare, optabilem Trojæ ruinam fuisse dicentes, ut tam feliciter renasceretur. Contra Romanos, avitos lares, & incunabula majorum, templaque ac deorum simulacra, inexplabile desiderium videndi tenebat. Profectis ab Illo Romanis, 13 Eumenes rex cum auxiliis occurrit: nec multo post prælium cum Antiocho commissum. Cum in dexteriore cornu pulsa legio Romana, majore dedecore, quam periculo ad castra fugeret, M. Æmilius tribunus militum ad tutelam castrorum relictus, armare se milites suos, & extra vallum progredi jubet, strictisque gladiis fugientibus minari, morituros dicens nisi in prælium revertantur; infestioraque sua, quam hostium castra inventuros. Attonita tam ambiguo periculo legio, comitantibus commili-

13. Vid. L.v. Dec. 4. l. 7. Appian. Syr. Zon. l. 3. Florum l. 3.

A. C.
390.

tonibus qui fugere eos prohibuerant. in prælium revertitur, magnaque cæde edita, initium victoriæ fuit. Cæsa hostium quinquaginta milia, capta xi. ¹⁴ Antiocho pacem petenti, nihil ad superiores conditiones additum, Africano prædicante, neque Romanos, si vincantur, animis minui; neque si vincant, secundis rebus insolescere. Captas civitates inter socios divisere Romani, aptiorem gloriam, quam possessiones voluptarias judicantes: quippe victoriæ gloriam Romano nomini vindicandam, opum luxuriam fociis relinquendam.

24. Vid. Polyb. Legat. 14. Diod. Sic. Legat. 9. Appian. 8c Liv. ut sup.

L I B E R XXXII.

B R E V I A R I U M C A P I T U M.

1. *Ætoli libertate spoliantur. Bellum inter Messenios & Achæos. Philopamen captus & veneno interemtus: unde Messeniorum clades.*
2. *Antiochus Syrus, dum sacrilegio sibi providere putat, interficitur. Senatus Romanus Philippo parcit, ob Demetrii filii virtutem, cui Perseus frater invidet, & Demetrium impiis artibus de medio tollit.*
3. *Philippi obitus: & belli apparatus adversus Romanos, Gallis ad hujus belli societatem pertractis: de quorum migrationibus subjicitur narratio.*
4. *Bellum inter Prusiam & Eum enem, in quo Annibalis opera Prusias superior evasit. Pace inter Reges sancita, Romani Annibalem persequuntur. Is hausto veneno legationem morte prævenit; adjunctum ejusdem Annibalis elogium.*

C A P.

CAP. I.

* **A** Etoli, qui Antiochum in bella Romana impulerant, victo eodem, soli adversus Romanos, & viribus impares, & omni auxilio destituti, remanserunt: Nec multo post victi, libertatem, quam illibatam adversus dominationem Atheniensium & Spartanorum, inter tot Græciæ civitates soli retinuerant, amiserunt. Quæ conditio tanto amarior illis, quanto serior fuit, reputantibus tempora illa, quibus tantis Persarum opibus, domesticis viribus restiterant; quibus Gallorum violentiam, Asiæ Italiæque terribilem, Delphico bello fregerant. Quæ gloriosa recordatio, majus desiderium libertatis augebat. Dum hæc aguntur, medio tempore inter Messenios & Achæos de principatu primo dissensio, mox bellum ortum est. In eo nobilis Achæorum imperator Philopoemen capitur: non quia pugnando vitæ pepercerit, sed dum suos in prælium revocat, in transitu fossæ equo præcipitatus, à multitudine hostium o, pressus est; quem jacentem Messenii, seu metu virtutis, vel verecundia dignitatis, interficere ausi non fuerunt. itaque velut in illo omne bellum confecerant, captivum per universam civitatem, in modum triumphi, circumduxerunt, effuso obviam populo, ac si suus, non hostium imperator adventaret. Nec victorem Achæi avidius vidissent, quam victum hostes viderunt. Igitur eundem in Theatrum duci jusserunt, ut omnes contuerentur, quem

A. C.
159.A. C.
181.

* Vid. Liv. 32. § Florum 2. 9.

1. Vid. Plut. in Philopom. Liv. Dec. 4. l. 9. Pausan. in Arcad.

potuisse

A. C.
181.

potuisse capi incredibile singulis videbatur. Inde in carcerem ducto, verecundia magnitudinis ejus, venenum dederunt: quod ille lætus, ac si vicisset, accepit; quæsito prius, an Lycortas præfectus Achæorum, quem secundum à se esse scientia rei militaris sciebat, incolumis effugisset? Quem ut accepit evasisse, non in totum dicens consultum male Achæis, exspiravit. Nec multo post, reparato bello, Messenii vincuntur: pœnasque interfecti Philopœmenis pependerunt.

A. C.
187.

CAP. II. Interea in Syria rex; Antiochus, cum gravi tributo pacis, à Romanis victus, oneratus esset, seu inopia pecuniæ compulsus, seu avaritia sollicitatus, qua sperabat se, sub specie tributariæ necessitatis, excusatus sacri-legia commissurum, adhibito exercitu, nocte templum à Elymæi Jovis aggreditur. Quare prodita, concursu insularium, cum omni militia interficitur. Romæ, cum multæ Græciæ civitates, questum de injuriis Philippi regis Macedonum venissent, & disceptatio in senatu inter Demetrium Philippi filium, quem pater ad satisfaciendum senatui miserat, & legatos civitatum esset; turba querelarum confusus adolescens, repente obticuit. Tunc senatus verecundia ejus motus, quæ probata etiam antea, cum obses Romæ esset, omnibus fuerat, causam illi donavit: atque ita modestia sua Demetrius veniam patri, non jure defensionis, sed patrocinio pudoris obtinuit: quod ipsum decreto senatus significatum est, ut appareret, non tam abso-

A. C.
181.

2. Vid. Plut. in Philopœm. Polyb. Legat. 43.

3. Vid. Diod. Sic. in Excerpt. Val. p. 292. Strab. l. 16, Hieron. in Dan. 12.

4. Sic Doct. Vossius, à Polyb. Excerpt. MSS. passim legebant Dodonæi, impressi Dydimæi.

5. Vid. Polyb. leg. 42 Liv. Dec. 4. l. 9.

lutum regem, quam donatum filio patrem. Quæ res Demetrio, non gratiam legationis, sed odium obtreptionis comparavit. Nam apud fratrem & Perseum æmulatio illi invidiam contraxit; & apud patrem nota absolutionis, causa offensæ fuit, indignante Philippo, plus momenti, apud senatum personam filii, quam auctoritatem patris, ac dignitatem regiæ majestatis habuisse. Igitur Perseus perspecta patris ægritudine, quotidie absentem Demetrium apud eum criminari; & primo invisum, post etiam suspectum reddere: nunc amicitiam Romanorum, nunc proditorem ei patris objectare. Ad postremum, insidias sibi ab eo paratas confingit: ad cuius rei probationem immittit indices, testes subornat, & facinus quod objicit, admittit. Quibus rebus compulso ad parricidium patre, funestam omnem regiam facit.

A. C.
181.A. C.
181.A. C.
181.

CAP. III. Occiso Demetrio, sublatoque æmulo, non negligentior tantum Perseus in patrem verum etiam contumacior erat; nec hæredem regni, sed regem se gerebat. His rebus offensus Philippus, impatientius in dies mortem Demetrii dolebat, tunc & insidiis circumventum se suspicari, testes indicesque torquere. Atque ita cognita fraude, non minus scelere Persei, quam innoxii Demetrii morte cruciabatur; peregissetque ultionem, nisi morte præventus fuisset. Nam brevi post tempore, morbo ex ægritudine animi contracto, decessit, relicto magno belli apparatu adversus Romanos, quo postea Perseus usus est. Nam & Gallos Scordiscos ad belli societatem

A. C.
180.A. C.
179.

perpulerat: fecissetque Romanis grave bellum, nisi decessisset. Namque Galli bello adversus Delphos infelicitè gesto, in quo majorem vim numinis, quam hostium senserant, amisso Brenno duce, pars in Asiam, pars in Thraciam extorres fugerant. Inde per eadem vestigia qua venerant, antiquam patriam repetivere. Ex his manus quædam in confluente Danubii & Savio consedit, Scordiscosque se appellari voluit. Tectosagi autem, cum in antiquam patriam Tolosam venissent, comprehensiq; pestifera lue essent, non prius sanitatem recipere, quam aruspicum responsis moniti, aurum argentumque bellis sacrilegiisque quæsitum, in Tolosensem lacum mergerent. Quod omne magno post tempore 7 Cepio Romanus consul abstulit. Fuere autem argenti pondo centum millia, auri pondo quinquies decies centum millia. Quod sacrilegium causa excidii Cepioni exercituique ejus postea fuit. Romanos quoque Cimbrici belli tumultus, velut ultor sacræ pecuniæ, insecutus est. Ex gente Tectosagorum non mediocris populus prædæ dulcedine, Illyricum repetivit, spoliatisque Istris, in Pannonia consedit. Istrorum gentem fama est originem à Colchis ducere, missis ab Ætæa rege, ad Argonautas raptoresque filiarum persequendos: qui ut à Ponto intraverunt Istrum, alveo Savi fluminis penitus inveci, vestigia Argonautarum insequentes, naves suas humeris per juga montium, usque ad litus Adriatici maris transtulerunt; cognito quod Argonautæ idem propter magnitudinem naves priores fecissent: quos ut avectos Colchi non

reperiunt,

reperiunt, siue metu regis. siue tædio longæ navigationis, juxta Aquileiam, confedere, Istrique ex vocabulo amnis, quo à mari concesserant, appellati. Daci quoque soboles Getarum sunt; qui, cum, & Boerebista rege, adversus Bastarnas male pugnassent, ad ultionem segnitiae, capturi somnum capita loco pedum ponere jussu regis cogebantur; ministeriaque uxoribus, quæ ab ipsis antea fieri solebant, facere. Neque hæc ante mutata sunt, quam ignominiam bello acceptam virtute dederent.

CAP. IV. Igitur Perseus, cum imperio ^{A. C. 179.} Philippi patris successisset, omnes has gentes adversus Romanos in societatem belli sollicitabat. Interim inter Prusiam regem, ad quem Annibal, post pacem Antiocho à ^{A. C. 184.} Romanis datam, profugerat, & Eumenem, bellum ortum est; quod Prusias, Annibalis fiducia rupto foedere, prior intulit. Namque Annibal, cum ab Antiocho Romani, inter ceteras condiciones pacis, deditiorem ejus deposcerent, admonitus à rege, in fugam versus, Cretam defertur: Ibi cum diu ^{A. C. 183.} quietam vitam egisset, invidiosumque se propter nimias opes videret, amphoras plumbo repletas in templo Dianæ, quasi fortunæ suæ præsidia, deponit: atque ideo nihil de illo sollicita civitate, quoniam velut pignus opes ejus tenebat, ad Prusiam contendit, auro suo ^{A. C. 184.} in statuis, quas secum portabat, infuso, ne conspectæ opes vitæ nocerent. Dein, cum Prusias terrestri bello ab Eumene victus esset, & prælium in mare transtulisset, Anni-

8. Sic ex Strabone vox restituenda, in vulg. Owtis; Ita min. Epit. Rubobesice dicitur.

A. C.
283.

bal novo commento auctor victoriæ fuit. Quippe omne serpentium genus in fictiles lagenas conjici jussit: medioque prælio in naves hostium mittit. Id primum Ponticis ridiculum visum, fictilibus dimicare, qui ferro nequeant. Sed ubi serpentibus repleti naves cœpere, ancipiti periculo circumventi, hosti victoriam celsere. Quæ ubi Romam nuntiata sunt; missi à senatu legati sunt, qui utrumque regem in pacem cogerent, Annibalemque deposcerent. Sed, Annibal recognita, sumto veneno, legationem morte prævenit. Insignis hic annus trium toto Orbe maximorum imperatorum mortibus fuit, Annibalis, & Philopœmenis, & Scipionis Africanæ. Ex quibus constat Annibalem, nec tum cum Romano tonantem bello Italia contremuit, nec cum reversus Carthaginem summum imperium tenuit aut cubantem coenasse, aut plus quam sextario vini indulsisse; pudicitiamque cum tantum inter tot captivas habuisse, ut in Africa natum quivis negaret. Moderationis certe ejus fuit, ut cum diversarum gentium exercitus rexerit, neque insidiis suorum militum sit petitus unquam, neque fraude proditus, quum utrumque hostes sæpe tentassent.

9. Vid. Zonar. l. 2. Liv. dec. 4. l. 9. Plut. in Flam. Appian. Syr. Corn. Nepot. in Annib. Pausan. in Arcad.

L I B E R XXXIII.

B R E V I A R I U M C A P I T U M.

1. *Macedonicum bellum. Persei & consulum Romanorum animus.*

2. *Pugna,*

2. *Pugna, in qua Macedones fusi fugatique sunt. Perseus & filii capti in fuga. Macedonia in provinciam redacta: & Aetoli oppressi.*

CAP. I.

MINORE quidem rerum motu Romani ^{A.C.} Macedonicum, quam Punicum bellum gesserunt; sed tanto clarius, quanto nobilitate Macedones Pœnos antecesserunt. Quippe cum gloria Orientis domiti, tum & auxiliis omnium regum juvabantur. Itaque Romani & legiones plures numero conscripserunt; & auxilia à Masinissa rege Numidarum, ceterisque sociis omnibus acciverunt; & Eumeni regi Bithyniæ denuntiatum, ut bellum summis viribus juvaret. Perseo, præter Macedonicum invictæ opinionis exercitum, decennis belli sumtus, a patre paratus, in thesauris & horreis erat: Quibus rebus inflatus, oblitus fortunæ paternæ, veterem Alexandri gloriam considerare suos jubebat. Prima equitum congressio fuit, qua victor Perseus suspensam omnium expectatidnem in favorem sui traxit: misit tamen legatos ad consulem, qui pacem peterent, quam patri suo Romani etiam victo dedissent, impensas belli lege victi suscepturus. Sed consul & Sulpitius non minus graves quam victo leges dixit. Dum hæc aguntur, metu tam periculosi belli, Romani & Æmilium Paulum consulem creant, eique extra ordi-

1. Vid. Plur. in Paul. Æmil. Liv. Gisse.
 1. Florum. 1. 1. Patrec. 1. 1. Paul. 1. Vidi Plur. in Paul. Æmilio, Liv.
 1. in Acta's. Diad. in Excep. 1. 1. 1. dec. 5. l. 4. 2. Foril.
 2. Vox ista in ceteris videtur recip.

nem Macedonicum bellum decernunt: qui cum ad exercitum venisset, non magnam moram pugnae fecit. Pridie quam praelium confereretur, una nocte defecit: triste id ostentum Perseo omnibus praesagientibus, finemque Macedonici regni portendi vaticinantibus.

A. C.
168.

CAP. II. In ea pugna M. Cato, Catonis oratoris filius, dum inter confertissimos hostes insigniter dimicat, equo delapsus, pedestre praelium aggreditur. Nam cadentem manipulus hostium cum horrido clamore, veluti jacentem obtruncaturus, circumsteterat: at ille citius corpore collecto, magnas strages edidit. Quum ad unum opprimendum undique hostes convolarent, dum procerum quendam petit, gladius ei è manu elapsus, in mediam cohortem hostium decidit: ad quem recipiendum umbone se protegens, inspectante utroque exercitu, inter mucrones se hostium immergit; recollectoque gladio, multis vulneribus exceptis, ad suos cum clamore hostium revertitur. Hujus audaciam ceteri imitati, victoriam peperere. Perseus rex fuga cum decem millibus talentum Samothraciam defertur: quem Cneus Octavius, ad persequendum missus à consule, cum duobus filiis, Alexandro & Philippo, cepit; captumque ad consulem duxit. Macedonia à Carano, qui primus in ea regnavit, usque Persen triginta reges habuit. Quorum sub regno fuit quidem annis noningetis & viginti tribus; sed rerum non nisi centum nonaginta duobus annis potita. Ita cum in ditionem Romanorum cessisset, magistratibus

A. C.
168.

4. Vid. Liv. dec. 5. l. 4. Valer. Max. Æmil. Liv. 5. l. 5. Diod. Sic. in frag.
1. 8. Frontin. l. 1.
5. Vid. Maccab. l. 1. c. 8. Plut. in

per singulas civitates constitutis, libera facta est; legesque quibus adhuc utitur, à Paulo accepit. Ætolorum universarum urbium senatus, cum conjugibus & liberis, qui dubia fide fuerant, Romam missus; ibique, ne in patria aliquid novaret, diu detentus; ægreque, per multos annos legationibus civitatum senatu fatigato, in patriam quisque suam remissus est.

LIBER XXXIV.

BREVARIUM CAPITUM.

1. *Romani in Achæos causas belli querunt, & inveniunt. Cruentam Achæorum seditio.*
2. *Bellum quo Achæi oppressi sunt: & Corinthus eversa: Ptolemæus Ægypto pulsus petit à Romanis auxilium.*
3. *Populi Romani ad Antiochum in gratiam Ptolemæi vere libera legatio. Antiocho mortuo, Demetrius frater Roma Profugus, regno potitur.*
4. *Prusias, rex Bithyniæ, regno & vita à filio spoliatur.*

CAP. I.

POENIS ac Macedonibus subactis, Ætolorumque viribus principum captivitate debilitatis, soli adhuc ex Græcia universa Achæi nimis potentes tunc temporis Romanis videbantur, non propter singularium civitatum nimias opes; sed propter conspirationem universarum. Namque Achæi, licet per civitates, veluti per membra, divisi

A. C.
147.
 sint, unum tamen corpus & unum imperium habent; singularumque urbium pericula mutuis viribus propulsant. Quærentibus igitur Romanis causas belli, tempestive fortuna querelas Spartanorum obtulit, quorum agros Achæi propter mutuum odium populabantur. Spartanis à senatu responsum est, legatos se ad inspiciendas res sociorum, & ad injuriam demendam in Græciam missuros: sed legatis occulta mandata data sunt, ut corpus Achæorum dissolverent, singulasque urbes proprii juris facerent, quo facilius ad obsequia cogerentur: &, si quæ urbes contumaces essent, frangerentur. Igitur legati, omnium civitatum principibus Corinthum evocatis, decretum senatus recitant: quid consilii habeant, aperiunt. Expedire omnibus dicunt, ut singulæ civitates sua jura & suas leges habeant. Quod ubi omnibus innotuit; velut in furorem versi, universum peregrinum populum trucidant: legatos quoque ipsos Romanorum violassent, nisi audito tumultu, trepidi fugissent.

A. C.
145.
 CAP. II. Hæc ubi Romæ nuntiata sunt, statim senatus Mummio consuli bellum Achæicum decernit: qui extemplo exercitu deportato, & omnibus strenue provisus, pugnandi copiam hostibus fecit. Sed Achæi, velut nihil negotii Romano bello suscepissent, ita apud eos neglecta omnia & soluta fuere. Itaque prædam, non prælium cogitantes, & vehicula ad spolia hostium reportanda duxerunt: & conjuges liberosque suos, ad spectaculum certaminis, in montibus posuerunt. Sed prælio commisso ante oculos suorum

1. Vid. Flor. 1. 2. Lij. Epit. dec. 6. 1. 2. Zonar. 1. 2. Polyb. legn. 147
 144.

cæsi, lugubre his spectaculum, & gravem luctus membra relinquerunt. Conjuges quoque liberique eorum, de spectatoribus captivi facti, præda hostium fuere. Urbs ipsa ² Corinthus diruitur: populus omnis sub corona venditur: ut hoc exemplo ceteris civitatibus metus novarum rerum imponeretur. Dum hæc aguntur, rex Syriæ: Antiochus Ptolemæo, majoris sororis suæ filio, regi Ægypti, bellum infert, segni admodum, & quotidiana luxuria ita marcenti, ut non solum regiae majestatis officia intermitteret, verum etiam sensu hominis nimia sagina careret. Pulsus igitur regno, ad fratrem minorem Ptolemæum Alexandriam confugit, participatoque cum eo regno, legatos Romam ad senatum mittunt: auxilia petunt, fidem societatis implorant. Movere senatum preces fratrum.

A. C.
119.

CAP. III. Mittitur itaque legatus * Popilius ad Antiochum: qui abstinere illum Ægypto, aut si jam incessisset, excedere juberet. Cum in Ægypto eum invenisset osculumque ei rex obtulisset (nam coluerat inter ceteros Popilium Antiochus, cum Romæ obses esset;) tunc Popilius facessere interim privatam amicitiam jubet, cum mandata patriæ intercedant; prolatoque senatus decreto, & tradito, cum cunctari eum videret, consultationemq; ad amicos referre; ibi Popilius virga quam in manu gerebat, amplo circulo inclusum, ut & amicos caperet, consulere

A. C.
118.

2. Vid. Liv. Epit. Sec. 6. l. 2. Pausan. in Achac. Orof. l. 5. Strab. l. 8. Flor. l. 1. Vellei. Patere. l. 2.

3. Liv. dec. 5. l. 5. Polyb. l. 81, 82, 89. Porphy. in Gr. Euseb. Scallig. p. 224. Diod. Sic. in Excerpt. Valer. p. 310, 373. Joseph. Antiqu.

l. 12. Appian in Syr. Maccab. l. 1. l. 1.

4. Vid. Liv. Dec. 5. l. 5. Appian. Syr. Cic. in Philip. Plut. in Apophth. Valer. Max. l. 6. Patere. l. 1. Polyb. Legat. 92. Joseph. l. 12. Plin. l. 34.

jubet; nec prius inde exire, quam responsum senatui daret, aut pacem, aut bellum, cum Romanis habiturum. Adeoque hæc austeritas animum regis fregit, ut paritutum se senatui responderet. Reversus in regnum Antiochus, decedit relicto parvulo admodum

A. C.
164.

filio: cui cum tutores dati à populo essent, patruus ejus ⁶ Demetrius, qui obses Romæ

A. C.
165.

erat, cognita morte Antiochi fratris, senatum adiit, obsidemque se vivo fratre venisse, quo mortuo, cujus obses sit, se ignorare. Di-

mitti igitur se ad regnum petendum æquum esse, quod, sicuti jure gentium majori fratri

cesserit, ita nunc sibi, qui pupillum ætate antecedit, deberi. Cum se non dimitti ani-

A. C.
161.

madverteret à senatu, tacito judicio, tutius apud pupillum, quam apud eum, regnum futu-

rum arbitrans: specie venandi ab urbe profectus, Ostiæ tacitus, cum fugæ comitibus navem conscendit. Delatus in Syriam, secundo favore omnium excipitur: regnumque ei, occiso pupillo, à tutoribus traditur.

A. C.
145.

CAP. IV. Eodem fere tempore, Prusias rex Bithyniæ, consilium cepit interficiendi Nicomedis filii, dum consulere studet mino-

ribus filiis, quos ex noverca ejus susceperat, & Romæ habebat. Sed res adolescenti ab his, qui facinus susceperant, proditur: hortati-

que sunt, ut crudelitate patris provocatus, occupet insidias, & in auctorem retorqueat scelus: nec difficilis persuasio fuit. Igitur cum accitus in patris regnum venisset, statim

5. Addunt N. & C. nomine Eupatoris, quod videtur Glossema quod è margine in textum delatum.

6. Vid. Apian. Syr. Joseph Hist. 12: 13. Polyb. Ispat 114. Macab. 1. 1. c. 7. 1. 2. c. 14. Contr. 1. 2.

7. Aliquid videtur desisse, nimirum dicebat, aut qui simile,

8. Gestus, & Tutoribus; sic enim Livii Epit.

9. Vid. Appian, in Mithrad. Strab. 13. Zosim. 1. 2.

rex appellatur. Prusias regno spoliatus à filio, ^{A. C. 149.} privatusque redditus, etiam à servis deseritur. Cum in latebris ageret, non minori scelere, quam ¹⁰ filium occidi jusserat, à filio interficitur.

^{39.} Rectius addi poteris, quo. Vid. Diod. Sic. l. 32. apud Phot. Bib. Cod. 244. Liv. Dec. 5. l. 10.

LIBER XXXV.

BREVARIUM CAPITUM.

1. Demetrius bella quærens, ab hostibus opprimitur, & in acie cadit.
2. Qui Demetrium everterat, ejusdem filio dat penas; prælio victus & interfectus.

CAP. I.

DEMETRIUS, occupato Syriæ regno, ^{A. C. 141.} novitati suæ otium periculosum ratus, ampliare fines regni, & opes augere, finitimorum bellis statuit. Itaque Ariarathi, regi Cappadociæ, propter fastiditas sororis nuptias infestus, fratrem ejus Orofernem, per injuriam regno pulsum, supplicem recepit, datumque sibi honestum belli titulum gratulatus, restituere eum in regnum statuit. Sed ^{A. C. 139.} Orofernes ingrato animo, inira cum Antiochensibus pactione, offensis tunc Demetrio, pellere ipsum regno, à quo restituebatur, consilium cepit. Quo cognito, Demetrius vitæ ^{A. C. 137.} quidem ejus, ne Ariarathes metu fraterni belli liberaretur, pepercit: ipsum autem

^{1.} Vid. Appian. Syr. Diod. Sic. l. 24. Zon. l. 2. Polyb. l. 3. c. 9. Liv. Dec. 5. l. 7.

A. C. 159. comprehensum, vinctum Seleuciae custodi-
ri jubet. Nec Antiochenses indicio territi,
a defectione destiterunt. Itaque adjuvanti-
bus & Ptolemæo rege Ægypti, & Artalo re-
ge Asiæ, & Ariarathe Cappadociæ, bello a
Demetrio laceffiti, subornant² Balam quen-
dam, fortis extremæ juvenem, qui Syriæ
regnum velut paternum armis repeteret: &
ne quid contumeliæ deesset, nomen ei Alex-
andri inditur, genitusque ab Antiocho rege
dicitur. Tantum odium Demetrii apud
omnes erat, ut æmulo ejus non vires regiæ
tantum, verum etiam generis nobilitas con-
sensu omnium tribueretur. Igitur Alexander
admirabili rerum varietate pristinarum for-
dium oblitus, totius ferme Orientis viribus
succinctus, bellum Demetrio infert, victum-
que vita pariter ac regno spoliatur. Quanquam
nec Demetrio animus in propulsando bello
defuit. Nam & primo prælio hostem fu-
gavit, & regibus bellum restituentibus, mul-
ta millia in acie cecidit. Ad postremum ta-
men invicto animo inter confertissimos for-
tissime dimicans, cecidit.

A. C.
150.

A. C.
153.

A. C.
148.

CAP. II. Initio belli Demetrius duos filios
apud Gnidium hospitem suum, cum magno
auri pondere commendaverat, ut belli peric-
ulis eximerentur, & si ita fors tulisset, pa-
ternæ ultioni servarentur. Ex his major⁴
Demetrius, annos pubertatis egressus, audi-
ta Alexandri luxuria, quem insperatæ opes,
& alienæ felicitatis ornamenta, velut captum,
inter scortorum greges desidem in regia tene-

2. Sic. Joseph. l. 13. in impressis
nullo sensu propalam leguntur. Vid.
1. Maccab. c. 1. o. Sulp. Sever. l. 2.
Strab. l. 16. Joseph. ut supr.

3. Vid. Appian. in Syr. Joseph.

13. c. 1. Macch. 10.

4. Vid. Joseph. l. 13. c. 2. 1.
Maccab. c. 1. c. Diod. Sic. in excerpt.
Valer. p. 146. Polyb. in Excerpt. Va-
ler. p. 194. Strab. l. 16.

bant,

bant, auxiliantibus Cretenſibus, ſecurum ac nihil hoſtile metuentem aggreditur. Antiochenſes quoque, veterem patris offenſam novis meritis correcturi, ſe ei tradunt: ſed & milites paterni, favore juvenis accenſi, prioris ſacramenti religionem novi regis ſuperbiæ præferentes, ſigna ad Demetrium tranſferunt: atque ita Alexander non minori impetu fortunæ deſtructus, quam elatus, primo prælio victus & interficitur: deditque pœnas, & Demetrio, quem occiderat; & Antiocho, cujus mentitus originem fuerat.

ſ. Vid. Dipd. Sic. apud Phot. Dec. 4. l. 2. Smab. l. 16. Joſeph. l. Cod. 244. 1. Maccab. c. 11. Po. 13. c. 3. 7b. in Excerpt. Valeſ. p. 194. Liv.

LIBER XXXVI.

BREVARIUM CAPITULI.

1. Demetrius junior bella importune movet & infeliciten perſequitur. Turba in Syria, ubi Trypho ab Antiocho Demetrii fratre, opprimitur. Antiochus Judæos ſubigit.
2. De Judæorum origine, incrementis & geſtiſ, Juſtini falſa ſententia.
3. Judæorum opes. Mare mortuum. A quibus Judæi domiti ſint.
4. Attali Aſia, regis delicta, mors, teſtamentum: Aſia Romanorum ſit propria: divitias, autem & vitia ſua Romanam tranſmittit.

CAP.

RECIPERATO paterno regno Demetrius, & ipse rerum successu corruptus, vitiis adolescentiæ in segnitiam labitur; tantumque contemptum apud omnes inertiae, quantum odium ex superbia pater habuerat, contraxit. Itaque cum ab Imperio ejus passim civitates deficerent, ad abolendam segnitiae maculam, bellum¹ Parthis inferre statuit: cujus adventum non inviti Orientis populi videre; & propter Arsacidæ, regis Parthorum, crudelitatem; & quod veteri Macedonum imperio assueti, novi populi superbiam indigne ferebant. Itaque cum & Persarum, & Elymaeorum, Bactrianorumque auxiliis juvaretur, multis præliis Parthos fudit. Ad postremum tamen pacis simulatione deceptus, capitur; traductusque per ora civitatum, populis qui desciverant, in ludibrium favoris ostenditur. Missus deinde in Hyrcaniam, benigne & juxta cultum pristinae fortunæ habetur. Dum hæc aguntur, interim in Syria² Trypho, qui se tutorem Antiocho, Demetrii privigno, substitui a populo laboraverat, occiso pupillo, regnum Syriæ invadit. Quo diu potitus, tandem exolescente favore recentis imperii, ab Antiocho puero admodum, Demetrii fratre, qui in Asia educabatur, bello vincitur: rursusque regnum Syriæ ad sobolem Demetrii revertitur. Igitur

A.C.
141.A.C.
139.

¹ Vid. Appian. Syr. Oros. l. 5. c. 1. l. 11. c. 9. 10. 1 Maccab. c. 15. 12. Maccab. 14. Joseph. l. 11. c. 9. Appian. Syr. Strabo. l. 16.
² Vid. Liv. Epit. Dec. 6. Joseph.

³ Antiochus, memor quod & pater propter superbiam invisus, & frater propter legnitiam contemptus fuisset, ne in eadem vitia incideret, recepta in matrimonium Cleopatra, uxore fratris, civitates quæ initio frater-
ni imperii defecerant, summa industria persequitur, domitasque rursus regni terminis
adjicit. Judæosque, qui in Macedonico imperio sub Demetrio patre armis se in liber-
tatem vindicaverant, subigit. Quorum vi-
res tantæ fuere, ut post hunc nullum Macedo-
num regem tulerint, domesticisque imperiis
usi, Syriam magnis bellis infestaverint.

A. C.
117.

V. C.

115.

A. C.
130.

CAP. II. Namque Judæis origo Damascena, Syriæ nobilissima civitas: unde & Assyriis regibus genus, ex regina Semirami, fuit. Nomen urbi a Damasco rege inditum: in
cujus honorem, Syri sepulcrum Arathis uxoris ejus⁶ pro templo coluere; deamque exinde sanctissimæ religionis habent. Post
Damascum Azelus, mox Adorea, Abraham, & Israel reges fuere. Sed Israelem felix decem filiorum proventus majoribus suis clariorem fecit. Itaque populum in decem regna divisum filiis tradidit, omnesque ex nomine Judæ, qui post divisionem decesserat, Judæos appellavit: colique ejus memoriam ab omnibus jussit: cujus 7 portio omnibus accesserat. Minimæ ætate inter fratres Joseph fuit: cujus excellens ingenium veriti
fratres, clam interceptum peregrinis mercatoribus vendiderunt. A quibus deportatus in Ægyptum, cum magicas ibi artes solerti

A. C.
1733.

3. Vid. Diad. Sic. l. 14. in bibl. Pler. cod. 214. Joseph. l. 13. c. 11. 13. 1. Maccab. c. 15.

4. Rectius forasse, Dana, si Erymologion M. fides.

5. Legendum, Athares; ut ex Strabo.

bon. l. 18. & Macrobi. Sat. 1. diffimus. 6. Moner Faber, repetendum, ejus exemplo.

7. Sic. N. W. C. Impressi legunt. ejus.

ingenio percepisset, brevi ipsi regi percarus fuit. Nam & prodigiorum sagacissimus erat, & somniorum primus intelligentiam condidit; nihilque divini juris humanique ei incognitum videbatur, adeo, ut etiam sterilitatem agrorum ante multos annos providerit: perissetque omnis Ægyptus fame; nisi monitu ejus rex edicto servari per multos annos fruges jussisset: tantaque experimenta ejus fuerunt, ut non ab homine, sed à Deo responsa dari viderentur. Filius ejus Moses fuit, quem præter paternæ scientiæ hæreditatem, etiam formæ pulcritudo commendabat. Sed Ægyptii, * quum scabiem & vitiliginem paterentur, responso moniti, eum cum ægris, ne pestis ad plures serperet, terminis Ægypti pellunt. Dux igitur exsulum factus, sacra Ægyptiorum furto abstulit: quæ repentes armis Ægyptii, domum redire tempestatibus compulsi sunt. Itaque Moses Damascena antiqua patria repetita, montem*Synan occupat: quo, septem dierum jejunio, per deserta Arabiæ, cum populo suo fatigatus, cum tandem venisset, septimum diem more gentis Sabbatum appellatum, in omne ævum jejunio sacrauit: quoniam illa dies famem illis erroremque finierat. Et quoniam metu contagionis pulsos se ab Ægypto meminerant, ne eadem causa invisi apud incolas forent, caverunt, ne cum peregrinis communicarent quod, ex causa factum, paulatim in disciplinam religionemque convertit. Post Mosen etiam filius ejus

A. C.

3715.

A. C.

3708.

A. C.

371.

A. C.

3491.

*. Vid. Diod. Sic. l. 34. 40. apud Phor. cod. 244. Tacit. hist. l. 5. sed fore omnes in Judæorum contumaciam mendacia congelisse. Edit. Junct. Syna. MSS. quidam habent. convivissent.

Aruas, sacerdos sacris Ægyptiis, mox rex creatur; semperque exinde hic mos apud Judæos fuit, ut eosdem, reges & sacerdotes haberent: quorum iustitia religione permixta, incredibile quantum coaluere.

CAP. III. Opes genti ex vectigalibus opobalsami crevere, quod in his tantum regionibus gignitur. Est namque vallis, quæ continuis montibus, velut muro quodam, ad instar castrorum clauditur. Spatium loci ducenta jugera, nomine Hierico dicitur. * In ea silva est, & ubertate & amoenitate insignis: siquidem palmeto & opobalsameo distinguitur. Arbores opobalsami, formam similem piceis arboribus habent, nisi quod sunt humiles magis, & in vinearum morem excoluntur. Hæ certo anni tempore balsamum sudant. Sed non minor loci ejus apricitatis quam ubertatis admiratio est: quippe cum toto orbe regionis ejus ardentissimus sol sit, ibi tepidi aeris naturalis quædam ac perpetua apricitas inest. In ea regione lacus est Asphaltites, qui propter magnitudinem & aquæ immobilitatem, Mortuum mare dicitur. Nam neque ventis movetur, resistente turbinibus bitumine, quo aqua omnis stagnatur: neque navigationis patiens est, quoniam omnia vita carentia in profundum merguntur: nec materiam ullam sustinet, nisi quæ alumine illinatur. Primus Xerxes, A. C. 481. rex Persarum, Judæos domuit: postea cum A. C. 333. ipsis Persis in ditionem Alexandri Magni venire, diuque in potestate Macedonici imperii subjecti Syriæ regno fuere. A 10 Deme-

1. Sic W. Cui lectio suffragantur Strabo lib. 16. Plin. l. 11. 25. & Solin. c. 36 interpretantur legunt, arbus quasi latet formam respicit Justinus.

* Junta, in ea valle silva.
10. Vid. 1. Maccab. 12. 11. 12. Joseph. l. 11. c. 9. 17. Dioscorid. sic in excerpt. Vales. p. 117.

A. C. 141. trio cum descivissent, amicitia Romanorum petita, primi omnium ex Orientalibus libertatem receperunt, facile tunc Romanis de alieno largientibus.

A. C. 148. C A P. IV. Per eadem tempora, quibus in Syria regni mutatio inter novos reges alternabatur, in Asia rex Attalus florentissimum ab ¹¹ Eumene patruo acceptum regnum, cædibus amicorum, & cognatorum suppliciis scædabat, nunc matrem anum, nunc Beronicen sponsam maleficiis eorum necatas confingens. Post hanc scelestam violentiæ rabiem, squalidam vestem sumit: barbam capillumque in modum reorum summittit: non in publicum prodire, non populo se ostendere, non domi lætiora convivium inire, aut aliquod signum sani hominis habere, prorsus ut poenas pendere manibus interfectorum videretur. Ommissa deinde regni administratione, hortos fodiebat, gramina seminabat, & noxia innoxiiis permiscebat, eaque omnia veneni succo infecta, velut peculiare munus amicis mittebat. Ab hoc studio ærarie artis fabricæ se tradit, cerisque fingendis, & ære fundendo procudendoque oblectabatur. Matri deinde sepulcrum facere instituit: cui operi intentus, morbum ex solis fervore contraxit, & septima die decessit: ¹² hujus testamento hæres populus Rom. tunc instituitur. Sed erat ex ¹³ Eumene Aristonicus, non iusto matrimonio, sed ex pellice Ephesia citharistæ cujusdam filia genitus, qui post mor-

¹¹ Strabo, Patrem Attali fuisse dicit. I. 11. Vid. Epit. Liv. c. 8. Flor. I. 2. Oros. I. 1. 12. Vid. Valer. Max. I. 1. c. 1. Pius. in Tib. Græch. Strabo. lib. 12. Flor. I. 3. Patres. 2. 4. 1. Oros. 4. 8. ¹² Vid. Plut. in Q. Flamin. Appian. Bell. Civ. I. 1. Diod. Sic. in excerpt. Valer. p. 362.

tem Attali, velut paternum regnum Asiam
 invasit. Cum multa secunda praelia adver-
 sus civitates, quæ metu Romanorum trade-
 re se ei nolebant, fecisset; justusque rex jam
 videretur, Asia. ^{A. C. 132.} Licinio Crasso consuli
 decernitur: qui intentior Attalicæ prædæ,
 quam bello, quum extremo anni tempore
 inordinata acie praelium conseruisset, victus
 pœnas inconsultæ avaritiæ sanguine dedit.
 In hujus locum missus ^{A. C. 130.} 15 Perpenna consul,
 prima congressione Aristonicum superatum
 in potestatem suam redegit: Attalicasque ga-
 zas hæreditarias populi Romani, navibus
 impositas, Romam deportavit. Quod ægre
 ferens successor ejus ^{A. C. 129.} 16 Manius Aquilius
 Consul, ad eripiendum Aristonicum Per-
 pennæ, veluti sui potius triumphi munus
 esse deberet, festinata velocitate contendit.
 Sed contentionem Consulum, mors Perpen-
 næ diremit. Sic Asia Romanorum facta,
 cum opibus suis vitia quoque Romam trans-
 misit.

14. Vid. Valer. Max. l. 1. Liv. eph.
 Duo. 6. Patere. l. 1. Strab. l. 14. Jul.
 Obsequ. de Prodig. Eutrop. l. 4. Orof.
 l. 5.

15. Vid. Strab. l. 14. Valer. Max.
 l. 1. Eutrop. l. 4. Orof. l. 5.
 16. Imperatoris manifestis erroribus, Alar-
 cius legum.

LIBER XXXVII.

BREVARIUM CAPITUM.

1. *Massiliensium in Phocenses beneficentia. Tra-*
gadiæ in Cappadocia & Ponto.
2. *Mithridatis Ponti Regis futura magnitudo*
prædicta, liberatio, occupationes.
3. *Ejusdem res gestæ; & domi ab uxore pericu-*
lum.
4. *Otii detestatio; exercitia militaria. Cap-*
padocia

padocia & Galatia occupatio, atque superbum Romanis responsum.

CAP. I.

Capto Aristonico, Massilienses pro Phocensibus conditoribus suis, quorum urbem senatus, & omne nomen, quod & tunc, & antea Antiochi bello, infesta contra populum Romanum arma tulerant, deleri jusserat, legatos Romam deprecatum misere, veniamque his à senatu obtinuerunt. Post hæc regibus, qui adversus Aristonicum auxilia tulerant, præmia persoluta: Mithridati Pontico¹ Phrygia major: filiis Ariarathis regis Cappadociae, qui eodem bello occiderat, Lycaonia & Cilicia datæ; fideliorque populus Romanus in socii filios, quam mater in liberos fuit: quippe hinc parvulis auctum regnum, inde vita adempta. Namque Laodice ex numero sex filiorum, quos virilis sexus ex Ariarathe rege susceperat, timens ne non diutinam regni administrationem adultis quibusdam potiretur, quinque parricidiali veneno necavit: unum parvulum, sceleri matris cognatorum custodia eripuit, qui post necem Laodices (nam propter crudelitatem, eam populus extinxerat) solus regno potitus est.² Mithridates quoque repentina morte interceptus filium, qui & ipse Mithridates dictus est, reliquit. Cujus ea postea magnitudo fuit, ut non sui tantum temporis, verum etiam superioris

A. C.
119.

A. C.
209.

A. C.
121.

¹ In impressis nonnullis Syria, possumus.

² Vid. Strab. l. 10. Appian. in Mithrid.

ætatis omnes reges majestate superaverit, bellaque cum Romanis per XLVI. annos varia victoria gesserit: Cum eum summi imperatores, Sylla, Lucullus, ceterique, in summa Cneus Pompeius, ita vicerint, ut major clariorque in restaurando bello resurgeret, damnisque suis terribilior redderetur. Denique ad postremum, non vi hostili * sed voluntaria morte, in avito regno, senex, hærede filio, decessit.

A. C.
88.
73.
63.

A. C.
64.

CAP. II. Hujus futuram magnitudinem etiam cœlestia ostenta prædixerant. Nam & eo quo genitus est anno, & eo quo regnare primum cœpit, stella cometes per utrumque tempus septuaginta diebus ita eluxit, ut cœlum omne flagrare videretur. Nam & magnitudine sui quartam partem cœli occupaverat; & fulgoris sui radiis, Solis nitorem vicerat; & cum oriretur occumberetque, quatuor spatium horarum consumebat. Puer tutorum insidias passus est, qui eum fero equo impositum, equitare jacularique cogeant: qui conatus cum eos fefellissent, supra ætatem regente equum Mithridate, veneno eum appetivere. Quod metuens, antidota sæpius bibit, & ita se adversus insidias exquiritis tutioribus remediis * stagnavit, ut ne volens quidem senex veneno mori potuerit. Timens deinde, ne inimici, quod veneno non potuerant, ferro peragerent, venandi studium finxit, quo per

A. C.
135.
A. C.
134.

A. C.
64.

3. Faber, vocem, denique, suadet delendam.

4. Ita Junt. edit. Alii interponunt, victus.

5. Sic N. C. W. quæ quidem lectio, ut & sequentia quædam hujus periodi, egregie confirmantur apud Lupum

Abbat. qui 900. ferme annis abhinc viserat

6. Intellige munivit: ex notione Græcæ vocis: ita in Glossar. steganomium, mansionis pretium dicitur.

septem annos neque urbis, neque ruris tecto
 ulus est: sed per silvas vagatus, diversis mon-
 tium regionibus pernoctabat, ignaris omni-
 bus, quibus esset locis; assuetus feras cursu
 aut fugere, aut persequi, cum quibusdam e-
 tiam, viribus congredi. Quibus rebus, & in-
 fidias vitavit, & corpus ad omnem virtutis
 patientiam duravit.

A. C.
 312.

A. C.
 316.
 A. C.
 319.
 A. C.

CAP. III. Ad regni deinde administrati-
 onem cum accessisset, statim non de regendo,
 sed de augendo regno cogitavit. Itaque Scy-
 thas invictos antea, qui Sopyriona, Alexan-
 dri Magni ducem, cum triginta millibus ar-
 matorum deleverant; qui Cyrum Persarum
 regem, cum ducentis millibus trucidaverant;
 qui Philipponem Macedonum regem fugave-
 rant, ingenti felicitate perdomuit. Auctus
 igitur viribus, Pontum quoque, ac deinceps
 Cappadociam occupavit. Cum de Asia trac-
 taret, tacitus cum quibusdam amicis regno
 profectus, universam nemine sciante pervagatus
 est, omniumque urbium situm ac re-
 giones cognovit. Inde Bithyniam transcen-
 dit, & quasi dominus Asiæ, opportuna quæ-
 que victoriæ suæ metatus est. Post hæc in
 regnum, cum jam perisse crederetur, rever-
 sus est, invento parvulo filio, quem per ab-
 sentiam ejus Laodice soror uxorque enixa
 fuerat. Sed inter gratulationem adventus
 sui, & filii geniti, veneno periclitatus est:
 siquidem Laodice soror, cum periisse eum
 crederet, in concubitus amicorum projecta,
 quasi admissum facinus majore scelere tegere
 posset, venenum advenienti paravit. Quod

7. Vid. Q. Curt. l. 10. Strab. l. 2. 7. Memu. excerpt,

cum ex ancilla Mithridates cognovisset, facinus in auctores vindicavit.

CAP. IV. Hieme deinde ⁸ appetente, non in convivio, sed in campo; non in vacationibus, sed in exercitationibus; nec inter sodales, sed inter coæquales, aut equo, aut cursu, aut viribus contendebat. Exercitum quoque suum ad parem laboris patientiam quotidiana exercitatione durabat: atque ita invictus ipse inexpugnabilem exercitum fecerat. Inita deinde cum Nicomede societate, Paphlagoniam invadit, victamque cum socio dividit. Quam cum teneri à regibus senatui nuntiatum esset, legatos ad utrumque misit, qui gentem restitui in pristinum statum juberent. Mithridates, cum se jam parem magnitudini Romanorum crederet, superbo responso, hæreditarium patri suo regnum obvenisse, respondit; mirarique se, quod ⁹ quæ ei relata controversia non fuerit, sibi referatur. Nec territus minis, Galatiam quoque occupat. Nicomedes, quoniam se tueri jure non poterat, justo regi redditurum respondit. Atque ita filium suum mutato nomine, Pylæmenem Paphlagonum regum nomine appellat, & quasi stirpi regiæ reddidisset regnum, falso nomine tenet. Sic ludibrio habiti legati, Romam revertuntur.

⁸ Sic W. C. in impressis, imminente. ⁹ Vox hæc ex Edit. Junt. additur; quæ in aliis deest.

JUSTINI
LIBER XXXVIII.

B R E V I A R I U M C A P I T U M .

1. *Mithridates regni sui auspiciis parricidiis polluit ; & callidis artibus Ariarathem Cappadocem trucidat.*
2. *Novæ Mithridatis & Nisomedis tragædia, quas senatus Romanus utcunque sedat.*
3. *Mithridates Tigranem in societatem belli adversus Romanos trahit, & Proconsulibus Rom. fufis, ingenti civitatum Asianarum favore excipitur.*
4. *Oratio Mithridatis, in qua rationes suas exponit, cur bellum sit Romanis inferendum.*
5. *Romanos, dum occupati essent, adoriundos esse censet, justum bellum illud ostendens.*
6. *Malas eorundem artes & originem detegit.*
7. *Stirpis suæ nobilitatem, suorumque libertatem a fortitudinem opponit ; nec non belli facilitatem : liberalitate ac munificentiâ milites alliciens.*
8. *Ptolemæus Physcon in Ægypto multiplici scelere omnia trahit, & à suis pellitur.*
9. *Demetrii Syriæ Regis, fortunæ ludibrii, casus varii.*
10. *Antiochus Demetrii frater, Parthos bello aggressus, in acie à suis desertus occiditur.*

C A P . I .

A. C.
91.

Mithridates parricidia à nece uxoris auspiciatus, sororis alterius Laodices filios, cujus virum Ariarathem, regem Cappadociæ, per Gordium insidiis occiderat, tollendos

dos statuit: nihil actum morte patris existimans, si adolescentes paternum regnum, cuius ille cupiditate flagrabat, occupassent. Igitur dum in his cogitationibus versatur, interim Nicomedes, rex Bithyniæ, vacuum morte regis Cappadociam invadit. Quod cum nuntiatum Mithridati fuisset, per simulationem pietatis auxilia sorori ad expellendum Cappadocia Nicomedem mittit. Sed jam Laodice per pactiōem se Nicomedi in matrimonium tradiderat. Quod ægre ferens Mithridates, præsidia Nicomedis Cappadocia expellit; regnumque sororis filio restituit: egregium prorsus factum, ni subsequuta fraus esset. Siquidem interjectis mensibus, simulat, se Gordium, quo ministro usus in Ariarathe interficiendo fuerat, restituere in patriam velle, sperans, si obstitere adolescentem, causas belli futuras: aut, si permitteret, per eundem, filium tolli posse, per quem interfecerat patrem. Quod ubi^{A.C.} Ariarathes junior moliri cognovit, graviter^{91.} ferens interfectorem patris per avunculum potissimum ab exilio revocari, ingentem exercitum contrahit. Igitur cum in aciem eduxisset Mithridates peditum octoginta millia, equitum decem millia, currus falcatos DC; nec Ariarathi, auxiliantibus finitimis regionibus, minores copię essent, incertum bellitimens, consilia ad insidias transfert: sollicitatoque juvene ad colloquium, cum ferrum occultatum inter fascias gereret, scrutatori, ab Ariarathe regio more misso, curiosius inum ventrem pertractanti, ait, caveret ne aliud telum inveniret, quam quæreretur. Atque

que ita risu protectis insidiis, ' sevocatum ab amicis, velut ad secretum sermonem, inspectante utroque exercitu, interficit : regnum Cappadociæ octo annorum filio, imposito Ariarathis nomine, additoque ei rectore Gordio, tradidit.

A. C.
91.

CAP. II. Sed Cappadoces, crudelitate ac libidine præfectorum vexati, à Mithridate deficiunt; fratremque regis, & ipsum Ariarathem nomine, ab Asia, ubi educabatur, revocant : cum quo Mithridates prælium renovat, victumque Cappadociæ regno expellit. Nec multo post adolescens, ex ægritudine collecta infirmitate, decedit. Post hujus mortem Nicomedes timens, ne Mithridates accessione Cappadociæ, etiam Bithyniam finitimam invaderet, subornat puerum eximie pulcritudinis, quasi Ariarathes tres, non duos filios genuisset, qui à senatu Romano paternum regnum peteret. Uxorem quoque Laodicem Romam mittit, ad testimonium trium ex Ariarathe susceptorum filiorum. Quod ubi Mithridates cognovit, & ipse pari impudentia Gordium Romam mittit, qui senatui affereret, puerum cui Cappadociæ regnum tradiderat, ex eo Ariarathe genitum, qui bello Aristonici auxilia Romanis ferens cecidisset. Sed senatus, studio regum intellecto, aliena regna falsis nominibus furantium, & Mithridati Cappadociam, & Nicomedi ad solarium ejus, Paphlagoniam ademit. Ac ne contumelia regum foret, ademptum illis, quod daretur aliis, uterque populus libertate donatus est. Sed Cappa-

A. C.
91.

v. Sic Just. Alii legunt, evocatum. Vid. Memn. c. 31, apud Phot. cod. 214.

doces munus libertatis abnuentes, negant vivere gentem sine rege posse. Atque ita rex illis à senatu Ariobarzanes constituitur.

CAP. III. Erat eo tempore Tigranes rex Armeniæ, obses Parthis ante multum temporis datus sed olim ab iisdem in regnum paternum remissus. Hunc, Mithridates ad societatem Romani belli, quod olim meditabatur, pellicere cupiebat. Nihil igitur de offensa Romanorum sentientem, per Gordium impellit, ut Ariobarzani, segni admodum, bellum inferat: & ne quis dolus subesse videretur, filiam suam ei Cleopatram in matrimonium tradit. Primo igitur adventu Tigranis, Ariobarzanes, sublati rebus suis, Romam contendit. Atque ita per Tigranem rursus Cappadocia juris esse Mithridatis cœpit. + Eodem tempore mortuo Nicomede, etiam filius ejus & ipse Nicomedes regno à Mithridate pellitur; qui cum supplex Romam venisset, decernitur in senatu, ut uterque in regnum restitueretur: in quod tum missi Aquilius & Manlius Mactinus legati. His cognitis Mithridates societatem cum Tigra-ne, bellum adversus Romanos gesturus, jungit: pactique inter se sunt, ut urbes agrique Mithridati, homines vero & quæcunque auferri possent, Tigrani cederent. Post hæc Mithridates intelligens, quantum bellum suscitaret, legatos ad Cim-bros, alios ad Gallogræcos, & Sarmatas Ba-

A. C.

36

A. C.

30

A. C.

39

2. Vid. Strab. l. 12. Plut. in Syll. Appian. bell. civ. l. 1. & in Mithrid. Ep. Liv. Dec. 7. l. 10.

3. Vid. Appian. in Mithr. Cle. pro Manil.

4. Vid. Memn. in Excerpt. apud

Phot. c. 31. Appian. in Mithr.

c. Potius legendum, Manius Aquilius, & Marcus Atrilius. Vid. Appian. in Mithr. & Livii Epit. ubi Gap. Manius Aquilius & M. Atrilius.

Usser. Annal. 11. § 1. ex MS.

^{A. C.}
^{22.} starnaſque, auxilium petiſum mittit. Nam omnes has gentes Romanum meditabundus bellum, variis beneficiorum muneribus jam ante illexerat. Ab Scythia quoque exercitum venire jubet, omnemque Orientem adverſus Romanos armat. Non magno igitur labore Aquilium & Maltinum, Aſiano exercitu inſtructos vincit: quibus ſimul cum Nicomede pulſis, ingenti favore civitatum excipitur: multum ibi auri argentique, ſtudio veterum regum, magnumque belli apparatus invenit: quibus inſtructus, debita civitatibus publica privataque remittit, & vacationem quinquennii concedit. Tunc ad concionem milites vocat, eoſque variis exhortationibus ad Romana bella ſive Aſiana incitat. Quam orationem dignam duxi, cujus exemplum brevitati hujus operis infererem, quam obliquam Pompeius Troguſ expoſuit: quoniam in Livio & in Salluſtio reprehendit, quod conciones directas, pro ſua oratione operi ſuo inferendo, hiftoriæ modum exceſſerant.

C A P. IV. Optandum ſibi fuiſſe ait, ut de eo liceret conſulere, bellumne ſit cum Romanis, an pax habenda: quin vero ſit reſiſtendum impugnantibus, nec eos quidem dubitare, qui ſpe victoriæ careant. Quippe adverſus latronem, ſi nequeant pro ſalute, pro ultione tamen ſua, omnes ferrum ſtringere. Ceterum quia non id agitur, an liceat quieſcere, non tantum animo hoſtiliter, ſed etiam prælio congreſſis, conſulendum, qua ratione

6. Vld. Diod. Sic. in excerptis: Strab. l. 11. Liv. epit. Dec. 8. l. 6. Valer. p. 401. Aſian. l. 5. c. 15.

ac spe coepta bella sustineant. Esse autem sibi victoriæ fiduciam, si sit illis animus: Romanosque vinci posse, cognitum non sibi magis, quam ipsis militibus, qui & in Bithynia Aquilium, & Maltinum in Cappadocia fuderint. At si quem aliena magis exempla, quam sua experimenta moveant, audire se, à Pyrrho rege Epiri, non amplius quam quinque millibus Macedonum instructo, fusos tribus præliis Romanos. Audire Annibalem sexdecim annis Italiæ victorem immoratum: & quin ipsam caperet urbem, non Romanorum illi vires obstitisse, sed domesticæ æmulationis atque invidiæ studium. Audire populos Transalpinæ Galliæ Italiam ingressos, maximis eam plurimisque urbibus possidere; & latius aliquanto solum finium, quam in Asia, quæ dicatur imbellis, eosdem Gallos occupasse; nec victam solum dici sibi Romam à Gallis, sed etiam captam, ita ut unius illis montis tantum cacumen relinqueretur; nec bello hostem, sed pretio remotum: Gallorum autem nomen, quod semper Romanos terruit, in partem virium suarum ipse numeret. Nam hos qui Asiam incolunt Gallos, ab illis, qui Italiam occupaverant, sedibus tantum distare; originem quidem ac virtutem, genusque pugnæ idem habere, tantoque his sagaciora esse quam illis ingenia, quanto longiori ac difficiliore spatio, per Illyricum Thraciamque prodierint, pene operosius transitis eorum finibus, quam ubi consedere, possessis. Jam ipsam Italiam audire se nunquam, ut Roma condita sit, satis illi pacatam, sed assidue per omnes

A. C. annos pro libertate alios, quosdam etiam
 69. pro jure imperii bellis continuis perseverasse;
 & à multis civitatibus Italiæ deletos Romanorum exercitus ferro, à quibusdam novo contumeliæ more * sub jugum missos. Ac ne veteribus immoremur exemplis, hoc ipso tempore universam Italiam bello Marfico confurrexisse, non jam libertatem, sed consortium imperii civitatisque poscentem. Nec gravius * vicino Italiæ bello, quam domesticis principum factionibus urbem premi, multoque periculosius esse Italico civile bellum: simul & à Germania Cimbros, immensa millia ferorum atque immitium populorum, more procellæ, inundasse Italiam: quorum tametsi singula bella sustinere Romani possent, universis tamen obruantur, ut ne vacaturos quidem bello suo putet.

C A P. V. Utendum igitur occasione, & rapienda incrementa virium, ne si illis occupatis quieverint, mox adversus vacuos & quietos, majus negotium habeant. Non enim quæri, an capienda sint arma, sed utrum sua potius occasione, an illorum. Nam bellum quidem jam tunc secum, ab illis geri cœptum; cum sibi pupillo majorem Phrygiam ademerrint, quam patri suo præmium dati adversus * Aristonicum auxilii concefferant, gentem quam & proavo suo Mithridati Seleucus Callinicus in dotem dedisset. Quid, cum Paphlagonia se decedere jussorunt, non alterum illud genus belli fuisse? quæ non vi, non armis, sed adoptione testamenti, & regum domesticorum interitu, hæreditaria patri suo

* Vid. Liv. 96. * Junte, viam. Vid. lib. XXXVII.

obvenisset;

obvenisset : cum inter hanc decretorum amaritudinem parendo, ⁷ non tamen eos mitigaret, quin acerbius se indies gerant, non obtinuisse. Quod enim à se non præbitum illis obsequium ? non Phrygiam Paphlagoniamque dimissas ? non Cappadocia filium eductum, quam jure gentium victor occupaverat ? Raptam tamen sibi esse victoriam ejus ab illis, quorum nihil est nisi bello quæsitum. Non regem Bithyniæ Chreston, inquem senatus arma decreverat, à se in gratiam illorum occisum ? tamen nihilominus imputari sibi, si qua Gordius aut Tigranes faciat : libertatem etiam in contumeliam sui à senatu ultro delatam Cappadociæ, quam reliquis gentibus abstulerunt : deinde ^{*} populo Cappadocum, pro libertate oblata, Gordium regem orante, idcirco tantum quoniam amicus suus esset, non obtinuisse. Nicomedem præcepto illorum bellum sibi intulisse : quia ultimum ierit se, ab ipsis ventum obviam in ⁸ eo ; & nunc eam secum bellandi illis causam fore, quod non impune se Nicomedi lacerandum, saltatricis filio, præbuerit.

CAP. VI. Quippe non delicta regum illos, sed vires ac majestatem insequi : neque in se uno, sed in aliis quoque omnibus hac semper arte grassatos. Sic & avum suum Pharnacem per cognationum arbitria, succedaneum regi Pergameno Eumeni datum : sic rursus Eumenem, cujus classibus primum in Asiam fuere transvecti, cujus exercitu magis quam suo, & Magnum Antiochum, &

7. Faber monet, idque non temere, legendum, non tantum eos non mitigasse, quin ad acerbius se indies gerant,

non obtinuisse.

^{*} Edix. sunt. populos, & non orantes.

⁸ Sc. bello.

Gallos

^{A.C.}
¹⁹ Gallos in Asia; & mox in Macedonia regem Persen, domuerant; & ipsum pro hoste habitum, eique interdictum Italia; & quod cum ipso detorme sibi putaverant, cum filio ejus Aristonico bellum gessisse. Nullius apud eos majora, quam Masinissæ regis Numidarum haberi merita. Huic imputari victum Annibalem, huic captum Syphacem, huic Carthaginem deletam hunc inter duos illos Africanos tertium servatorem urbis referri: tamen cum hujus nepote bellum modo in Africa gestum adeo inexpiabile, ut ne victum quidem memoriæ avi donarent, quin carcerem ac triumphî spectaculum experiretur. Hancillos regibus omnibus legem odiorum dixisse, scilicet quia ipsi tales reges habuerint, quorum etiam nominibus erubescant, aut pastores Aboriginum, aut aruspices Sabinorum, aut exules Corinthiorum, aut servos vernaſque Thuſcorum, aut, quod honoratissimum nomen fuit inter hæc, Superbos: atque, ut ipsi ferunt, conditores suos lupæ uberibus altos; sic omnem illum populum luporum animos, inexplebiles sanguinis atque imperiî, divitiarumque avidos ac jejunos habere.

C A P. VII. Se autem, seu nobilitate illis comparetur, clariorem illa colluvie convarnarum esse, qui paternos majores suos à Cyro Darioque conditoribus Persici regni, maternos à Magno Alexandro, ac Nicatori Seleuco, conditoribus imperiî Macedonici, referat: seu populus illorum conferatur suo, earum se gentium regem esse, quæ non modo Romano imperio sint pares, sed Macedonico

co quoque obstiterint. Nullam subjectarum ^{A. C.} sibi gentium expertam peregrina imperia : ^{89.} nullis unquam nisi domesticis regibus paruisse : Cappadociam velint, an Paphlagoniam recensere ; rursus Pontum an Bithyniam ; itemque Armeniam majorem minoremque : quarum gentium nullam neque Alexander ille, qui totam pacavit Asiam, nec quispiam successorum ejus, aut posterorum, attigisset. Scythiam duos unquam ante se reges, non pacare, sed tantum intrare ausos, Darium & Philippum ; ægre inde fugam sibi expedisse, unde ipse magnam partem adversus Romanos virium haberet. Multoque se timidius ac diffidentius bella Pontica ingressum, cum ipse rudis ac tiro esset. Scythas præter arma, virtutemque animi, locorum quoque solitudinibus vel frigoribus instructos, per quæ denuntiaretur ingens militiæ labor ac periculum. Inter quas difficultates ne spes quidem præmii foret, ex hoste vago ; nec tantum pecuniæ, sed etiam sedis, inope. Nunc se diversam belli conditionem ingredi. Nam neque cœlo Asiæ esse temperatius aliud, nec solo fertilius, nec urbium multitudine amœn-
ius, magnamque temporis partem, non ut militiam, sed ut festum diem acturos, bello dubium facili magis an uberi : si modo aut proximas regni Attalici opes, aut veteres Lydiæ Ioniæque audierint, quas non expugnatum eant, sed possessum : tamque se avida expectat Asia, ut etiam vocibus vocet : adeo illis odium Romanorum incussit rapacitas Proconsulum, sectio publicanorum, calumniæ litium. Sequantur se modo fortiter : & colligant,

A. C. 35. colligant, quid se duce possit efficere tantus exercitus, quem sine cujusquam militum auxilio, suamet unius opera, viderint Cappadociam cæso rege cepisse; qui solus mortalium Pontum omnem Scythiamque pacaverit, quam nemo ante transire tuto atque adire potuerit. Nam justitiæ atque liberalitatis suæ, ne ipsos milites, qui experiantur, testes refugere: & illa indicia habere, quod solus regum omnium non paterna solum, verum etiam externa regna hæreditatibus propter munificentiam acquisita possideat, Colchos, Paphlagoniam, Bosphorum.

A. C. 39. C A P. VIII. Sic excitatis militibus, post annos tres & viginti sumti regni, in Romana bella descendit. At in Ægypto mortuo rege Ptolemæo, ei qui 9 Cyrenis regnabat Ptolemæo, per legatos regnum & uxor Cleopatra regina, soror ipsius desertur. Iærus igitur hoc solo Ptolemæus, quod sine certamine fraternum regnum recepisset, in quod subornari & à matre Cleopatra, & favore principum, fratris filium cognoverat: ceterum infestus omnibus, statim ubi 10 Alexandriam ingressus est, fautores pueri trucidari iussit. Ipsum quoque die nuptiarum, quibus matrem ejus in matrimonium recipiebat, inter apparatus epularum, & solennia religionum in complexu matris interficit; atque ita torum sororis, cæde filii ejus cruentus, ascendit. Post quod non mitior in populares, qui eum in regnum vocaverant, fuit. 11 Siquidem pe-

8. Legendum potius, Bosphorum. Val. Max. l. 6.

non enim hic agitur de angustis fascibus fœderi Byzantini, sed Cimmarii.

9. Vid. J. Joseph. l. 2. cont. Apion.

10. Vid. Diod. Sic. in Excerpt. Valer. p. 350.

11. Vid. Athen. l. 4. c. 14.

reginis

regrinis militibus licentia cædis data, omnia sanguine quotidie manabant: ipsam quoque sororem, filia ejus virgine per vim stuprata, & in matrimonium adscita, repudiat. Quibus rebus territus populus, in diversa labitur, patriamque, metu mortis, exsul relinquit. Solus igitur in tanta urbe cum suis relictus Ptolemæus, cum regem se non hominum, sed vacuarum ædium videret, edicto peregrinos sollicitat. Quibus confluentibus, obvius legatis Romanorum, ¹² Scipioni Africano, & Spurio Mummiō, & L. Metello, qui ad inspicienda sociorum regna veniebant, procedit. Sed quam cruentus civibus, tam ridiculus Romanis fuit. ¹¹ Erat enim & vultu deformis, & statura brevis, & sagina ventris non homini, sed belluæ, similis. Quam foeditatem nimia subtilitas perlucidæ vestis augebat, prorsus quasi astu inspicienda præberentur, quæ omni studio occultanda pudibundo viro erant. Post discessum deinde legatorum (quorum Africanus, dum inspicit urbem, spectaculo Alexandrinis fuit) jam etiam populo peregrino invisus, cum filio, quem ex sorore susceperat, & cum uxore, matris pellice, metu insidiarum, tacitus in exilium proficiscitur; contractoque mercenario ¹⁴ exercitu bellum sorori pariter ac patriæ infert. Arcessitum maximum deinde à Cyrenis filium, ne eum Alexandrini contra se regem crearent, interficit. Tunc populus statuas & imagines ejus detrahit. Quod factum studio

A. C.

116.

A. C.

130.

A. C.

139.

12. Vid. Cic. in Somn. Scip. Strab. l. 14. Plut. in Apophth. Athen. l. 6. c. 8. Diod. Sic. l. 32.

13. Vid. Athen. l. 12. c. 27.
14. Vid. Liv. Epit. Dec. 6. l. 9. O. of. l. 5. Jul. Obsequ. de prodig.

A. C. 219. sororis existimans, ¹⁵ filium quem ex ea suscep-
 ceperat, interficit, corpusque in membra di-
 visum, & in cista compositum, matri die na-
 talis ejus, inter epulas offerri curat. Quæ res
 non reginæ tantum, verum etiam universæ
 civitati, acerba & luctuosa fuit: tantumque
 mœrorem festivissimo convivio intulit, ut
 regia omnis repentino luctu incenderetur.
 Verso igitur studio principum ab epulis in
 exsequias, membra lacera populo ostendunt;
 & quid sperare de rege suo debeant, filii cæ-
 de demonstrant.

A. C. 228. C A P. IX. Finito luctu orbitatis, Cleopa-
 tra cum urgeri e fraterno bello videret, au-
 xilium à ¹⁶ Demetrio, rege Syriæ, per legatos
 petit: cujus ipsius varii & memorabiles ca-
 sus fuere. Namque Demetrius, ut supra *
 A. C. 241. dictum est, cum bellum Parthis intulisset, &
 multis congressionibus victor fuisset, repente
 insidiis circumventis, amisso exercitu capitur.
 Cui Arsaces Parthorum rex, magno & regio
 animo, misso in Hyrcaniam, non cultum tan-
 tum regium præstitit: sed & filiam in matri-
 monium dedit: regnumque Syriæ quod per
 A. C. 240. absentiam ejus Trypho occupaverat, resti-
 tuturum promittit. Post hujus mortem de-
 sperato reditu, non ferens captivitatem De-
 metrius, privatam, etsi opulentam, vitam
 A. C. 237. pertæsus, tacitus in regnum fugam meditatur.
 Hortator illi & comes Callimander amicus
 erat: qui post captivitatem ejus à Syria per
 Arabiæ desertam, ducibus pecunia compara-

¹⁵. Vid. Diod. Sic. in Excerpt. ¹⁶. Vid. Appian. Syr. Oros. 3. 5.
 Valef. p. 14. Livii Ep. Dec. 6. 1. 9. Macab. 1. 1. c. 14. Joseph. 1. 13.
 Jul. Obsequ. ad Pres. Val. Max. 1. 9. c. 9.

* Lib. 36. 1.

tis, Parthigo habitu Babylonem pervenerat. Sed fugientem Phrahates, qui Arsaci successerat, equitum celeritate, per compendiosos tramites occupatum retrahit. Ut est deductus ad regem, Callimandro quidem non tantum venia, verum etiam præmium fidei datum, Demetrium autem & graviter castigatum ad conjugem in Hyrcaniam remittit, arctioribusque custodiis observari jubet. Interjecto deinde tempore, cum fidem illi etiam suscepti liberi facerent, eodem amico comite repetita fuga est: sed pari infelicitate prope fines regni sui reprehenditur; ac denuo perductus ad regem, ut invisus a conspectu summovetur. Tunc quoque uxori & liberis donatus, in Hyrcaniam, poenalem sibi civitatem remittitur, talisque aureis ad exprobrationem puerilis levitatis donatur. Sed hanc Parthorum tam mitem in Demetrium clementiam non misericordia gentis faciebat, nec respectus cognationis: sed quod Syriæ regnum affectabant, usuri Demetrio adversus Antiochum fratrem, prout res, vel tempus, vel fortuna belli exegisset.

C A P. X. His auditis, ¹⁷ Antiochus occu- A. C. 111.
pandum bellum ratus; exercitum, quem multis finitimorum bellis induraverat, adversus Parthos ducit. Sed ¹⁸ luxuriæ non minor apparatus, quam militiæ fuit: Quippe L x x x millia armatorum, sequuta sunt c c c millia lixarum; ex quibus coquorum, pistorum, scenicorumque, major numerus fuit. Argenti certe aurique tantum, ut etiam gregarii milites caligas auro figerent, proculcarentque ma-

27. Vid. Appian. Syr.

28. Vid. Aelian. l. 5. c. 23. Oros. l. 5

teriam,

A.C.
131.

teriam, cujus amore populi ferro dimicant. Culinarum quoque argentea instrumenta fuerunt, prorsus quasi ad epulas, non ad bella pergerent. Advenienti Antiocho multi Orientales reges occurrere, tradentes se, regnaque sua, cum execratione superbiae Parthicae. Nec mora congressioni fuit. Antiochus tribus praeliis victor, cum Babyloniam occupasset, magnus haberi coepit. Itaque omnibus ad eum populis deficientibus, nihil Parthis reliqui praeter patrios fines fuit. Tunc Phraates Demetrium in Syriam ad occupandum regnum cum Parthico praesidio mittit, ut eo pacto Antiochus ad sua tuenda à Parthia revocaretur. Interim, quoniam viribus non poterat, insidiis Antiochum ubique tentabat. Propter multitudinem hominum, exercitum suum Antiochus per civitates in hiberna diviserat : quae res exitii causa fuit. Nam cum gravari se copiarum praebitione, & injuriis militum, civitates viderent, ad Parthos deficiunt ; & die statuta omnes apud se divisum exercitum per insidias, ne invicem ferre auxilia possent, aggrediuntur. Quae cum nuntiata Antiocho essent, auxilium proximis laturus, cum ea manu, quae secum hiemabat, progreditur. In itinere obviam regem Parthorum habuit, adversus quem fortius, quam exercitus ejus, dimicavit. Ad postremum tamen, cum virtute hostes vincerent, metu suorum desertus, occiditur : cui Phraates exequias regio more fecit, filiamque Demetrii, quam secum Antiochus adduxerat,

19. Vid. Diod. Sic. in Excerpt. Valer. p. 374.

sequ. de prodig. Jos. l. 13. c. 16. Oros. l. 7. c. 10. Appian. in Syr.

20. Vid. Eusebio, in Chron. Jul. Ob-

Alisan. l. 10. Alacrab. l. 2. c. 1.

captus amore virginis uxorem duxit. Pœnirere deinde dimissi Demetrii cœpit : ad quem retrahendum cum turmas equitum festinato misisset, Demetrium hoc ipsum metuentem, jam in regno missi invenerunt : frustra que omnia conati, ad regem suum reversi sunt.

LIBER XXXIX.

BREVIARIUM CAPITUM.

1. Demetrius, interfecto fratre Antiocho, dum Ægyptum tentat, Syriam amittit, & tandem ruento fato tollitur.
2. Alexander, ex ignobili rex factus, dum fortunam suam non reverenter habet, se deperit interfectus à Grypo, qui matrem & fratrem extinguit.
3. Cleopatra, regina mater, in Ægypto gravissimas turbas concitat : unde horrenda laniens ex mulierum ira, quarum interitus describitur.
4. Peculiares tragediæ, quas Cleopatra inter suos excitat. Tandem illa à filio Alexandro occupata interficitur.
5. Alexander in exsilium agitur, revocato Ptolemæo Nêbo. Romanis ad Orientalia regna excurrentibus, Syria & Ægyptus venatur.

A. C.
110.A. C.
111.A. C.
117.

Antiocho in Parthia cum exercitu deleto, Arrater ejus Demetrius, obsidione Parthorum liberatus, ac restitutus in regnum, cum omnis Syria in luctu propter amissum exercitum esset; quasi Parthica ipsius ac fratris bella, quibus alter captus, alter occisus erat, prospere cessissent, ita Ægypto bellum inferre statuit; regnum Ægypti Cleopatra socru, pretium auxilii adversus fratrem suum, pollicente. Sed dum aliena affectat, ut assoler fieri, propria per defectionem Syriæ amittit. Siquidem Antiocheneses primi, duce Tryphone, execrantes superbiam regis, quæ, conversatione Parthicæ crudelitatis, intolerabilis facta erat, mox Apamenii, ceteræque civitates exemplum sequuntur, per absentiam regis à Demetrio defecere. Ptolemæus quoque rex Ægypti, bello ab eodem petitus cum cognovisset, Cleopatram sororem suam, opibus Ægypti navibus impositis, ad filiam & Demetrium generum in Syriam profugisse, immittit juvenem quendam Ægyptium, Protarchi negotiatoris filium, qui regnum Syriæ armis peteret. Et composita fabula, quasi per adoptionem Antiochi regis receptus in familiam regiam esset, nec Syriis quemlibet regem aspernantibus, ne Demetrii paterentur superbiam: nomen juveni Alexander imponitur, auxiliaque ab Ægypto ingentia mittuntur. Interea corpus Antiochi interfecti à re-

1. N. & C. omittunt, Parthorum. p. 117.
Vid. Porphyry in Genesio Euseb. Sælig. 19. Viti Joseph. l. 13. c. 17.

ge Parthorum, in loculo argenteo ad sepulturam in Syriam remissum pervenit: quod cum ingenti studio civitatum & regis Alexandri, ad firmandam fabulæ fidem excipitur. Quæ res illi magnum favorem popularium conciliavit, omnibus non fictas in eo, sed veras lacrymas existimantibus. ^{A.C. 168.} Demetrius autem victus ab Alexandro, cum undique circumstantibus malis premeretur, ad postremum etiam ab uxore fili sive deseritur. Relictus igitur cum paucis servulis cum Tyrum, religionem templi se defensurus petisset, navi egrediens, præfecti jussu interficitur. Alter ex filiis Seleucus, quoniam sine matris auctoritate diadema summisset, ab eadem interficitur; alter, cui propter nasi magnitudinem, cognomen Grypo fuit, rex à matre hæcenus constituitur, ut nomen regis penes filium, vis autem omnis imperii penes matrem esset.

C A P. II. Sed Alexander occupato Syriæ regno, tumens successu rerum, spernere jam etiam ipsum Ptolemæum, à quo fuerat subornatus in regnum, superba insolentia cœpit. Itaque Ptolemæus, reconciliata sororis gratia, destruere Alexandri regnum, quod odio Demetrii, viribus suis acquisierat, summis opibus instituit. Mittit igitur ingentiâ Grypo auxilia, & filiam Tryphenam Grypo nupturam, ut populus in auxilium nepotis, non societate tantum belli, verum & affinitate sua sollicitaret. Nec res frustra fuit: nam cum omnes Grypum instructum Ægypti viribus viderent,

A.C.
168.

3. VII. Joseph. ut sup. Appian. Syr. c. Vix hæc magnitudinem non
4. Vid. Epit. Liv. Dec. 6. l. 10 respicit, sed formam aluscam; forte la
Appian. Syr. Porphy. in grec. Euseb. gendum, altitudinem.
Scalig. p. 127.

A.C.
322.

paulatim ab Alexandro deficere cœpere. Fit denique inter reges prælium, quo victus Alexander, Antiochiam profugit: ibi inops pecuniæ, cum stipendia militibus deessent, in templo Jovis solidum ex auro Victoriæ signum tolli jubet, faceret jocos sacrilegium circumscribens: nam Victoriæ commodatam sibi ab Jove esse dicebat. Interjectis deinde diebus, cum ipsius Jovis aureum simulacrum infiniti ponderis tacite evelli jussisset, deprehensusque in sacrilegio, concurtu multitudinis esset in fugam versus; magna vi tempestatis oppressus, ac desertus à suis, à latronibus capitur; perductusque ad Grypum, interficitur. Grypus porro, recuperato patrio regno, externisque periculis liberatus, insidiis matris appetitur. Quæ cum cupiditate dominationis prodito marito Demetrio, & altero filio interfecto, hujus quoque victoria inferiorem dignitatem suam factam doleret, venienti ab exercitatione poculum veneni obtulit. Sed Grypus, prædictis jam ante insidiis, veluti pietate cum matre certaret, bibere ipsam jubet; abnuenti instat. Postremum prolato indice eam arguit solam defensionem sceleris superesse affirmans, si bibat, quod filio obtulit. Sic victa regina scelere in se verso veneno, quod alii paraverat, extinguitur. Parta igitur regni securitate Grypus octo annis quietem & ipse habuit, & regno præstitit. Natus deinde illi est æmulus regni, frater ipsius, Cyzicenus, eadem matre genitus, sed ex Antiocho patruo susceptus, quem cum veneno tollere voluisset, ut maturius armis cum

A.C.
311.

6. Vid. J. Joseph. l. 13. c. 17.

7. Vid. Joseph. ut sup. Appian. in Syr.

eo de regno contenderet, excitavit.

CAP. III. Inter has regni ^{A. C. 117.} Syriae parri-
cidiales discordias, moritur rex Aegypti Pto-
lemæus, regno Aegypti uxori & alteri ex fili-
is, quem illa legisset, relicto; videlicet quasi
quietior Aegypti status, quam Syriae regnum
esset, quum mater altero ex filiis electo, alte-
rum hostem esset habitura. Igitur cum pro-
nior in minorem filium esset, à populo com-
pellitur majorem eligere: cui prius quam reg-
num daret, uxorem ademit; compulsumque ^{A. C. 118.}
repudiare carissimam sibi sororem Cleopa-
tram, minorem sororem Selenen ducere ju-
bet, non materno inter filias iudicio, cum al-
teri maritum eriperet, alteri daret. Sed Cle-
opatra non tam à viro repudiata, quam à ma-
tre divortio viri dimissa, Cyziceno in Syria
nubit: eique ne nudum uxoris nomen affer-
ret. exercitum Grypi sollicitatum, velut do-
talem, ad maritum deducit. Par igitur viri-
bus fratris Cyzicenus, prælium committit,
ac victus in fugam vertitur, Antiochiamque
venit. Tunc Antiochiam Grypus, in qua e-
rat Cyziceni uxor Cleopatra, obsidere cœpit:
qua capta, Tryphena uxor Grypi nihil anti-
quius quam sororem Cleopatram requiri ius-
sit: non ut captivæ opem ferret, sed ne effu-
gere captivitatis mala posset, quæ sui æmula-
tione in hoc potissimum regnum invaderit,
hostique sororis nubendo hostem se ejus effe-
cerit. Tum peregrinos exercitus in certami-
na fratrum adductos, tum repudiatam à fratre,
contra matris voluntatem, extra Aegyptum

¹ Vid. Clem. Alex. l. 1. Strom. Græc. Euseb. p. 125,
Pausan. in Antic. p. 7. Porphyz. in

nuptam accusat. Contra Grypus orare, ne tam foedum facinus facere cogatur: à nullo unquam majorum suorum inter tot domestica, tot externa bella, post victoriam in feminas sævitum, quas sexus ipse, & periculis bellorum, & sævitæ victorum eximat: in hac vero, præter commune bellantium fas, accedere necessitudinem sanguinis: quippe ipsius quæ tam cruenta sæviat, sororem quidem germanam esse, suam vero consobrinam: liberorum deinde communium materteram. His tot necessitudinibus sanguinis, adjicit superstitionem templi, quo abdita profugerit; tantoque religiosius colendos si i deos, quo magis his propitiis ac faventibus vicisset: tum neque occisa illa, se virium quicquam Cyziceno demturum, nec servaturum reddita. Sed quanto Grypus abnuat, tanto soror muliebri pertinacia accenditur, rata non misericordie hæc verba, sed amoris esse. Itaque vocatis ipsa militibus, mittit qui sororem confoderent. Qui ut in templum intraverunt, cum evellere eam non possent, manus amplexantis deæ simulacrum præciderunt. Tunc Cleopatra execratione parricidarum, mandata violatis numinibus ultione sui, decedit. Nec multo post repetita prælii congressione, victor Cyzicenus uxorem Grypi Tryphenam, quæ paulo ante sororem interfecerat, capit; ejusque supplicio uxoris manibus parentavit.

A. C.
213.A. C.
213.A. C.
207.

C A P. IV. At in Ægypto Cleopatra cum gravaretur socio regni, filio Ptolemæo, populum in eum incitat; abductaque ei Selene

uxore, eo indignius, quod ex Selene jam duos filios habebat, exulare cogit, arcessito minore filio Alexandro, & rege in locum fratris constituto: nec filium regno expulisse contenta, bello Cypri exulantem persequitur. Unde pulso, interficit ducem exercitus sui, quod vivum eum è manibus dimisisset: quamquam Ptolemæus verecundia materni belli, non viribus minor ab insula recessisset. Igitur Alexander territus hac matris crudelitate, & ipse eam reliquit, periculoso regno securam ac tutam vitam anteponeus. Cleopatra vero timens, ne major filius Ptolemæus ab Cyziceno ad recipiendam Ægyptum auxiliis juvaretur, ingentia Grypo auxilia, & Selenen uxorem nupturam hosti prioris mariti, mittit, ¹⁰ Alexandrumque filium per legatos in regnum revocat: cui cum occultis insidiis exitium machinaretur; occupata ab eodem interficitur, spiritumque non fato, sed parricidio dedit: digna prorsus hac mortis infamia, quæ etiam matrem toro expulit: & duas filias viduas alterno fratrum matrimonio fecit; & filio alteri in exilium acto bellum intulit, alteri erepto regno exitium per insidias machinata est.

CAP. V. Sed nec ¹¹ Alexandro cædes tam nefanda inulta fuit. Nam ubi primum compertum est, scelere filii matrem interceptam, concursu populi in exilium agitur, revocatoq; Ptolemæo regnum redditur: qui neque cum matre bellum gerere voluisset, nec à fratre armis repetere, quod prior posse-

10. Vid. Pausan. in An. Athen. l. 11. c. 27.

11. Vid. Pausan. ut sup.

disset.

differ. " Dum hæc aguntur, frater ejus ex pellice susceptus, cui pater Cyrenarum regnum testamento reliquerat, hærede populo Romano instituto, decedit. Jam enim fortuna Romana porrigere se ad Orientalia regna, non contenta Italiæ terminis, cœperat. Itaque & ea pars Lybiæ provincia facta est: postea Creta, Ciliciaque piratico bello perdomitæ, in formam provinciæ rediguntur. Quo facto, & Syriæ, & Ægypti regna, Romana vicinitate arcata, quæ incrementa de finitimis bellis quærere solebant, adempto vagandi arbitrio, vires suas in perniciem mutuum converterunt: Adeo, ut assiduis præliis consumpti, in contemptum finitimorum venerint, prædæque Arabum genti, imbelli antea, fuerint. Quorum rex " Erotimus, fiducia septingentorum filiorum, quos ex pellicibus susceperat, divisis exercitibus, nunc Ægyptum, nunc Syriam infestabat: magnumque nomen Arabum, viribus finitimorum exanguibus, fecerat.

12. Vid Appian. in Mithr. Liv. Epit.

dec. l. 1. 10. Jul. Obseq. de prodig.

13. Vid. Plut. in Pompeio. Dion.

Cass. l. 16.

14. Idem hic videtur, qui & Arotar

dicitur. Vid. Joseph.

L I B E R X L.

B R E V I A R I U M C A P I T U M.

1. *Syri Tigranem Armenium regem sibi deligunt.*
2. *Victo Tigrahe, Antiochus, Cyziceni filius, creatur rex Syriæ, quæ postea in provinciæ formam redigitur.*

C A P.

CAP. I.

MUtuis fratrum odiis, & mox filiis inimicitiis parentum succedentibus, cum ^{A. C. 61.} inexpiabili bello, & reges, & regnum Syriæ consumtum esset, ad externa populus auxilia concurret, peregrinosque sibi reges circumspicere cœpit. Itaque cum pars Mithridatem Ponticum, pars Ptolemæum ab Ægypto arcessendum censeret: occurreretque quod Mithridates implicitus bello Romano esset, Ptolemæus quoque semper hostis fuisset Syriæ; omnes in Tigranem regem Armeniæ consensere, instructum præter domesticas vires, & Parthica societate, & Mithridatis affinitate. Igitur accitus in regnum Syriæ, per xviii. annos tranquillissimo regno potitus est: neque bello alium laceßere, neque laceßitus interre alii bellum necesse habuit.

CAP. II. Sed sicut ab hostibus tuta Syria ^{A. C. 61.} fuit, ita terræ-motu vastata est, quo centum septuaginta millia hominum, & multæ urbes perierunt. Quod prodigium mutationem rerum portendere aruspices responderunt. Igitur ^{A. C. 69.} Tigrane à Lucullo victo, rex Syriæ Antiochus, Cyziceni filius, ab eodem Lucullo appellatur. Sed quod Lucullus dederat, ^{A. C. 61.} postea ademit Pompeius: qui poscenti regnum respondit, ne volenti quidem Syriæ, nedum recusanti, daturum se regem, qui xviii. annos, quibus Tigranes Syriam tenuit, in an-

1. Vid. Plut. Lucull. Appian. Mithr. Plut. in Pomp. Dio. Cass. l. 37.

2. Vid. Plut. in Appian. ut sup.

A.C.
63. gulo Ciliciæ latuerit: victo autem eodem Tigrane à Romanis, alieni operis præmia postulet. Igitur ut habenti regnum non ademerit; ite, quo cesserit Tigrani, non datum, quod tueri nesciat: ne rursus Syriam Judæorum & Arabum latrociniis infestam reddat. Atque ita Syriam in provinciæ formam redigit: paulatimq; Oriens Romanorum, discordia consanguineorum regum, factus est.

L I B E R XLI.

B R E V I A R I U M C A P I T U M .

1. *Parthorum origo, nominis obscuritas, successus, imperium.*
2. *Regni Parthici administratio. Parthorum sermo, vestes, arma, exercitus, præliandi mos.*
3. *Mores domestici, sepultura, religio, ingenium, virtutes & vitia.*
4. *Parthorum regum res gestæ paucis describuntur*
5. *Arfacis sapientissimi Parthorum regis vita & mors placida.*
6. *Bactriani regni status sub Eucratide, qui à filio opprimitur. Parthorum bellici successus.*

CAP. I.

PArthi, penes quos, velut divisione Orbis cum Romanis facta, nunc Orientis imperium est, Scytharum exsules fuere. Hoc etiam ipso vocabulo manifestatur. Nam Scythico sermone Parthi, exsules dicuntur. Hi & Assyriorum & Medorum temporibus, inter Orientis populos obscurissimi fuere. Postea quoque cum Imperium Orientis à Medis ad Persas translatum est, veluti vulgus sine nomine, praeda victorum fuere. Postremo Macedonibus triumphato Oriente servierunt: ut cuius mirum videatur, ad tantam eos felicitatem per virtutem profectos, ut imperent gentibus, sub quarum imperio veluti servile vulgus fuere. A Romanis quoque, trinis bellis, per maximos duces florantissimis temporibus lacesciti, soli ex omnibus gentibus non pares solum, verum etiam victores fuere: quanquam plus gloriæ sit, inter Assyria & Medica Persicaque, memorata olim regna, & opulentissimum mille urbium Bactrianum imperium emergere potuisse, quam longinqua bella vicisse; præterea cum gravibus Scythicis, & vicinalibus bellis assidue vexati, variis periculorum certaminibus urgerentur. Hi domesticis seditionibus Scythia pulsi, solitudines inter Hyrcaniam, & Dahas, & Areos¹, & Spartanas & Margianos furtim occupavere. Fines deinde, non intercedentibus primo finitimis, postea etiam

¹. Appian. Parthic. Dio Cass. l. 48, 49. Plut. in Crasso, & Ant. 4, 25. ². Pothus Arrianos, Vid. Plin. l. 6.

prohibentibus, in tantum protulere, ut non immensa tantum ac profunda camporum, verum etiam prærupta collium, montiumque ardua occupaverint. Ex quo fit, ut Parthiæ pleraque finium aut æstus, aut frigoris magnitudo, possideat: quippe cum montes nix, & campos æstus, infestet.

A. C.
350.

CAP. II. Administratio gentis post defectionem Macedonici imperii, sub regibus fuit. Proximus majestati regum, populorum ordo est: ex hoc duces in bello, ex hoc rectores in pace habent. Sermo his inter Scythicum Medicumque, medius, & utrisque mixtus. Vestis olim sui moris; posteaquam accessere opes, ut Medis perlucida ac fluida. Arimorum patrius ac Scythicus mos. Exercitum non ut aliæ gentes liberorum, sed majorem partem servorum habent; quorum vulgus, nulli manuummittendi potestate permissa, ac per hoc omnibus servis nascentibus, indices crescit. Hos pari ac liberos suos cura habent: & equitare & sagittare magna industria docent. Locupletissimus ut quisque est, ita

A. C.
36.

plures in bello equites regi suo præbet. Denique Antonio bellum Parthis inferenti, cum quinquaginta millia equitum occurrerent, soli cccc. liberi fuere. Cominus in facie præliari, aut obsessas expugnare urbes nesciunt. Pugnant autem procurrentibus equis aut terga dantibus: sæpe etiam fugam simulant, ut incautiores adversum vulnera insequentes habeant. Signum his in prælio non tuba, sed tympano datur. Nec pugnare diu possunt: ceterum intolerandi forent, si quantus his impetus est, vis tanta & perseverantia esset. Plerumque

rumque in ipso ardore certaminis prælia deserunt, ac paulo post, pugnam ex fuga repetunt, ut, cum maxime vicisse te putes, tunc tibi discrimen subeundum sit. Munimentum ipsis equisque loricæ plumatæ sunt, quæ utrumque toto corpore tegunt. Auri argenteique nullus nisi in armis usus.

CAP. III. Uxores dulcedine variæ libidinis singuli plures habent: nec ulla delicta adulterio gravius vindicant. Quamobrem feminis non convivia tantum virorum, verum etiam conspectum interdicunt. Carne non nisi venatibus quæsitæ vescuntur. Equis omni tempore vectantur: illis bella, illis convivia, illis publica ac privata officia obeunt: super illos ire, consistere, mercari, colloqui. Hoc denique discrimen inter servos liberosque est, quod servi pedibus, liberi, non nisi equis incedunt. Sepultura vulgo, aut avium, aut canum laniatus est. Nuda demum ossa terra obruunt. In superstitionibus atque cura deorum, præcipua omnibus veneratio est. Ingenia genti tumida, seditiosa, fraudulenta, procacia: quippe violentiam viris, mansuetudinem mulieribus assignant. Semper aut in externos, aut in domesticos motus inquieti: natura taciti: ad faciendum, quam ad dicendum propentiores: proinde secunda adversaque silentio tegunt. Principibus metu, non pudore parent. In libidinem projecti, in cibum parci. Fides dictis promissisque nulla nisi quatenus expedit.

CAP. IV. Post mortem Alexandri Magni, cum inter successores ejus, Orientis regna

3. *Generius amibus reponit, foris omnibus, reponendum.*

dividerentur, nullo Macedonum dignante Parthorum imperium, + Stagnori externo socio traditur. Hi postea deductis Macedonibus in bellum civile, cum ceteris superioris Asiæ populis Eumenem sequuti sunt : quo victo, ad Antigonom transiere. post hunc à Nicatore Seleuco, ac mox ab Antiocho & successoribus ejus possessi : à cujus pronepote Seleuco primum defecere, primo Punico bello, L. Manlio Vulsone, M. Attilio Regulo, consulibus. Hujus defectionis impunitatem illis duorum fratrum rogam, Seleuci & Antiochi, discordia dedit : qui dum sibi invicem eripere regnum volunt, persequi defectores omiserunt. Eodem tempore etiam Theodorus mille urbium Bactrianarum præfectus, defecit, regemque se appellari jussit : quod exemplum sequuti totius Orientis populi, à Macedonibus defecere. Erat eo tempore, Arfaces, vir, sicut incertæ originis, ita virtutis, expertæ. Hic solitus latrociniiis & rapto vivere, accepta opinione, Seleucum à Gallis in Asia victum, solutus regis metu, cum prædonum manu Parthos aggressus, præfectum eorum Andragoram oppressit ; sublatoque eo, imperium gentis invasit. Non magno deinde post tempore, Hyrcanorum quoque regnum occupavit : atque ita duarum civitatum imperio præditus, grandem exercitum parat, metu Seleuci & Theodoti Bactrianorum regis. Sed cito, morte Theodoti, metu liberatus ; cum filio ejus & ipso Theodoto foedus ac pacem fecit : nec multo post, cum Seleuco

A. C.
250.A. C.
250.A. C.
241.A. C.
241.

4. Alii, Stasiori ; vel Stasiori. in Parth apud Phot. cod. 50. Ap
5. Val. Strab. l. 12. 15. Arrian. pian. in Syr.

rege, ad defectores persequendos veniente, congressus, victor fuit : quem diem Parthi exinde solennem, velut initium libertatis, observant.

CAP. V. Revocato deinde Seleuco novis motibus in Asiam, dato laxamento, regnum Parthicum format, militem legit, castram munit, civitates firmat. Urbem quoque nomine Daram, in monte Zapaortenon condit: cujus loci ea condito est, ut neque munitius quicquam esse, neque amoenius possit. Ita enim & præruptis rupibus undique cingitur, ut tutela loci nullis defensoribus egeat : & soli circumjacentis tanta ubertas est, ut propriis opibus expleatur. Fontium ac silvarum ea copia est, ut & aquarum abundantia irrigetur, & venationum voluptatibus exornetur. Sic Arsaces, quæsito simul constitutoque regno, non minus memorabilis Parthis, quam Persis Cyrus, Macedonibus Alexander, Romanis Romulus, matura senecture decessit. Cujus memoriæ hunc honorem Parthi tribuerunt, ut omnes exinde reges suos Arsaces nomine nuncupent. Hujus filius & successor regni, Arsaces & ipse nomine, adversus Antiochum Seleuci filium, centum millibus peditum, & xx millibus equitum instructum, mira virtute pugnavit : ad postremum in societatem ejus assumptus est. Tertius Parthis rex Priapatius fuit, sed & ipse Arsaces dictus. Nam, sicut supra dictum est, omnes reges suos hoc nomine, sicuti Romani Cæsares, Augustosque cognominavere. Hic actis in regno quindecim annis decessit, relictis

6. Sic N. C. Alii interponunt, jam. 7. Polyb. I. 39.

A. C.
395.A. C.
390.

duobus filiis, Mithridate & Phrahate: quorum major Phrahates, more gentis, heres regni, Mardos, validam gentem, bello domuit; nec multo post decessit, pluribus filiis relictis. quibus præteritis, fratri potissimum Mithridati, insignis virtutis viro, reliquit imperium: Plus regio, quam patrio deberi nomini ratus, potiusque patriæ quam liberis consulendum.

CAP. VI. Eodem ferme tempore, sicuti in Parthis Mithridates, ita in Bactris Eucratides, magni uterque viri, regna ineunt. Sed 7 Parthorum fortuna felicior, ad summum hoc duce imperii fastigium eos perduxit. Bactriani autem per varia bella jactati, non regnum tantum, verum etiam libertatem amiserunt: siquidem Sogdianorum & Drangaritanorum Indorumque bellis fatigati, ad postremum ab invalidioribus Parthis, velut exsangues, oppressi sunt. Multa tamen Eucratides bella magna virtute gessit: quibus attritus, cum obsidionem Demetrii regis Indorum pateretur, cum ccc militibus, lx millia hostium assiduis eruptionibus vicit. Quinto itaque mense liberatus, Indiam in potestatem redegit. Unde cum se reciperet, à filio, quem socium regni fecerat, in itinere interficitur: qui non dissimulato parricidio, velut hostem, non patrem interfecisset, & per sanguinem ejus currum egit; & corpus abjici insepultum jussit. Dum hæc apud Bactros geruntur, interim inter Parthos & Medos bellum oritur. Cum varius utriusque populi

7. Diod. Sic in Excerpt. Vales.
p. 352. Oroel. l. 5, v. 4.

8. Rectius Drangianorum.

casus fuisset, ad postremum victoria penes Parthos fuit. His viribus auctus Mithridates, Mediæ Bactrianæ præponit: ipse in Hyrcaniam proficiscitur. Unde reversus, bellum cum Elymæorum rege gessit: quo victo, hanc quoque gentem regno adjecit, imperiumque Parthorum à monte Caucaſo, multis populis in ditionem redactis, usque ad flumen Euphratem protulit. Atque ita adversa valetudine correptus, non minor Arsace proavo, gloriosa senectute decedit.

9. Sic W. Alii, arreptus.

LIBER XLII.

B R E V I A R I U M C A P I T U M.

1. *Mithridatis, Parthorum regis, filius & successor Phrahates à militibus interficitur:*
2. *Post Artabanum Mithridates, cognomine Magnus, regnat, qui bellum infert Armeniæ; de cujus origine & primis regibus disserit Justinus.*
3. *Jasonis & Armenii Armenia conditoris elogium. Tigris fluvii origo.*
4. *Mithridati ejecto Orodes successit, qui parricidiis & cladibus domi & foris exagitur.*
5. *Phrahatis, filii Crodis, horrenda parricidia & varia fortuna. Augustus ab eo captivos Romanos & signa militaria repetit.*

A. C.
148.XXX.
V 111.
10.A. C.
150.A. C.
159.A. C.
169.

Post necem Mithridatis, Parthorum regis, Phrahates filius ejus, rex constituitur: qui cum inferre bellum, in ultionem tentati ab Antiocho Parthici regni, Syriæ statuisset, Scytharum motibus ad sua defendenda revocatur. Namque Scythæ in auxilium Parthorum adversus Antiochum Syriæ regem, mercede sollicitati, cum confecto jam bello supervenissent, & calumnia tardius lati auxilii, mercede fraudarentur; dolentes tantum iis itineris frustra emensum, quum vel stipendium pro vexatione, vel alium hostem dari sibi poscerent, superbo responso offensi, fines Parthorum vastare cœperunt. Igitur, Phrahates, cum adversus eos proficisceretur, ad tutelam regni reliquit Himerum quendam, pueritiæ sibi flore conciliatum: qui tyrannica crudelitate, oblitus & vitæ præteritæ, & vicarii officii, Babylonios, multasque alias civitates importune vexavit. Ipse autem Phrahates exercitum Græcorum, quem bello Antiochi captum uerbe crudeliterque tractaverat, in bellum secum ducit: immemor prorsus, quod hostiles eorum animos nec captivitas minuerat, & insuper injuriarum indignitas exacerbaverat. Itaque cum inclinatam Parthorum aciem vidissent, arma ad hostes transfudere: & diu cupitam captivitatis visionem, exercitus Parthici, & ipsius Phrahatis regis cruenta cæde, exsequuti sunt.*

CAP. II. In hujus locum Artabanus, pa-

1. Vid. Diod. Sic. in Excerpt. Valer. p. 377. Athen. l. 11. c. 4.

trius ejus, rex substituitur. Scythæ autem contenti victoria, depopulata Parthia, in patriam revertuntur. Sed Artabanus bello Thogariis illato, in brachio vulneratus, statim decedit. Huic * Mithridates filius succedit: cui res gestæ Magni cognomen dedere: quippe claritatem parentum, æmulatione virtutis accensus, animi magnitudine supergreditur. Multa igitur bella cum finitimis magna virtute gessit; multosque populos Parthico regno addidit. Sed & cum Scythis prospere aliquoties dimicavit, ultorque injuriæ parentum fuit. Ad postremum Ortoadisti Armeniorum regi bellum intulit. Sed quoniam in Armeniam transitum facimus, origo ejus paulo altius repetenda est. Neque enim silentio præteriri tantum regnum fas est, cum fines ejus post Parthiam omnium regnorum magnitudinem superent. Siquidem Armenia à Cappadocia usque mare Caspium undecies centum millia paret; sed in latitudinem millia passuum septingenta porrigitur. Condita est autem ab Armenio, Jatonis Thessali comite: A. C. 1210. quem cum perditum propter insignem periculosamque regno suo virtutem Pelias rex cuperet, denunciata militia, in Colchos eum abire jubet; pellemque arietis memorabilem gentibus reportare: sperans interitum viri, aut ex periculis tam longæ navigationis aut ex bello tam profundæ barbariæ. Igitur Jason divulgata opinione tam gloriøsæ expeditionis, cum ad eum certatim principes juven-

* Post hunc habemus alium Mithridatem Sincetis de quo Joseph Ant. 11. 12. quod Demetrius Eucetum Damascenorum regem cepit A. C. 85. Strabeno alium Mithridatem infra c.

4. Hos omnes videtur Justinus confuisse.

2. Hic Abfyrus Apollonio. Straboni, & aliis dicitur, Faber, ejus legendum suadet.

tutis totius ferme Orbis concurrerent, exercitum fortissimorum virorum, qui Argonautæ cognominati sunt, comparavit: quem cum magnis rebus gestis incolumem reduxisset, rursus à Peliaë filiis Thessalia pulsus, magna vi, cum ingenti multitudine, quæ ad famam virtutis ejus ex omnibus gentibus quotidie confluebat; comite Medea uxore, quam repudiatam, miseratione exilii rursus receperat, & Medio privigno, ab Ægæo, rege Atheniensium, genito, Colchos repetivit, socerumque Æetam regno pulsum restituit.

A. C.
1119.

C A P. III. Magna deinde bella cum finitimis gessit; captasque civitates partim regno foci, ad abolendam superioris militiæ injuriam, qua & filiam ejus Medeam abduxerat, & filium Ægialium interfecerat, adjunxit; partim populis quos secum adduxerat, assignavit: primusque humanorum post Herculem, & Liberum, qui reges Orientis fuisse traduntur, eam cœli plagam domuisse dicitur. Populis quibusdam Frudium & Amphistratum, aurigas Castoris & Pollucis, duces assignavit. Cum Albanis fœdus percussit: qui Herculem ex Italia ab Albano monte, cum, Geryone extincto, armenta ejus per Italiam duceret, secuti dicuntur; quippe memores Italicæ originis exercitum Cn. Pompeii bello Mithridatico fratres salutavere. Itaque Jasoni totus ferme Oriens, ut conditori, divinos honores templaque constituit: quæ Parmenion, dux Alexandri Magni, post multos annos dirui jussit, ne cujusquam nomen in Ori-

A. C.
65.

A. C.
310.

1. Sic Absyrus Apollonio, Strabone, & aliis dicitur, Faber, ejus, legendum sceler.

4. Vid. Strab. qui Recam & Amphistratum appellat.

ente venerabilius, quam Alexandri esset. Post mortem Jasonis, Medius æmulus virtutis ejus, in honorem matris, Medeam urbem condidit; regnumque ex nomine suo Medorum constituit, sub cujus majestate Orientis postea imperium fuit. Albanis vicinæ Amazones sunt: quarum reginam Thalestrem concubitu Alexandri petisse, multi auctores prodidere. Armenius quoque & ipse Thesalus, unus de numero ducum Jasonis, relecta multitudine, quæ amisso Jasone rege passim vagabatur, Armeniam condit: à cujus montibus Tigris fluvius modicis primo incrementis nascitur: interjecto deinde aliquanto spatio, sub terras mergitur; atque ita post quinque & viginti millia passuum grande jam flumen in regione Sophene emergit, ac sic in paludes Euphratis recipitur.

A. C. 330.

CAP. IV. Igitur Mithridates rex Parthorum, post bellum Armeniæ, propter crudelitatem à senatu Parthico, regno pellitur. Frater ejus Orodes, cum regnum vacans occupasset, Babyloniam, quo Mithridates confugerat, diu obsidet: & fame coactos, in ditionem oppidanos compellit. Mithridates autem fiducia cognationis, ultro se in potestatem Orodis tradit. Sed Orodes plus hostem, quam fratrem cogitans, in conspectu suo trucidari eum jussit: & post hæc bellum cum Romanis gessit, Crassumque imperatorem cum filio & omni exercitu Romano delevit. Hujus filius Pacorus missus ad persequendas Romani belli reliquias, magnis rebus in Sy-

A. C. 56.

A. C. 55.

A. C. 53.

1. Mithridates hic erat fil. 4 Phra- A. C. 57. Ille autem nepos erat Mi-
thridatis 11. qui in regnum successit post
patrem Arsacem Sinatruem qui obiit 3. v. Ptoleum Trogi.

ria gestis, in Parthiam patri suspectus revocatur : quo absente, exercitus Parthorum relictus in Syria, à Cassio questore Crassi, cum omnibus ducibus trucidatur. His ita gestis, non magno post tempore, Romanis inter Cæsarem Pompeiumque civile bellum oritur : in quo Parthi Pompeianarum partium fuere, & propter amicitiam cum Pompeio bello Mithridatico junctam, & propter Crassi necem, cujus filium in partibus Cæsaris esse audierant : quem ultorem patris victore Cæsare futurum non dubitabant. Itaque victis partibus Pompeianis, & Cassio & Bruto auxilia adversus Augustum & Antonium misere : & post belli finem rursus Pacoro duce, inita cum Labieno societate, Syriam & Asiam vastare ; castraque Ventidii, qui post Cassium absente Pacoro exercitum Parthicum fuderat, magna mole aggrediuntur. Sed ille simulato timore, diu continuit se, & insultare Parthos aliquantisper passus est. Ad postremum in securos lætoisque partem legionum emisit : quarum impetu fusi Parthi, in diversa abiere. Pacorus cum fugientes suos abduxisset secum legiones Romanas putaret, castra Ventidii, veluti sine defensoribus, aggreditur. Tum Ventidius reliqua parte legionum emissâ, universam Parthorum manum cum rege ipso Pacoro interfecit : nec ullo bello Parthi unquam majus vulnus acceperunt. Hæc cum in Parthia nuntiata essent, Orodes pater Pacori, qui paulo ante vastatam Syriam, occupatam Asiam à Parthis audierat, victoremque Pacorum Romanorum gloriabatur, repente filii morte, & exercitus clade audita, ex dolore in furorem verti-

vertitur. Multis diebus non alloqui quemquam, non cibum sumere, non vocem mittere, ita ut etiam mutus factus videretur. Post multos deinde dies, ubi dolor vocem laxaverat, nihil aliud quam Pacorum vocabat: Pacorus illi videri, Pacorus audiri videbatur; cum illo loqui, cum illo consistere: interdum quasi amissum flebiliter dolebat. Post longum deinde luctum, alia sollicitudo miserandum A. C. 17. senem invadit, quem ex numero xxx filiorum in locum Pacori regem destinet. Multæ pellices, ex quibus generata tanta juvenus erat, pro suis quæque sollicitæ animum senis obsidebant. Sed fatum Parthiæ fecit, in qua jam quasi solenne est, reges parricidas habere, ut sceleratissimus omnium, & ipse Phrahates nomine, rex statueretur.

C A P. V. Itaque statim, quasi noller mori A. C. 17. patrem interficit: fratres quoque xxx trucidat: sed nec in filiis cessant parricidia. Nam cum infestos sibi optimates propter assidua A. C. 17. scelera videret, ne esset qui nominari rex posset, adultum filium interfici jubet. Huic Antonius, propter auxilium adversus se & Cæsarem latum, bellum cum sedecim validissimis A. C. 16. legionibus intulit: sed graviter multis præliis vexatus, à Parthia refugit. Qua victoria insolentior Phrahates redditus, cum multa crudeliter consuleret, in exilium à populo suo A. C. 11. pellitur. Itaque cum magno tempore finitimas civitates, ad postremum Scythas precibus fatigasset, Scytharum maximo auxilio in regnum restituitur. Hoc absente, regem Parthi Tiridatem quendam constituerant: qui, audito adventu Scytharum, cum magna amicorum A. C. 23. manu ad Cæsarem, in Hispania bellum tunc

tunc temporis gerentem, profugit, obsidem Cæsari minimum filium Phrahatis ferens, quem negligentius custoditum rapuerat. Quo cognito, Phrahates legatos statim ad Cæsarem mittit, servum suum Tiridatem, & filium, remitti sibi postulat. Cæsar & legatione Phrahatis audita, & Tiridatis postulatis cognitis (nam & ipse restitui in regnum desiderabat, juris Romanorum futuram Parthiam affirmans, si ejus regnum muneris eorum fuisset) neque Tiridatem dediturum se Parthis dixit, neque adversus Parthos Tiridati auxilia daturum. Ne tamen per omnia nihil à Cæsare obtentum videretur, Phrahati filium sine pretio remisit; & Tiridati, quoad manere apud Romanos vellet, opulentum sumptum præberi jussit. Post hæc finito Hispaniensi bello, cum in Syriam ad componendum Orientis statum venisset, metum Phrahati incussit, ne bellum Parthiæ vellet inferre. Itaque tota Parthia captivi ex Crassiano sive Antonii exercitu recollecti, signaque cum his militaria Augusto remissa. Sed & filii nepotesque Phrahatis obsides Augusto dati: plusque Cæsar magnitudine nominis sui fecit, quam armis alius imperator facere potuisset.

A. C.
28.A. C.
30.

L I B E R XLIII.

B R E V I A R I U M C A P I T U M.

1. *Romani imperii initia. Urbis origo. Primi Italiae cultores & Reges.*
2. *Rhea Numitoris filia Remum & Romulum parit, qui mira quadam ratione educati emer-*

mergunt.

3. *Roma condita: senatus constitutus: raptæ Sabina: vicini subacti. Phocæenses Tarchinii temporibus Massiliam condunt, Liguribus invidentibus.*
4. *Varia Massiliensium fortuna, & felices successus.*
5. *Massiliensium bella, & fœdera. Eorundem benevolentia & munificentia in Romanos.*

CAP. I.

PArthicis, Orientalibusque, ac totius prope-
modum Orbis rebus expeditis, ad initia
Romanæ urbis Trogus, velut post longam pe-
regrinationem, domum revertitur: ingrati
civis officium existimans, si, cum omnium
gentium res gestas illustraverit, de sola pa-
tria taceat. Breviter igitur initia Romani
imperii perstringit: ut nec modum propositi
operis excedat, nec utique originem Urbis,
quæ est caput totius Orbis, silentio præter-
mittat. Italiæ cultores primi, Aborigines
fuere, quorum rex Saturnus tantæ justitiæ fu-
isse traditur, ut neque servierit sub illo quis-
quam, neque quicquam privatæ rei habuerit:
sed omnia communia, & indivisa omnibus
fuerint, veluti unum cunctis patrimonium ef-
fet. Ob cuius exempli memoriam cautum est,
ut Saturnalibus exæquato omnium jure, pas-
sim in conviviiis servi cum dominis recum-
bant. Itaque Italia, regis nomine,* Saturnia
appellata est: & mons in quo habitabat, Sa-
turnius: in quo nunc, veluti à Jove pulso se-

1. Sic N. Atti interpretantur, centum. * Vid. Tertull. Apol. c. 20. &
2. Vid. Dion. Halic. l. 1. Sall. Cat. l. 6. Marrob. Sat. l. 7.

dibus suis Saturno, Capitolium est. Post
 A. C. hunc tertio loco regnasse Faunum ferunt, sub
 1160. quo Evander, ab Arcadiæ urbe Pallanteo, in
 Italiam cum mediocri turba popularium ve-
 nit: cui Faunus & agros, & montem, quem
 ille postea Palatium appellavit, benigne assignavit.
 In hujus radicibus templum Lyceo, quem Græci Pana, Romani Lupercum appel-
 lant, constituit: ipsum Dei simulacrum nudum, caprina pelle amictum est, quo habitu
 nunc Romæ Lupercalibus decurritur. Fauno
 fuit uxor nomine Fatua, quæ assidue divino
 spiritu impleta, velut per furorem, futura &
 præmonerat. Unde adhuc, qui inspirari so-
 lent, fatuari dicuntur. Ex filia Fauni & Her-
 A. C. cule, qui eodem tempore extincto Geryone,
 1170. armenta victoriæ præmia per Italiam ducebant, stupro conceptus Latinus procreatur.
 Quo tenente regnum, Æneas ab illo, Troja
 A. C. à Græcis expugnata, in Italiam venit: statim-
 1184. que bello exceptus, cum in aciem exercitum
 A. C. eduxisset, ad colloquium vocatus, tantam ad-
 1193. mirationem sui Latino præbuit, ut & in soci-
 etatem regni reciperetur; & Lavinia in ma-
 trimonium ei data, gener ascisceretur. Post
 hæc commune utrique bellum adversus Tur-
 num Rutulorum regem, propter fraudatas
 Lavinia nuptias, fuit, in quo & Turnus &
 Latinus interierunt. Igitur cum Æneas jure
 A. C. victoriæ utroque populo potiretur, urbem ex
 1200. nomine uxoris Lavinium condidit. Bellum
 deinde adversus Mezentium, regem Ethrus-
 corum, gessit; in quo cum ipse occidisset, in

3. Vid. Dion. Halic. l. 3. Liv. dec.
 1. l. 1. Scab. l. 1. f.
 4. C. præmonerat.

e. Vid. Dion. Liv. Scab. ut sup.
 M. Hal. Corv. de prog. Aug.

locum ejus Ascanius filius successit : qui Lavinio relicto, longam Albam condidit, quæ *
A. C. 1248.
 trecentis annis caput regni fuit.

C A P. II. Post multos deinde urbis hujus reges, ad postremum * Numitor & Amulius regno potiti sunt. Sed Amulius cum ætate
A. C. 793.
 priorem Numitorem oppressisset, filiam ejus Rheam in perpetuam virginitatem, ne quis vindex regni sexus virilis ex gente Numitoris oriretur, demersit : addita injuriæ specie honoris, ut non damnata, sed sacerdos electa videretur. Igitur clausa in luco Marti sacro, duos pueros, incertum stupro, an ex Marte
A. C. 767.
 conceptos, enixa est. Quo cognito, Amulius multiplicato metu proventu duorum, pueros exponi jubet ; & puellam vinculis onerat, ex quorum injuria decessit. Sed Fortuna origini Romanæ prospiciens, pueros lupæ alendos obtulit : quæ amissis catulis, distenta ubera exinanire cupiens, nutricem se infantibus præbuit. Quum sæpius ad parvulos, veluti ad catulos, reverteretur, rem Faustulus pastor animadvertit subtractosque feræ, inter greges pecorum agrestis vita nutrit. Martios pueros fuisse, sive quod in luco Martis enixi sunt, sive quod à lupa, quæ in tutela Martis est, nutriti, velut manifestis argumentis, creditum. Nomina pueris, alteri Remo alteri Romulo fuere. Adultis inter pastores, de virtute quotidiana certamina & vires & pernicitatem auxere. Igitur cum latrones à rapina pecorum industrie frequenterque summovent, Remus ab iisdem latronibus captus, veluti ipse esset quod in aliis prohibebat, regi offertur :

* 400. Strab. l. 5.

6. Vid. Dion. Halic. l. 1, Strab. l.

5. Plut. in Rom. Liv. dec. 1. l. 1.

Messal. Corv. de progen. Aug. Jo. Zonar. l. 2. Flor. l. 1.

crimini datur, quasi greges Numitoris infestare solitus esset. Tunc à rege Numitori in ultionem traditur. Sed Numitor adolescentia juvenis permotus, & in suspicionem expositi nepotis adductus, cum eum nunc lineamentorum filiae similitudo, nunc ætas expositionis temporibus congruens, anxium tenerent, repente Faustus cum Romulo supervenit: à quo, cognita origine puerorum, facta conspiratione, & adolescentes in ultionem maternæ necis, & Numitor in vindictam erepti regni, armantur.

A. C.
747.

CAP. III. Occiso Amulio, regnum Numitori restituitur & urbs Romana ab adolescentibus conditur. Tunc & senatus centum seniorum, qui Patres dicti sunt, constituitur: tunc & vicinis connubia pastorum dedignantibus, virgines Sabinæ rapiuntur; finitimisque populis armis subjectis, primum Italiæ, & mox Orbis imperium quæsitum. Per ea adhuc tempora reges hastas pro diademate habebant, quas Græci sceptrâ dixere. Nam & ab origine rerum, pro diis immortalibus veteres hastas colvere: ob cuius religionis memoriam, adhuc deorum simulacris hastæ adduntur. Temporibus Tarquinii regis, ex Asia Phocæonsum juvenis ostio Tiberis inventa, amicitiam cum Romanis junxit: inde in ultimos Galliæ sinus navibus profecta, Massiliam inter Ligures & feras gentes Gallorum condidit: magnasque res, sive dum armis se adversus Gallicam feritatem tuentur, sive dum ultro lacescunt à quibus fuerant ante lacesciti, gesserunt. Namque Phocæenses exi-

A. C.
660.

guitate ac maciè terræ coacti, studiosius mare quam terras exercuere: piscando, mercando, plerumque etiam latrocinio maris, quod illis temporibus gloriæ habebatur, vitam tolerabant. Itaque in ultimam Oceani oram procedere ausi, in sinum Gallicum ostio Rhodani amnis devenere. Cujus loci amœnitate capri, reversi domum, re erentes quæ viderant plures sollicitavere. Duces classis * Simos & Protis fuere. Itaque regem Segobrigiorum, Nannum nomine, in cujus finibus urbem condere gestiebant, amicitiam petentes conveniunt. Forte eo die rex occupatus in apparatu nuptiarum Gyptis filiæ erat: quam more gentis, electo inter epulas genero, nuptum tradere illic parabat. Itaque cum ad nuptias invitati omnes proci essent, rogantur etiam Græci hospites ad convivium. Introducta deinde virgo, cum juberetur à patre aquam porrigere ei quem virum eligeret, tunc ommissis omnibus ad Græcos conversa, aquam Proti porrigit: qui factus ex hospite gener, locum condendæ urbis à socero accepit. Condita igitur Massilia est prope ostia Rhodani amnis, in remoto sinu, veluti in angulo maris. Sed Ligures incrementis urbis invidentes, Græcos assiduis bellis fatigabant. Qui pericula propulsando in tantum enituerunt, ut victis hostibus in captivis agris, multas colonias constituerent.

CAP. IV. Ab his igitur Galli, & usum vitæ cultioris, deposita & mansuefacta barbaria, & agrorum cultus, & urbes mœnibus cingere didicerunt. Tunc & legibus, non armis vivere, tunc & vitæ putare, tunc olivam se-

* Vid. Athen. Plurarch, in Solone.

rere consueverunt: adeoque magnus & hominibus & rebus impositus est nitor, ut non Græcia in Galliam emigrasse, sed Gallia in Græciam translata videretur. Mortuo rege Nanno Segobrigiorum, à quo locus acceptus condendæ urbis fuerat, cum regno filius ejus Comanus successisset, ¹ affirmat Ligur quidam, quandoque Massiliam exitio finitimis populis futuram, opprimendamque in ipso ortu; ne mox validior ipsum obrueret. Subpexit & illam fabulam; Canem aliquando partu gravidam locum à pastore precariis petisse, in quo pareret: quo obtento, iterato petisse ut sibi educare eodem in loco catulos liceret: ad postremum, adultis catulis, sultam domestico præsidio, proprietatem loci sibi vindicasse. Non aliter Massilienses, qui nunc inquilini videantur, quandoque dominos regionum futuros. His incitatus rex, insidias Massiliensibus extruit. Itaque solenni Florali-
 orum die, multos fortes ac strenuos viros hospitii jure in urbem misit: plures scirpiis latentes, frondibusque supertectos induci vehiculis jubet: & ipse cum exercitu in proximis montibus delitescit; ut quum nocte à prædictis apertæ portæ forent, tempestive ad insidias adesset; urbemque somno ac vino sepultam, armis invaderet. Sed has insidias mulier quædam, regis cognata, prodidit, quæ adulterare cum Græco adolescente solita, in amplexu juvenis, miserata formæ ejus, insidias aperuit, periculumque declinare jubet. Ille rem statim ad magistratus desert: atque ita patetactis insidiis, cuncti Ligures compre-

¹ Sic Junr. Alii legunt, affirmante regulo quodam,

henduntur,

henduntur, latenteque de scirpiis protrahuntur. Quibus omnibus interfectis, infidanti regi insidiæ tenduntur. Cæsa sunt cum ipso rege hostium septem millia. Exinde Massilienses festis diebus portas claudere, vigiliis agere, stationem in muris observare, peregrinos recognoscere, curas habere, ac veluti bellum habeant, sic urbem pacis temporibus custodire. Adeo illic bene instituta, non temporum necessitate, sed recte faciendi consuetudine, servantur.

CAP. V. Post hæc magna illis cum Liguribus, magna cum Gallis, tuere bella: quæ res & urbis gloriam auxit; & virtutem Græcorum, multiplicata victoria, celebrem inter finitimos reddidit. Carthaginienſium quoque exercitus, cum bellum captis piscatorum navibus ortum eſſet, sæpe fuderunt pacemque victis dederunt: cum Hispanis amicitiam junxerunt: cum Romanis prope ab initio conditæ urbis fœdus summa fide custodierunt, auxiliisque, in omnibus bellis, industrie socios juverunt. Quæ res illis & viriæm fiducia auxit, & pacem ab hostibus præstitit. Cum igitur Massilia tanta rerum gestarum, & abundantia opum, & virium gloria virente floretet, repente finitimi populi ad nomen Massiliensium delendum, veluti ad commune extinguendum incendium concurrunt. Dux consensu omnium Catumandus regulus eligitur: qui, cum magno exercitu lectissimorum virorum urbem hostium obsideret, per quietem specie torvæ mulieris, quæ se deam dicebat, exterritus, ultro pacem cum Massiliensibus fecit, petitoque ut intrare illi

• Vid. Thuryd. 1. 3 & Herodot.

urbem,

urbem, & deos eorum adorare liceret, cum in arcem Minervæ venisset, conspecto in porticibus simulacro deæ, quam per quietem viderat, repente exclamat, illam esse, quæ se nocte exterruisset; illam, quæ recedere ab obsidione jussisset. Gratulatusque Massiliensibus, quod animadverteret eos ad curam deorum immortalium pertinere, torque aureo donata dea, in perpetuum amicitiam cum Massiliensibus junxit. Parta pace, & securitate fundata, revertentes à Delphis Massiliensium legati, quod missi munera Apollini tulerant, audierunt urbem Romanam à Gallis captam, incensamque. Quam rem domi nunciatam publico & funere Massilienses prosecuti sunt: aurumque & argentum publicum privatumque contulerunt, ad explendum pondus Gallis, à quibus redemptam pacem cognoverant. Ob quod meritum & immunitas illis decreta, & locus spectaculorum in senatu datus, & fœdus æquo jure percussum. In postremo libro, Trogus majores suos à Vocontiiis originem ducere; avum suum Trogum Pompeium, Sertoriano bello, civitatem à Cn. Pompeio percepisse dicit: patrum Mithridatico bello turmas equitum sub eodem Pompeio duxisse, patrem quoque sub Caio Cæsare militasse, epistolarumque & legationum, simul & anuli curam habuisse.

A. C.
385.

9. Intelligo luctu funebre.

LIBER XLIV.

BREVIARIUM CAPITUM.

1. *Hispaniæ nomen, situs, fertilitas, amnes, claustra, forma, salubritas.*
2. *Hispanorum mores, primus dux Viriatus.*
3. *Equarum Lusitanicarum fabula. Gallacorum origo, divitiæ, & miranda.*
4. *Habidis, Gallaciæ & finitimarum regionum principis, historia, seu fabulosa narratio, & prudens administratio. Geryonis, qui triplex fabulis dictus, regnum.*
5. *Carthaginensium imperium. Præclari eorum Duces violenta morte pereunt. Hispanus dom. & Cæsar Augustus.*

CAP. I.

Hispania, sicuti Europæ terminos claudit, ita & hujus operis finis futura est. Hanc veteres ab Ibero amne primum Iberiam, postea ab Hispano Hispaniam cognominaverunt. Hæc inter Africam & Galliam posita, Oceani freto, & Pirenæis montibus clauditur. Sicut minor utraque terra, ita utraque fertilior. Nam neque, ut Africa, violento sole torretur, neque, ut Gallia, assiduis ventis fatigatur; sed media inter utramque, hinc temperato calore, inde felici-

1. Vid. Strab. l. 3. Mel. l. 3. Plin. l. 3. Cast. l. 10. Str.

bus & tempestivis imbris, in omnia frugum genera fecunda est; adeo ut non ipsis tantum incolis, verum etiam Italiæ, ubique Romanæ, cunctarum rerum abundantiam sufficiat. Hinc enim non frumenti tantum magna copia est, verum & vini, mellis, oleique: nec ferri solum materia præcipua est, sed & equorum pernices greges: nec summa tantum terræ laudanda bona, verum & abstrusorum metallorum felices divitiæ. Jam lini, spartique vis ingens: minii certe nulla feracior terra. In hac cursus amnium non torrentes rapidique, ut noceant; sed lenes, & vineis campisque irrigui, æstuariisque Oceani affatim piscosi, plerique etiam divites auro, quod in paludibus vehunt. Uno tantum Pyrenæi montis dorso adhæret Galliæ: reliquis partibus undiq; in orbem mari cingitur. Forma terræ prope quadrata, nisi quod artantibus freti litoribus in Pyrenæum coit. Porro Pyrenæi montis spatium sexcenta millia passuum efficit. Salubritas cœli per omnem Hispaniam æqualis, quia aeris spiritus, nulla paludum gravi nebula inficitur: Huc accedunt & marinæ auræ, undique versus assidui flatus, quibus omnem provinciam penetrantibus, eventilato terrestri spiritu, præcipua hominibus sapientia redditur.

C A P. II. Corpora hominum ad inedia, laboremque; animi ad mortem parati. Dura omnibus & adstricta parcimonia. Bellum quam otium malunt; si extraneus deest, domi hostem quærunt: Sæpe tormentis pro silentio rerum creditarum immortui: adeo il-

2. Rectius balucibus. Vid. Plin. l. 33. & Hesych. in hac voce.

lis fortior taciturnitatis cura, quam vitæ.
 Celebratur etiam bello Punico servi illius patientia, qui ultus dominum inter tormenta risu exultavit, serenaque lætitia crudelitatem torquentium vicit. Velocitas genti pernix: inquires animus: plurimis militares equi, & arma, sanguine ipsorum cariora. Nullus in festos dies epularum apparatus. Aqua calida lavari, post secundum bellum Punicum à Romanis didicere. In tanta seculorum serie nullus illis dux magnus, præter Viriatum, fuit: qui annis decem, Romanos varia victoria fatigavit (adeo feris propiora, quam hominibus, ingenia gerunt) quem ipsum non iudicio populi electum, sed ut cavendi scientem, declinandorumque periculorum peritum, sequuti sunt. Cujus ea virtus continentiaque fuit, ut, cum Consulares exercitus frequenter vicerit, tantis rebus gestis non armorum, non vestis cultum, non denique victum mutaverit: sed in eo habitu, quo primum bellare cœpit, perseveraverit; ut quivis gregarius miles ipso imperatore opulentior videretur.

C A P. I. I. In Lusitanis juxta fluvium Tagum, vento equas foetus concipere multi auctores prodidere; quæ fabulæ ex equarum fecunditate, & gregum multitudine natæ sunt: qui tanti in Gallæcia & Lusitania, ac tam pernices visuntur, ut non immerito vento ipso concepti videantur. Gallæci autem Græcam sibi originem asserunt. Siquidem post finem Trojani belli, Teucrum morte A-

A. C.
1134.

1. Vid. Liv. dec. 3. l. 1. Valer. pir. dec. 6. l. 4. Diod. Sic. l. 31.
 Max. l. 3 apud Phot. cod. 244. Orosium 7.

4. Vid. Flor. l. 3. c. 17. Liv. E.

jacis

jacis fratris inuisum patri Telamoni, quum non reciperetur in regnum, Cyprum concessisse, atque ibi urbem nomine antiquæ patriæ Salaminam condidisse. Inde accepta opinione paternæ mortis, patriam repetisse. Sed quum ab Euryface Ajacis filio accessu prohiberetur, Hispaniæ litoribus appulsum, loca, ubi nunc est Carthago nova, occupasse: inde Gallæciam transisse; & positis sedibus genti nomen dedisse. Gallæciæ autem portio, Amphilocho dicuntur. Regio cum æris ac plumbi uberrima, tum & minii, quod etiam vicino flumini nomen dedit. Auro quoque ditissima, adeo ut etiam aratro frequenter glebas aureas excendant. In hujus gentis finibus sacer mons est, quem ferro violari nefas habetur: sed si quando fulgure terra proscissa est, quæ in his locis assidua res est, detectum aurum velut Dei munus colligere permittitur. Feminae res domesticas, agrorumque culturas administrant: ipsi armis, & rapinis serviunt. Præcipua his quidem ferri materia, sed aqua ipso ferro violentior: quippe temperamento ejus, ferrum acrius redditur: nec ullum apud eos telum probatur, quod non aut Bibili fluvio, aut Chalybe tingatur. Unde etiam Chalybes, fluvii hujus finitimi appellati; ferroque ceteris præstare dicuntur.

CAP. IV. Saltus vero Tartesiorum, in quibus Titanas bellum adversus Deos gessisse proditur, incolere Curetes: quorum rex vetustissimus Gargoris, mellis colligendi usum primus invenit. Huic cum ex filia stupro

nepos provenisset, pudore flagitii, variis generibus mortis extingui parvulum voluit: sed per omnes casus fortuna quadam servatus, ad postremum ad regnum tot periculorum miseratione pervenit. Primum omnium cum eum exponi jussisset, & post dies ad corpus expositi requirendum misisset, inventus est vario ferarum lacte nutritus. Deinde relatum domum, tramite angusto, per quem armenta commeare consueverant, projici jubet: crudelis prorsus qui proculcari nepotem, quam simplici morte interfici maluit. Ibi quoque cum inviolatus esset, nec alimentis egeret, canibus primo jejunis, & multorum dierum abstinentia cruciatis, mox etiam subibus objecit. Itaque cum non solum non noceretur, verum etiam quarundam uberibus aleretur: ad ultimum in Oceanum abjici jussit. Tum plane manifesto quodam numine inter furentes æstus, ac reciprocantes undas, velut nave non fluctu veheretur, leni salo in litore exponitur: nec multo post cerva affuit, quæ ubera parvulo offerret. Inde denique conversatione nutricis eximia puero perniciousitas fuit; interque cervorum greges diu montes saltusque haud inferior velocitate peragravit. Ad postremum laqueo captus, regi dono datus est. Tunc & lineamentorum similitudine, & notis corporis, quæ inuitæ parvulo fuerant, nepos agnitus. Admiratione deinde tot casuum periculorumque, a eodem successor regni destinatur. Nomen illi impositum Habidis: qui ut regnum accepit, tantæ magnitudinis fuit, ut non frustra deorum majestate tot periculis ereptus videretur: quippe barbarum popu-

lum legibus junxit; & boves primus aratro domari, frumenta que sulco quærere docuit; & ex agresti cibo mitiora vesci, odio eorum quæ ipse passus fuerat, homines coegit. Hujus casus fabulosi viderentur, nisi & Romanorum conditores lupa nutriti, & Cyrus rex Persarum cane alitus proderetur. Ab hoc & ministeria servilia populo interdicta, & plebs in septem urbes divisa. Mortuo Habide regnum per multa secula à successoribus ejus retentum est. In alia parte Hispaniæ, & quæ ex insulis constat, regnum penes Geryonem fuit. In hac, tanta pabuli lætitia est, ut nisi abstinencia interpellata sagina fuerit, pecora rumpantur. Inde denique armenta Geryonis, quæ illis temporibus solæ opes habebantur, tantæ famæ fuere, ut Herculem ex Asia prædæ magnitudine illexerint. Porru Geryonem ipsum non triplicis naturæ, ut fabulis proditur, fuisse serunt: sed tres fratres tantæ concordiæ extitisse, ut uno animo omnes regi viderentur: nec bellum Herculi sua sponte intulisse; sed cum armenta sua rapi vidissent, amissa bello repetisse.

A.C.
9310.

C A P. V. Post regna deinde Hispaniæ, primi Carthaginienses imperium provinciæ occupavere. Nam cum Gaditani à Tyro, unde & Carthaginiensibus origo est, sacra Herculis, per quietem jussi, in Hispaniam transtulissent, urbemque ibi condidissent, invidentibus incrementis novæ urbis finitimis Hispaniæ populis, ac propterea Gaditanos bello lacescentibus, auxilium consanguineis Carthaginienses misere. Ibi felici expediti-

one & Gaditanos ab injuria vindicaverunt, & majorem partem provinciæ imperio suo adjecerunt. ^{A. C. 350.} Postea quoque hortantibus primæ expeditionis auspiciis, Hamilcarem imperatorem cum magna manu ad occupandam provinciam misere: qui magnis rebus gestis, dum fortunam inconsultius sequitur, in insidiis ductus, occiditur. ^{A. C. 347.} In hujus locum gener ipse Hadrubal mittitur; qui & ipse a servo Hispani cujusdam, ulciscente domini injustam necem, interfectus est. ^{A. C. 325.} Major utroque Annibal imperator, Hamilcaris filius succedit. ^{A. C. 219.} Siquidem utriusque res gestas supergressus, universam Hispaniam domuit: inde Romanis illato bello, Italiam per annos sexdecim variis cladibus fatigavit: cum interea ^{A. C. 218.} Romani missis in Hispaniam Scipionibus, primo Pœnos provincia expulerunt: postea ^{A. C. 211.} cum ipsis Hispanis gravia bella gesserunt. ^{A. C. 206.} Nec prius, perdomita provincia, jugum Hispani accipere potuerunt, quam Cæsar Augustus perdomito Orbe, victricia ad eos arma transtulit, ^{A. C. 19.} populumque barbarum ac ferum, ^{& 19.} legibus ad cultiorem vitæ usum traductum, in formam provinciæ redegit.

7. Vid. Corn. Nep. in Hamilc. Po. lib. 1. c. 11. Liv. dec. 3. l. 1.
 19. 1. c. 1. 15. 8. Perdomita provincia, restius 8.
 8. Vid. Corn. Nep. in Hannib. Po. mittenda, Vid. Dion. Cass.

FINIS.

9 DE 63

